

হুমায়ূন আহমেদ

# মুজিববাবুদের উপনিবেশ সমগ্র



মুক্তিযুদ্ধের উপন্যাস সমগ্র  
হুমায়ূন আহমেদ



মাওলা ব্রাদার্স ॥ ঢাকা

উৎসর্গ  
কাদের সিদ্দিকী  
বীর উত্তম

## প্রসঙ্গ কথা

তখন আমার বয়স মাত্র তেইশ।

আবেগ ও কল্পনায় হৃদয় টইটুধুর। বেঁচে থাকাটাই যেন পরম সুখের ব্যাপার। সব কিছুই ভাল লাগে। আকাশের দিকে তাকালে মনে হয় আজকের আকাশটা যেন অন্যদিনের চেয়ে বেশী নীল। গাছের দিকে তাকালে মনে হয় গাছের পাতা এত সবুজ হয় কেন? কারণ ছাড়াই আনন্দে চোখ ভিজে ওঠে। সারাঙ্ক্ষণ মনে হয় পৃথিবীতে এত সুখ কেন?

ঠিক তখন শুক হল উনসত্তরের গণ আন্দোলন। বাঁচা মরার যুদ্ধ। ভাবুক কল্পনাবিলাসী একটি যুবকের ধরাবাঁধা জীবন ভেঙে টুকরো টুকরো হয়ে গেল। কি ভয়াবহ অভিজ্ঞতা! ভাই বোন এবং মা'কে নিয়ে পালিয়ে আছি বরিশালের এক গ্রামে। আশেপাশের গ্রামগুলি পাকিস্তানী সেনারা জ্বালিয়ে দিচ্ছে। যে কোন মুহূর্তে এই গ্রামেও আসতে পারে। কি নিদারুণ আতংক! জীবনানন্দের নদী দিয়ে ভেসে যেত মানুষের লাশ। সারাঙ্ক্ষণ মনে হত আমি নিশ্চয়ই কোন একটা কুৎসিত স্বপ্ন দেখছি। এই দুঃস্বপ্ন কেটে যাবে। দেখব সব আগের মতই আছে। দুঃস্বপ্ন কিন্তু কাটে না। দীর্ঘ দিবস, দীর্ঘ রজনী জগদ্দল পাথর হয়ে বুকের উপর চেপে থাকে।

একদিন খবর এল আমার ভালমানুষ বাবাকে মিলিটারিরা মেরে ফেলেছে। এই খবর পাওয়ামাত্র গ্রামের লোকজন আমাদের বাড়ি থেকে বের করে দিল। আমাদের **কায়দে** মিলিটারির কোপানলে তারা পড়তে রাজি নয়। রাতের অন্ধকারে সবাইকে নিয়ে নৌকায় উঠেছি। কোথায় যাব কিছুই জানি না। আহ! কি কষ্ট, কি কষ্ট!

বরিশাল থেকে কি ভাবে আমার মাতামহের বাড়ি ময়মনসিংহের মোহনগঞ্জে পৌঁছলাম সেই গল্প যন্ত্রণার গল্প। পৌঁছে দেখি সেখানেও একই অবস্থা। মিলিটারিরা খাঁটি বসিয়েছে, ধরে নিয়ে যাচ্ছে যুবক ছেলেদের। বাঁচার এক মাত্র উপায় মুক্তি বাহিনীতে যোগ দেয়া। আমি ভীতু ধরনের মানুষ। পারিবারিক বিপর্যয় আমার মনোবলও টুকরো টুকরো করে দিয়েছে। কাজেই মুক্তি বাহিনীতে

যোগ না দিয়ে ছোট ভাইকে নিয়ে চলে এলাম ঢাকায়, কারণ তখন ঢাকা মোটামুটি নিরাপদ এরকম কথা শোনা যাচ্ছে। পাকিস্তান সরকার নাকি চেষ্টা করছে রাজধানীকে স্বাভাবিক দেখাতে।

চেনা ঢাকা নগরী তখন অচেনা। রাস্তায় হাঁটতেও ভয় ভয় লাগে। এই বুঝি ধরে নিয়ে গেল। উঠলাম মহসিন হলে। অল্পকিছু ছাত্র সেখানে আছে। বিশ্ববিদ্যালয় খুলে দেয়া হয়েছে। আমার কাছে জায়গাটা বেশ নিরাপদ মনে হল।

যখন ভয় একটু কমেছে রাতে ঘুমুতে পারি, বার বার ঘুম ভাঙে না ঠিক তখন মিলিটারিরা আমাকে এবং চার জন ছাত্রকে ধরে নিয়ে গেল। স্থান হল বন্দিশিবিরে।

মুক্তিযুদ্ধকে আমি দেখেছি যুবকের চোখে, এবং দেখেছি খুব কাছে থেকে। জীবন এবং মৃত্যুকে এত ঘনিষ্ঠভাবে কখনো দেখব ভাবি নি। কত বিচিত্র আবেগ, কত বিচিত্র অনুভূতি! অথচ লেখালেখি শুরু করবার পর অবাক হয়ে লক্ষ্য করলাম এই সব আবেগ ও অনুভূতি আমার লেখায় আসছে না। যেন মুক্তিযুদ্ধ আমার আড়ালে ঘটে গেছে! মুক্তিযুদ্ধ বিষয়ক আমার প্রথম লেখাটি লেখা হয় মুক্তিযুদ্ধের চার বছর পর। নাম শ্যামল ছায়া। একটি ছোট গল্প যা বাংলা একাডেমী-পত্রিকা উত্তরাধিকারে প্রকাশিত হয়। তার প্রায় এক বৎসর পরে শ্যামল ছায়া নামে একটি উপন্যাস লিখি। একদল মুক্তিযোদ্ধা একটা থানা আক্রমণ করবার জন্যে যাচ্ছে। এই হচ্ছে উপন্যাসের বিষয়। এক রাতের কাহিনী। উপন্যাস হিসেবে হয়তবা উৎরে যায় কিন্তু আমার মন ভরল না। মনে হল আমি পারছি না। স্বাধীনতা যুদ্ধের মত বিশাল ব্যাপার ধরবার মত ক্ষমতাই হয়তবা আমার নেই। মন খারাপ হয়ে গেল। অনেকবার চেষ্টা করলাম মুক্তিযুদ্ধ নিয়ে লিখতে — পারলাম না। কেন পারছি না সেও এক রহস্য। দশ বছর পর লিখলাম 'সৌরভ' — মুক্তিযুদ্ধের সময়কার ঢাকা নগরীর মানুষদের জীবনচর্যার গল্প। আমার কাছে মনে হল অবরুদ্ধ ঢাকা নগরীর কিছুটা সৌরভে ধরা পড়েছে। খানিকটা আত্মবিশ্বাস ফিরে এল। লেখা হল ১৯৭১, আগুনের পরশমণি, সূর্যের দিন। মুক্তিযুদ্ধের বিশালতা এই সব লেখায় ধরা পড়েছে এমন দাবী আমার নেই। দাবী এইটুকুই — আমি গভীর ভালবাসায় সেই সময়ের কিছু ছবি ধরতে চেষ্টা করেছি। কতটুকু পেয়েছি তার বিচারের ভার আজকের এবং আগামীদিনের পাঠকদের উপর।

'মাওলা ব্রাদার্স' আমার মুক্তিযুদ্ধের উপন্যাসগুলি একত্র করেছেন, তাঁদের ধন্যবাদ।

২ ফেব্রুয়ারী ১৯৮৯

শহীদুল্লাহ হল

ঢাকা বিশ্ববিদ্যালয় ঢাকা

হুমায়ূন আহমেদ

## সূচীপত্র

<input type="checkbox"/> শ্যামল ছায়া	.....৯
<input type="checkbox"/> নির্বাসন	.....৫১
<input type="checkbox"/> ১৯৭১	.....৯২
<input type="checkbox"/> সৌরভ	.....১৫৭
<input type="checkbox"/> আগুনের পরশমণি	.....২৩৫
<input type="checkbox"/> সূর্যের দিন	.....৩৩১

## শ্যামল ছায়া



### আবু জাফর শামসুদ্দীন

নৌকা ছাড়তেই ঝুপ ঝুপ করে রুশ্টি পড়তে লাগলো।

এ অঞ্চলে রুশ্টি বাদলার কিছু ঠিক নেই। কখন যে হড়মুড়িয়ে রুশ্টি নামবে আবার কখন যে সব মেঘ কেটে গিয়ে আকাশ ঝঝঝে হয়ে উঠবে কেউ বলতে পারেনা।

আমি নৌকার ভেতরে কুণ্ডলী পাকিয়ে শুয়ে পড়লাম। বেশ শীত করছে। ঠাণ্ডা বাতাসে গায়ে কাঁপন লাগে। নৌকা চলছে মস্তুর গতিতে। হাসান আলী নির্বিকার ভঙ্গিতে দাঁড় টানছে। এত বড় নৌকা কি জন্যে নিয়েছে কে বলবে। পানশির মত আকৃতি। দাঁড় টেনে একে নিয়ে যাওয়া কি সোজা কথা?

এখন বাজছে নটা। রাত দুটোর আগে রামদিয়া পৌঁছানো এ নৌকার কর্ম নয়। গুন টেনে নিয়ে গেলে হয়ত হবে। কিন্তু গুনটা টানবে কে? আমি নেই এর মধ্যে, রুশ্টিতে ভিজে গুনের দড়ি নিয়ে দৌড়ানো আমাকে দিয়ে হবে না। সাফ কথা।

রুশ্টি দেখছি ক্রমেই বাড়ছে। বিলের মধ্যখানে রুশ্টির শব্দটা এমন অদ্ভুত লাগে। কেমন যেন মন খারাপ হয়ে যায়। মাঝে মাঝে আবার বাতাসে 'হঅ' 'হঅ' আওয়াজ উঠছে। প্যাঁচা ডাকার মত। ভয় ধরে যায় শব্দ শুনে। ছেলেবেলায় একবার এ-রকম শব্দ শুনে এমন ভয় পেয়েছিলাম। মানসাপোতার বিলে মাঝি দিক ভুল করেছে। চারদিকে সীমাহীন জল। বড়রা সবাই ভয় পেয়ে চোঁচামেচি করেছে। তাদের

হেঁচৈএ ঘুম ভেঙ্গে শুনেছি সেই বিচিত্র 'হল' 'হঅ' আওয়াজ। আজও সেই শব্দে ভয় ধরলো। কে জানে কেন। আমি কি কোন অমঙ্গলের আশঙ্কা করছি?

কুট কুট করে মশার কামড় খাচ্ছে। এই বিলের মধ্যে আবার মশা কোথেকে আসে? হাত পা আর মুখে অল্প কিছু কেরোসিন তেল মেখে নিলে হত। সবাই দেখি তাই করে। হুমায়ূন ভাইও করেন। মশার উৎপাত থেকে বাঁচা যায় তাহলে। কেরোসিন মাখতে ইচ্ছে হয়না আমার। কি জানি বাবা চামড়ার কোন ক্ষতিই করে কিনা। হয়ত গাল টাল বলসে কয়লা হয়ে পড়বে। এর চেয়ে মশার কামড় অনেক ভাল। হানড্রেড টাইম্‌স বেটার।

হুমায়ূন ভাইও দেখি আমার পাশে লম্বা হয়ে শুয়ে পড়েছেন। তাঁর ধারণা আমি ঘুমিয়ে রয়েছে। মাথায় নীচ থেকে নিঃশব্দে বালিশটা নিয়ে নিলেন। বেশ লোক যা হোক। মজিদ বা আনিচা বলে আমি গদাম করে একটা ঘুমি মারতাম। পরিষ্কার একটা হাতের কাঁজ দেখতে পেত। চালাকি পেয়েছ না? বালিশ ছাড়া আমি শুয়ে থাকতে পারিনা। অনেকেই দেখি মাথার নীচে কিছু নেই কিন্তু কেমন হোস ভোস করে নাক ডাকায়। আমি পারি না।

রুগ্ণিটরতো বড় বাড়াবাড়ি দেখছি। ঝড়টির আসলে বিপদ। সাঁতার যা জানি তাতে তিন মিনিটের মধ্যে ভেসে থাকা যাবে না। নৌকা ডুবলে মার্বেলের গুলির মত তলিয়ে যাওয়া ছাড়া গতি নেই। অবশ্যি সেটাও খুব একটা মন্দ ব্যাপার হবে না। ওমা হাসি আসছে কি জন্যে বা। সবাইকে চমকে দিয়ে হেসে উঠব নাকি?

হুমায়ূন ভাই দেখি উঠে বসেছেন। মশা কামড়াচ্ছে বোধ হয়। কিংবা কোন কারণে ভয় লাগছে। ভয় পেলেই এ রকম অস্থিরতা আসে। মজিদ বললো—

: কি হুমায়ূন ভাই ঘুম হল না?

: এই ঝড় রুগ্ণিটে ঘুম আসে নাকি? তাছাড়া টেনসনের সময় আমার ঘুম হয় না।

: এক দফা চা খেলে কেমন হয়? বানাবো নাকি?

: বাতাসের মধ্যে চুলা ধরাবে কি করে?

: হাসান মিয়া ধরাতে পারবে। ও হাসা, লগি মেরে নৌকা দাঁড় করাও গো। চা না খেলে জুত হচ্ছে না। এহে ভুমিতো ভিজি একেবারে আলুর দম হয়ে গেছ হাসান আলী।

ভিজি আলুর দম হয়ে যাওয়াটা আবার কি রকম। এ-রকম উল্টা-পাল্টা কথা শুধু মজিদই বলতে পারে। একদিন আমাকে এসে বলছে “জাফর যা পরিশ্রম করেছি একেবারে টমেটো হয়ে গেছি।” পরিশ্রমের সঙ্গে টমেটোর কি সম্পর্ক কে জানে।

নৌকা খুঁটি গেড়ে বসে আছে। এতক্ষণে তাও নৌকার দুলুনিতে বেশ একটা ঝিমুনির মত এসেছিল, সেটুকুও গেছে। ঘন ঘন চা খেয়ে কি আরাম যে পায় লোকে কে জানে। আনিস দেখি আবার সিগারেটও ধরিয়েছে। নতুন খাওয়া শিখেছে তো তাই যখন তখন সিগারেট ধরানো চাই। আবার ধোঁয়া ছাড়ার কত রকম কায়দা। নাক মুখ দিয়ে হাসি লাগে দেখে। মজিদ বললো—

: আনিস, আমকে একটা ট্রাফিক পুলিশ দাও দেখি। আরে বাবা সিগারেটের কথা বলছি।

: বুঝছি বুঝছি, তোমার এইসব চং ছাড় দেখি।  
রুগ্ণির বেগ মনে হয় একটু কমেছে। হ্যাঁ হ্যাঁ করে বাতাস বইছে  
ঠিকই। মজিদ বললো—

: জাফর মরার মত ঘুমুচ্ছে, দেখেছেন হুমায়ূন ভাই?

: হেঁটে অভ্যেস নেইতো, টায়ার কমা পড়েছে।

: টায়ার না হাতী। জাফর হচ্ছে কুস্তকর্ণের ভাতিজা। হেভী ফাইটিং-এর সময়ও দেখেবন ফিটিনগানের উপর মাথা রেখে ঘুমুচ্ছে।

সবাই হেসে উঠল হ্যাঁ হ্যাঁ করে। আমার বেশ মজা লাগছে। আনিস বললো, “এক কাজ করি, জাফরের কানের কাছে মুখ নিয়ে মিলিটারী মিলিটারী বলে চিৎকার করে উঠি। দেখি জাফর কি করে।” মজিদ বললো—“দাঁড়া চায়ের পানি ফুটুক তারপর।”

ওদের কথাবার্তা এমন ছেলেমানুষী। হাসি লাগে আমার। কি মনে করেছে ওরা। ‘মিলিটারী মিলিটারী’ শুনে আতঙ্কে দিশাহারা হয়ে আমি পানিতে ঝাঁপিয়ে পড়ব না কি? সরি, এতটা ভয় আমার নেই। আচমকা শুনে একটু দিশাহারা হব হয়ত, এর বেশী না। সোনাভলায় একবার মিলিটারীর সামনে পড়ে গেলাম না? আমি আর সতীশ ধানক্ষেতে রাইফেল লুকিয়ে একটু এগিয়েছি, গুলি মুখোমুখি। ভাগ্য ভাল দলের আর কেউ ছিলনা আমাদের সঙ্গে। আট দশটা জোয়ান ছেলে একসঙ্গে দেখলে কি আর রক্ষা ছিল? দুজন ছিলাম বলেই বেঁচেছি। সতীশ অবশ্যি দারুণ ভয় পেয়েছিল, নারকেলের পাতার মত কাঁপতে শুরু করেছে। আমি নিজেও হকচকিয়ে গিয়েছি। ছজন মিলিটারী ছিল সব মিলিয়ে,

যেমন চেহারা তেমন স্বাস্থ্য। তারা জানতে চাইল, কোন বাড়ীতে কটি ডাব পাওয়া যাবে। আমরা ওদের খাতির করে আজীজ মল্লিকের বাড়ী নিয়ে গেলাম। সতীশ গাছে উঠে কাঁদি কাঁদি ডাব পেড়ে নামালো। তারা মহাখুশী। একটাকার একটা নোট দলা পাকিয়ে ছুঁড়ে দিল সতীশের দিকে। সতীশ সেই নোট হাতে নিয়ে বত্রিশ দাঁতে হেসে ফেললো—যেন সাত রাজার ধন হাতে পেয়েছে।

প্ল্যান করেছিলাম রাতের অন্ধকারে এক হাত নেব। কিন্তু ওরা সন্ধ্যা পর্যন্ত থাকলো না। দুপুরের রোদ একটু কমতেই রওনা হয়ে গেল।

রুশ্টি বোধ করি একেবারেই থেমে গেল। চা বানানো হচ্ছে শুনছি। ওদের ‘মিলিটারী মিলিটারী’ বলে চৌচিয়ে ওঠার আগেই উঠে পড়ব কিনা ভাবছি, তখনি অনেক দূরে কোথায় ‘হই হই’ শব্দ পাওয়া গেল। নিমিষের মধ্যে আমাদের নৌকার সাড়া-শব্দ বন্ধ। চায়ের পানি ফোটার বিজ বিজ আওয়াজ ছাড়া অন্য কোন আওয়াজ নেই। হাসান বললো— ‘নৌকা আসতাকে!’ একটা শীতল স্নোত বয়ে গেল শরীরে। ধক করে উঠলো বুক।

কিসের নৌকা কাদের নৌকা কে জানি? মিলিটারীর অবাণী স্পীড বোট ছাড়া নড়াচড়া করে না। তা ছাড়া রাতের বেলা তারা ঘাঁটি ছেড়ে খুব প্রয়োজন ছাড়া নড়েনা। বরং ‘রাজাকারের’ উপদ্রব বেড়েছে। তাদের আসল উদ্দেশ্য বুঝিয়ে দিইনি। এই পথে শরণার্থীদের নৌকা মেঘালায়ের দিকে যায়। সব নৌকায় হামলা করলে টাকা-পয়সা গয়না-টয়না পাওয়া যায়। মাঝে মাঝে অল্পবয়সী স্ত্রী মেয়েও পাওয়া যায়। দূরের নৌকা দেখলাম স্পষ্ট হয়েছে। সেখান থেকে ভয় পাওয়া গলায় কে যেন হাঁক ছিল—

: কার নৌকা গো ?

আমাদের নৌকা থেকে মজিদ চৌচিয়ে বললো—

: তোমার কার নৌকা ?

: ব্যাপারীর নৌকা। মাছ যায়।

শুনে পেটের মধ্যে হাসির বৃদ্ধবৃদ্ধি ওঠে। ব্যাপারী মাছের চালান দেয়ার আর সময় পেল না। আর মাছ নিয়ে যাচ্ছে এমন জায়গায় যেখানে দেড় টাকায় একটা মাঝারি সাইজের ‘রুই’ পাওয়া যায়। ছমাছন ডাইয়ের গভীর গলা শোনা গেল—

: ঐ যে মাছের ব্যাপারী, নৌকা আন এদিকে।

কি আশ্চর্য, এই কথাতেই নৌকার ভেতর থেকে বহুকন্ঠের কান্না শুরু হয়ে গেল। ছোট ছোট ছেলেমেয়ের গলার আওয়াজও আছে। এই বাচ্চাগুলি এতক্ষণ কি করে চুপ করে ছিল তাই ভাবি। নৌকার ভেতর থেকে বাইরে এসে দাঁড়ানাম। মজিদ বললো—

ঃ ভয় নাই ব্যাপারী; নৌকা কাছে আন।

ঃ আপনারা কি করেন?

ঃ ভয় নাই, আমরা মুক্তি বাহিনীর লোক। আসো এদিনে, কিছু খবর নেই।

“মুক্তি বাহিনী, মুক্তি বাহিনী!” আনন্দের একটা হল্লা উঠলো নৌকা দুটিতে। অনেক কৌতূহলী মুখ উঁকি মারল। এরা হয়ত আগে কখনো মুক্তি বাহিনী দেখেনি, শুধু নাম শুনেছে। মেঘ কেটে গিয়ে আকাশে চাঁদ উঠেছে। চাঁদের আলোয় কৌতূহলী মুখগুলি দেখতে ভাল লাগে।

ঃ নমস্কার গো বাবা সকল। আমার নাম হরিপাল। কাসুন্দিয়ার জগৎপালের নাম তো জানেন। আমি জগৎপালের ছোট ভাই। আমার আর জ্যাঠার পরিবার আছে এই নৌকায়। আমি একুশ জন।

হরিপাল লোকটা বক্যবাগীশ। কথা বলতে যেতে লাগলো। দেখতে পাচ্ছি তার ঘন ঘন তৃপ্তির নিঃশ্বাস শুভ্রছে। নৌকার ভেতরের ছেলেমেয়েগুলির কৌতূহলের সীমা নেই। ক্রমাগত উঁকি ঝুঁকি দিচ্ছে। এদের মধ্যে একটি মেয়ের দেহে এমন মনকাড়া যে চোখ ফেরানো যায় না। আমি বললাম,

ঃ ও খুকী, কি নাম তোমার?

খুকী জবাব দেবার আগেই হরিপাল বললো—“এর ডাক নাম মালতী। ভাল নাম সরোজিনী। আর এর বড় যে তার নাম লক্ষ্মী। ভাল নাম কমলা। ও মালতী বাবুরে নমস্কার দে।” মালতী ফিক করে হেসে ফেললো। হরিপালকে চা খেতে দেওয়া হল এক কাপ। এত তৃপ্ত করে সে বোধ হয় বহুদিন চা খায়নি। খাওয়া শেষে ভোঁস ভোঁস করে কেঁদে ফেললো। তাদের কাছে আমাদের একটি মাত্র জিজ্ঞাস্য ছিল— শিয়ালজানী খালে কোন নৌকা বাঁধা দেখেছে কিনা। আমাদের একটি দল সেখানে থাকার কথা। কিন্তু হরিপাল বা হরিপালের মাঝি কেউই সে কথা বলতে পারলনা।

হাসান আলী নৌকা ছেড়ে দিল। ক্যাঁচ ক্যাঁচ শব্দে দাঁড় পড়ছে। হরিপালদের নৌকাকে পেছনে ফেলে এগুচ্ছি, হঠাৎ শুনলাম ইনিয়ো বিনিয়ে সে নৌকা থেকে কে একটি মেয়ে কাঁদছে। হয়ত তার স্বামী নিখোঁজ হয়েছে, হয়ত তার ছেলেটিকে বেঁধে নিয়ে গেছে রাজাকাররা।

নিস্তব্ধ দিগন্ত বিস্তৃত জলরাশি, আকাশে পরিষ্কার চাঁদ, এ সবেৰ সঙ্গে এই  
করুণ কান্না কিছুতেই মেলানো যায় না। শুধু শুধু মন খারাপ হয়ে  
যায়।

এগারোটা বেজে গেছে। দুটোর আগে রামদিয়া পৌঁছানো অসম্ভব  
বলেই মনে হচ্ছে। অবশ্যি তা নিয়ে কাউকে খুব চিন্তিতও মনে হচ্ছে না।  
আনিস দেখি আরেকটা সিগারেট ধরিয়েছে। মজিদ লম্বা হয়ে শুয়ে  
পড়েছে। হাসান আলী নির্বিচার ভঙ্গিতে দাঁড় টানছে। আমি বললাম—

ঃ হাসান আলী দুটোর মধ্যে পৌঁছতে পারবেতো ?

হাসান আলী জবাব দিল না। বিশ্রী স্বভাব তার। কিছু জিজ্ঞেস  
করলে ভান করবে যেন শুনে পায়নি। যখন মনে করবে জবাব দেয়া  
প্রয়োজন তখনই জবাব দেবে, তার আগে নয়। আমি আবার বললাম—

ঃ কি মনে হয় হাসান আলী, দুটোর মধ্যে রামদিয়া পৌঁছবে ?

কোন সাড়াশব্দ নেই। এই জাতীয় লোক নিয়ে চলাফেরা করা  
মুশকিল। আমি তো সহ্যও করতে পারিনা। আবু ভাই মাঝে ইচ্ছে হয়  
দিই রাইফেলের বাঁট দিয়ে মাথায় এক বাতি বারামজাদা ছোটলোক।  
কিন্তু রাগ সামান্যে হয়। কারণ লোকটা দারুণ কাজের! এ অঞ্চলটা  
তার নখদর্পণে। নিকষ অন্ধকারে মাঝে মাঝে আমাদের এত সহজে  
এক জায়গা থেকে অন্য জায়গায় নিয়ে গিয়েছে যে মনে হয়েছে ব্যাটা  
বেড়ালের মত অন্ধকারেও দেখতে পায়। খাটিতে পারে যন্ত্রের মত।  
সারারাত নৌকা চালিয়ে কিছুমাত্র ক্লান্ত না হয়ে বিশ গ্রিশ মাইল হেঁটে  
মেরে দিতে পারে। আবু ভাই, হাসান আলীর কথা উঠলেই বলতেন  
'দি জয়েন্ট।'

কিন্তু এই এক দোষ, মুখ খুলবে না। কিছু জিজ্ঞেস করলে শূন্য  
দৃষ্টিতে কিছুক্ষণ তাকিয়ে আবার নিজের কাজ করে যাবে। প্রথম প্রথম  
মনে হত হয়ত কানে কম শোনে। ও আল্লা, শেষে দেখি এক মাইল দূরের  
ঝাঁঝি পোকার ডাকটিও বুঝি তার কান এড়ায় না। কুড়ালখালির কাছে  
একবার আমাদের সমস্ত দলটি নৌকায় বসে। আবু ভাই সে সময়  
বঁচে। তিনি এক নেংটো বাবার গল্প করছেন, আমরা সবাই হো হো  
করে হাসছি, এমন সময় হাসান আলী বললো—

ঃ লঞ্চ আসতাকে, উঠেন সবাই পাড়ে উঠেন।

আমরা কান পেতে আছি। কোথায় কি—বাতাসের হস হস শব্দ  
ছাড়া কোন শব্দ নেই। আনিস বললো—যত সব বোগাস, তারপর কি  
হল আবু ভাই? আবু ভাই বললেন,

: গল্প পরে হবে, এখন উঠে পড় দেখি, হাসান আলী যখন শব্দ শুনেছে তখন আর ভুল নেই।

সেবার সত্যি সত্যি দুটি স্পীড বোট বাজারে এসে ভিড়েছিল। হাসান আলীর কথা না শুনে গোটা দলটা মারা পড়তাম।

আমার অবশ্যি সে রকম মৃত্যুভয় নেই। তবু কে আর বেঘোরে মরতে চায়? আমাদের মধ্যে মজিদ-এর ভয়টাই বোধ হয় সবচে বেশী। কোন অপারেশনে যাওয়ার আগে কোরআন শরীফ চুমু খাওয়া, নফল নামাজ পড়া, ডান পা আগে ফেলা—একশো পদের ক্যাকরা। গলায় ছোট খাট চোলের আকারের এক তাবিজ। কোন পীর সাহেবের দেয়া যা সঙ্গে থাকলে অপঘাতে মরবার বিন্দুমাত্র আশঙ্কাও নেই। ভাবলেই হাসি পায়।

এ রকম ছেলে দলে নেয়া ঠিক নয়। এতে অন্যদের মনের বল কমে যায়। তবে হ্যাঁ, আমি একশোবার স্বীকার করি অপারেশন যখন শুরু হয় তখন মজিদের মাথা থাকে সবচে ঠান্ডা। একখণ্ডের বেতাল নেই। আর 'এইম' পেয়েছে কি! তিনটি গুলির মধ্যে তার দুটি গুলি যে টার্গেটে লাগবে এ নিয়ে আমি হাজার টাকার বাজী রাখতে পারি। আমাদের ট্রেনিং দেওয়াতেন ইণ্ট বেঙ্গল রেজিমেন্টের সুবেদার সুরুজ মিয়া। আমরা ডাক্তারাম বুড্ডা ওস্তাদ। বুড্ডা একদিন প্রায়ই বলতেন—“মজিদ ভাইয়ের হাত সোনা দিয়ে বাঁধিয়ে দেব, জিজ্ঞাসা করি হাত কি নিসানা, জিতা রহ”।

মজিদের মত ছেলের পুত্রটা ভয় থাকা কি ঠিক? মজিদ যদি এ রকম ভয় পায় তো ত্রিগুন কি করি? এক রাত্রে ঘুম ভেঙে দেখি সে হাউ মাউ করে কাঁদছে আমি হতভম্ব। জিজ্ঞেস করলাম—

: কি হয়েছে মজিদ?

: কিছু হয় নাই।

খুব করে চেপে ধরায় বললো—সে স্বপ্নে দেখেছে এক বুড়ো লোক এসে তাকে বলছে “আব্দুল মজিদ তোমার গলায় কি গুলি লেগেছে?” এতেই কান্না। শুনে এমন রাগ ধরলো আমার। ছিঃ ছিঃ একি ছেলেমানুষী ব্যাপার। আমি অবশ্যি কাঁটকে বলিনি।

পরবর্তী এক সপ্তাহ সে কোথাও বেরলো না। হেন তেন কত অজুহাত। আসল কারণ জানি শুধু আমি। কত বোঝালাম—স্বপ্নতো আর কিছুই নয়, অবচেতন মনের চিন্তাই স্বপ্ন হয়ে দেখা দেয়। কিন্তু মজিদের এক কথা—তার সব স্বপ্ন নাকি ফলে যায়। একবার নাকি সে স্বপ্নে দেখেছিল তার ছোট বোন পানি পানি করে চিৎকার করছে

আর সেই বোনটি নাকি কদিন পরই এক্সিডেন্টে মারা গেছে। মরবার সময় 'পামি পামি' করে অবিকল যেমন স্বপ্নে দেখেছিল তেমনি ভঙ্গিতে চোঁচিয়েছে। কি অদ্ভুত মুক্তি।

মৃত্যুর জন্যে ভয় পাওয়াটা একটি ছেলেমানুষী ব্যাপার নয় কি? আমার তাই মনে হয়। যখন সত্যি সত্যি মৃত্যু তার শীতল হাত বাড়াবে তখন কি করব জানি না, তবে খুব যে একট বিচলিত হব তাও মনে হয় না।

তা ছাড়া আমার মৃত্যুতে কারো কিছু আসবে যাবে না। আমার জন্যে শোক করবার মত প্রিয়জন কেউ নেই। আত্মীয়স্বজনরা চোখের পানি ফেরাবে, চোঁচিয়ে কাঁদবে, বন্ধু বান্ধবরা মুখ কালো করে ঘুরে বেড়াবে, তবেই না মরে সুখ।

শুনেছি বিনোতে নাকি অনেক ধনী বুড়োবুড়ি বিশেষ এক সংস্থার কাছে টাকা রেখে যায়। এইসব বুড়োবুড়ির বেশির আত্মীয়স্বজন নেই। সেই বিশেষ সংস্থাটি বুড়োবুড়ির মৃত্যুর পর সেই টাকা ভাড়া করে আনে। ভাড়া করা সেই লোকগুলি গলা ফাটিয়ে বুড়োবুড়ির জন্যে কাঁদে। অদ্ভুত ব্যবস্থা। সত্যি এ রকম কিছু আছে, না শুধুই গালগল্প। আমাদের দেশে এ রকম থাকলে আমিও আগেভাগেই লোক ভাড়া করে আনতাম। তারা সুর করে কাঁদতে বসত—“ও জাফর জাফররে তুমি কোথায় গেলারে” এই কথা মনে উঠতেই দেখি হাসি পাচ্ছে। আমি শশব্দে হেসে উঠলাম। আনিস বললো।

ঃ কি হয়েছে এত হাসি—

ঃ এশ্নি হাসি

হঠাৎ হাসান আলী ভয় পাওয়া গলায় বললো—

ঃ লঙ্কের আওয়াজ আসে।

আমার বুক ধক করে উঠলো। তার মানে হচ্ছে আমিও ভয় পাচ্ছি। সেই ভয় যা যুক্তি তর্ক মানে না, হঠাৎ করে এসে আমাদের অভিভূত করে ফেলে। হুমায়ূন ডাই বললেন—

ঃ নৌকা জেড়াও হাসান জানী।

ছপ ছপ শব্দে দাঁড় পড়ছে। আনিস এবং মজিদ দুজনেই দুটি বৈঠা তুলে নিয়েছে। আমরা এখনো লঙ্কের শব্দ শুনিনি, তবে হাসান আলী যখন শুনেছে তখন আর ভুল নেই।

সাদাশব্দ শুনে মজিদের ঘুম ভেঙে গিয়েছিল। সে হকচকিয়ে বললো—

: কি হয়েছে ?

আমি বললাম—

: মজিদ তোমার স্বপ্নের সাহেব আসছেন, উঠে বস।

: কে স্বপ্নের, কার কথা বলছ ?

হুমায়ূন ভাই বিরক্ত হয়ে বললেন—

: তামাশা রাখ জাফর। হাসান আলী এখনো শুনতে পাচ্ছ ?

হাসান আলী অনেকক্ষণ চুপ করে রইল, তারপর হাসি মুখে বললো—

: না আর শব্দ পাই না।

খবর পাওয়া গেছে এই অঞ্চলে কিছুদিন ধরেই একটি স্পীড বোট ঘুরে বেড়াচ্ছে। বর্ষার পানিতে খালবিলগুলি যেই একটু ভরাত হয়েছে ওশিন নামিয়েছে স্পীড বোট। নৌকা করে আমাদের আরো এগিয়ে যাওয়া ঠিক হবে কি না বুঝতে পারছি না। অবশ্যি রামদিয়া পর্যন্ত কি ভাবে যাব তা ঠিক করবে হাসান আলী। আমাদের রাত দুটোর আগে রামদিয়া পৌঁছে দেয়ার দায়িত্ব হচ্ছে তার। হাসান আলী বললো—

: হাঁটা পথে যাওন লাগবে। অল্প কিছু পয়সা কাদা আছে কিন্তু উপায় আর কি ?

মজিদ বললো—

: কয় মাইল পথ ?

: আট নয় মাইল।

: আমার শেয়ালের মত পক্ষে লেগেছে, হাঁটা মুশকিল।

আনিস বললো—

: শেয়ালের মত পক্ষেটা কি রকম জিনিস ?

: অর্থাৎ মুগী খেতে ইচ্ছে হচ্ছে।

মজিদ হো হো করে হেসে ফেললো।

নৌকা থেকে বেরিয়ে এসে দেখি চাঁদ ডুবে গেছে। কিন্তু খুব পরিষ্কার আকাশ। অসংখ্য তারা ঝিকমিক করছে। নক্ষত্রের আলোয় আবছা ভাবে সব নজরে আসে। আনিস বললো—

: দশ মাইল হাঁটা সহজ কর্ম না। হুমায়ূন ভাই অনুমতি দিলে আরেক দফা চা হোক। কি বলেন ?

: বেশতো চা চড়াও।

: হাসান আলী, আদা আছে তোমার কাছে ? একটু আদা চা হোক, গলাটা খুস খুস করছে। জাফর তুমিও খাবে নাকি হাফ কাপ ?

: না, চা খেলে ঘুম হয়না আমার।

ঃ ঘুমুবার অবসরটা পাচ্ছ কই ?

ঘুমুবার অবসর সত্যি নেই। তবু অভ্যেসটাতো আছে। হুমায়ূন ভাই দেখি নৌকার ছাদে উঠে বসেছে। গুন গুন করছে নিজ মনে। কোন গানটা টিউন করছেন কে জানে। ঠিক ধরতে পারছি না। আহ চমৎকার লাগছে। আড়াল থেকে গুনতে বেশ লাগে। অনুরোধ করতে গেলেই সেরেছে। গাইবেন না কিছুতেই। তাঁর কাছ থেকে গান শোনবার সবচে ভাল উপায় হচ্ছে এমন একটা ভাব দেখানো যে তিনি কি করছেন তার দিকে তোমার একটুও নজর নেই। হ্যাঁ এইবার গান শোনা যাচ্ছে—

“শ্যামল ছায়ার নাইবা গেলে  
না না না নাইবা গেলে”

না না বলবার সময় বেশ কায়দা করে গলা ভাঙছেতো! গুনতে খুব ভালো লাগছে। শান্ত হয়ে আছে বিল। বিলের পানি দেখাচ্ছে কালো আয়নার মত। কালো আয়নাটা আবার কি? কি জানি কি। তবে কালো আয়নার কথা মনে হয়। আকাশে যেসব তারা উঠেছে। তারাগুলির জলে ছায়া পড়া উচিত। কি প্রকৃষ্ণ, ছায়া পড়ছেন তো। আকাশে যখন খুব তারা ওঠে তখন নক্ষত্র আকাশে আসে। মজিদ বললো—

ঃ সাংঘাতিক ক্ষিধে লেগেছে খালি পেটে চা খাওয়াটা কি ঠিক ?

হুমায়ূন ভাই গান থামিয়ে বললেন—

ঃ খালি পেটে চা পান করতে চাইলে গোটা দুই ডিগবাজী খেয়ে নাও মজিদ। এ ছাড়া আর কোন খাদ্যদ্রব্য নেই।

আনিস আবার এই গুনেই ফ্যা ফ্যা করে হাসতে শুরু করেছে। এর মধ্যে এত হাসির কি আছে। হুমায়ূন ভাই আবার গুন গুন শুরু করেছেন। তাঁর বোধ হয় মন টন বিশেষ ভাল নেই। কারো সঙ্গে কথা-বার্তা বলছেন না। এমনিতে তিনি অবশ্যি খুব ফুর্তিবাজ ছেলে। আমার উপর রাগ করেছেন কি ?

আজ ভোরে তাঁর সঙ্গে আমার খানিকটা মন কষাকষি হয়েছে। কিন্তু আমি অন্যায় কিছু বলিনি। শুধু বলেছি মেথিকান্দার এই অপারেশনের দাঙ্গি হুমায়ূন ভাইয়ের নিয়ে কাজ নেই। এতে কি মনে করেছেন তিনি? তাঁর প্রতি আস্থা নেই আমার? তিনি ঠিকই মনে করেছেন। এমন দুর্বল লোকের এরকম এসসাইনমেন্টের নেতৃত্ব পাওয়া ঠিক নয়। কিন্তু আমাদের সব সেক্টারে সেকেণ্ড ইন কমান্ড কি মনে করে এটা করলেন কে জানে।

দালাল হাজী মারার ব্যাপারটাই দেখি না কেন। এই লোক কম করে হলেও গোটা ত্রিশেক মানুষ মেরেছে। হিন্দুদের ঘর বাড়ী জালিয়ে একাকার করেছে। মিলিটারী ক্যাপ্টেনের পিছে পিছে কুকুরের মত ঘুরে বেড়িয়েছে। সে যখন হলদিয়ার বাজারে ধরা পড়ল আমাদের হাতে, আমি বললাম, ‘গাছের সঙ্গে বেঁধে বেয়োনেট দিয়ে শেষ করে দি।’ প্রায়ের লোকদের একটা শিক্ষা হোক, ভবিষ্যতে আর কেউ দালালী করবার সাহস পাবে না। হুমায়ূন ভাই মাথা নাড়েন। ক্যাপ্টেন নিয়ে যেতে চান এ্যারেস্ট করে। পাগল নাকি? সেই শেষ পর্যন্ত গুলি করে মারতে হল। হুমায়ূন ভাই সেই দৃশ্যও দেখবেন না। তিনি নদীর পাড়ে চুপচাপ বসে রইলেন। আরে বাবা তুমিতো মেয়ে মানুষ নও। নাচতে নেমেছ এখন আবার ঘোমটা किसের? ‘You have to be cruel, only to be Kind’ আবু ভাই বলতেন সব সময়। আহ্ মানুষের মত মানুষ ছিলেন আবু ভাই। আবু ভাইয়ের লাশ নিয়ে যখন আসলো তখন বড় উচ্চ হাঙ্গুল তাঁর পায়ে চুমু খাই। আবু ভাইয়ের মত মানুষগুলি এত অল্প সংখ্যায় নিয়ে আসে কেন? খুঁছ শেষ হলে আবু ভাইয়ের মেয়েটিকে দেখতে মন। তাকে কোলে নিয়ে বলব—কি বলব তাকে?

হুমায়ূন ভাই দেখি উত্তেজিত হয়ে মনোম আসছেন ছাদ থেকে। কি ব্যাপার, মোটর লঞ্চের আসো দেখে মনোম নাকি? আনিস চা ছাঁকতে ছাঁকতে বললো—

ঃ কি ব্যাপার হুমায়ূন ভাই?

ঃ কিছু না। আঁকগুলি উল্কাপাত হল। একটা তো প্রকাণ্ড।

উল্কাপাত শুনেছি খুব অশুভ ব্যাপার। আমার মা বলতেন অন্য কথা। তিনি নাকি কোথায় গুনেছেন উল্কাপাতের সময় কেউ যদি তার গোপন ইচ্ছাটি সশব্দে বলে ফেলে তাহলে সে ইচ্ছা পূর্ণ হয়। এক মজার কাণ্ড হল একদিন। জ্যামিতি বই হারিয়ে ফেলেছি। সন্ধ্যাবেলা বসে আছি বারান্দায়। আকাশের দিকে চোখ। উল্কাপাত হতে দেখলেই বলব “জ্যামিতি বইটা যেন পাই।”

কোথায় গেল সে সব দিন। মায়ের মুখ আর মনেই পড়ে না। একদিন কথায় কথায় অবনি স্যার আমাদের ক্লাসে বললেন—“যে সব ছেলের মনে মায়ের চেহারার কোন স্মৃতি নেই তারা হল সবচে অভাগা।” আমি চোখ বুঁজে ক্লাসের ভেতরই মায়ের চেহারা মনে আনতে চেষ্টা করলাম। একটুও মনে পড়ল না। সে যে পড়ল না পড়লই না। এখনো

পড়ে না। স্বপ্নেও যে এক আধ দিন দেখব সে উপায়ও নেই। আমার ঘুম এমন গাঢ়—স্বপ্ন টপ্পের বালাই নেই। দূর ছাই।

নেমে পড়েছে সবাই। ওরে বাবারে কি কাদা। কোমর পর্যন্ত কোপে যাবার দাখিল। হাসান আলী আরেকটু হলে গুলির বাক্স নিয়ে নদীতে পড়তো। লাইট মেশিনগানটা সবাই মিলে চাপিয়েছে আমার কাঁধে। নামেই লাইট, আসলে মেলা ওজন। আকাশে গুর গুর মেঘ ডাকছে আবার। রুশ্টি নামলেই গেছি—মজিদের ভাষায় একেবারে “পটেটো চিপ্‌স” হয়ে যাব।

হুমায়ূন আহমেদ

আজ সারাটা দিন আমার মন খারাপ ছিল; এখন মধ্যরাত্রি। ছপ ছপ শব্দে কাদা ভরা রাস্তায় হাঁটছি। মনের সঙ্গে সঙ্গে শরীরও বিদ্রোহী হয়ে উঠেছে। এত দিনেও হাঁটার অভ্যাস হল না। আনিস এবং মজিদ কত নির্বিচার ভগ্নিতেই না পা ফেলছে। এতটুকু ক্লান্ত না হয়েও তারা দশ মাইল হেঁটে পার হবে; বিপদ হবে আমাকে নিয়ে। জাফরও হাঁটতে পারে না। তবে আমার মত এত সহজে ক্লান্তও হয় না। সমস্ত দলটির মধ্যে আমি সবচেঁে দুর্বল। শরীরের দিক দিয়ে তো সবটেই, মনের দিক থেকেও। তবুও আজকের জন্যে আমিই ‘কমাগুর’। ‘কমাগুর’ শব্দটা শুনেতে বড় গেলো। অধিপতি বা দলপতি হলে মানাতো। না, আমি তেমন বাংলা প্রেমিক নই। একুশে ফেব্রুয়ারিতে ইংরেজী সাইন বোর্ড ভাঙার ব্যাপার আমার কাছে খুব হাস্যকর মনে হয়। যে কোন জিনিসের বাড়াবাড়ি আমাকে পীড়া দেয়। আর সে জন্যেই যুদ্ধে এসেছি।

এক মাইলও হাঁটিনি, এর মধ্যেই পা ভারী হয়ে এসেছে। কি মুশকিল! নিশ্বাস পড়ছে ঘন ঘন। সার্জি ভিজি গিয়েছে ঘামে।

তাকা থেকে ভাই, বোন, বাবা, মা সবাইকে নিয়ে একনাগাড়ে ব্রিগ মাইল হেঁটে পৌঁছলাম মির্জাপুর। কি কষ্ট কি কষ্ট! নিজের জন্যে কিছু নয়। জরী ও পরীর দিকে তাকানো যাচ্ছিল না। পরীর ফর্সা-মুখ নীল বর্ণ হয়ে গেল। আমাদের সঙ্গে অনেকেই হাঁটছিলেন। কাফেলার মত ব্যাপার। এক একবার হস করে সুখী নানুশেরা গাড়ী নিয়ে উড়ে বেরিয়ে যাচ্ছে, আমরা তাকিয়ে তাকিয়ে দেখছি। এমন হাদয়বান কাউকে কি পাওয়া যাবে যে আমাদের একটুখানি লিফট দেবে! দুঃসময়ে সবাই হাদয়হীন হয়ে পড়ে। আমাদের সঙ্গে একজন গর্ভবতী মহিলা ক্লান্ত পায়ে হাঁটছিলেন। তিনি ক্রমাগতই পিছিয়ে পড়ছিলেন। উদ্রমহিলার স্বামী তা দেখে রোগে আগুন। রাগী গলায় বললেন—“টুকুস টুকুস করে

হাঁটিছ যে? তোমার জন্যে আমিও মরব নাকি?” এই দীর্ঘপথে কত কথাবার্তা হয়েছে কতজনের মধ্যে। কত অশ্রু বর্ষণ, কত তামাশা, কিছুই আজ আর মনে নেই, কিন্তু ঐ স্বামী বেচারার কথাগুলি এখনো কাঁটার মত বুকে বিঁধে আছে। গর্ভবতী মহিলার শোকাহত চোখ এখনো চোখে ভাসে।

রাস্তাতেই পরীর হ হ করে ছুর উঠে গেল। আমি বললাম, ‘কোলে উঠবি পরী?’ পরীর কি লজ্জা। ক্লাস টেনে পড়া মেয়ে দাদার কোলে উঠবে কি? পরী অপ্রকৃতিস্থের মত পা ফেলে হাঁটিতেই থাকলো। তার হাত ধরে ধরে চলছি আমি। ঘামে ভেজা গরম হাত আর কি তুলতুলে নরম! পরীর হাতটা যে এত নরম তা আগে কখনো জানিনি। জরীর হাত ভীষণ খসখসে, অনেকটা পুরুশালী। কিন্তু পরীর হাত কি নরম কি নরম!

মীর্জাপুরের কাছাকাছি এসেই পরী নেতিয়ে পড়ল। জড়িয়ে জড়িয়ে বললো—“আমার ঘুম পাচ্ছে।” বমি করতে লাগল ঘন ঘন। বাবা একেবারে দিশেহারা হয়ে পড়লেন। কোথায় চাকুরি কোথায় কি? এর মধ্যে গুজব রটে গিয়েছে ঢাকা থেকে ইন্টারপুল রেজিমেন্টের একদল জোয়ানকে মিলিটারীরা এইদিকেই পাঠ করে আনছে। চারদিকে ছুটোছুটি, চিৎকার, আতঙ্ক। মা হবার জরী ব্যাকুল হয়ে কাঁদছে। বাবা যাকেই পাচ্ছেন তাকেই জিজ্ঞাসা করছেন—“কিছু মনে করবেন না। আপনি কি ডাক্তার?”

ডাক্তার পাওয়া যায়নি কিন্তু এক ভদ্রলোক দয়াপরবশ হয়ে তাঁর ট্রাকে আমাদের টাকসবকি পৌঁছে দিলেন। টাঙ্গাইল পৌঁছলাম গুরুবার সন্ধ্যায়। পরী মারা গেল রোববার রাতে। সন্ধ্যাবেলাতে কথা বললো ভাল মানুষের মত। বারবার বললো—“কোন মতে দাদার বাড়ী পৌঁছতে পারলে আর ভয় নেই। তাই না বাবা?”

পরীর মৃত্যু তো কিছুই নয়। কত কুৎসীত মৃত্যু হয়েছে চারপাশে। মৃত্যু এসেছে সীমাহীন বীভৎসতার মধ্যে। কত অসংখ্য অসহায় মানুষ প্রিয়জনের এক ফোঁটা চোখের জল দেখে মরতে পারেনি। মরবার আগে তাদের কপালে কোন স্নেহময় কোমল করস্পর্শ পড়েনি।

অনেক মধ্যরাত্রিতে যখন অতলস্পর্শী রাস্তা আমাকে আচ্ছন্ন করে ফেলে তখন মনে হয় আমার হাত ধরে টুকটুক পা ফেলে পরী হাঁটিছে।

যে জান্তব পশুশক্তির ভয়ে পরী ছোট ছোট পা ফেলে ব্রিগ মাইল হেঁটে গেছে, আমার সমস্ত ক্ষমতা ও শক্তি তার বিরুদ্ধে। আমি রাজনীতি বুঝি না। স্বাধীনতা টাধীনতা নিয়ে সে রকম মাথাও ঘামাইনা। শুধু

বুঝি ওদের শিক্ষা দিতে হবে। জাফর প্রায়ই বলে, “হুমায়ূন ভাই হচ্ছে করে চোখ বঁজে থাকেন।” হয়ত থাকি। তাতে ক্ষতি কিছু নেই। “আমি কি আমার দায়িত্ব পালন করিনি জাফর?”

মনে মনে এই কথা বলে আমি একটু হাসলাম। জাফরের সঙ্গে আজ ভোরে আমার খানিকটা মন কষাকষি হয়েছে। সে চাচ্ছিল আজকের এই এসসাইনমেন্টের নেতৃত্ব যেন আসলাম পায়। জানিনা এর পেছনের সত্যিকার কারণটি কি? দলপতির প্রতি আস্থা না থাকা বড় বিপদজনক। মুশকিল হচ্ছে আমরা রেগুলার আর্মীর লোকজন নই। আনুগত্য হল একটা অভ্যাস যা দীর্ঘদিনের ট্রেনিং-এর ফলে মজ্জাগত হয়। রেগুলার আর্মীর একজন অফিসারের অনুচিত হুকুমও সেপাইরা বিনা দ্বিধায় মেনে নেবে। কিন্তু আমার হুকুম নিয়ে তারা চিন্তা ভাবনা করবে। পছন্দ না হলে কৈফিয়ত পর্যন্ত তলব করে বসবে। কাজেই আমার প্রথম কাজ ছিল দলের লোকের আস্থা অর্জন করা। বুঝিয়ে দেয়া যে আমার উপর নির্ভর করা যেতে পারে। কিন্তু আমি তা পারিনি। কাপুরুশ্ব হিসেবে মার্কামারা হয়ে গেছি।

যদিও তারা সব সময়ই ‘হুমায়ূন ভাই হুমায়ূন ভাই’ করে এবং সবাই হয়ত একটু প্রভাও করে, কিন্তু সে একজন যোদ্ধা হিসেবে নয়।

আমার প্রথম ভুল হল আমি হাজী সাহেবের মৃত্যুতে সায় দিতে পারিনি। লোকটার নসংগত সম্বন্ধে আমার কোন সন্দেহ ছিল না। মৃত্যুদণ্ড যে তার প্রথম শাস্তি এতেও ভুল নেই। তবু আমার মায়ী লাগলো। মাটের উপর বয়স হয়েছে। মরবার সময়তো এমনিতেই হল। তবু বাঁচবার কি আগ্রহ। সে আমাদের বিশ হাজার টাকা দিতে চাইল। ওনে আমার ইচ্ছে হল একটা প্রচণ্ড চড় কষিয়ে দি। কিন্তু আমি শান্ত গলায় বললাম—‘জাফর, হাজী সাহেবকে ক্যাম্পে নিয়ে চল’। জাফর চোখ লাল করে তাকালো আমার দিকে। থেমে থেমে বললো—‘একে কুকুরের মত গুলি করে মারব।’ হাজী সাহেব চিৎকার করে আল্লাহ্কে ডাকতে লাগলেন। এই তিনিই যখন মিলিটারী দিয়ে লোকজন মারিয়েছেন তখন সেই লোকগুলিও নিশ্চয়ই আল্লাহ্কে ডেকেছিল। আল্লাহ্ তাদের যেমন রক্ষা করেন নি—হাজী সাহেবের বেলায়ও তাই হল। হাজী সাহেব অপ্রকৃতিস্থ চোখে তাকিয়ে তাকিয়ে মৃত্যুর প্রস্তুতি দেখতে লাগলেন। জাফর এক সময় বললো—‘তওবা টওবা যা করবার করে মেন। দোওয়া কালাম পড়েন হাজী সাহেব।’ আর তখনই হাজী সাহেব চিৎকার করে তাঁর মাকে ডাকতে লাগলেন—‘ও মাইজি গো, ও

মাইজি গো”। কতকাল আগে হয়তো এই মহিলা মারা গেছেন। সেই মহিলাটিকে হাজী সাহেব হয়ত ভুলেই গিয়েছিলেন। আজ রাইফেলের কালো নলের সামনে দাঁড়িয়ে আবার তাঁর কথা মনে পড়ল। আল্লাহর নাম চাপা পড়ে গেল। এক অখ্যাত গ্রাম্য মহিলা এসে দাঁড়ালেন সেখানে।

আমি পিছিয়ে পড়েছিলাম। আনিস বললো—‘রাইফেলটা আমার কাছে দিন হুমায়ুন ভাই’। আমি একটু লজ্জা পেয়ে গেলাম। জাফর এবং হাসান আলী ডিসট্রিক্ট বোর্ডের উঁচু সড়কে উঠে পড়েছে। বেশ কিছুদূর এগিয়ে রয়েছে তারা। দ্রুত পা চালাচ্ছি। উঁচু সড়কে উঠে পড়তে পারলে হাঁটা অনেক সহজ হবে। পরিষ্কার রাস্তা, জল কাদা নেই। এখান থেকেই আমরা সরাসরি গ্রামের ভেতর দিয়ে চলব। আমি উঠে আসতেই মজিদ বললো—‘জোক ধরেছে নাকি দেখেন ভাল করে। আনিসের পা থেকে তিনটা জোক সরান হয়েছে। একটা রক্ত খেয়ে একেবারে কোল বালিশ হয়ে গিয়েছিল। হাসান আলী টর্চ ঘুরিয়ে ঘুরিয়ে পায়ের উপর ফেলতে লাগলো। না জোক টোক নেই। তবে শামুকে লেগে পা অল্প কেটেছে। ছানি করছে। মজিদ বললো—‘একটু রেষত নেই, মালগাড়ীর মত ট্রায়ার্ড হয়ে গেছি। দেখি আনিস একটা সিগারেট।’ আনিস সিগারেটের প্যাকেট খুললো। হাসান আলীও হাত বাড়িয়ে সিগারেট নিল। এই আমাদের সামনে খাবে না তাই একটু সরে গেল। আনিস বললো—‘আপনিও নিন একটা হুমায়ুন ভাই।’ সিগারেট টানলে আমরা দুজনে জ্বালা করে। নিকোটিন জিভের উপর জমা হয় হয়তো। উঁচু নিলাম একটা। আমাদের এখন সাহস দরকার। আগুনের স্পর্শ সেই সাহস দেবে হয়তো। দেয়াশলাই সবে জ্বালিয়েছি ওগ্নি বাঁশ বনের অন্ধকার থেকে কুকুর ডাকতে লাগলো। তার পরপরই একটি ভয়াবহ চিৎকার শোনা গেল—

ঃ কেডা ঐখানে কেডা ? কথা কয়না লোকটা কেডাগো ?

হারিকেন হাতে দু চারজন মানুষও বেরিয়ে এলো। “ও রমিজের বাপ ও রমিজের বাপ” বলে চিকন কণ্ঠে তুমুল চিৎকার শুরু করলো একটি মেয়ে। সবাই বড় ভয় পেয়েছে। এর মধ্যে অল্প বয়েসী একটি শিশু তারস্বরে কাঁদতে শুরু করল। মজিদের উচ্চ কণ্ঠ শোনা গেল—

ঃ ভয় নাই, আমরা।

ঃ তোমরা কেডা ?

ঃ আমরা মুক্তি বাহিনীর লোক।

কিছুক্ষণের মধ্যে আমাদের চারপাশে ভীড় জমে উঠলো। হারিকেন হাতে ভয়কাতর লোকগুলি ঘিরে দাঁড়ালো আমাদের। অস্পষ্ট আলোয় রাইফেলের কালো নল চিক চিক করছে। আমরা তাদের সামনে অস্টম আশ্চর্যের মত দাঁড়িয়ে আছি—

ঃ মিয়া সাবরা এটু পান তামুক খাইবেন?

ঃ না। আপনারা এত রাত্রেও জাগা, কারণ কি?

ঃ বড় ডাকাইতের উপদ্রব। মুমাইতাম পারি না। জাইগা বইয়া থাকি।

ঃ এই দিকে মিলিটারী আসছিল?

ঃ জি না। তয় রাজাকার আইছিল দুইবার। রমেশ মালাকারের বাইস্কা লইয়া গেছে। গয়লা পাড়া পুড়াইয়া দিছে।

ঃ রাজাকারদের কেউ খাতির যত্ন করেছিল নাকি?

ঃ জি না জি না।

ঃ এই গ্রামের কেউ রাজাকারে নাম লেখাইছে?

লোকগুলি চুপ করে রইল। জাফর ধমকে উঠল—‘বল ঠিক করে।’

ঃ একজন গেছে। কি করব মিয়া সাব, পেটে ভাত নাই। পুলা-পানডি কান্দে।

আমি বললাম—

ঃ ‘দেরী হয়ে যাক্কে চিক হাঁটা দেই’।

আনিসের বোধ হয় কিছু কথা বলবার ইচ্ছে ছিল। সে অপ্রসন্ন ভঙ্গিতে হাঁটতে শুরু করল।

আনিসের এই স্বভাব আমি লক্ষ্য করেছি। মানুষের সপ্রশংস চোখ তার ভারী প্রিয়। যখনি আমাদের ঘিরে কিছু কৌতূহলী মানুষ জড় হয় তখনি সে খুব ব্যস্তসমস্ত হয়ে এল, এম, জি-র ব্যারেল নাড়তে থাকে বা খামাখাই গুলির কেসটা খুলে ফেলে। কেউ কিছু জিজ্ঞেস করলে এমন একটা ভঙ্গি করে যেন ভারী বিরক্ত হয়েছে। বক্তৃতা দিতেও তার খুব উৎসাহ। দেশের এই দুর্দিনে আমাদের কি করা উচিত এ সম্বন্ধে তার সারগর্ভ ভাষণ তৈরী। টেপ রেকর্ডারের মত—চালু করে দিলেই হল। ‘গ্রামে গ্রামে প্রতিরক্ষা বাহিনী গঠন করতে হবে। চোর, ডাকাত, দালাল নিমূল করতে হবে। দখলদার বাহিনীকে দাতভাঙা জবাব দিতে হবে।’ ইত্যাদি ইত্যাদি। বক্তৃতা শেষে কিছুক্ষণ চুপচাপ থেকে বিকটসুরে চোঁচিয়ে ওঠে—‘জয় বাংলা! জয় বঙ্গবন্ধু!!’

আনিস ছেনেটিকে আমি খুব পছন্দ করি। চমৎকার ছেলে, একটু পাগলাটে। অপারেশনের সময় সব বিচার বুদ্ধি খুইয়ে বসে। গুলি ছোঁড়ে এলোপাথারি। পেছনে সরতে বললে ক্রল করে সামনে এগিয়ে যায়। সামনে এগুতে বললে আচমকা পেছন দিকে দৌড় মেরে ধরে।

মেথিকান্দায় প্রথম অপারেশনে গিয়েছি। আমাদের বলে দেয়া হয়েছে একেবারে ফাঁকা ক্যাম্প। চারজন পশ্চিম পাকিস্তানী রেঞ্জার আর গোটা পনেরো রাজাকার ছাড়া আর কেউ নেই। রাত দুটোয় অপারেশন শুরু হল। আমি আর সতীশ গর্তের মত একটা জায়গায় পজিসন নিয়েছি। বেশ বড় দল আমাদের। সবাই ছড়িয়ে ছিটিয়ে আছি। দলের নেতা হচ্ছেন আবু ভাই। কথা আছে পশ্চিম দিক থেকে আবু ভাই প্রথম গুলি চালাতে শুরু করবেন, তার পরই মাথা নীচু করে খালের ভেতর দিয়ে চলে আসবেন আমাদের কাছে। আমরা সবাই পূর্ব দিকে বসে আছি। আনিস আর রমজান উত্তরে একটা মাটির তিবির আড়ালে চমৎকার পজিসন নিয়েছে। রমজান খুব ভাল মেশিনগানার। বসে আছিতো আছিই আবু ভাইয়ের গুলি করার কোন লক্ষণই দেখিনা। সবাই অর্ধশ্রম হয়ে উঠেছি। আচমকা আমাদের উপর ঝাঁকে ঝাঁকে গুলিবর্ষণ হতে লাগলো। আমরা হতবুদ্ধি। অবশ্যি সবারই পজিসন ভালো। গায়ে গুলি লাগবার প্রশ্নই ওঠে না। তবু একদল ভয় পেয়ে পালিয়ে গেল। আর তারপরই মর্টারে গোলা বর্ষণ হতে লাগলো। আমাদের দিকে সবাই চুপচাপ। হতভম্ব হয়ে গিয়েছি। রমজান মিয়া এই সময়ে উঠে পলায় চেষ্টা নিয়ে উঠলো—

ঃ কেউ ভয় পাবেন না, কেউ ভয় পাবেন না।

তার পর পরই রমজান মিয়ার মেশিনগানের ক্যাট ক্যাট শব্দ শোনা যেতে লাগলো। সতীশকে বললাম—‘শুরু কর দেখি, আল্লাহ্ ভরসা’, আর তখনি মর্টারের গোলা এসে পড়লো। বারুদের গন্ধ ও ধোঁয়ায় চারিদিক আচ্ছন্ন হয়ে গেল। ধোঁয়া পরিষ্কার হতেই দেখি আমি আনিসের কাঁধে শুয়ে। আনিস প্রাণপণে দৌড়াচ্ছে। সবাই যখন পালিয়েছে, সে তখন জীবন তুচ্ছ করে খোঁজ নিতে এসেছে আমার। মেথিকান্দায় সেই যুদ্ধে আমাদের চারজন ছেলে মারা গেল। রমজান মিয়ার মত দুর্ধর্য যোদ্ধা হারালাম। গুলি লেগে আবু ভাইয়ের ডান হাতের দুটি আঙুল উড়ে গেল। আবু ভাই তারপর একেবারে ফেপে গেলেন। পাঁচদিন পরই আবার দল নিয়ে আসলেন মেথিকান্দায়। সেবারও দুটি ছেলে মারা গেল। তৃতীয় দফায় আবার আসলেন। সেবারও

তাই হল। মিনিটাধীরা ততদিনে মেথিকান্দাকে দুর্ভেদ্য দুর্ধে পরিণত করেছে। চারিদিকে বড় বড় বাস্কার। রাত দিন কড়া পাহারা। গুজব রটে গেল মেথিকান্দা মুক্তি বাহিনীর মৃত্যু কুপ। সতীশ বলতো “যদি বলেন তাহলে গভর্নর হাউসে বোমা মেরে আসব, কিন্তু মেথিকান্দায় যাব না, ওরে বাপরে!”

কিন্তু আবু ভাইয়ের মুখে অন্য কথা—“মেথিকান্দা আনিই কস্জা করব। ষাদ না পারি তাহলে ‘গু’ খাই।” চতুর্থ বারের মত তিনি বিরাট দল নিয়ে গেলেন সেখানে। সবাই ফিরল, আবু ভাই ফিরলেন না।

পঞ্চম বারের মত যাচ্ছি আমরা। আমার কি ভয় লাগছে না কি? “ছিঃ হুমায়ুন ছিঃ। একটির পর একটি জায়গা তোমাদের দখলে চলে আসছে, মেথিকান্দায় ঘাঁট করে একবার যদি সোনারদির রেলওয়ে ব্রীজ উড়িয়ে দেয়া যায় তাহলে বিরাট একটা অংশ তোমাদের হলে যাবে। আর এত ভয় পাওয়ারই বা কি? মৃত্যুকে এত ভয় করলে চলে?” একটা গল্প আছে না—এক নাবিককে একজন সংসারী লোক জিজ্ঞেস করলো—

ঃ আপনার বাবা কোথায় মারা গেছিলেন?

ঃ তিনি নাবিক ছিলেন। সমুদ্রে জাহাজডুবী হয়ে মরেছেন।

ঃ আর আপনার দাদা?

ঃ তিনিও ছিলেন নাবিক। মরেছেন জাহাজডুবীতে।

সংসারী লোকটি তাকে উঠে বললো—

ঃ কি সর্বনাশ! আপনিও তো মশাই নাবিক। আপনিও তো জাহাজডুবী হয়ে মরবেন।

নাবিকটি বললো—

ঃ তা হয়ত মরব। কিন্তু নাবিক না হয়েও আপনার দাদা বিছানায় শুয়ে মরেছেন, ঠিক নয় কি?

ঃ আপনার বাবাও বিছানাতেই মরেছেন, নয় কি?

ঃ হ্যাঁ হাসপাতালে।

ঃ আপনিও সেই ভাবেই মরবেন। তাহলে বেশকমটা হল কোথায়?

আসল কথা আমার ভয় লাগছে। সাহস সঞ্চয়ের চেষ্টা করছি।

ভয় পাওয়াতে লজ্জার কিছু আছে কি? আমার লজ্জা পাওয়ার কিছু নেই এই মনে করে গুন গুন করে গান গাইতে চেষ্টা করলাম—‘সেদিন দুজনে.....!’ শীঘ্র দিয়ে আমি বেশ ভাল সুর তুলতে পারি। কিন্তু গান গাইতে গেলেই চিড়ির। জরী বলে—“তোমার মীড়গুলি খুব ভাল আসে,

আর কিছুই হয় না।” কি জানি বাবা মীড় কাকে বলে। আমি এত সব জানি না। আমি তো তোঁর মত বিখ্যাত শিল্পী নই। গান নিয়ে আমার কোন মাথা ব্যাথাও নেই। বাথরুমে গোসল করতে করতে একটু গুন গুন করতে পারলেই হল।

জাফরটা ভীষণ গান পাগলা। যেই গুন গুন করে একটু সুর ধরেছি ওমনি সে পিছিয়ে পড়েছে। এখন সে আমার সঙ্গে সঙ্গে হাটবে। জাফর যাতে ভালমত গুনতে পায় সেই জন্যে আরেকটু উঁচু গলায় গাইতে শুরু করলাম। আমার গুন গুন শুনেই এই? জরীর গান গুনলেতো আর হাঁস থাকবে না। জাফরকে একদিন কথায় কথায় জিজ্ঞেস করেছিলাম “গান গায় যে কানিজ আহমেদ তার নাম শুনেছ?” সে চমকে উঠে বললো—

ঃ নজরুল গীতি গান যিনি তাঁর কথা বলছেন?

ঃ হ্যাঁ।

ঃ খুব শুনেছি। আপনি চেনেন নাকি?

আমি সে কথা এড়িয়ে গিয়েছি। যুদ্ধ শুরু হওয়ায় গলে জাফরকে একদিন বাসায় নিয়ে যাব। জরীকে স্ত্রীকে বনে পরিচয় করিয়ে দেব— “এর নাম আবু জাফর শামসুদ্দীন। আমরা এক সঙ্গে যুদ্ধ করেছি।” আর জাফরকে হেসে বলব—

ঃ জাফর এর নাম হল কানিজ আহমেদ আমার ছোট বোন। তুমি চিনলে চিনতেও পার, গান টান গায় কানিজ আহমেদ, শুনেছ হয়তো।

জাফর নিশ্চয়ই মনে বড় বড় করে অনেককাল ভাবিয়ে থাকবে। সেই দৃশ্যটি আমার বড় দেখতে ইচ্ছে করছে। তাছাড়া আমার মনে একটি গোপন বাসনা আছে। জরীর সঙ্গে বিয়ে দিয়ে দেব জাফরের। যুদ্ধের মধ্যেই পরিচয় তার চেয়ে খাঁটি পরিচয় আর কি হতে পারে? জাফরকে আমি ভালভাবেই চিনেছি।

কিন্তু জরীর কি পছন্দ হবে? বড় খুঁতখুঁতে মেয়ে। সমালোচনা করা তার স্বভাব। কেউ হস্ত বাসায় গিয়েছে আমার খোঁজে। জরী আনাকে এসে বলবে—“দাদা, তোমার একজন চ্যাপটা মত বন্ধু এসেছে।” অল্পকাল সে বলতো কতলা মাছ। অল্পকাল আগে গিয়ে বনেছিল—“কাতলা মাছের কি দেখলে আমার মধ্যে?” জরী সহজভাবে বলেছে—“তোমার মাথাটা শরীরের তুলনায় বড়তো, এই জন্যে। আচ্ছা রাগ করলে আর বলব না।” আদর দিয়ে দিয়ে মা জরীর মাথাট খেয়ে বসে আছেন। অল্প বয়সেই অহংকারী আর আহলাদী হয়ে উঠেছে।

কে জানে এর মধ্যে বিয়েই হয়ে গেছে হয়ত! অনেকদিন তাদের কোন খবর পাই না। শুনেছি বাবা আবার ঢাকা ফিরে এসেছেন। ওকালতি শুরুর চেষ্টা করেছেন। দেশে এখন কি আর মামলা মোকদ্দমা আছে? টাকা পয়সা রোজগার করতে পারছেন কি না কে জানে।

ঢাকার অবস্থা নাকি সম্পূর্ণ অন্য রকম। কিছু চেনা যায় না। ইউনিভার্সিটি পাড়া খাঁ খাঁ করে। দুপুরের পর রাস্তা ঘাট নিবাবু হলে যায়। ঢাকার বড় যেতে ইচ্ছে করে। কতদিন ঢাকায় যাওয়া হয় না। আবার কি কখনো এ রকম হবে যে নির্ভয়ে ঢাকার রাস্তায় হেঁটে বেড়াব। সেকেন্ড শো সিনেমা দেখে কোন একটা রেপটুরেটেট বসে চা খেয়ে গভীর রাতে বাড়ী ফিরব।

সলিল কিছুদিন আগে গিয়েছিল ঢাকায়। অনেক গল্প শুনলাম তার কাছে। খুব নাকি বিয়ে হচ্ছে সেখানে। বয়স্ক মেয়েদের সবাই ঝটপট বিয়ে দিয়ে দিচ্ছে। ঘরে রাখতে সাহস পাচ্ছে না। পুত্রও পারে। সলিল অবশ্য বেশী কথা বলে, তবুও বিয়ে কি আর হচ্ছে না? বিয়ে হচ্ছে। নতুন শিশুরা জন্মাচ্ছে। মানুষ জন হাট বাজার করছে। জীবন হচ্ছে বহুতা নদী।

একি, আবু ভাইয়ের মত ফিলসফি শুরু করলাম দেখি। আবু ভাই কথায় কথায় হাসাতেন আবার ফাঁকে ফাঁকে এত সহজ ভাবে এমন সব সিরিয়াস কথা বলে মোস্তফা—আশ্চর্য! আবু ভাই তার অসংখ্য ভক্ত রেখে গেছেন। যারা বিশেষ দীর্ঘ দিন মনে রাখবে। এই বা কম কি?

একদিন হস্তদল হয়ে দৌড়ে আসলেন আবু ভাই। দারুণ খুশী খুশী চেহারা। মাথায় অশ্রু চুল ঝাঁকিয়ে বললেন—

: হুমায়ুন ওড নিউজ আছে। মিষ্টি খেতে চাও কি না বল।

: চাই চাই।

: ভেরী ওড। নিউজটা পরশু শোনাবো। মিষ্টি জোগাড় করি আগে তারপর। পরশু সন্ধ্যায় সবাইকে মিষ্টি খাওয়াব।

সেই ওড নিউজটি শোনা হয়নি। দারুণ ব্যস্ততা শুরু হল হঠাৎ। ছড়িয়ে ছিটিয়ে পড়লাম সবাই। এবং সব শেষে আবু ভাই গেলেন মেথিকান্দা।

আবু ভাইয়ের লাশ হাসান আলী বয়ে এনেছিল। বিশেষ কোন কথা-বার্তা বলেনি। হাউ মাউ করে কাঁদেও নি। অথচ সবাই সেদিন বুঝিলাম হাসান আলীর মন ভেঙে গেছে।

মজিদ ডাকলো—“পা চালিয়ে হামায়ূন ভাই, আপনি বার বার পিছিয়ে পড়েছেন।” হাসান আলী দেখি হন হন করে এগিয়ে চলেছে। এত চুপচাপ থাকে কেন লোকটা?

## হাসান আলী

চেয়ারম্যান সাব কইলেন—

ঃ হাসান আলী রেজাকার হইয়া পর। সত্তুর টাকা মাস মাইনা, তার সাথে খোরাকী আর কাপড়।

চেয়ারম্যান সাব আমার বাপের চেয়ে বেশী। নেকবক্ত পরহেজগার লোক। তাঁর ঘরের খাইয়া এত বড় হইলাম। আমার চামড়া দিয়া চেয়ারম্যান সাহেবের জুতা বানাইলেও ঋণ শোধ হয় না। তাঁর কথা ফেলতে পারি না। রাজাকার হইলাম।

জুম্মাবাদ চেয়ারম্যান সাব আর তার বিবিরে কদমবুসি কইরা গাঁটরি মাথায় লইলাম। চেয়ারম্যান সাব কইলেন, “আল্লাহর হাতে সোপার্দ হাসান আলী, আল্লাহ্, নেকবান। সাদ্কা দিলে কাশম করবা। হাল্কা পয়সা খাইবা।”

যাওনের আগে মসজিদে গেলাম দোওয়া মাওতে। গিয়া দেখি মাবুদে এলাহী—মসজিদের মাথার উপরে শকুন বইয়া আছে। দুই কুড়ির উপরে বয়স আমার, এত বড় শকুন বাপি নাই। মনডা বড় টানল। বুকের মধ্যে ছ্যাৎ কইরা উঠল।

আরো একবার মসজিদের উপরে শকুন বইছিল। আমি তখন ছোড। চেয়ারম্যান সাবের মাথার উপরে গরু-রাখালের কাম করি। বাপজান কইলেন—“হাছান, শকুন বইছে মসজিদে। বড় খারাপ নিশানা। কেয়ামত নজদিখ। বালা মুসিবত আইব।” বাপজানের কথা মিছা হয় নাই। কলেরায় দেশটা সাফা হইয়া গেল।

মসজিদে মওলানা সাব কইলেন—

ঃ হাসান তুমি রাজাকার হইতাছ শুনলাম।

ঃ হ মৌলানা সাব। দোওয়া মাওতে আইছি।

ঃ বালা করছ। পাকিস্তানের খেদমত কর। কিন্তু হাসান আলী একটা কথা।

ঃ কি কথা মৌলানা সাব—

ঃ শুনতাছি রাজাকার বড় অত্যাচার করে। মানুষ মারে, লুটপাট করে, ঘর জ্বালায়। দেইখ বাবা সাবধান। আল্লাহ্ র কাছে জবাবদিহী হইবা। আখেরাতে নবিজীর শেফায়ত পাইবা না।

মনডা খারাপ হইল। কামড়া বোধ হয় ভুল হইল। তখনও আম-  
রার গ্রামের মধ্যে রাজাকার দল হয় নাই। আমরা হইলাম পরথম দল।  
সাতদিন হইল ট্রেনিং। লেফট রাইট, লেফট রাইট। বন্দুক সাফ করার  
কায়দা শিখলাম। গুলি চারাইতে শিখলাম। “বায়োনেটে চারজ” করতে  
শিখলাম। মিলিটারীরা যত্ন ফটেরা সব শিখাইল। তারা সব সময়  
কহিত “তুমি সাক্ষাৎ পাকিস্তানী, মুক্তি বাহিনী একদম সাফা কর দো।”  
মনডার মধ্যে শান্তি পাই না। বুকটা কান্দে। রাইতে ঘুম হয় না।  
আমরার সাথে ছিল রাখানগরের কেলামত মওলা। সে আছিল রাজাকার  
কমান্ডার। আহা ফেরেশতার মত আদমী। আর মারফতি গান যখন  
গাইতো চট্কে পানি রাখন যাইত না। মাঝে মাঝেই কেলামত ভাইয়ের  
গান শুনতাম—

“ও মনা

দেহের ভিতরে অচিন পাখী অচিন সুরে গায়  
তার নাগল পাওয়া দায়”

যখন হিন্দুর ঘরে আগুন দেওয়া শুরু হইল, কেলামত ভাই  
কহিলেন—“এইটা কি কাণ্ড? কোন মেস নাই, কিছু নাই ঘরে কেন  
আগুন দিমু?” ওস্তাদজী কহিলেন—

ঃ ও তো ইন্দু হ্যায় গদ্বার হুগু

কেলামত ভাইয়ের সাহেবের সীমা নাই। বুক ফুলাইয়া কহিল—

ঃ আগুন নেই দেয়া

ওস্তাদজী কহিলেন—“আও হামারা সাথ।” কেলামত ভাই গেলেন।  
দুইদিন পরে তার লিঙ্গ নদীতে ভাইস্যা উঠলো। ইয়া মাবুদে এলাহী,  
ইয়া পারওয়ার দেগার, কি দেখলাম। মাথা একেবারে বেঠিক হইয়া  
গেল। মিলিটারী যা করে তাই করি। নিজের হাতে আগুন লাগাইলাম  
সতীশ পালের বাড়ী, কানু চক্রবর্তীর বাড়ী, পণ্ডিত সাহেবের বাড়ী। ইস্  
মনে উঠলেনই কহিলজাটা পুড়ায়।

শেষ মেস মিলিটারীরা শরাফত সাহেবের বড় পুল্লাডারে ধইরা  
আনল। আহা রে কি কান্দন ছেলের। এখনো চট্কে ভাসে। বি, এ  
পাশ দিয়া এম, এ পড়তো। যেমন সুন্দর চেহারা তেমন আচার ব্যাভার।  
ডব্রলোকের ছেলে যেমন হওনের তেমন। একদিন বাজারে বইয়া আছি।  
শরাফত সাহেবের পুল্লাডার সাথে দেখা। আমারে দেই কহিল, “হাসান  
ভাই ভাল আছেন?” আমি একটা কামলা মানুষ। আমারে আপনে  
কওনের কি দরকার? কিন্তু সেই ছেলে শিক্ষিত হইলে কি হইব মনডা

ছিল ফিরশতার। আহারে বন্দুকের সামনে দাড়াইয়ে কেমন কালা হইয়া গেল চেহারাটা। আমি একটু দূরে খাড়াইয়া আল্লাহ্ রসুলের নাম নিতাছি। আমার মাথার গুণ্ডাগোল হইয়া গেছে। কি করতাম ভাইব্যা পাইনা। শেষকালে ছেলেটা আমার দিকে চাইয়া কইল—“হাসান ভাই আমারে বাঁচান।” ক্যাপ্টেন সায়েবের পাও জড়াইয়া ধরলাম লাভ হইল না। আহারে ভাইরে আমার। কইলজাড়া পুড়ায়। আমি একটা কুত্তার বাচ্চা। কিছু করবার পারলাম না।

সইক্য্য কালে শরাফত সায়েবের বাড়ীত গিয়া দেখি ঘর দেয়ার অন্ধকার। ছেলেটার মা একলা বইয়া আছে। তারে কেউ গুলির খবর কয় নাই। আমারে দেইক্য্য কইল—“ও হাছান আমার ছেলেটা বাঁইচ্চা আছে? আল্লাহ্‌র দোহাই হাঁচ্চা কথা কইবা।”

আমি তাঁর পা ছুইয়া কইলাম; “আম্মাজী বাঁইচ্চা আছে। আপনি চাইরডা দানা পানি খান।”

সেই রাইতেই গেলাম মসজিদে। পাক কোরআন হাতে লইয়া কিরা কাটলাম। এর শোধ তুলবাম। এর শোধ না তুললে আমার নাম হাসান আলী না। এর শোধ না তুললে আমি মাপের পুলা না। এর শোধ না তুললে আমি বেজম্মা কুত্তা।

রাতিরে ক্যাম্প ফিরতেই ছাইলার সাব কইলেন—পূবের বাৎকারে একটা লাশ পইরা আছে, আমি কাম নদীর মধ্যে ফালাইয়া দিয়া আসি।

কি সর্বনাশের কথা। ইয়া মাবুদে এলাহী। গিয়া দেখি কবিরাজ চাচার ছোট মাইয়ার ফুলের মত মাইয়া গো। বারো তেরো বছর বয়স। ইয়া মাবুদ ইয়া মাবুদ। কাপড় দিয়া শইলডা চাইক্য্য কইলাম—“তইন মাপ করিস।” এইটা কি, চউক্কে পানি আসে কেন? আরে পোড়া চউখ এখন পানি ফালাইয়া কি লাভ? আগেতো দেখলি না। আগেতো আন্না হইয়া রইলি।

সাথের পুলাপান্ডির বড় পরিশ্রম হইতছে। আল্লাহ্ আল্লাহ্ কইরা যদি রামদিয়া ঘাটে পৌছাইতে পারি তয় রক্ষা। ইয়া মাবুদ এই পুলাপান্ডিরে বাঁচাইয়া রাইখোগো। গরম পীরের দরগাত সিল্লি মানলাম। আমি তিন কালের বুড়া। আমি মরলে কি? এক চেয়ারম্যান সাব ছাড়া কেউ এক ফোঁটা চউক্কের পানি ফালাইত না। মরনের পরে হাশরের মাঠে যদি কবিরাজ চাচার মাইয়ার সাথে দেখা হয় তয় মাইয়ার হাত ধইরা কমু, “তইন, শোধ তুলছি। এখন কও তুমি আমারে মাফ দিছ কি দেও নাই।”

## আবদুল মজিদ

এখন বাজছে একটা।

আর এক ঘণ্টার মধ্যে কি রামদিয়া পৌঁছানো যাবে? আমার মনে হয় না। হাসান আলীকে জিজ্ঞেস করলাম—

ঃ আর কতদূর হাসান আলী?

জানি জবাব দেবে না। তবু জিজ্ঞেস করেছি। কারণ এখান থেকে রামদিয়া কতদূর তা জানে শুধু হাসান আলী। ব্যাটা নবাবের নবাব, কথা জিজ্ঞেস করলে উত্তর দেবে না। দেব নাকি রাইফেলের বাঁটি দিয়ে একটা?

ক্ষিধে যা পেয়েছে বলবার নয়। মনে হচ্ছে একগামলা ভাত খেয়ে ফেলতে পারি। সেবার তালুকদার সাহেবের বাসার জ্বর খাইয়েছিল। হারামজাদা ভীতুর একশেষ। মুক্তি বাহিনী এসেছে শুনে ভয়ে পেছাব করে দেবার মত অবস্থা। আরে ব্যাটা বলদ তুই কি মালাল না-কি রে? তুই ভয় পাস কি জন্যে? সারাফণ হাত জোড় করে কি হেঁ হেঁ, কি বিশ্রী। তবে যাই হোক খাইয়েছিল জ্বর। একেবারে এক নম্বর খানা। পোলাও-টোলাও রাখিয়ে এলাহী কারবার। 'জিভ রুহ ব্যাটা।' কই মাছ ভাজার স্বাদ এখনো মুখে লেগে রয়েছে। হাসান আলীর খাওয়ার কি আর ঠিক আছে? একবার দুদিন শুকনো রুটি খেয়ে থাকতে হল। সে রুটিও পয়সার মাল। আবু ভাই বলেছিলেন—

“এই রুটি দিয়ে ভাল একজোড়া জুতা বানানো যায়।”

ক্ষিধে পেনে শুধু খাওয়ার কথা মনে হয়। মহসিন হলে ফিস্ট হল একবার। জনে জনে ফুল রোস্ট। সেই সঙ্গে নবাব, রেজালা আর দৈ মিষ্টি। খেয়ে ফুল পাইনা এমন অবস্থা। বাবুর্চি রাঁধতো ফাল্ট ক্লাস।

পায়ের কাটাটা জানান দিচ্ছে। ভাঙা শামুকের এমন ধার! প্রথমে ডাবলাম সাপে কামড়ালো বুঝি। বর্ষা বাদলা হচ্ছে সাপের সিজন। এ অঞ্চলে আবার শামুক ভাঙা ফেউটের ছড়াছড়ি। ছোবল মেরে শামুক ভেঙে খায়। রাতে বিরাতে এ রকম একটা সাপের গায়ে পা দিতে পারলে মন্দ হয় না। বন্দুক নিয়ে তাহলে এ রকম আর ঘুরে বেড়াতে হয় না। নিরবিচ্ছিন্ন শান্তি যাকে বলে।

আমার আর ভাল লাগে না সত্যি। কি হবে দু একটা টুশ টাশ করে। মিলিটারী কমছে কই? বন্যার জলের মত শুধু বাড়ছে। রাজাকার পয়দা হচ্ছে হ হ করে। যে অবস্থা, একদিন দেখবো আমরা কয়জন ছাড়া

সবাই রাজাকার হয়ে বসে আছে। আর হবে নাইবা কেন? প্রাণের ভয় নেই? রাজাকার হলে তাও প্রাণটা বাঁচে। তা'ছাড়া মাসের শেষে বাঁধা বেতন। লুটপাটের ঢালাও বন্দোবস্ত। দেখে শুনে মনে হয় দূর শালা রাজাকার হয়ে যাই।

কি আবোল ভাবোল ভাবছি। সোহরাব সাহেবের মত মাথাটাই খারাপ হয়ে গেল নাকি? সোহরাব সাহেবকে দেখে কে বলবে তার মাথাটা পুরা ফরাট নাইন হয়ে বসে আছে। দিব্যি ভাল মানুষ, মাঝে মাঝে শুধু বলবে “ইস গুলিটা শেষে কপালেই লাগলো।”

দু' মাস ছিল বেচারার মুক্তি বাহিনীতে। সাহসী বেপেরোয়া ছিলে। আমগাছ থেকে একবার মিলিটারী জীপে গ্রেনেডমেরে একজন আর্টি লারী ক্যাপ্টেনই সাবার করে দিল। দারুণ ছেলে। একদিন খবর পাওয়া গেল কোন বাজারে গিয়ে নাকি ধুমছে দেশী মদ ভাম হয়ে পড়ে আছে। মদের বোঁকে ভেউ ভেউ করে কাঁদছে আর বলছে—“হায় হায় ঠিক কপালে গুলি লেগেছে।” আবু ভাইয়ের সঙ্গে জাফর গিয়ে খুব বানালো—দুই রদ্দা খেয়ে নেশা ছুটে গেল কিং এ কথাগুলি গেল না। রাত দিন বলত “ইস কি কাণ্ড শেষ পর্যন্ত ঠিক কপালে গুলি?” ঘুম নেই খাওয়া নেই শুধু এই বুলি। এখন কোথায় আছে কে জানে। চিকিৎসা হচ্ছে কি ঠিক মত চিকিৎসারো যদি এ রকম হয় তবেতো বিপদের কথা।

: দাড়ান সবাই দাড়ান।

কে কথা বলে? হাসান আলী নাকি? ব্যাটা আবার হুকুম দিতে শুরু করল কবে থেকে? জায়গাটা ঘুপসী অন্ধকার, চারদিকে বুনো ঝোপ ঝাড়। পচা গোবরের দম আটকানো গন্ধ আসছে। হমায়ুন ভাই বলেন—

: কি হয়েছে হাসান আলী?

: কিছু হয় নাই।

কি হয়েছে তা নিজ চোখেই দেখতে পেলাম। আনিস লম্বালাপি পড়ে রয়েছে মাটিতে। এত বড় একটা জোয়ান চোখের সামনে আছাড় খেয়ে পড়ে গেল আমি দেখতেও পেলাম না? কি আশ্চর্য! কি ভাবছিলাম আমি? হাসান আলী ধরাধরি করে তুললো আনিসকে। বাদার পানিতে সারা শরীর মাখামাখি। হমায়ুন ভাই অবাক হয়ে বললেন—

: কি হয়েছে আনিস?

: কি জানি মাথাটা হঠাৎ ঘুরে উঠলো।

ঃ দেখি তোমার হাত। আরে এ যে ভীষণ জ্বর। কখন জ্বর উঠলো ?

ঃ কি জানি কখন।

ঃ এসো, আশেপাশের কোন বাড়ীতে তোমাকে রেখে যাই।

ঃ আমি হাঁটতে পারব।

ঃ পারতে হবে না। মজিদ তুমি ওর হাতটা ধর।

গাঙ্গে হাত দিয়ে দেখি সত্যি গা পুড়ে যাচ্ছে। ব্যাটা বলদ, বলবিতো শরীর খারাপ।

হাসান আলী বললো—“সামনেই মোস্তফার সাহেবের বাড়ী। আসেন সেই বাড়ীতে উঠি।”

জাফর বললো—“কতদূর হে সেটা?”

ঃ কাছেই। এক পোয়া মাইল। জুম্মা ঘরের দক্ষিণে।

হাঁটতে হাঁটতে পা ব্যথা হয়ে যায়। জুম্মা ঘরও আসেনা। এক পোয়া মাইলেরও ফুরাবার নাম নেই। যতই দিগন্ত করি—“কতদূর হাসান আলী?” হাসান আলী বলে—“ঐসে দেখা যায়।”

মোস্তফার সাহেবের বাড়ীটি প্রকাণ্ড। গরীব গ্রামের মধ্যে বাড়ীর বিশালত্ব চট করে চোখে পড়ে। বাসার সামনে প্রশস্ত পুকুর। তার চার পাশে সারি বাঁধা তালগাছ। আমরা বাড়ীর উঠানে দাঁড়াতেই রাজ্যের কুকুর ঘেউ ঘেউ শুরু করেন। কি বামেলারে বাবা। বাড়ীর ভেতর থেকে কেউ একজন পাকিস্তানি চৌচাতে লাগলো—“আসগর মিয়া আসগর মিয়া, ও আসগর মিয়া।”

জাফর তার স্বস্তিবসূলভ উঁচু গলায় ডাকলো—“বাড়ীতে কে আছেন। দরজা খোলেন।”

হঠাৎ করে বাড়ীর সব শব্দ থেমে গেল। আর কোন সাড়া শব্দ নেই। জাফর আবার বললো—“ভয় নাই আমরা মুক্তি বাহিনীর লোক।” তাও কোন সাড়াশব্দ নেই। শেষ পর্যন্ত হাসান আলী বললো—“গনি চাচা আমি হাসান।” তখন খুট করে দরজা খুলে গেল। একটি ভয় পাওয়া মুখ বেরিয়ে এল হারিকেন হাতে।

হাসান আলীর কারবার দেখে গা জ্বলে যায়। তার গলা শুনলে যখন দরজা খুলে দেয় তখন গলাটা একটু আগে শোনালেই হয়। জাফর বললো—

ঃ বিরক্ত করলাম, কিছু মনে করবেন না। এই ছেলেটার শোয়ার বন্দোবস্ত করেন। আর আমাদের ভাত খাওয়াতে পারবেন ?

- ঃ জ্বি জ্বি নিশ্চয়ই পারব।
- ঃ আপনার নাম কি ?
- ঃ গনি। আব্দুল গনি।
- ঃ ডাক্তার আছে এদিকে ?
- ঃ আছে হোমিওপ্যাথ।
- ঃ দুস্তোরি হোমিওপ্যাথ।

গনি সাহেব ছাড়া আরো দুজন লোক জড় হয়েছে। তারা চোখ বড় বড় করে তাকিয়ে আছে। আনিস তোষকহীন একটি চৌকিতে শুয়ে পড়েছে। গনি সাহেব বললেন—

- ঃ কি হয়েছে ওনার ? গুলি লেগেছে নাকি।
- ঃ না। আপনি ভেতরে গিয়ে আমাদের খাওয়ার ব্যবস্থা করেন।
- ঃ জ্বি জ্বি।

বুড়ো ভদ্রলোক ব্যস্তসমস্ত হয়ে চলে গেলেন। দেখতে দেখতে বাড়ী জেগে উঠলো। রক্ত রক্ত ধ্বনি শোনা যাচ্ছে—“অমিনা ও আমিনা।” ‘হারিকেনটা কই ?’ ‘দূর ধুমসী ঘুমায় কি ?’

ভাগ্য ভাল বাড়ীটি একপাশে। পাড়ার লোক সেই কারণেই ভেঙে পড়লো না। গনিসাহেব একধামা বাড়ি আর গুড় দিয়ে গেলেন। বললেন— অল্পক্ষণের মধ্যেই রান্না হবে। গনিসাহেবকে তুলতে গিয়ে দেখি সে অচেতন। মুখ দিয়ে ফেনা ভাঙছে।

আনিসের শরীরে দুইটা খারাপ ধারণা করিনি। নৌকায় ওঠার সময় অবশ্য একবার বলছিল বমি বমি লাগছে। কিন্তু এ রকম অসুস্থ হয়ে পড়বে কে ভেবেছিল ? আনিসটা মেয়ে মানুষের মত চাপা।

দেখতে পাচ্ছি আনিসকে নিয়ে ব্যস্ততা শুরু হয়েছে। হাসান আলী পানি ঢালছে মাথায়। জাফর প্রবল বেগে হাতের তালুতে গরম তেল মালিশ করছে। বাড়ীর কর্তা, মোক্তার সাহেব বিপন্ন মুখে দাঁড়িয়ে আছেন। এতক্ষণ লক্ষ্য করিনি পেছন থেকে দেখতে মোক্তার সাহেবকে অনেকটা আমার বাবার মত দেখায়। ঠিক সে রকম ভরাট শরীর, প্রশস্ত কাঁধ। আশ্চর্য মিল।

আনিসের জ্ঞান ফিরলো অল্পক্ষণেই এবং সে লজ্জিত হয়ে পড়ল। হুমায়ূন ভাই বললেন—“নাও দুধটা খাও আনিস।”

- ঃ দুধ লাগবে না। দুধ লাগবে না।
- ঃ আহা খাও।

আনিস বিব্রতমুখে দুধের গ্লাসে চুমুক দিল। আনিসকে কিন্তু ত-  
কিমাংকার দেখাচ্ছে। তার ভেজা মাথা থেকে পানি গড়িয়ে পড়ছে সারা  
শরীরে। মুখময় দাড়ি গৌফের জঙ্গল। তার মধ্যে সরু একটা নাক  
ঢাকা পরে আছে। জাফর বললো—“আনিস থাক এখানে।” হুমায়ুন  
ভাই বললেন—“নিশ্চয়ই নিশ্চয়ই।”

রাত দুটো বাজতে বেশী দেরী নেই। রামদিয়ায় আমাদের জন্যে  
টুনু মিয়ান দল অপেক্ষা করছে। হুমায়ুন ভাই বললেন—“আনিস  
কয়টা বাজে দেখতো।”

ঃ একটা পয়ত্রিশ।

ঃ বল ফি?

ঃ মোস্তার সাহেব, রামদিয়া কতদূর এখান থেকে?

ঃ দূর না। দশ মিনিটের পথ।

হাসান আলী বললো—‘দুইটার আগে পৌঁছাইয়া দিমা’ ভুলেই  
গিয়াছিলাম যে হাসান আলীর মত একজন বকিরকমা লোক আছে  
আমাদের সঙ্গে। সে নাকি যা বলে তাই করে। প্রমাণতো দেখতেই  
পাচ্ছি।

বাড়ীর ভেতরে রান্না শুরু হয়েছে বুঝতে পারছি। চিকণ গলায় কে  
একজন মেয়ে ঘন ঘন ডাকছে—‘হালিমা ও হালিমা।’ সেই সঙ্গে  
দমকা হাসির আওয়াজ। একটা উৎসব উৎসব ভাব। বেশ লাগছে।

সেরেছে। আনিস দেখি আমি করছে। ব্যাপার কি। চোখ হয়েছে  
টকটকে লাল। নিঃশব্দ পড়ছে ঘন ঘন। মরে টরে যাবে না তো আবার?  
দুডেরি কি শুধু আজ বাজে কথা ভাবছি। বুঝতে পারছি অতিরিক্ত  
পরিশ্রম আর মানসিক দুশ্চিন্তায় এ রকম হয়েছে। আজ রাতটা রেষ্ট  
নিলেই সব ঠিক হয়ে যাবে। একটি ছেলে পাখা করছে আনিসের মাথায়।  
খুব বাহারী পাখা দেখি। চারিদিকে রঙিন কাপড়ের ঝালর।

জাফরও শুয়েছে লম্বা হয়ে। জাফরের শোয়া মানেই ঘুম। ঘুম  
তার সাধা, কোন মতে বিছানায় মাথাটা রাখতে পারলেই হল। ডাত  
রান্না হতে হতে সে তার সেকেন্ড রাউণ্ড ঘুম সেরে ফেলবে। ফার্স্ট  
রাউণ্ডতো নৌকাতেই সেরেছে। জাফরের ঘুম আবার সুরেলা। ফুরুর  
ফুরুর করে নাক ডাকবে। এই কথা বলেছিলাম বলে একদিন কি রাগ।  
মারতে আসে আমাকে। বেশ লোক দেখি তুমি! ফুরুর ফুরুর করে  
নাক ডাকতে পারবে আর আমরা বলতেও পারব না? করলে দোষ নয়  
বললে দোষ?

ঠিক আমার বাবার মত। রাতদিন কারণে অকারণে চেঁচাচ্ছেন। আর সেও কি চেঁচানি। রাস্তার মোড় থেকে শুনে লোকে খবর নিতে আসে ‘বাসায় কি হয়েছে।’ মা একদিন বিরক্ত হয়ে বললেন—“কি রাতদিন চেঁচাও”, ওন্নি বাবার রাগ ধরে গেল। ঘাড় টার ফুলিয়ে বিকট চিৎকার—

ঃ কি আমি চেঁচাই?

মা সহজ সুরে বললেন—“এখন কি করছ, চেঁচাচ্ছ না?”

“চুপ রাও। একদম চুপ।”

বাবার কথাটা মনে হলোই এই হাসির কথাটা মনে পড়ে। এমন সব ছেলেমানুষী ছিল তার মধ্যে। একবার খেয়াল হল আমাদের সবাইকে নিয়ে বেড়াতে যাবেন সীতাকুণ্ড তাঁর এক বন্ধুর বাড়ী। দুমাস ধরে চললো আয়োজন। বাবার ব্যস্ততার সীমা নেই। বাবার দিন এক ঘণ্টা আগে স্টেশনে নিয়ে গেলেন সবাইকে আর মুকি চেঁচানি—“এটা ফেলে এসেছ ওটা ফেলে এসেছ।” ট্রেন আসলে সবাই উঠলাম। পাহাড় প্রমাণ মাল তোলা হল। এক সময় ট্রেন থেমে দিল, দেখা গেল বাবা উঠতে পারেন নি। প্রাণপনে দৌড়াচ্ছেন। ক্রান্তির কাছে যে কোন একটা কামরায় উঠে পরলেই হয়, না তা উঠবেন না। আমরা যে কামরায় উঠেছি ঠিক সে কামরায় ওঠা চাই। এক সময় দেখলাম বাবা হোঁচট খেয়ে পড়েছেন। হুঁস হুঁস করে তাঁর পিঠের সামনে দিয়ে ট্রেন চলে যাচ্ছে। আচ্ছা, মৃত মানুষরা কি মানুষের মনের কথা টের পায়? যদি পায় তা হলে বাবা নিশ্চয়ই আমি কি ভাবছি বুঝতে পারছেন? আচ্ছা ধরা যাক একটি লোককে সমাজ মিলে ফাঁসি দিচ্ছে, তাহলে সেই হতভাগ্য লোকটির চোখে মুখে কি ফুটে উঠবে? হতাশা, ঘৃণা, ভয়—আমার মাথাটাই খারাপ হয়ে গেল নাকি? নয়তো এ রকম অর্থহীন চিন্তা কেউ করে? ওকি আনিস আবার বমি করছে নাকি? জোর করে দুধটা না খাওয়ালেই হত।

মোস্তার সাহেব এসে চুপি চুপি কি বলছেন হুমায়ূন ভাইকে। কে জানে এর মধ্যেই এমন কি গোপনীয় কথা তৈরী হয়েছে যা কানের কাছে মুখ নিয়ে বলতে হবে। আরে আরে এই ব্যাপার। এটা আবার কনাকানি বলতে হবে নাকি? বললেই হয়—“ভাত দেয়া হয়েছে খেতে আসেন।” যত বেকুবের দল। হাসান আলী বললো—“তাড়াতাড়ি করেন সময় নাই।” মা তব্বর-কোথাকার। সময় নেই সেটা তোর কাছে জানতে হবে নাকি?

খেতে বসে দেখি ক্ষিধে মরে গেছে। তরকারীতে লবণ হয়েছে বেশী। ভাত হয়েছে কাদার মত নরম। চিবোতে হয় না, কোঁৎ কোঁৎ করে গিলে ফেলা যায়। ভাল হল না মোটেই। জাফর বললো— “হ নোজ্জ দিস মে বি আওয়ার লাস্ট মিল।” কথায় কথায় ইংরেজী বলা জাফরের স্বভাব। তার ধরন ধারণও ইংরেজের মত। এই মহা দুর্যোগেও ভোরবেলা উঠেই তার শেড করা চাই। দুপুরে সাবান মেখে গোসল সারা চাই। দিনের মধ্যে দশবার তিরুণীর ব্যবহার হচ্ছে। রূপ যাদের আছে তারাই রূপ সচেতন হয়। এবং এত উলঙ্গভাবে হয় যে বড় চোখে লাগে।

আমাদের পাশের বাড়ীর রেহানা দশ এগারো বছর বয়স পর্যন্ত কি চমৎকার মেয়েই না ছিল। কিন্তু যেই তার বয়স তেরো পেরিয়ে গেল, যেই সে বুঝলো তার চোখ ধাঁধানো রূপ আছে, ওশিন সে বদলে গেল। আহ্লাদী ধরনের টেনে টেনে কথা বলা—‘ম-জি-দে-ছা-ই’ ঘন ঘন দু কোঁচকানো। জঘন্য জঘন্য।

হুমায়ূন ভাই বোধ হয় কোন একটা রসিকতা করলেন। ভ্যাক ভ্যাক করে হাসছে সবাই। আমি অন্যমনস্ক হিলাম বলে শুনতে পাইনি। এখন সবাই হাসছে, আমি মুখ কানো করে বসে আছি। মিশ্চয়ই বোকা বোকা লাগছে আমাকে। পুথি জানে রসিকতাটা হয়ত আমাকে নিয়েই। সবাই যে ভাবে তাকিয়েছে আমার দিকে তাতে ভাই মনে হয়। ওকি হাসান আলীও হাসছে দেখি।

হাস বাবা হাস হাঁস হচ্ছে হাস। কিছুক্ষণ পরই যখন বম বম করে মর্টারের শেল ছাড়া শুরু হবে তখন এত রস আর থাকবে না। কাজেই এই হচ্ছে ‘গোল্ডেন আওয়ার’।

ঃ পান আনবো? পান খাবেন?

জিজ্ঞেস করল কে যেন। আমি মাথা নাড়লাম। পান টান লাগবেনায়ে বাবা। বিনা পানেই চলবে। মুড নেই। পান, সিগারেট, চা এসব হচ্ছে মুডের ব্যাপার, মুড না থাকলে বিষের মত লাগে।

হুমায়ূন ভাই বললেন—“আমরা রওনা হচ্ছে। আনিস তুমি থাক। ফেরবার পথে তোমাকে নিয়ে যাব।” তিনি তাহলে ফেরবার চিন্তাও করছেন। ভুলে গেছেন নাকি মেথিকান্দা মুজিবাহিনীর মৃত্যুকুপ। আজ যাত্রা থেকেই অলঙ্কন শুরু হয়েছে। নৌকাও ছাড়লো, রুগিও নামলো। হুমায়ূন ভাই একটা প্রচণ্ড উল্কাপাত দেখলেন। আনিস হস্মে পড়লো অসুস্থ। শেষটার কি হবে কে জানে।

বড় অস্থির লাগছে। “ইয়া মুকাদ্দেমু, ইয়া মুকাদ্দেমু, ইয়া মুকাদ্দেমু” কে যেন বলেছিল যুদ্ধের সময় এই হচ্ছে সবচে ভাল দোয়া, যার অর্থ ‘হে অগ্রসরকারী।’ এই দোয়া পড়ে শুধু এগিয়ে যাওয়া।

না বড় খারাপ লাগছে। ভালয় ভালয় ফিরে আসলে আর যাব না। সম্ভব হলে ফিরে যাব মৈমনসিংহ। কিন্তু গিয়ে করবটা কি? মা কোথায় আছেন কে জানে? বাবা বেচারার মরে বেঁচেছেন। কোন দায় দায়িত্ব নেই। কিন্তু আমিই বা কোন্ দায়িত্ববান সুপুত্রটি? বাবাকে ধরে নিয়ে পেল মিলিটারী, আমিও আসলাম পালিয়ে অচাচ নিশ্চিত জানি মায়ের কোন সহায় সম্বল নেই। বোনগুলি বোকায় বেহুদ। ফিরে গিয়ে হয়ত দেখব “অল কোরায়েত ইন দি ওয়েস্টার্ন ফ্রন্ট। কেউ নেই সব সাক্ষ্য হয়ে গেছে। মন্দ হয়না খুব। বাঁধা বন্ধনহীন বঙ্গাহারা জীবন। কি আনন্দ!

অবশ্যি এমনও হতে পারে—দেশ স্বাধীন হবে। আমি মৈমনসিংহ ফিরে যাব। বাবাকে হয়তো তারা প্রাণে মারেনি। তিনি জেল থেকে বেরিয়ে আসবেন। আবার আমরা সীমান্তে যাব। পাহাড় প্রমাণ জিনিসপত্র তোলা হবে ট্রেনে। এক সন্ধ্যা স্ত্রী ছেড়ে দেবে, দেখবো বাবা প্রাণপনে দৌড়াচ্ছেন—। আহ দোখ জল আসে কেন?

: মোক্তার সাহেব দোয় রাখবেন। খোদা হাফেজ আনিস।

: খোদা হাফেজ। খোদা হাফেজ।

আনিস সাবেত

আমার মন কলকাতা আজকের মুন্সে হুমায়ুন ভাই মারা যাবেন। নৌকার ছাদে বসে তিনি যখন আপন মনে গুন গুন করছিলেন তখন আমার এ কথাটা মনে হয়েছে। কিছুক্ষণ পর তিনি নেমে এসে বললেন— “অনেকগুলি উল্কাপাত হল। একটা তো প্রকাণ্ড।” তখনি আমি নিশ্চিত হয়েছি। আমার মনের মধ্যে যে কথাটি ওঠে তাই সত্যি হয়। এ আমি অনেকবার দেখেছি।

সেবার স্বরূপহাটির রেলওয়ে কালভার্ট ওড়াতে গিয়েছি আমি রহমান আর ওয়াহেদ। রহমানের আবার খুব চায়ের নেশা। খুঁজে খুঁজে চায়ের দোকানও একটা বের করেছে। বিস্বাদ তেতো চা, তাতে চুমুক দিয়ে রহমান চৌঁড়িয়ে উঠলো—“ফাণ্ট ক্লাপ চা।” আর তখনি কেন জানি আমার মনে হল রহমানের কিছু একটা হবে। হল তাই। হুমায়ুন ভাইয়ের বেলাও কি তাই হবে?

হুমায়ূন ভাইয়ের ঢাকার বাসার ঠিকানা আছে আমার কাছে। ১০/৭ বাবর রোড। মোহাম্মদপুর। ঢাকা-৭। দোতালায় থাকেন তাঁর বাবা মা। যদি সত্যি কিছু হয় তাহলে এই ঠিকানায় খবর দিতে আমি নিজেই যাব। তাঁর মা নিশ্চয়ই জানতে চাইবেন তাঁর ছেলে কি ভাবে থাকতো, কি করত। সব বলব আমি খুঁটিয়ে খুঁটিয়ে। তাঁরা হয়ত ছেলে কোথায় মারা গেছে দেখতে চাইবেন। আমি নিজেই তাঁদের নিয়ে আসব। আমরা আজ যে পথে এসেছি সেই পথেই আনব। বলব—“রাতটা ছিল অন্ধকার। নক্ষত্রের আলোর আলোয় এসেছি। পথে মোস্তার সাহেবের বাড়ীতে ভাত খেয়েছি।” হুমায়ূন ভাইয়ের মা হয়ত মোস্তার সাহেবকে দেখতে চাইবেন। মোস্তার সাহেবকে হয়ত তিনি বলবেন—“আপনি আমার ছেলেকে শেষবারের মত ভাত খাইয়েছেন। আল্লাহ আপনার মঙ্গল করুক।”

ঃ ক্যান কান্দেন ?

আমাকে যে ছেলের বাতাস করছিল সে সবাক হয়ে আমার কাঁদবার কারণ জানতে চাইছে। ইচ্ছে করে কি আর কাঁদছি? হঠাৎ চোখে জল আসল।

ঃ মাথার মধ্যে পানি দিবেন একটু।

ঃ না।

ঃ মাথাটা টিপা দিমু ?

ঃ না না।

সে দেখি আমার পানি না করে ছাড়বেনা। মাথার হাত বুলিয়ে দিতে লাগলো। কিন্তু আমার সহ্য হচ্ছেনা। আমিতো দিব্যি আরাম করে শুয়ে আছি। আর ওরা নিশ্চয়ই কান্দা ভেঙে দ্রুত গতিতে এগুচ্ছে। রামদিয়া থেকে আরো দু মাইল উত্তরে মেথিকান্দা। সেখানে তারা হাঁটা পথে যাবে না নৌকায় ?

তুঁনু মিয়ান দলে মোট কতজন ছেলে আছে? হুমায়ূন ভাই একবার বলেছিলেন কিন্তু এখন দেখি ভুলে বসে আছি। ওদের দু ইঞ্চি মর্টারও আছে। মেথিকান্দা আজ নিশ্চয়ই দখল হবে। সুজনতলির রেলওয়ে পুলও উড়িয়ে দেয়া হবে। সমস্ত অঞ্চলটা বিজিত করে দিয়ে স্বাধীন বাংলার ফ্লাগ উড়িয়ে দেব। ফাইন। কে জানে এত গোলমালে কেউ কি আর জাগীয়া পতাকার কথাটা মনে রাখবে? স্বাধীন নৌকাজনের কাছে নিশ্চয়ই স্বাধীন বাংলার ফ্লাগ পাওয়া যাবে। আগেতো ঘরে ঘরে ছিল। মিলিটারী আসবার পর সবাই হয় পুড়িয়ে ফেলেছে

নয়তো এমন জায়গায় লুকিয়েছে যে ইঁদুরে খেয়ে গিয়েছে। এমন দিনে একটা বাকবাক নতুন ফ্ল্যাগ চাই।

এত দিন শুধু ছোট খাটো হামলা করেছি। বিভিন্ন থানায় ছোট খাটো খণ্ডযুদ্ধের পর রাতারাতি সরে এসেছি নিরাপদ স্থানে। আমাদের উদ্দেশ্য ছিল ব্যতিব্যস্ত করে রাখা। মুহূর্তের জন্যেও শান্তির ঘুম না দেয়া। কিন্তু আজকের ব্যাপার অন্য। আজ আমরা খুঁটি গেড়ে বসব। আহ্ আবার চোখে জল আসে কেন?

পর্দার আড়াল থেকে সুশ্রী একটি মেয়ে উঁকি দিয়ে আমায় দেখে গেল। বেশ মেয়েটি। ইচ্ছে হচ্ছিল ডেকে কথা বলি। কিন্তু ইচ্ছেটা গিলে ফেলতে হল। এ বাড়িতে কিছু সময় থাকতে হবে আমাকে। এ সময় এমন কিছু করা উচিত নয় যাতে এ বাড়ীর লোকজন বিরক্ত হয়।

: সলামালিকুম।

: অলায়কুম সালাম।

: আমি গণি মিয়া'র চাচাতো ভাই। বিরক্তির বাড়ীতে থাকি। মিয়া সাহেবের শরীলজা এখন কেমন?

: ভাল।

শুধু গণি মিয়া'র চাচাতো ভাই নয়, আরো অনেকেই জড় হয়েছে। সম্ভবত আরো লোকজন আসবে। আমার বিরক্তি লাগছে আবার ভালও লাগছে। বিরক্তি লাগছে কথা বলতে হচ্ছে বলে, ভাল লাগছে লোক-জনদের কৌতূহলী দোখ দেখে। তোমরা তাহলে শেষ পর্যন্ত কৌতূহলী হয়েছে? দেখতে এসেছে মুক্তিবাহিনীর ছেলেদের? বেশ বেশ।

ইস কি দিনই না গিয়েছে শুরুতে। গ্রামবাসী দল বেঁধে মুক্তিবাহিনী তাড়া করেছে এমন ঘটনাও ঘটেছে। অবশ্য তাদেরই বা দোষ দিই কি করে। মিলিটারী রয়েছে ওত পেতে। যেই শুনেছে অমুক গ্রামে মুক্তিবাহিনী ঘোরাকেরা করছে, হুকুম হল—“দাও ঐ গ্রাম জ্বালিয়ে।” যেই শুনেছে অমুক লোকের বাড়ী মুক্তিবাহিনী একরাগ্নি ছিল, ওশ্নি হুকুম হল “অমুক লোককে গুলি করে মার গ্রামের মধ্যস্থানে যাতে সবার শিক্ষা হয়।” আহ্, শুরুতে বড় কণ্টের দিন গিয়েছে।

কয়টা বাজে এখন? আমার কাছে ঘড়ি নেই। সময়টা জানা থাকলে হত। বুঝতে পারতাম কখন গুলির আওয়াজ পাব। অবশ্য প্রথম শুনবো ব্রীজ উড়িয়ে দেবার বিকট আওয়াজ। ব্রীজটা ওড়তে

পারবেতো ঠিকমত ? শুনেছি রেজাররা পাহারা দেয় সারা রাত। খুব অস্থির লাগছে। ওদের সঙ্গে গেলেই হত। না হয় একটু দূরে বসে থাকতাম। রেসের ঘোড়ার মত হল দেখি। রেসের ঘোড়া বুড়ো হয়ে গেলে শুনেছি অর্ধ উশ্মাদ হয়ে যায়। রেস শুরু হলে পাগলের মত পা নাচায়।

ঃ আপনার জন্যে দুধ আনব এক গ্লাস ?

সেই সুশ্রী মেয়েটি ঘরের ভেতর ঢুকেছে দেখে অবাধ লাগছে। গ্রাম-ঘরের বাড়ীতে এ রকমতো হয় না! বেশ কঠিন পর্দার ব্যাপার থাকে। আমার খানিকটা অস্বস্তি লাগছে। গণি মিন্নার ভাই, যিনি আমার বিছানার পাশে বসেছিলেন তিনিও আমার অস্বস্তি লক্ষ্য করলেন। মেয়েটি আবার বললো—

ঃ আনব আপনার জন্যে এক গ্লাস দুধ ?

ঃ না না দুধ লাগবে না।

ঃ খান ভাল লাগবে। আনি ?

ঃ আন।

গণি মিন্নার ভাই বললেন—

ঃ বড় ভাল মেয়ে। শহুরে পড়ে।

ঃ কি পড়ে ?

ঃ বি. এ. পড়ে। হোপেটলে থাকে।

শুনে আমি অস্বস্তি। তুমি তুমি করে বলছি, কি কাণ্ড ! কামিজ পরে আছে বলেই সন্দেহ হয় এত বাচ্চা দেখা যায়। তা ছাড়া তার হাব ভাবও ছেলেমানুষীর।

মেয়েটি মোস্তার সাহেবের বড় ভাইয়ের মেয়ে। বড় ভাই ও ভাবী দুজনেই মেয়েটিকে ছোট রেখে মারা গেছেন। মেয়েটি মোস্তার সাহেবের কাছেই বড় হয়েছে। পড়াশোনার খুব ঝোঁক। ঢাকায় হোপেটলে থেকে পড়ে। গুণগোলের আভাস পেয়ে আগে ভাগেই চলে এসেছিল।

মেয়েটি দুধের গ্লাস আমার সামনের টেবিলে নামিয়ে রাখলোনা। হাতে নিয়ে দাঁড়িয়ে রইলো। আমি বললাম—

ঃ তোমার নাম ?

ঃ হামিদা। হামিদা বানু।

আমি চুপ করে রইলাম। কি বলব ভেবে পেলাম না। অথচ মেয়েটি দাঁড়িয়েই আছে। হয়ত কিছু কথা শুনতে চায়। যুদ্ধের গল্প শুনতে মেয়েদের খুব আগ্রহ। হামিদা এক সময় বললো—

ঃ আমার নামটা খুব বাজে। একেবারে চাষা চাষা নাম।

আমি বললাম—‘নাম দিয়ে কি হয়?’

ঃ হয়না আবার! আমার বন্ধুদের কি সুন্দর সুন্দর নাম। একজনের নাম ‘কিন্নরী’, একজনের নাম ‘স্বাতী’।

মোস্তার সাহেব বললেন—

ঃ আপনার জন্যে ডাক্তার আনতে লোক গেছে। ভাল ডাক্তার—  
এল. এম. এফ। হামিদা আশ্মাজি, ভেতরে যান।

বাহ্ কি সুন্দর আশ্মাজি ডাকছে। মেয়েটি বোধ হয় সবার খুব আদরের। মোস্তার সাহেবের কথায় সে ঘাড় ঘুরিয়ে হাসল। আমাকে দেখতে আসা লোকগুলি চলে যাচ্ছে একে একে। এত তাড়াতাড়ি কৌতূহল মিটে গেল? মোস্তার সাহেব অবশ্য লোকজনের ব্যামেলা না করবার জন্যে বলছেন। তবুও তাদের আগ্রহ এত কী হতে হবে কেন?

অন্দর মহলের ফিসফিসানি শোনি যাচ্ছে। পর্দার ওপাশে জটলা পাকানো মেয়েদের অস্তিত্ব টের পাওয়া যায়। হামিদা বললো—

ঃ ওরা আপনাকে দেখতে চায়। মুক্তিবাহিনী কোন দিনতো দেখে  
নাই।

ঃ তুমি দেখেছ নাকি?

ঃ এইত আপনাকে দেখলাম।

বাহ্ বেশ মেয়েতো। বেশ গুছিয়ে কথা বলে। ইউনিভার্সিটিতে আমাদের সঙ্গে পড়ত—শেলী রহমান। সেও এরকম গুছিয়ে কথা বলত—  
এক একবার আমাদের হাসিয়ে মারত। শেলী রহমানের বাবাতো পুলিশ  
অফিসার ছিলেন। মিনিটারীর হাতে মারা যাননিতো?

ঃ কয় ভাই বোন আপনারা?

ঃ আমি একা। ভাইবোন নেই কোন।

ঃ ভাইবোন না থাকা খুব বাজে।

একি গুলির আওয়াজ শুনলাম না? তাহলে কি শুরু হল  
নাকি? তিনটা বেজে গেছে এর মধ্যে! আমি ছটফট করে বিছানা  
ছেড়ে উঠে পড়লাম—‘কয়টা বাজে হামিদা? একটু জেনে আসবে?’

মোক্তার সাহেব বললেন—“দুটো পঁচিশ।” কি আশ্চর্য, এখনো তো যুদ্ধ শুরু হয়নি। হামিদা বললো—

- ঃ কি হয়েছে ?
- ঃ গুলির আওয়াজ শুনলাম।
- ঃ কই নাতো।
- ঃ আমি তো শুনলাম নিজ কানে।

মোক্তার সাহেব বললেন—“না গুলির আওয়াজ নয়। গুলির আওয়াজ হলে বুঝতাম। কতবার যুদ্ধ হলো এখানে।”

মেথিকান্দার আশেপাশে যারা থাকে গুলির শব্দ তারা অনেকবারই শুনেছে। অনেকবার ব্যর্থ আক্রমণ হয়েছে এখানে। কিন্তু কেউ মুক্তি-বাহিনী দেখিনি এটা কেমন কথা! হয়তো সবাই বিল পার হয়ে ছোট খাল ধরে এগিয়েছে। আমাদের মত গ্রামের জিতবু দিয়ে রওনা হয়নি। যাই হোক এ নিয়ে ভাবতে ভাল লাগছে না। বসি বসি লাগছে। মাথাটা এমন ফাঁকা ফাঁকা লাগছে কেন? ব্রীজটা ঠিকমত ওড়াতে পারবেতো? এমন যদি হতো সবাই ঠিক ঠিক ফিরে এসেছে, কারো গায়ে আঁচড়টি লাগেনি। তাকি আর হবে। কি একটা গান আছে না সুবীর সেনের—“মন নিতে হলে মনের মূল্য চুপ করে শুয়ে থাকুন। ওকি, মাথা ঘুরছে নাকি ?

- ঃ আপনার কি হয়েছে, এ মকম করছেন কেন?
- ঃ কিছু হয়নি। এমত, এইতো গুলির শব্দ পাচ্ছি।
- ঃ হামিদা যুদ্ধ শুরু হল।
- ঃ বাতাসে জারিলা নড়ার শব্দ শুনছেন।
- ঃ মর্টারের শেল ফাটার আওয়াজ পাচ্ছ না?
- ঃ আপনি চুপ করে শুয়ে থাকুন। মাথায় পানি দেই?

মেয়েটির মাথা নীচু হয়ে এসেছে। কিন্নরি নাম না? উঁহু হামিদা। তাহলে কিন্নরি কার নাম? বেশ সুশ্রী মেয়েটি। গলাটা কি লম্বা! ফর্সা, হাঁসের মত। ঐতো আবার শেল ফাটার আওয়াজ। আহ পুরোদমে ফাইট চলছে।

- ঃ আপনি নড়াচড়া করবেন না। চুপ করে শুয়ে থাকুন।

অনেক অপরিচিত মহিলা ঘরের ভেতরে ভীড় করছেন। মোক্তার সাহেবকে দেখছি না তো। মোক্তার সাহেব কোথায়? এই দাড়িওয়াল লোকটি কে?

রামদিয়ার ঘাটে তারা যখন পৌঁছল তখন আকাশ আবার মেঘাচ্ছন্ন হয়ে পড়েছে। গুড় গুড় করে মেঘ ডাকছে। বিজলী চমকাচ্ছে ক্ষণে ক্ষণে। দমকা বাতাসে শৌ শৌ শব্দ উঠছে বাঁশবনে। হুমায়ুন পিছিয়ে পড়েছিল। হোঁচট খেয়ে তার পা মাচকে গিয়েছে। সে হাঁটছে খুঁড়িয়ে খুঁড়িয়ে। জাফর গলা উঁচিয়ে ডাকলো—

ঃ হুমায়ুন ব্রাদার, হুমায়ুন ব্রাদার।

তার ডাকার ভঙ্গিটা ফুতিবাজের ভঙ্গি। সব সময় এ রকম থাকে না। মাঝে মাঝে আসে। হুমায়ুন হাসলো মনে মনে। সেও খুব তরল গলায় সাড়া দিল—

ঃ কি ব্যাপার জাফর ?

ঃ বৃষ্টি আতা হ্যায়। বহুত মজাকা বাত।

বলতে বলতেই টুপ টুপ করে বিচ্ছিন্ন ভাবে বৃষ্টির ফোঁটা পড়তে লাগলো। জাফর হেসে উঠলো হো হো করে। যেন এ সময় বৃষ্টি আসাটা খুব একটা আনন্দের ব্যাপার।

হাসান আলী মাথার বাজ্ঞ নাসিহা তার উপর বসে ছিল। যদিও বেশ বেগে হাওয়া বইছে, তবু সে মাল গামছা দুনিয়ে নিজেকে হাওয়া করছিল। বৃষ্টি আসতে দেখে সেও কি মনে করে যেন হাসল।

মজিদ একটা সিগারেট খরিয়েছে। ফুস ফুস করে ধোঁয়া ছাড়ছে। সে বড় ক্লান্ত হয়ে পড়েছিল। এখানে দাঁড়িয়ে তার ক্লান্তি আরো বেড়ে গেল। বিরক্ত হয়ে বললো—

ঃ কি ব্যাপার হাসান আলী, টুনু মিয়্যার দল কোথায় ?

হাসান আলী সে কথার জবাব দিল না, গামছা দুনিয়ে হাওয়া করতেই লাগলো। মজিদ গলা উঁচিয়ে বললো—

ঃ কথা বলনা যে, কি ব্যাপার ?

ঃ নৌকা আসতাছে। বিশ্রাম করেন মজিদ ভাই।

হুমায়ুন ও জাফর এসে বসলো হাসান আলীর পাশে। বৃষ্টি নামতে নামতে আবার থেমে গেছে। বসে থাকতে মন্দ লাগছে না তাদের। রামদিয়ার ঘাটে টুনু মিয়্যার দলকে না দেখতে পেয়ে তারা সে রকম অবাক হল না। জাফর হঠাৎ সুর করে বললো—“ওগো ভাবীজান, বাইচ বাইতে মর্দ লোকের কাম !”

তারা সবাই মিনিট দশেক বসে রইল। চারদিকে ঘন অন্ধকার। মাঝে মাঝে সিগারেটের ফুলকি আগুন জ্বলছে নিভছে। বিঁঝিঁ পোকাকার একটানা বিরক্তিকর আওয়াজ ছাড়া অন্য আওয়াজ নেই। হাসান আলী হঠাৎ উঠে দাঁড়িয়ে বললো—

ঃ নৌকা দেখা যায়। উঠেন সবেই উঠেন।

দেশী ডিঙ্গি নৌকা তেলে উজানে নিয়ে আসছে।

হাসান আলী উঁচু গলায় সাড়া দিল—হই হই হই-হ। নৌকা থেকে একজন চৌঁচিয়ে উঠল—

ঃ হাসান ভাই নাকিগো? ও হাসান ভাই।

ঃ কি?

ঃ ঠিকমত পৌঁছেছেন দেখি।

হাসান আলী আচমকা প্রণত হয়ে উঠলো। মাথা পাড়ে ভিড়তেই নৌকার দড়ি ধরে শিশুর মত চৌঁচিয়ে উঠল—

ঃ টুন্টু মিয়া, ও টুন্টু মিয়া।

ঃ কি গো মিয়া?

নৌকার ভেতর থেকে এক শিশু উঁচু স্বরধামে হেসে উঠলো সবাই। টুন্টু মিয়া লাফিয়ে নামলো নৌকা থেকে। বেঁটে খাটো মানুষ। পেটা শরীর। মাথার চুল ছোট ছোট করে কাটা। সে হাসি মুখে এগিয়ে গেল হুমায়ূনের দিকে।

ঃ আমাদের চিনেছেন কমান্ডার সাব? আমি টুন্টু। বাজিতপুরের টুন্টু মিয়া। বাজিতপুর থানায় আপনার সাথে ফাইট দিছি।

হুমায়ূন বললো—“তোমরা দেবী করে ফেলেছ, আড়াইটা বাজে।”

ঃ আগে কন আমাদের চিনেছেন কিনা।

ঃ চিনেছি চিনেছি। চিনবোনা কেন?

ঃ বাজিতপুর ফাইটে আমার বাম উড়াতে গুলি লাগলো। আপনি আমাদের পিঠে লইয়া দৌড় দিলেন। মনে নাই আপনার?

ঃ খুব মনে আছে।

ঃ বাঁচনের আশা ছিলনা। আপনে বাঁচাইছেন। ঠিক কইরা কন আমাদের চিনেছেন? সেই সময় আমার লম্বা চুল আছিল।

হুমায়ূন অবশ্য সত্যি চিনতে পারেনি, তবু আজকের এই মধ্যরাতে স্বাস্থ্যবান হাসি খুশী এই তরুণটিকে অচেনা মনে হলনা। দলের অন্যান্য

সবাই নেমে এসেছে। হাসান আলী তাদেরকে কি যেন বলছে আর তারা ক্ষণে ক্ষণে হেসে উঠছে। কে বলবে এই সব ছেলেনদের জীবন মৃত্যুর সীমারেখা কিছুক্ষণের মধ্যেই সম্পূর্ণ মুছে যাবে।

জাফর বললো—আর লোকজন কোথায় ?

: আছে, জায়গা মতই আছে।

: তাহলে আর দেরী কেন ? নৌকা ছাড়া থাক। হুমায়ূন ভাই কি বলেন ?

: হ্যাঁ হ্যাঁ উঠে পড় সবাই।

নৌকায় উঠে বসতেই বড় বড় ফোঁটায় বৃষ্টি নামলো। নৌকা যদিও ভাটির দিকে যাচ্ছে, তবু বাতাসের বাপটায় এগুচ্ছে ধীর গতিতে। মাঝে মাঝে তীরে গজিয়ে ওঠা বেত ঝোপে আটকে যাচ্ছে। যতবারই নৌকা আটকে যাচ্ছে ততবারই মাঝি দুটি গাল পাড়ছে—“ও হালার পুত ! ও হারামীর বাচ্চা !” গ্রামের ভেতর দিয়ে নৌকা যাবার সময় মেঘ ধরে গেল। তীরে বৃষ্টি অগ্রহা করে অনেক কৌতূহলী লোক বসে আছে। দু’একজন সাহস করে নীচু গলায় বলছে “জন্ম বাংলা”। মুক্তিবাহিনী চলাচল হচ্ছে এ খবর কি করে পেল হুমায়ূন। হুমায়ূন একটু বিরক্ত হল। মুখে কিছুই বললো না। অসুখী ভয় পাবার তেমন কিছু নেইও। মিলিটারীর কিছুতেই এই রাষ্ট্রত্যাগিনার নিরাপদ আগ্রয় ছেড়ে বাইরে বেরুবেনা। মজিদ বললো

: হুমায়ূন ভাই পাকিস্তান নেব কোথায় ? সব খানাখন্দ তো পানিতে ভর্তি। সাপ-খোপও আছে কিনা কে জানে।

নৌকার অনেকেই এই কথায় হেসে উঠলো। মজিদ রেগে গিয়ে বললো—‘হাসো কেন ? ও মিয়ারা হাসো কেন ?’ মজিদ রেগে যাওয়াতেই হাসিটা হঠাৎ করেই থেমে গেল। নৌকা নীরব হল মুহূর্তেই। তখনি শোনা গেল বাইরে ঝুপ ঝুপ করে বৃষ্টি হচ্ছে। মাঝি দুজন ভিজে চুপসে গেছে। জাফর বললো—মাঝিরা তো দেখি গোসল সেরে ফেলেছে।

: হগো ভাই তিন দফা গোসল হইল।

জাফর সুর করে বললো—“বাইচ বাইতে মর্দ লোকের কাম।”

মজিদ ক্রমাগতই বিরক্ত হচ্ছিল। ভয় করছিল তার। ভয় কাটানোর জন্যেই জিজ্ঞেস করলো—

: মর্টার কোথায় ফিট করেছো তোমরা ? থানা থেকে কতদূর।

: গোসাই পাড়ায়। বেশী দূর না। পরতমে সেইখানে যাইবেন ?

: না না, যাওয়ার দরকার কি? তাদের কাজ তারা করবে।  
হুমায়ূন ভাই কি বলেন?

হুমায়ূন কিছু বললোনা। চুপ করে রইল। তার মচকে যাওয়া পা  
ব্যথা করছিল। সে মুখ কুঁচকে বসে রইলো। তীর থেকে কে একজন  
চোঁচিয়ে ডাকলো—

: কার নাও? কার নাও?

নৌকার মাঝি রসিকতা করলো, হেঁড়ে গলায় বললো—তোমার  
নাও।

: নাও ভিড়াও মাঝি খবর আছে। নাও ভিড়াও।

নৌকা ভিড়লোনা, চলতেই থাকলো। এবং কিছুক্ষণ পরেই তীর  
টেরের আলো এসে পড়লো নৌকায়। নৌকা ভিড়াও মাঝি, সামনে  
রাজাকার আছে।

: কোন্‌খানে?

: শেখজানির খালের পারে বইসা আছে।

: থাকুক বইসা, তুমি কেডা গেল?

: আমি শেখজানি হাই স্কুলের ছাত্র মাণ্টার আজিজুদ্দীন। মুন্সি  
বাহিনীর নাও নাকি?

: মনে নয় হেই রকম?

নৌকা ভিড়লোনা, কারণ নৌকা শেখজানির খালে যাচ্ছে না।  
আজিজুদ্দীন মাণ্টার ততভঙ্গ হয়ে দাঁড়িয়ে রইলো। এই মাঝরাত্র  
সে ছয় ব্যাটারীর টর্চ হাতে দাঁড়িয়ে রয়েছে কেন কে জানে।

এখান থেকেই গ্রামের চেহারাটা বদলাতে শুরু করেছে। দুটি আস্ত  
বাড়ী, তার পর পরই চারটি পুড়ে যাওয়া বাড়ী। আবার একটা গোটা বাড়ী  
নজরে আসছে, আবার ধ্বংসস্তুপ। মিলিটারীর প্রায় নিয়মিত আসছে  
এদিকে। লোকজন পালিয়ে গেছে। ফসল বোনা হয়নি। চারদিক  
জনশূন্য। নৌকা যতই এগিয়ে যায়, ধ্বংসলীনার উন্মাদবহতা ততই  
বেড়ে ওঠে। আর এগোনো ঠিক নয়। রাজাকারদের ছোটখাটো  
দল প্রায়ই নদীর তীর ঘেঁসে ঘুরে বেড়ায়! নজর রাখে রাতদুপুরে  
কোন রহস্যজনক নৌকা চলাচল করেছে কিনা। তাদের মুখোমুখি পড়ে  
গেলে তেমন ভয়ের কিছু নেই। তবে আগে ভাগেই গোলাগুলির শব্দ  
চারিদিক সচকিত করে লাভ কি?

: রুস্তম ভাই? হই রুস্তম ভাই!

: কেলা গো?

: আমি চান্দু পাঞ্জাবী মিলিটারী হি হি হি। নৌকা থামান।

নৌকার গতি থেমে গেল সঙ্গে সঙ্গে। একটি ছোটখাটো রোগা মানুষ লাফিয়ে উঠলো নৌকায়। জাফর বললো—কি ব্যাপার, কি চাও তুমি? কে তুমি?

: আমি কেউ না, আমি চান্দু।

: কি কর তুমি?

: আমি খবরদারী করি। আপনার সাথে যামু। যা করবার কন করমু।

রুস্তম বললো—“চান্দুরে লন সাথে, খুব কামের ছেলে। গ্রেনেড নিয়া একেবারে থানার ভিতরে ফালাইব দেখবেন।” চান্দু গভীর হয়ে বললো—

: নামেন গো ভাল মানুষের পুনারা। জিনিসপত্র যা আছে আমার মাথায় দেন।

পিন পিনে বৃষ্টি মাথায় করে দলটি নেমে পড়লো। সবে মাটিতে পা দিয়েছে ওম্নি দুরাগত পুরুষ আওয়াজ কানে এলো। কি হলো কি হলো। দলটি দাঁড়িয়ে রুস্তম হঠাৎ মজিদ উৎকণ্ঠিত স্বর বের করলো—হুমায়ূন ভাই কি ব্যাপার? উত্তর দিল চান্দু—“কিছু না। পুল ফাটাইয়া দিছে। সাধারণ স্মাটা বাপের পুত।”

তা হলে ব্রীজ উত্তরে দেয়া হয়েছে। আহ কি আনন্দ। ভয় কমে যাচ্ছে সবার। সর্দার দাঁড়িয়ে থাকলো কিছুক্ষণ। বিকট শব্দ হম হম করে প্রতিধ্বনি তুললো। থানার হলুদ রঙের দালানটি দেখা যাচ্ছে। রঙ দেখা যাচ্ছে না। কাঠামোটা স্পষ্ট নজরে আসছে। থানার আশেপাশে দু’শ গজের মত জায়গা পরিষ্কার করে ফেলা হয়েছে। ঘরবাড়ী নেই, গাছপালা নেই। খাঁ খাঁ করছে। অনেক দূর থেকে যাতে শত্রুর আগমন টের পাওয়া যায় সেই জন্যেই এই ব্যবস্থা।

তিনটি দলে ভাগ হয়ে অপেক্ষা করছে ছেলেরা। এদেরও অনেক পেছনে আধ ইঞ্চি মর্টার নিয়ে অপেক্ষা করছে একটি ছোট দল। যে দলে পেন্সনভোগী একজন বৃদ্ধ সুবাদার আছেন—পুরনো লোক। তাঁর উপর বিশ্বাস করা চলে। উত্তর দিকের ঢালু অঞ্চলটায় রুস্তম একাই আঁট হয়ে বসেছে। মাটি হয়েছে পিছল। এল, এম, জির পা পিছলে আসে। কিন্তু সে সব এখন না ভাবলেও চলে।

চান্দু বসে আছে জাফরের পাশে। তার ইচ্ছে বুকে হেঁটে থানার সামনে যে দুটি বাস্কার সেখানে গ্রেনেড ছুঁড়ে আসে। এ কাজ নাকি সে আগেও করেছে। জাফর কান দিচ্ছে না তার কথায়।

রুশিটি খেমে গিয়ে আকাশ আবার পরিষ্কার হয়েছে। তারা দেখা যাচ্ছে। ঠাণ্ডা হাওয়া বইছে হ হ করে। ঘন্টা দু একের ভেতরই অন্ধকার কেটে গিয়ে আকাশ ফর্সা হবে। শুরু হবে আরেকটি সূর্যের দিন।

কর্দমান্ত ভেজা জমি, চারপাশে গাঢ় অন্ধকার, ঠাণ্ডা বাতাসের ব্যাপটা। এর মধ্যেই নিঃশব্দে অপেক্ষা করছে সবাই। কেমন যেন অদ্ভুত লাগে। রুস্তম ফিস ফিস করে বলে—“পায়ের উপর দিয়ে কি গেল সাপ নাকি? ঠাণ্ডা ঠাণ্ডা লাগলো!” তার কন্ঠস্বর অন্য রকম শোনায়। কেউ কোন জবাব দেয় না। সবাই অপেক্ষা করে সেই মুহূর্তটির জন্যে, যখন মনে হবে পৃথিবীতে আমি ছাড়া আর কিছুই অবশিষ্ট নেই। রাইফেলের উপর ঝুঁকে থাকা এবং একটি শরীর আবেগে ও উত্তেজনায় কাঁপতে থাকবে থর থর করে।

## নির্বাসন



রাগ্রিতে তাঁর ভাল ঘুম হয়নি।

বার বার ঘুম ভেঙেছে—তিনি ব্যস্ত হতে পারি দেখেছেন। না—এখনো রাত কাটেনি। একবার হিটার জারিমে গাফি বানালেন। কিছুক্ষণ পায়চারি করে আসলেন ছাদে। আকাশ বিছানায় ফিরে গিয়ে ঘুমুতেও চেষ্টা করলেন। ছাড়া ছাড়া ঘুম ঘুমুতেন এনোমেলো স্বপ্ন দেখে আবার ঘুম ভাঙলো।

ভোর হতে আর কতো দেরি? আকাশে সামান্য একটু আলোর রেখা কখন ফুটবে? কাব্যিক কাক ডাকছে। অন্ধকার একটু যেন ফিকে হয়ে গেলো। আর সূর্য্যোদয় বোধ দেবী নেই। তিনি এই শীতেও ঘরের দরজা জানালার সব খুলে দিলেন। জানালার সমস্ত পর্দা গুটিয়ে ফেললেন। অন্ধকারে কিছুই নজরে আসছে না। কিন্তু তিনি বাতি জ্বালানেন না। হাতড়ে হাতড়ে ইজিচেয়ারটি খুঁজে বের করলেন। এখানে গুয়ে থেকেই রেডিওগ্রামের সুইচ নাগাল পাওয়া যায়। রেডিওগ্রামে সানাইয়ের তিনটি লং প্লেইং রেকর্ড সাজানো আছে। সুইচ টিপলেই প্রথমে বেজে উঠবে বিসমিল্লাহ খাঁর মিয়া কি টোড়ী। তিনি সুইচে হাত রেখে ভোরের প্রতীক্ষা করতে লাগলেন। তাঁর হৃদয়ের শব্দ জরীর বিয়ের দিনের ভোরবেলা সানাইয়ের সুর শুনিতে ঘুম ভাঙা-বেন। ঘুম ভাঙতেই সবাই যেন বুঝতে পারে জরী নামের এ বাড়ীর একটি মেয়ে আজ চলে যাবে। বসে থাকতে থাকতে হঠাৎ তাঁর চোখে

জল আসলো। বয়স হবার পর থেকে এই হয়েছে, কারণে অকারণে চোখ ভিজে ওঠে। সুখ এবং দুঃখের অনুভূতি বড় তীব্র হয়ে বুকে বাজে।

একতলায় কার যেন পায়ের শব্দ পাওয়া যাচ্ছে। ঘটাং ঘটাং শব্দে টিউবওয়ালে কেউ একজন পানি তুলছে। মোরগ ডাকছে। ভোর হলো বুঝি। তিনি সুইচ টিপলেন।

সানাই শুনলে এমন লাগে কেন? মনে হয় বুকের মাঝখানটা হঠাৎ ফাঁকা হয়ে গেছে। তাঁর অদ্ভুত এক রকমের কণ্ঠ হতে লাগলো। তিনি ঘর ছেড়ে বারান্দায় এসে দাঁড়ালেন। হ হ করে শীতের হিমেল বাতাস বইছে। এবার বড় আগেভাগে শীত পড়ে গেল। খুব শীত পড়লেই তাঁর হেটবেলার কথা মনে পড়ে। স্পষ্ট দেখতে পান কমলালেবু হাতে আট বছরের একটি বাচ্চা ছেনে বারান্দায় বসে হ হ করে কাঁপছে। আজও তার ছেলেবেলার কথা মনে পড়ল। অহ, পুরনো কথা ভাবতে এত ভাল লাগে। তিনি মনে মনে বললেন, 'ভাগ্যিস জন্ত জানোয়ার না হয়ে মানুষ হয়ে জন্মেছি।'

জরী কি এখনো ঘুমুচ্ছে? আজ ঘুম ভাঙলে তার কেমন লাগবে কে জানে? তাঁর খুব ইচ্ছে হচ্ছিল জরীকে ঘুম ভাঙিয়ে নিয়ে আসেন। সে আজ তাঁর সঙ্গে ছাদে দাঁড়িয়ে সূর্যোদয় দেখুক। দেখুক খুব ভোরে চেনা পৃথিবী কেমন আছেন হয়ে পড়ে। হালকা কুয়াশায় ঢাকা শীতের সকালে কি অপরূপ সূর্যোদয়!

কিন্তু জরীটা ঘড় ঘুমকাতুরে। তিনি কত চেষ্টাই করেছেন সকালে জেগে ওঠার অভ্যাস করাতে। সে বরাবর আটটার দিকে উঠেছে। নিছানা না ছেড়েই চিৎকার, 'ও মা চা দাও, ও মা চা দাও।' বাসি মুখে চায়ের চুমুক দিতে দিতে সে উঠে এসেছে দোতলায়। তিনি হয়ত ততক্ষণ রেরাজ শেষ করে উঠবেন উঠবেন করছেন। জরী হাসি মুখে বলেছে, বড় চাচা আজকেও আপনার গান শুনতে পারলাম না।'

তিনি বিরক্ত হয়ে বলেছেন, 'দশটার ঘুম ভাঙলে কি গান শুনবে জরী? আমার গান শুনতে হলে রাত কাটার আগে উঠতে হবে।'

কাল ঠিক উঠব বড় চাচা। এই আপনার তানপুরা ছুঁয়ে বলছি। বলতে বলতেই তানপুরার তারে টোকা দিয়েছে জরী। 'গাঁও' করে একটি গভীর আওয়াজ উঠেছে। শুনে জরীর সে কি হাসি।

তিনি মনে মনে বললেন, ‘আজ শুধু জরীর কথা ভাববো।’ তিনি জরীর মুখ মনে করতে চেষ্টা করলেন। আশ্চর্য, মনে আসছেনাতো! এ রকম হয়। খুব ঘনিষ্ঠ লোকজন, যারা সব সময় খুব কাছাকাছি থাকে, হঠাৎ করে তাদের মুখ মনে করা যায় না। তাই ব্রু কুক্ষিত করে অন্যমনস্ক ভঙ্গিতে ছাদে উঠে গেলেন।

এ বাড়ীর ছাদটি প্রকাণ্ড। ছাদের চার পাশে বড় বড় ফুলের টবে অযত্নে কিছু গোলাপ চারা বড় হচ্ছে। তিনি ছাদের কার্নিসে ঝুঁকে অন্যমনস্ক ভঙ্গিতে সামনে হাত বাড়ালেন। ছাদের এ দিকটায় দু’টি প্রকাণ্ড আমগাছ দিনের বেলাতেও অন্ধকার করে রাখে। চারদিকে অন্ধকার ফিকে হয়ে আসলেও এখানে কালো রঙ জমাট বেঁধে আছে। কেমন একটা মিষ্টি গন্ধ পাওয়া যাচ্ছে। শীতকালে আমের মুকুল হয় নাকি?

বড় চাচা।

তিনি চমকে পিছনে ফিরলেন। আশ্চর্য! জরী দাঁড়িয়ে আছে পেছনে। ঘুম জড়ানো ফোলা ফোলা মুখ। দেয়ালটিকে আজ বড় অচেনা মনে হচ্ছে। এত রূপসীতো জরীকে কখনো মনে হয়নি। বিয়ের আগের দিন সব মেয়ে নাকি গুটিপোকান মত খোলস ছেড়ে প্রজাপতি হয়ে বেরিয়ে আসে। তিনি হাসি হাসি মুখে তাকিয়ে রইলেন।

বড় চাচা কি করছেন জরী প্রকা ?

সানাই শুনছি।

আজ আমি খুব জোর উঠেছি। আপনি খুশী হয়েছেন চাচা?

তিনি হাসলেন। জরী একটা হলুদ রঙের চাদর গায়ে জড়িয়েছে। একটু একটু কাঁপছে শীতে।

জরী তোর শীত লাগছে?

উঁহ। আপনি আজ রেওয়াজ করবেন না চাচা?

না মা। আজ আমার ছুটি।

দুজনে ক্লানিকল্পন চুপচাপ দাঁড়িয়ে রইলেন। জরী অশ্ফুট স্বরে বললো, ‘ইস, কি কুয়াশা পড়েছে বাবা।’

তিনি এক সময় বললেন, ‘সানাই শুনতে ভাল লাগছে জরী?’ লাগছে।

কে বাজাচ্ছে জান?

কে বাজাচ্ছে?

বিসমিল্লাহ খাঁ, এখন বাজছে মিয়া কি টোড়ী। জরী আরো কাছে সরে এসে কাণিগে ভর দিয়ে দাঁড়াল। মৃদু গলায় বললো, 'কি সুন্দর লাগছে, আগে জানলে রোজ ভোরে উঠতাম।' তিনি জরীর দিকে তাকিয়ে সপ্নেহে হাসলেন। জরী বললো, 'একটা হাল্কা সুবাস পাচ্ছেন বড় চাচা?'

পাচ্ছি।

বলুনতো কিসের?

তিনি ভাবতে চেপটা করলেন। শিউলী ফুলের নাকি? বাগানে একটি শিউলী গাছ আছে। কিন্তু সে ফুলের গন্ধতো হাল্কা।

এতক্ষণে সূর্য উঠলো। গাছে গাছে কাক ডাকছে। কিচির-মিচির করতে করতে দু'টি শালিক এসে বসলো ছাদে। জরী হাত বাড়িয়ে দুটি আমের পাতা ছিঁড়ে এনে গন্ধ শুঁকলো। তিনি দেখলেন জরী কাঁদছে। তিনি চুপ করে রইলেন। আহা একটু কাঁদুক। এমন একটা সময়ে না কাঁদলে মানায় না। তাঁর ভীষণ ভাল লাগলো। তিনি কোমল গলায় বললেন, জরী দেখ সূর্য উঠছে। এমন সুন্দর সূর্যোদয় কখনো দেখেছিস?

জরী চোখ মুছে ধরা গলায় বললো, 'শান্তাহার যাবার সময় একবার ট্রেনে দেখেছিলাম।'

দেখ, আজকে আবার দেখা।

জরী ফিস ফিস করে বললো, 'কি সুন্দর!'

বলতে বলতে জরী আবার চোখ মুছলো। তিনি নরম গলায় বললেন, 'বোকা মোগে আজকের দিনে কেউ কাঁদে? ঐ দেখ দু'টি শালিক পাখী। দুই শালিক দেখলে কি হয় মা?'

জরী ফিস ফিস করে বললো, 'ওয়ান ফর সরো টু ফর জয়।'

ঠিক তখন জরীর বন্ধুরা নীচ থেকে জরী জরী করে চৌচৌতে লাগলো। জরী নিঃশব্দে নিচে নেমে গেল।

তিনি একটি দীর্ঘনিঃশ্বাস ফেললেন। ভোরের এরকম অচেনা আলোয় মন বড় দুর্বল হয়ে যায়। আপনাকে ক্ষুদ্র ও অকিঞ্চিৎকর মনে হয়। বড় বেশী মনে পড়ে দিন ফুরিয়ে গেল। তিনি সূর করে পড়লেন, 'ফাবিআয়ে আলা রাব্বিকুমা তুব্বাজ জি বান।'

কাল রাতে চার বান্ধবী জরীকে নিয়ে এক খেতে ঘুমিয়েছিল। এরা অনেক দিন পর এক সঙ্গে হয়েছে। লাগলার সঙ্গে জরীর দেখা হয়েছে

প্রায় চার বছর পর। আভা ও কনক ময়মনসিংহ থাকলেও দেখা সাক্ষাৎ প্রায় হয়না বললেই চলে। রুহু জরীর দূর সম্পর্কের বোন। স্কুলের পড়া শেষ হবার পর একমাত্র তার সঙ্গেই জরীর রোজ দেখা হয়। পুরোনা বন্ধুদের মধ্যে শেলী ও ইয়াসমীন আসেনি।

অনেকদিন পর মেয়ে বন্ধুরা একত্রিত হলে একটা দারুণ ব্যাপার হয়। আচমকা সবার বয়স কমে যায়। প্রতিনিয়ত মনে হয় বেঁচে থাকাকাটা কি দারুণ সুখের ব্যাপার।

জরীর বন্ধুরা গত পরশু থেকে ক্লান্তিহীন হৈ চৈ করে যাচ্ছে। গুজ গুজ করে খানিকক্ষণ গল্প, পরমুহূর্তেই উচ্ছ্বসিত হাসি। আবার খানিকক্ষণ গল্প, আবার হাসি। একজনকে হয়তো দেখা গেল হঠাৎ কি কারণে দল ছেড়ে দৌড়ে পালাচ্ছে। তার পিছনে পিছনে ছুটেছে বাকী সবাই। খিল্ খিল্ হাসির শব্দে সচকিত হয়ে উঠছে বাড়ীর লোকজন।

গতরাতটা তাদের জেগেই কেটেছে। আভা হালু পামের গল্প বললেছে রাত একটা পর্যন্ত। তার প্রেমিকটি একজন অধ্যাপক। আভার বর্ণনানুসারে দারুণ স্মার্ট ও খানিকটা বোকা সে তার স্মার্ট প্রেমিকটির দুটি চিঠিও নিয়ে এসেছিল বন্ধুদের দেখাতে। কাড়াকাড়ি করে দেখতে গিয়ে সে চিঠির একটি ছিঁড়ে কুটি কুটি। অন্যটি থেকে খুঁটিয়ে খুঁটিয়ে সবাই বানান ভুল বের করতে লাগলো। এক একটি ভুল বের হয় আর আনন্দে উচ্ছ্বসিত হয়ে ওঠে সবাই।

মাঝরাতে লায়লার হাটবে চা খাবার ইচ্ছে হল। কনক বললো, ‘চমৎকার, চল সবাই ছাদে বসে চা খাই।’ রুহু রাজী হল না। তার নাকি ঘুম পাচ্ছে। সে বললো, ‘এই শীতে ছাদে কেন? এখানেই তো বেশ গল্পগুজব করছি।’

কনক বললো, ‘ছাদে আমি গান শোনাব।’ সঙ্গে সঙ্গে দলটি চৌচিয়ে উঠল। গত দুদিন ধরেই কনককে গাইবার জন্যে সাধাসাধি করা হচ্ছে। লাভ হয়নি। কনক কিছুতেই গাইবে না। লায়লা একবার বলেই ফেলল, ‘একটু নাম হয়েছে, এতেই এতো তেল, টাকা না পেলে আজকাল তুই আর গাস না?’ কনক কিছু বলেনি, শুধু হেসেছে।

দূর দার শব্দ করে সবাই যখন ছাদে উঠল তখন নিশীথ রাত। চারদিক ভীষণ অন্ধকার। জরী বললো, ‘দূর ছাই জোছনা নেই। আমি ভেবেছিলাম জোছনা আছে।’ আভা বললো, ‘আমার ভয় করছে ভাই, গাছের ওপর ওটাকি?’

ওটা হচ্ছে তোর অধ্যাপক প্রেমিকের এঞ্জেল বডি। তোকে দেখতে এসেছে। সবাই হো হো করে হেসে উঠলো। এই হাসির মধ্যেই গান শুরু করলো কনক, ‘সঘন গহন রাত্রি...’

গান শুরু হতেই সবাই চুপ করে গেল। আভা চাপা গলায় বললো, কি সুন্দর গায়, বড় হিংসা লাগে।

কনকের গলা খুব ভাল। স্কুলে থাকাকালীন ফিক্স কেউ বুঝতে পারেনি অল্প সময়ে কনকের এত নাম ধাম হয়ে যাবে। রেডিওতে প্রথম যখন গায় তখন সে কনোজে পড়ে। তার পরপরই তার গানের প্রথম ডিস্ক বের হয়—যার এক পিঠে, ‘আমি যখন তার দুয়ারে ভিক্ষা নিতে যাই’, অন্য পিঠে, ‘ওগো ‘শেফালী বনের মনের কামনা’।

কনক পর পর চারটি গান গাইল। গানের মাঝখানে জরীর মা আসলেন চায়ের পট নিয়ে। মৃদু অনুযোগের সুরে বললেন, ‘নাও তোমাদের চা। এত রাত্রে ছাদে গান বাজনা কি ভয়ানক চা খেয়ে ঘুমুতে যাও সবাই।’ কেউ নড়ল না। রুন্নু বললেন, ‘শুশুক, আজ সারারাত তোমাকে গাইতে হবে।’ জরীর মাও এক পাশ বসে পড়লেন। জরীর বড় চাচাও উঠে এলেন ছাদে। আসর যখন ভাঙল তখন রাত দুটো! জরীর বড় চাচা বললেন, ‘বড় ভাল শিপলো মা, বড় মিঠা গলা। জরীর গলাও ভাল ছিল। কিন্তু সেতো গুরি শিখলো না।’

আভা বললো, ‘এখন শিখবে।’

সবাই খিল খিল করে হেসে উঠলো। কনক বললো, ‘আপনার একটা গান শুনি।’

অন্যদিন, আজ অনেক রাত হয়েছে। তোমরা ঘুমুতে যাও।

সে রাতে কারোরই ভাল ঘুম হল না। জরীর বড্ড মন কেমন করতে লাগল। তার ইচ্ছে করলো মার কাছে গিয়ে ঘুমোয়। কিন্তু সে মরার মত পড়ে রইল। আজ একবার ডাকলো, ‘জরী ঘুমিয়েছিস?’ জরী তার জবাব দিল না। এক সময় ঘুমিয়ে পড়ল সবাই। শুধু জরী জেগে রইল। বিয়ের আগের রাতে কোন মেয়ে কি আর ঘুমুতে পারে ?

ইনিয়ে বিনিয়ে ভৈরবীর সুরে সানাই বাজছে। যে সুরটি ওঠানামা করছে সেটি যেন একটি শোকাহত রমণীর বিলাপ। অন্য যে সুরটি ক্রমাগত বেজে যাচ্ছে সেটি যেন বলছে, ‘কেদোনা মেয়ে শোন তোমায় কি চমৎকার গান শোনাচ্ছি।’

জরীর বন্ধুদের ঘুম ভেঙেছে। জরী ঘরে নেই। লায়লা গাঢ় স্বরে ডাকলো, 'ও কনক, কনক'।

কি ?

সানাই শুনছিস ?

শুনছি।

ভাল লাগছে তোর ?

না। খুব মন খারাপ করা সুর।

তারা সবাই ঘর ছেড়ে বাইরে এসে দাঁড়াল। আভা গলা উঁচিয়ে ডাকল, 'জরী জরী।' জরী ছাদ থেকে নেমে আসতেই সবাই দেখলো তার চোখ ঈষৎ রক্তাভ ও ফোলা ফোলা। রুন্নু বললো, 'রাতে তোর ঘুম হয়নি, না রে ?'

খুব হয়েছে।

এখন তোর কেমন লাগছে জরী ?

কেমন আর লাগবে। ভালই। আনন্দ বাগানে বেড়াতে যাই।

তারা বাগানে নেমে গেল। এ বাড়ীর বাগানটি পুরোনো। জরীর দাদার খুব ফুলের সখ ছিল। মালী রেখে ছমৎকার বাগান করেছিলেন। বসরাই গোলাপের প্রকাণ্ড একটি বাড়ি বাড়ি এখন আর কিছুই অবশিষ্ট নেই। বাড়ির সর্ব দক্ষিণে বেশ কিছু হাঙ্গাহেনা গাছ আছে। সেখানে হাঁটু উঁচু বড় বড় ঘাস গজিয়েছে। সন্ধ্যাকটায় কেউ যায় না।

আভা বললো, 'এত সুন্দর বাগান কেউ যত্ন করেনা কেনরে ?' জরী বললো, 'বাগানের সখ চাই কারো। এক পরী আপার ছিল, সেতো আর থাকেনা এখানে।' লায়লা বললো, 'পরী আপা কি আগের মত সুন্দর আছে ?'

আসলেই দেখবি।

কখন আসবেন ?

সকাল সাড়ে আটটায় ময়মনসিংহ এক্সপ্রেসে।

কনক বললো, 'এত বড় গোলাপ হয় নাকি ? আশ্চর্য, জরী গোলাপ তুলবো একটা ?'

তোল না।

চারজন ইতস্তত ঘুরে বেড়াতে লাগলো। সবাই কিছু পরিমাণে গম্ভীর। লায়লা ঘন ঘন কাশছে। কাল রাতে তার ঠাণ্ডা লেগেছে। কনকের দেখাদেখি সবাই গোলাপ ছিঁড়ে খোঁপায় গুঁজেছে। আভা হঠাৎ করে বললো, 'তোদের এখানে বকুল গাছ নেই, না ?'

উঁহ্।

আমার হঠাৎ বকুল ফুলের কথা মনে পড়ছে। আমাদের স্কুলের বকুল গাছটার কথা মনে আছে তোদের ?

সবাই এক সঙ্গে হেসে উঠলো। স্কুলের বকুল গাছটা নিস্বে অনেক মজার মজার ব্যাপার আছে।

জরীর মা দোতলার বারান্দায় দাঁড়িয়ে মেয়েদের দেখছিলেন। তিনি সেখান থেকে চোঁচিয়ে ডাকলেন, ‘ও জরী, জরী?’

কি মা ?

কি করিস তোরা ?

কনক বললো, ‘বেড়াছি—আপনিও আসুন না খালাশমা।’

জরীর মা হাসি মুখে নেমে এলেন। মনে হলো মেয়েদের দলের ভীড়ে তাঁর বয়স যেন হঠাৎ করে কমে গিয়েছে। তিনি খানিকক্ষণ ইতস্তত করে বললেন, ‘গত রাতে একটা মজার স্বপ্ন দেখেছি। দেখলাম জরী যেন খুব ছোট হয়ে গিয়েছে। ফ্রক পড়ে মায় বেড়াচ্ছে বাগানে। আর জেগে দেখি সত্যিই তাই।’

হঁ বললেই হল। আমি বুঝি ফ্রক পড়ে ঘুরে বেড়াছি ?

জরীর মা হাসতে লাগলেন। খালি গলায় বললেন, ‘আমার যখন বিস্বে হয় তখন এ বাগানটা আমার বড় ছিল। আমি রোজ সকালে এখানে এসে একটা করে ফুল খোঁপায় গুঁজতাম।

বলেই তিনি হঠাৎ লজ্জা পেয়ে গেলেন। লায়লা বললো, ‘আসুন খালা আজ আপনার খোঁপায় একটা ফুল দিয়ে দি।’

কি যে বল মা ছিঃ ছিঃ !

কিন্তু ততক্ষণে কনক একটি ফুল ছিঁড়ে এনেছে। জরীর মা আপত্তি করবার আগেই তারা সেটি খোঁপায় পরিয়ে দিল। তিনি বিব্রত ভঙ্গিতে বললেন, ‘আমি তোমাদের চায়ের যোগাড় করি। আর দেখ হান্সু হেনা ঝাড়ের দিকে যেয়োনা। খুব সাপের আড্ডা ঝুঁকি।’

শীতকালে সাপ কোথায় খালা ?

না থাক। তবু যাবে না।

জরীর মা চলে যেতেই আঙা বললো, ‘খালা এখনো যা সুন্দর, দেখলে হিংসা লাগে।’

পরী আপাও ভীষণ সুন্দর, তাই না জরী ?

হঁ্যা। আর আমি কেমন ?

পরী আপা ফাস্ট ক্লাস হলে তুই ইন্টারক্লাস আর আমাদের কনক হচ্ছে এয়ার কণ্ডিশন ফাস্ট ক্লাস।

কনক একটু গস্তীর হয়ে পড়ল। জরীর দিকে তাকিয়ে বললো, 'তোমার খুব মায়াবী চেহারা জরী। রূপবতী হওয়া খুব বাজে ব্যাপার।' বাজে হলেও আমি রূপবতী হতে রাজি।

সবাই হেসে উঠলেও কনক হাসলো না। অসাধারণ সুন্দরী হয়ে জন্মানোয় সে অনেকবার বাথরুমে দরজা বন্ধ করে কেঁদেছে। অনেকবার তার মনে হয়েছে সাধারণ একটি বাঙালী মেয়ে হয়ে সে যদি জন্মাতো। শ্যামলা রঙ একটু বোকা বোকা ধরনের মায়াবী চেহারা। কিন্তু তা হয়নি। পুরুষের লুপ্ত দৃষ্টির নীচে অনেক যন্ত্রণার মধ্যে তাকে বড় হতে হয়েছে। অথচ ছোট বেলায় কেউ যখন বলতো, 'কনকের মত সুন্দর একটি মেয়ে দেখেছি আজ', তখন কি ভালই না লাগতো।

কুয়াশা কেটে রোদ উঠেছে। ধানী রঙের নরম মেয়ে। শিশির ভেজা মাটি থেকে আর্দ্র এক ধরনের গন্ধ উঠছে।

মেয়েদের দলটি গোল হয়ে বসে আছে জিউনী গাছের নীচে। এই গাছটি একসময়ে প্রচুর ফুল ফোটাতে। আজ আর সে ক্ষমতা নেই। ইতস্তত কয়েকটি সাদা সাদা ফুল শুকু আছে। শীতের বাগানে যখন ধানী রঙের রোদ ওঠে এবং দেখেন যদি কয়েকটি মেয়ে চুপচাপ গোল হয়ে বসে থাকে তাহলে বাগানের চেহারাই পাল্টে যায়। বড় চাচা অবাক হয়ে দোতলার বারান্দায় দাঁড়িয়ে তাদের দিকে তাকিয়ে রইলেন।

বিয়ে বাড়ীর লোকজন ক্রমে ক্রমে জেগে উঠছে। বাচ্চা ছেলেমেয়েদের হটোপুটি আর কান্নার শব্দ শোনা যাচ্ছে। টিউবওয়েলের ঘটাং ঘটাং শব্দ করে ক্রমাগত পানি তোলা হচ্ছে। ডেকোরেটরের দোকান থেকে লোকজন এসে গেটের জন্য মাপজোক শুরু করেছে, জরীর বাবা অকারণে একতলা থেকে দোতলায় ওঠানামা করছেন। মাঝে মাঝে তাঁর উঁচু গলা শোনা যাচ্ছে, 'এক ঘন্টা ধরে বলছি এক কাপ চা দিতে। শুধু এককাপ চা, এতেই এত দেরী? মেয়ের বিয়ে কি আর কারো হয় না?'

আভা হঠাৎ বললো, 'জরী তোমার ছোট চাচার ছেলে কি আমেরিকা চলে গেছে?'

না। সতেরো তারিখে যাবে।

একাই যাচ্ছে?

না। বড় চাচা সঙ্গে যাবেন।

কনক বললো, ‘কি জন্যে যাচ্ছেন? কই আমি তো কিছু জানি না?’  
জরী অস্বস্তি বোধ করলো। থেমে থেমে বললো, ‘চিকিৎসা করাতে  
যাচ্ছে। মেরুদণ্ডে গুলি লেগেছিল, সেই থেকে পেরাঙ্গেজিয়া হয়েছে।  
কোমরের নিচ থেকে অবশ্য।’

আমাকে তো কিছু বলিসনি তুই, গুলি লাগল কি করে?

আর্মির লেফটেন্যান্ট ছিলেন। কুমিল্লা ক্যান্টনমেন্টে যখন পাক  
আর্মির সাথে যুদ্ধ হয় তখন গুলি লেগেছে।

লায়লা বললো, ‘জরীর এই ভাইটিকে তো চিনিস কনক। মনে  
নেই একবার আমরা সবাই দল বেঁধে আনন্দমোহন কলেজে থিয়েটার  
দেখতে গিয়েছিলাম, তখন যে একটি ছেলে সন্ন্যাসী সেজেছিল। হঠাৎ  
নাটকের মাঝখানে তার দাড়ি খুলে পড়ে গেল। ঐতো আনিস। যা  
মুখচোরা ছিল।’

জরী একটু হেসে বললো, ‘ছোটবেলায় আনিস ভাই ভীষণ বোকা  
ছিল। এককবার এমন হাসির কাণ্ড করত। তাকে নিয়ে কোথাও  
বেড়াতে গেলেই হয়েছে, হয় সেখানে একটা কাপ ভাঙবে, নয় চেয়ার  
নিয়ে হঠাৎ গড়িয়ে পড়বে।’

রুনা বললো, ‘বাবের গল্পটা শুন জরী, ওটা ভীষণ মজার।’

না থাক।

বল না গুলি।

একবার আমরা সবাই ‘জগল বয়’ ছবি দেখে এসেছি। আনিস ভাই  
ফিরে এসেই বড় চাচার সোয়েটার গায়ে দিলে বাঘ সেজেছে। আর আমরা  
সেজেছি হরিণ। আনিস ভাই হালুম শব্দ করে আমার ঘাড় কাশড়ে  
ধরলো। কিছুতেই ছাড়বে না। রক্ত-টক্ত বেরিয়ে সারা, শেষে বড় চাচা  
এসে ছাড়িয়ে দিলেন। দেখ এখনো দাগ আছে।

জরীর মা দোতলা থেকে ডাকলেন, ‘ও মেয়েরা চা দেয়া হয়েছে এসো  
শিগগীর।’ সবাই দেখলো তাঁর মুখ খুব উজ্জ্বল দেখাচ্ছে। একজন  
সুখী চেহারার মা, যার খোঁপায় গোঁজা ফুলটি এখনো রয়েছে। হয়ত  
ফেলে দিতে তাঁর মনে নেই কিংবা ইচ্ছা করেই ফেলেননি। আভা বললো,  
‘চা খেয়ে আমরা আনিস ভাইয়ের সঙ্গে একটু গল্প করব, কেমন জরী?’

বেশতো করবি।

যুদ্ধের গল্প শুনতে আমার খুব ভাল লাগে।

কনক বললো, ‘কই, আর সানাইয়ের শব্দ পাওয়া যাচ্ছে না তো ?

সানাই বাজছিল ঠিকই, কিন্তু বিয়ে বাড়ীর হৈ চৈ এত বেড়েছে যে শোনা যাচ্ছে না।

তারা সবাই দোতলায় উঠে এলো। সিঁড়িতে জরীর বাবার সঙ্গে দেখা। তিনি দ্রুত নামছিলেন। জরীকে দেখে থমকে দাঁড়িয়ে উত্তেজিত গলায় বললেন, ‘শুনেছিস কারবার, রশীদ টেলিফোন করেছে—দৈ নাকি পাওয়া যাবে না। জরী তুই আমার সোয়েটার বের করে দে, আমি নিজেই যাই। তাড়াতাড়ি কর, এমন গাধার মত দাঁড়িয়ে আছিস কেন?’ বলে তাঁর খেয়াল হল। বিব্রত ভঙ্গিতে বললেন, ‘আমি নিজেই খুঁজে নেব।’ জরীর বন্ধুরা হাসতে লাগল।

সমস্ত শরীর মনে হচ্ছিল অবশ হয়ে যাচ্ছে। বিয়ের কাছ চিন-চিনে ব্যথা ক্রমশ তীব্র ও তীক্ষ্ণ হয়ে উঠেছে। জরীতোয়ালে দিয়ে মুখ মুছল। ব্যাথাটা শুরু হলেই ভীষণ ঘাম হওয়া ও পানির প্রবল তৃষ্ণা হয়। আজ টেবিলে পানির জগটি শূন্য। বিয়ের ব্যস্ততার জন্যেই হয়তো রাতে পানি রেখে যেতে কারো মনে নেই। আনিস উল্টোদিকে একপাশ থেকে গুণতে শুরু করলো। একপাশ নিরানকই, আটানকই...। কোন একটা ব্যাপারে নিজেকে বাস্তব করে, যাতে ব্যাথাটা ভুলে থাকা যায়।

ঘড়িতে সাড়ে ছ’টা বাজে। অন্যদিন এই সময়ে টিংকু এসে পড়ে। আজ আসেনি। বিয়ে বাড়ীর হৈ-চৈ ফেলে সে যে আসবে এ রকম মনে হয় না। তবু দরজার পাশে কোন একটা শব্দ উঠতেই আনিস উৎকর্ষ হয়ে ওঠে। না টিংকু নয়। আবার তোয়ালে দিয়ে মুখের ঘাম মুছে আনিস কাৎরাতে থাকে। আশি, উনআশি, আটাত্তর...। সাতটা বেজে গেছে। আজ তাহলে টিংকু আর আসলোই না।

অন্যদিন ভোর ছুটির মধ্যোই দরজায় ছোট ছোট হাতের খাবা পড়তো। চিনচিনে গলা শোনা যেত,

আনিস আনিস।

কি টিংকুমনি ?

আমি এসেছি দরজা খোল।

আনিসের খাটটি এমনভাবে রাখা যে সে শুয়ে শুয়েই দরজার হুক নাগাল পায়। টিংকুর সাড়া পেলেই সে দরজা খুলে দিত। দেখা যেত

ঘুম ঘুম ফোলা মুখে চার বছরের একটি বাচ্চা মেয়ে দাঁড়িয়ে আছে। তার মাথা ভতি লাল চুল। গায়ে কোন ফ্রক নেই বলে শীতে কাঁপছে। দরজা খুলতেই সে গম্ভীর হয়ে বলবে, ‘আনিস তোমার ব্যথা কমেছে?’

হ্যাঁ টিংকু।

আচ্ছা।

তারপর সেই লাল চুলের মেয়েটি বাঁপিয়ে পড়বে বিছানায়। তার হেঁচ-এর কোন সীমা থাকবে না। এক সময় বলবে আমি হাতী হাতী খেলবো। তখন কালো কম্বলটা তার গায়ে জড়িয়ে দিতে হবে। একটি কোলবালিশ ধরতে হবে তার নাকের সামনে এবং সে ঘন ঘন হংকার দিতে থাকবে। আনিস বার বার বলবে, ‘আমি ভয় পাচ্ছি, আমি ভয় পাচ্ছি।’ এক সময় ক্লান্ত হয়ে কম্বল ফেলে বেরিয়ে আসবে সে। হাসি মুখে বলবে, ‘আনিস এখন সিগারেট খাও।’ টিংকু নতুন দেয়াশলাই জ্বালাতে শিখেছে। সে সিগারেট ধরিয়ে দেবে। কিন্তু আজ দিনটি শুরু হয়েছে অন্যরকম ভাবে।

আজ টিংকু আসেনি। আনিস আবার সড়ি দেখল। সাড়ে সাতটা বাজে। এ সময়ের মধ্যে অনাদিন তার দাড়ি কামানো হয়ে যেত। বাসি জামা কাপড় বদলে ফেলতো। ভোরের প্রথম কাপ চা খাওয়াও শেষ হত। আজ হয়নি। রক্ত থাকতেই যে অসহ্য ব্যথা শুরু হয়েছে দিনের আলোর সঙ্গে সঙ্গে তা ক্রমেই বাড়ছে। পিপাসায় বুক মুখ শুকিয়ে কাঠ।

খুঁট করে শব্দ শুন পরজায়। আনিস চমকে উঠে বললো, ‘কে টিংকু নাকি? টিংকু?’ কিন্তু টিংকু আসেনি। কে একটি অপরিচিত ছেলে উঁকি দিচ্ছে। আনিস বড়া গলায় ধমকালো, ‘গেট এওয়ে গেট এওয়ে।’

ভয়ে ছেলের চোখে জল এসে গেল। তার পড়নে স্ট্রাইপ দেয়া লাল বেনজারের সার্ট ও মাপে বড় একটি সাদা প্যান্ট। প্যান্টটা বার বার খুলে পড়ছে আর সে টেনে টেনে তুলছে। আনিস ক্ষেপে গিয়ে বললো, ‘যাও এখান থেকে—যাও।’

ছেলেটি প্যান্ট ছেড়ে দিয়ে হাত দিয়ে চোখের জল মুছল। অনেক দূর নেমে গেল প্যান্ট। সে ভয় পাওয়া গলায় বললো, ‘আমি হারিয়ে গেছি। আশ্মাকে খুঁজে পাই না।’

কি নাম তোমার?

বাবু।

আনিস খানিকক্ষণ তাকিয়ে রইল বাবুর দিকে। হঠাৎ গলার স্বর পাশ্চট কোমল সুরে বললো, 'ভেতরে এসো বাবু।'

বাবু সংকুচিত ভঙ্গিতে ভেতরে এসে চুকল। ইতস্তত করে বললো, 'তুমি কাঁদছ কেন?'

আমার অসুখ করেছে।

পেটে ব্যথা?

হুঁ।

বস তুমি চেয়ারে। তোমার আশ্মাকে খুঁজে দেব। কোথায় থাক?

বাসায় থাকি।

কি নাম তোমার?

বলেছিতো একবার।

ও, তোমার নাম বাবু। বসো একটু।

আনিস তোয়ালে দিয়ে আবার কপালের ঘাস মুছল। ন'টা বেজে গেছে। রোদ এসেছে ঘরের ভেতরে। একটা ভ্যাপসা ধরনের গরম পড়েছে। বাসি বিছানা থেকে এক ধরনের হুজু গন্ধ আসছে। বাবু বসে আছে চুপচাপ, সে এক দৃষ্টিতে তাকিয়ে আছে আনিসের দিকে।

আনিস ভাই ভেতরে আসবো?

দরজার ওপাশে জরীর স্বরটা কৌতূহলী চোখে উঁকি দিচ্ছে। এদের মধ্যে এক রুনুকেই আনিস চিনতে পারল। আনিস বললো, 'জরী আসেনি?'

না। সে একতলায় আটকা পড়েছে।

জরীর গায়ে হলুদের আয়োজন চলছে নীচে। পরীর জন্যে অপেক্ষা করতে করতেই গায়ে হলুদের অনুষ্ঠান পিছিয়ে গেল। পরীর আসবার সময় হয়েছে। তাকে আনতে স্টেশনে গাড়ী গিয়েছে।

চিত্রিত পিঁড়িতে বসে আছে জরী। কলসীতে করে পানি এনে রাখা হয়েছে। জরীর সামনে ডালায় বিচিত্র সব জিনিসপত্র সাজানো। সেখানে আবার দু'টি প্রদীপ জ্বলছে। রাজ্যের মেয়েরা ভীড় করেছে সেখানে। বরের বাড়ী থেকে পাঠানো গায়ে হলুদের শাড়ী নিয়ে বেশ হৈ চৈ হচ্ছে। কাজের বোটিরাও নাকি এত কম দামী শাড়ী পরে না—এ ধরনের কথা শোনা যাচ্ছে। রুনু এই ফাঁকে তার বন্ধুদের দোতলায় নিয়ে এসেছে। কনক তখন থেকেই আনিসের সঙ্গে দেখা করার কথা বলছিল।

আনিস বললো, 'ভেতর এসো রুনু। কি ব্যাপার?'

আনিস ভাই, এরা সবাই জরী আপার বন্ধু, তোমার সঙ্গে আলাপ করতে এসেছে।

আনিস বিরক্তি চেপে কোনমতে বললো, 'তোমরা বস।'

ঘরে বসবার কিছু নেই। একটি মাত্র চেয়ার ছিল, সেটিতে বাবু গম্ভীর হয়ে বসে আসে। আনিস কি বলবে ভেবে পেল না। বিরতভাবে বললো, 'হঠাৎ আমার সঙ্গে আলাপ করার ইচ্ছে হ'ল কেন?'

কেউ সে কথার জবাব নিল না। রুনা কনককে দেখিয়ে বললো, 'এর নাম কনক, খুব নামকরা মেয়ে আনিস ভাই। রেডিওতে রবীন্দ্রসঙ্গীত গায়। সেই আপনার সঙ্গে দেখা করবার জন্যে বেশী ব্যস্ত।'

কনক চুপ করে রইল। আভা বললো, আপনি 'আমাদের যুদ্ধের গল্প বলুন আনিস ভাই।'

আনিস থেমে থেমে বললো, 'আমি যুদ্ধের কোন গল্প জানিনা।'

কেন আপনি পাক আমীর সঙ্গে যুদ্ধ করেননি?'

সেই গল্প বলুন।

আমি যুদ্ধের গল্প বলি না।

আভা মুখ কালো করে ফেললো। সায়লা বললো, 'চল কনক যাই, গায়ে হলুদের সময় হয়েছে।' কনক নড়ল না, থেমে থেমে বললো, 'যুদ্ধের সময় আমি বড় কষ্ট করেছি আনিস ভাই। বরিশালের কাছে এক জঙ্গলে আমি, আমার মা আর দুই খালা এক সপ্তাহ লুকিয়ে ছিলাম। এক খালা সেই জঙ্গলেই ডগ পেয়ে মারা গিয়েছিলেন।'

আনিস বিস্মিত হয়ে তাকিয়ে রইল কনকের দিকে। কনক গাঢ় স্বরে বললো, 'খুব কষ্ট করেছি বলেই যারা যুদ্ধ করেছে তাদের আমার সব সময় খুব আপন মনে হয়।'

কনকের কথার মাঝখানে আনিস হঠাৎ বলে উঠল, 'আমি খুব অসুস্থ। তোমার সঙ্গে পরে আলাপ করব। রুনা এই ছেলেটিকে নিয়ে যা। সে তার মাকে খুঁজে পাচ্ছে না।'

বাবুকে রুনা কোলে তুলে নিতে গেল। বাবু চেয়ারে আরও ভাল করে সেঁটে বসল। আনিসের দিকে তাকিয়ে গম্ভীর গলায় বললো, 'আমি যাব না। আমি এখানে থাকব।' রুনা তাকে দুহাত ধরে উপরে তুলতেই সে পা ছুঁড়ে কাঁদতে শুরু করল। রুনা বললো, 'আনিস ভাই আমরা যাই?'

আচ্ছা যাও । কিছু মনে করো না কনক ।

না না আনিস ভাই, আমি কিছু মনে করিনি ।

আনিস হাঁপাতে গুরু করল । অসহ্য! দর দর করে ঘামছে সে।  
বুক গুকিয়ে কাঠ । দাঁতে দাঁতে চেপে সে মনে মনে গুণল—একশ,  
নিরানব্বই..... দরজায় টোকা পড়ল । আনিস তাকালো ঘোলা চোখে ।  
বাবু আবার ফিরে এসেছে । আনিস চোখ বন্ধ করে ফেললো । বাবু  
বললো, 'আমি এসেছি।'

আনিস কোন মতে বললো, 'বাবু এক গ্লাস পানি আন ।'

আনিসের নিঃশ্বাস বন্ধ হয়ে আসছে । পেথিড্রিন দিতে হবে নাকি  
কে জানে । বড়চাচাকে খবর দেয়া প্রয়োজন ।

বাবু পানির খোঁজে বেরিয়ে একা একা ঘুরে বেড়াতে লাগলো ।  
হাঁটতে হাঁটতে চলে গেল ছাদে । সেখানে মিস্তিরীরা আমিয়ানা খাটাচ্ছে ।  
সে অনেকক্ষণ তাই দেখলো । তারপর নেমে একে স্নাতলায় । দোতলা  
খাঁ খাঁ করছে । সবাই গিয়েছে গায়ে হলুদে । ও-ঘর থেকে ও-ঘরে  
ঘুরে বেড়াতে লাগল ।

জরীর বড়চাচা তাঁর রেডিওর বন্ধ করে দিয়ে বিরক্ত হয়ে  
বারান্দায় বসেছিলেন । বাবু গিয়ে বললো, 'পানি খাব ।' তিনি  
তাকে পানি খাইয়ে দিলেন । বন্ধ শান্ত হয়ে আনিসের ঘর খুঁজে বেড়াতে  
লাগল ।

পরীর ট্রেন ভোর সাড়ে আটটার মধ্যে ময়মনসিংহ পৌঁছানোর  
কথা । কিন্তু গফরগাঁ আসতেই পৌনে ন'টা হয়ে গেল । মেল ট্রেন  
অথচ ছোট বড় সব স্টেশন ধরছে । লোক উঠেছে বিস্তর । ছাদে পর্যন্ত  
গাদাগাদি ডিড় । ফার্স্ট ক্লাস কামরাগুলি অপেক্ষাকৃত ফাঁকা ছিল ।  
কিন্তু কাওরাইদে এক দম্পল ছাত্র উঠে পড়ল । বিপদের ওপর বিপদ,  
পরীর মেয়ে লীনা কদিন ধরেই সর্দিতে ভুগছিল । ট্রেনে ওঠার পর  
থেকে তার জ্বর হ হ করে বাড়তে লাগল । পরী মেয়েকে কোলে করে  
জানালার এক পাশে বসেছে, তার অন্য পাশে বসেছে পান্না । পান্না  
এক দণ্ডও কথা না বলে থাকতে পারে না । সে ক্রমাগত মাকে প্রশ্ন করে  
মাচ্ছে । এটা কি মা ? ঐ লোকগুলি নৌকায় কি করছে মা ? ঐ  
নৌকাটার পাল লাল আর এইটার সাদা কেন ?

হোসেন সাহেব টেনে উঠেই একটা বই তার নাকের সামনে ধরে রেখেছেন। গাড়ীর ভীড়, লীনার জ্বর বা পান্নার প্রশ্নমালা কিছুই তাকে বিচলিত করতে পারছে না। পরীর বিরক্তি ক্রমেই বাড়ছিল। এক সময় সে বাঁশ্বিয়ে উঠলো, ‘রাখ তোমার বই। দেখ মেয়েটার কেমন জ্বর।’

হোসেন সাহেব হাত বাড়িয়ে মেয়ের উত্তাপ দেখলেন। শান্ত গলায় বললেন, ‘ও কিছু নয়, এক্ষুণি রেমিশন হবে।’ তিনি বইয়ের পাতা ওল্টাতে লাগলেন। পান্না বললো, ‘মা রেমিশন কি?’

কি জানি। চুপ করে বসে থাক।

গাড়ীর অনেকেই কৌতূহলী হয়ে তাকিয়েছিল পরীর দিকে। পরী সেই ধরনের মহিলা যাদের দিকে পুরুষেরা সব সময় কৌতূহলী হয়ে তাকায়। চোখে চোখ পড়লেও দৃষ্টি ফিরিয়ে নেয় না।

রূপবতী মেয়েদের প্রায়ই বড় রকমের কোন দৃষ্টি থাকে। পরীর একটিমাত্র ত্রুটি, সে বোকা। হোসেন সাহেব পরীর বিয়ে করে বেশ হতাশ হয়েছেন। শুধুমাত্র রূপ এক একটা পুরুষকে দীর্ঘদিন মুগ্ধ করে রাখতে পারে না। পরীর মেয়ে দুটি নামের মত রূপবতী হয়নি দেখে হোসেন সাহেব খুশী হয়েছেন<sup>(১)</sup> মেয়ে দুটি বাবার গায়ের রঙ শ্যামলা পেয়েছে। চোখ মুখ মাশ্চি ফোলা ফোলা। অনেকখানি মিল আছে চাইনিজ বাচ্চাদের সঙ্গে। এবারডীন হাসপিটালের এক নার্স হোসেন সাহেবকে জিজ্ঞেস করেছিল, ‘বাচ্চাদের মা কি চাইনীজ?’ পরী তার মেয়ে দুটিকে নিয়ে মাঝে মাঝে দৃষ্টিভঙ্গ্য ভোগে। বড় হলে বিয়ে দিতে কামেদা হবে এই সব ভাবনা তাকে মাঝে মাঝেই পায়। হোসেন সাহেবকে সে কথা বলতেই তিনি হো হো করে হাসতে থাকেন। পরী রাগী গলায় বলে, ‘এর মধ্যে হাসির কি হল? কালো মেয়েদের কি ভাল বিয়ে হয়? আমি যদি কালো হতাম তুমি আমাকে বিয়ে করতে?’ হোসেন সাহেব একটু অপ্রস্তুত হন। মাঝে মধ্যে পরী বেশ গুছিয়ে কথা বলে। হোসেন সাহেব বলেন, ‘আমার সঙ্গে তোমার বিয়েটা তাহলে খুব ভাল বিয়ে বলতে চাও?’

পরী তার জবাব দেয় না। কারণ মাঝে মাঝে তার নিজেরই সন্দেহ হয়। যদিও হোসেন সাহেব একটি নিখুঁত উদ্রনোক এবং তাঁকে বিয়ে করবার ফলেই পৃথিবীর অনেকগুলি বড় বড় দেশ ঘুরে বেড়িয়েছে, তবু কোথাও কিছু অমিল আছে। লগুনে থাকাকালীন প্রথম এটি পরীর চোখে পড়ে। পরীকে সারাদিন একা একা থাকতে হতো ফ্ল্যাটে। রেকর্ড

বাজিয়ে আর রান্না করে কতটুকু সময়ই বা কাটে। গল্প করার কোন লোক নেই। পরী ইংরেজী জানলেও বলতে পারে না, আবার বিদেশী উচ্চারণ বুঝতেও পারে না। সারাটা দিন কাটতো কয়েদীর মত। হোসেন সাহেব ফিরতেন সন্ধ্যাবেলায়। চা খেয়েই তার পড়াশোনা শুরু হত। পরী হয়তো কিছু একটা গল্প শুরু করেছে, হোসেন সাহেব হাসিমুখে তাকিয়ে আছেন তার দিকে। কিন্তু কিছুদূর বলবার পরই পরী বুঝতে পারতো হোসেনের গল্প শোনার মূড নেই। সে তাকিয়ে আছে পরীর দিকে ঠিকই কিন্তু ভাবছে অন্য কিছু। পরী আচমকা গল্প বন্ধ করত। হোসেন সাহেব বলতেন, 'তারপর কি হল?'

'থাক। আর ভাল লাগছে না।' বলেই গম্ভীর হয়ে উঠে যেত পরী। তার আরো খারাপ লাগতো যখন দেখতো হোসেন গল্প বন্ধ হওয়ায় খুশীই হয়েছে।

পরী বললো, 'ময়মনসিংহ আর কতদূর?'  
হোসেন সাহেব বই থেকে চোখ তুলে বললেন, 'দূর আছে।'

পরী বললো, 'বাই রোডে আসলে বাজে ভাল হতো।' হোসেন সাহেব জবাব দিলেন না। পান্না বললো, 'বাই রোডে আসলে ভাল হতো কেন মা?'

'আর একটা কথা বললে দ্বিধা পাবি পান্না।' পরী ঝাঁঝিয়ে উঠলো। পান্না উসখুস করত লাগল। আরেকটা কথা জানবার জন্যে তার খুব ইচ্ছে হচ্ছে। সে কয়েকবার মার দিকে তাকাল। মা ভীষণ গম্ভীর। কাজেই সে ঝুঁকে জামসে বাবার কাছে। ফিস ফিস করে কানে কানে বললো, 'বাবা একটা কথা শোন।'

বল।

ঐ যে কারেন্টের তারে পাখী বসে আছে দেখেছ?'

হঁ দেখলাম, শালিক পাখী।

ঐ পাখীগুলি শক খায় না কেন?'

টেলিগ্রাফের তারে বসে আছে। টেলিগ্রাফের তারে কারেন্ট নেই।

অ বুঝছি।

পরী দেখল মেয়ে ও বাবা খুব আলাপ চালিয়ে যাচ্ছে। সে আগেও দেখেছে মেয়ের সঙ্গে আলাপে হোসেনের কোন ক্রান্তি নেই। তখন আর্জেন্ট কলের কথাও মনে থাকে না। জরুরী টেলিফোন করতে হবে বলে হঠাৎ উঠে পড়ারও প্রয়োজন হয় না। পরীর মনে হল সে দারুণ অসুখী

ও দুঃখী। এ রকম মনোভাব তার প্রায়ই হয়। সে জানালা দিয়ে বাইরে তাকিয়ে রইলো।

বিলেতে থাকাকালীনও পরী লক্ষ্য করেছে তার ব্যাপারে হোসেনের যেন কোন আগ্রহ নেই। প্রায়ই এক গাদা চিঠি আসতো পরীর। হোসেন সাহেব ভুলেও জিজ্ঞেস করতেন না চিঠি কে লিখলো। সে সব চিঠির জবাব লিখতে এক সময় গভীর রাত হয়ে যেত। ঘড়ির কাঁটার নিয়মে যুমুতে যেতেন হোসেন সাহেব, ভুলেও জিজ্ঞেস করতেন না এতো রাত জেগে কোথায় চিঠি লেখা হচ্ছে।

হোসেনের এক বন্ধু প্রায়ই আসতো বাসায়। পরীর সঙ্গে ঘণ্টার পর ঘণ্টা আলাপ করতো সে। পরী কোন কোন দিন ইচ্ছে করেই সেই বন্ধুটির সঙ্গে বেড়াতে যেতো। ফিরতে রাত হতো প্রায় সময়ই। পরী চাইতো হোসেনের মনে একটু সন্দেহ দেখা দিক। ঈর্ষার কিছু জীবাণু কিনা ধিল করে উঠুক তার মনে। কিন্তু সে রকম কিছু হয়নি। হোসেন নির্বিকার ও নিরাসক্ত। হাল ছেড়ে দিয়ে নিজেকে গুটিয়ে নিল পরী। লীনা পান্না আসলো সংসারে। জমজ মেয়ে একা সামলান মুশকিল। রাত জাগা, কাপড় বদলে দেয়া, ঘড়ি মত্রে দেখে দুধ বানানো—এসব করতে করতে এক সময় পরীর মনে হল সংসারটা এমন কিছু খারাপ জায়গা নয়। হোসেনের মতো ছাড়া নিয়ে সুখী হতে বাধা নেই।

কিন্তু হোসেন যদি আশে একটু কাছে আসতো! পরীর কত কি আছে গল্প করবার। সে সব যদি সে মন দিয়ে শুনতো। কথার মাঝখানে থেমে গিয়ে যদি না বলত, ‘পরী আজ বড় ঘুম পাচ্ছে।’ তাহলে জীবনটা অনেক বেশী অর্থহীন ও সুরঞ্জিত হতো না?

ময়মনসিংহ এসে গেল প্রায়। এপ্রিকালচারাল ইউনিভার্সিটি স্টেশনে গাড়ী এসে থেমেছে। ছাত্রদের দলটি নেমে যাওয়াতে কামরাটি একেবারে ফাঁকা হয়ে গেছে। হোসেন সাহেব বই বন্ধ করে জানালা দিয়ে গলা বের করলেন। চমৎকার ইউনিভার্সিটি। সবুজে ছয়লাপ। সাদা রঙের বড় বড় দালানগুলিকে দ্বীপের মত লাগছে। রাস্তার দু পাশে নারকেল গাছের সারি। পরী বললো, ‘লীনার জ্বর আর নেই। দেখতো ক’টা বাজে।’

দশটা পনেরো। আড়াই ঘণ্টা লেট।

পান্না বললো, ‘আড়াই ঘণ্টা লেট হলে কি হয় বাবা?’

খুব মজা হয়। জুতো পরে নাও পান্না, আর দেরী নেই।

লীনাকে শুইয়ে রেখে পরী টয়লেটে গিয়ে চুল আঁচড়াল। পান্নার জুতো পরিয়ে দিল। লীনার ঘুম ভাঙিয়ে তার জামা বদলে দিল। বেশ

লাগছে তার। পরী হালকা গলায় বললো, ‘জরীর গায়ে হলুদ কি হয়ে গেল?’

তোমার জন্যে নিশ্চয়ই অপেক্ষা করবে।

পরী হাসিমুখে বললো, ‘বউ সাজলে জরীকে কেমন দেখাবে কে জানে?’ হোসেন সাহেব জবাব দিলেন না। তিনি খানিকটা অন্যমনস্ক হয়ে পড়েছেন।

দূর থেকে স্টেশনের লাল দালান দেখা যাচ্ছে। লাইন বদল হওয়ার ঘটাং ঘটাং শব্দ আসছে। হোসেন সাহেব হঠাৎ বললেন, ‘পরী, আনিসের চিত্তির কথাটা মনে আছে? বড় কষ্ট লাগছে।’

পরী বললো, ‘আনিস বাঁচবে তো?’

না। স্পাইনাল কর্ডের লস্কোসকরেরেজ রিজিওন ডেমেইজড। তাছাড়া শুধু পেরাপ্লেজিয়া নয়, আরো সব জটিলতা দেখা দিয়েছে। শুনেছি পেথিড্রিন দিতে হয়।

পরী গম্ভীর হয়ে পড়ল। হোসেন সাহেব বললেন, ‘কাল রাত থেকে আনিসের চিত্তির কথা মনে পড়ছে। তোমার কাছে আছে সেটা?’

চিত্তি আনিস পরীকে অনেক উপদেশ করে লিখেছিল। লগুনে থাকাকালীন পাঁচ বৎসরে আনিস ঠাট্টা চারটি চিত্তি লিখেছিল। ছয় সাত লাইনের দায়সারা গোছের চিত্তি। কিন্তু শেষ চিত্তিটি ছিল সুদীর্ঘ। চিত্তিতে অনেক কায়দা-কামনা করে লিখেছে সে জরীকে বিয়ে করতে চায়। কাউকে বলতে রাজি পাচ্ছে। তবে জরীর কোন আপত্তি নেই। এখন একমাত্র ভরসা পরী। পরী যদি দয়া করে কিছু একটা করে তাহলে সারা জীবন সে..... ইত্যাদি ইত্যাদি।

পরী এ চিত্তি পেয়ে হাসবে কি কাঁদবে ভেবে পায়নি। সে জোর গলায় বলেছে, ‘জরী কিছুতেই রাজী হবে না। ভাই বোনের মত মানুষ হয়েছি ছোট বেলায়, সবাই এক খাতে ঘুমাতে।’

কিন্তু হোসেন সাহেব খুব শান্ত গলায় বলেছেন, ‘খুব রাজী হবে। আনিসের মত ছেলে হয় না। তুমি লেখ স্বস্তুর সাহেবকে। আমিও লিখবো।’

আনিসের চিত্তি পড়ে হোসেন সাহেবের বুঝতে একটুও অসুবিধে হয়নি যে চিত্তিটা আসলে লিখেছে জরী। আনিস শুধু কপি করেছে। চিত্তিতে পাঁচবার ‘আশ্চর্য’ শব্দটি আছে। ঘন ঘন আশ্চর্য ব্যবহার করা জরীর পুরোনো অভ্যাস। তার সব চিত্তি শুরু হয় এইভাবে, ‘আশ্চর্য, বহুদিন আপনাদের চিত্তি পাই না।’

আনিস খুবই ভাল ছেলে এতে সন্দেহের কোন কারণ নেই। তবু পরী জানতো বাবা রাজী হবেন না। তিনি কোন একটি বিচিত্র কারণে আনিসকে সহ্য করতে পারতেন না। তাছাড়া আনিসের মা বিধবা হবার পর পরই আরেকটি ছেলেকে বিয়ে করে খুলনা চলে যান। এই নিয়েও অনেক কথা ওঠে। সব জেনে শুনে পরীর বাবা আনিসকে পাত্র হিসেবে পছন্দ করবেন কেন? তাছাড়া এত ঘনিষ্ঠভাবে চেনা একটি ছেলেকে কি বিয়ে করা উচিত? পরী খুব দৃষ্টিভঙ্গায় পড়ে গিয়েছিল।

এর পরপরই স্বাধীনতার যুদ্ধ শুরু হল। পরীকে চিঠি লিখতে আর হলো না। সে যখন দেশে ফিরে আসলো তখন আনিস কলকাতায় মিলিটারী হাসপাতালে। সেখান থেকে পি. জি-তে।

জরী আনিসকে দেখে খুব কেঁদেছিল। আনিস সান্ধ্বনার ভঙ্গিতে বলেছে, 'একটা যুদ্ধে অনেক কিছু হয় জরী।' কতকটা জরী গিরেছে হাসপাতালে। কত কথাইতো হয়েছে, কিন্তু তখনও আনিস সেই চিঠির উল্লেখ করেনি। জরীও সে প্রসঙ্গ তোলেনি। যেন তাদের মনেই নেই তারা দুজনে মিলে চমৎকার একটি চিঠি লিখেছিল পরীকে।

গাড়ী ইন করেছে স্টেশনে। ছেলেটন সাহেব বললেন, 'লীনা'কে আমার কোলে দিয়ে তুমি নাও পরী।' পরীকে দেখতে পেয়ে এক দল ছেলেমেয়ে চৌচিয়ে উঠল। 'হিস এত দেরী, এদিকে বোধহয় গায়ে হলুদ হয়ে গেল।'

পরী তাদের দিকে কান্নাকয়ে হাসতে লাগলো।

বিয়ে বাড়ি খুব জমে উঠেছে।

বাড়ির সামনের খোলা মাঠে ছেলেমেয়েরা হৈ হৈ করে চি বুড়ি খেলছে। তাদের চিৎকারে কান পাতা দায়। শিশুদের আরেকটি দল গম্ভীর হয়ে ঘুরে বেড়াচ্ছে। যেখানে বাবুচিঁরা রান্না বসিয়েছে, সেখানেও অপেক্ষাকৃত কম বয়সী শিশুদের জটলা। ছাদে সামীয়ানা খাটানো হয়ে গেছে। সেখানে চেয়ার টেবিল সাজানো হয়েছে। অনেকেই ভারি চালে চেয়ারে বসে আছে।

কিশোরী মেয়েদের ছ-সাতজনের একটি দল জোট বেঁধে ঘুরে বেড়াচ্ছে। বিয়ে উপলক্ষে তারা আজ সবাই শাড়ী পরেছে। সবাই আপ্রাণ চেষ্টা করছে যেন তাদেরকে মহিলার মত দেখায়। এদের

মধ্যে শীলা নামের একটি মেয়ে বাড়ি থেকে এক প্যাকেট দামী সিগারেট এনেছে। বিয়ে বাড়ীর একটি নির্জন আড়াল খুঁজে পেলেই সিগারেট টানা যায়। কিন্তু কোথাও সে রকম জায়গা পাওয়া যাচ্ছে না। কিশোরীর এই দলটির সবাই কিছু পরিমাণে উত্তেজিত। তারা কথা বলছে ধীরে ধীরে। মাঝে মাঝেই হেসে উঠছে, তবে সে হাসির স্বরগ্রামও খুব নীচু।

শেষ পর্যন্ত তারা একটি জায়গা খুঁজে পেল। দোতলায় সবচেয়ে দক্ষিণের একটি ঘর। পুরনো আসবাবে সে ঘরটি ঠাসা। দুটি জানালাই বন্ধ বলে ঘরের ভেতরটা আর্দ্র ও অন্ধকার। একটি নিষিদ্ধ কিছু করবার উত্তেজনায় সবাই চুপচাপ।

বড় রকমের একটি ঝগড়াও শুরু হয়েছে বিয়েবাড়িতে। এসব ঝগড়াগুলি সাধারণত শুরু করেন নিমজ্জিত গরীব আত্মীয়রা। তারা প্রথমে খুব উৎসাহ নিয়ে বিয়েবাড়িতে আসেন। এমন একটা কাজ করবার জন্যে ঘুরে বেড়ান কিন্তু কিছু করতে না পেরে ক্রমশই বিমর্ষ হয়ে ওঠেন। এক সময় দেখা যায় একটি চুচ্ছ ব্যাপার নিয়ে তারা মেতে উঠেছেন। চিৎকারে কান পাতা যাচ্ছে না। বরপক্ষীয়দের তরফ থেকে দুটি রুই মাছ পাঠানো হয়েছিলো। মাছ দুটি নাকি পচা। এই হচ্ছে আজকের ঝগড়ার বিষয়।

তবে সব বিয়েতেই চুচ্ছ গণ্ডোগোলগুলি যেমন ফস করে নিভে যায়, এখানেও তাই ঘর দেখা গেল বরপক্ষীয় যারা বিয়ের তত্ত্ব নিয়ে এসেছিল (দুটি মেয়ে, একটি অল্প বয়সী ছেলে এবং একজন মাঝবয়সী ভদ্রলোক) মহানন্দে রঙ খেলায় মেতে গেছেন। বরের বাড়ীর রোগামত লম্বা মেয়েটিকে দু-তিনজন জাপটে ধরে সারা গায়ে খুব করে কালো রঙ মাখাচ্ছে। মেয়েটি হাত পা ছুঁড়ে এবং খুব হাসছে।

রঙ ছোঁড়াছুড়ির ব্যাপারটা দেখতে দেখতে ক্ষ্যাপামীর মত শুরু হল। এক দল মেয়ে দৌড়ুচ্ছে, তাদের পিছু পিছু আরেক দল যাচ্ছে রঙের কৌটো নিয়ে। খিল খিল হাসি, চিৎকার আর ছোট্ট ছুটিতে চারদিক সরগরম। ছেলেদের দলও বেমালুম জুটে গিয়েছে। অর্ধ-পরিচিত অপরিচিত মেয়েদের গালে রঙ মাখিয়ে দিতে কিছুমাত্র দ্বিধা করছে না। মেয়েরাও যে এ ব্যাপারে কিছু একটা মনে করছে তা মনে হচ্ছে না।

পরী যখন এসে পৌঁছল তখন বরের বাড়ীর রোগা মেয়েটিকে ছেড়ে দেয়া হয়েছে। তাকে দেখাচ্ছে ভূতের মত। পান্না ভয় পেয়ে বললো, ‘মা একটা পাগলী, ওমা একটা পাগলী।’

পরীকে দেখতে পেয়ে সবাই ছুটে এলো। নিমিষের মধ্যে পরীর ধবধবে গাল আর লালচে ঠোঁট কালো রঙে ডুব গেল। লীনা ও পান্না দুজনেই হতভম্ব। লীনা বললো, ‘এরকম করছে কেন?’

হোসেন সাহেব ব্যাপার দেখে সটকে পড়েছেন। সটান চলে গিয়েছেন দোতলায়।

লীনা ও পান্না হতভম্ব হয়ে দাঁড়িয়ে রইল। ততক্ষণে রঙ খেলা চরমে উঠেছে। ডেতরের বাড়ীর উঠানে বালতি বালতি পানি ঢেলে ঘন কাদা করা হয়েছে। মাঝবয়েসী একটি ভদ্রমহিলাকে সবাই মিলে গড়াগড়ি খাওয়াচ্ছে সেই কাদায়। ভদ্রমহিলার শাড়ী জড়িয়ে গেছে, শলাউজের বোতাম গিয়েছে খুলে। তিনি ক্রমাগত গাফ দিচ্ছেন। কিন্তু সেদিকে কেউ কান দিচ্ছে না। সবাই হাসছে। সবাই চোঁচাচ্ছে। লীনা ও পান্নার বিমর্ষ ভাব কেটে গিয়েছে। তারাও সহানুভূতি জুটে পড়েছে সে খেলায়। পান্না স্ফূর্তিতে ঘন ঘন চোঁচাচ্ছে। এমন মজার ব্যাপার সে বহুদিন দেখেনি।

জরী এসে দাঁড়িয়েছে বারান্দায়। সে সবার দিকে তাকিয়ে মূদু মূদু হাসছে। তার একটু লজ্জা সজ্জা করছে। পরী কাদামাথা শরীরে জরীকে জড়িয়ে ধরলো। জরী বললো, ‘আপা কখন এসেছিস?’

এইতো এখন। কখন কেমন লাগছে জরী?

কি কেমন লাগছে?

বিয়ে।

জরী হাসতে লাগলো।

রঙ ছোঁড়া ছুঁড়ির হাত থেকে বাঁচবার জন্য হোসেন সাহেব অতিরিক্ত ব্যস্ততায় দোতলায় উঠে এসেছেন। তাঁর গায়ে শার্ক স্ক্রীনের দামী কোট—নষ্ট হলে হলো। বিয়ে টিয়ের সময় মেয়েদের কোন কাণ্ডজ্ঞান থাকে না। উঠানের কাদায় গড়াগড়ি করাতেও তাদের বাঁধবে না।

দোতলায় তিনি আনিসের ঘরটি খুঁজে পেলেন না। হাঁটতে হাঁটতে চলে গেলেন শেষ প্রান্তে। সেখানে কিশোরী মেয়েদের দলটি সিগারেট টানছে। তারা হোসেন সাহেবকে দেখে হতভম্ব হয়ে পড়ল। তিনি

সাক্ষাৎ তেমন হয় না, কিন্তু যখন হয় আনিসের সময়টা চমৎকার কাটে। হোসেন সাহেব বললেন, 'বাইরে খুব রঙ খেলা হচ্ছে, তোমার এখানে আশ্রয় নিতে এলাম।'

খুব ভাল করেছেন? কখন এসেছেন?

এই মাত্র, কেমন আছে বলো?

খুব ভালো।

তবে যে গুনলাম খুব পেন হয়। মাঝে মাঝে পেথিড্রিন দিতে হয়।

তা হয়। কিন্তু এখন ভাল।

হোসেন সাহেব কোট খুলে হ্যাংগারে ঝুলিয়ে দিলেন। চেয়ারে বসতে বসতে বললেন, 'তোমার জন্যে গল্পের বই পাঠিয়েছিলাম, পেয়েছিলে?'

ছি পেয়েছি।

পড়েছ নাকি সব?

কিছু কিছু পড়েছি।

কি যে রস পাও গল্পের বইয়ে তোমরাই জানি। তোমার পরী আপার তো বই পেলো আর কথাই নেই। একবার একটা বই পড়ে ফিচ ফিচ করে এমন কান্না; দুপুরে ভাত খেল না, স্নানও না।

কি বই সেটি?

কি জানি কি বই। জিজ্ঞেস করো ওকে। যে লেখক লিখেছে সে নিশ্চয়ই লেখবার সময় খাওয়া-দাওয়া ঠিকঠাকই করেছে।

হোসেন সাহেব শব্দে লাগলেন। আনিসও হাসলো। হোসেন সাহেব বললেন, 'এক কাপ চা খেলে ভালো হতো।'

আমার এখানে চায়ের সরঞ্জাম আছে। কাউকে ডেকে আনেন।

ডাকতে হবে না, আমিই পারব।

হোসেন সাহেব নিঃশব্দে উঠে গিয়ে হিটার জ্বালালেন। চা, চিনির পট খুঁজে বের করলেন। দুটি কাপ ধুয়ে টেবিলে এনে রাখলেন। আনিস দেখলো, তিনি মৃদু হাসছেন। এই লোকটির বেশ কিছু বিচিত্র অভ্যেস আছে। আপন মনে হাসা, আপন মনে কথা বলা তার মধ্যে পড়ে। এছাড়াও আরো অদ্ভুত অভ্যেস আছে। যেকুলি পরী জানে। কিন্তু পরী সেসব নিয়ে কারো সঙ্গে গল্প করতে পারে না। তার স্বামী সম্পর্কে সে খুব সজাগ। কেউ তার কোন দোষ ধরুক, তাকে নিয়ে হাসি তামাসা করুক এসব সে সহ্য করতে পারে না। বড়চাচা একবার পরীকে বলেছিলেন, 'তোমার গুদ্রলোকটি এমন মিনমিনে কেনরে?' এতেই

পরী কেঁদে কেঁদে অস্থির হয়েছিল। বড়চাচা অপ্রস্তুতের একশেষ। আবার এও ঠিক হোসেন সাহেবের সঙ্গে পরীর বনিবনা হয়নি। কুমারী অবস্থায় পরী যেসব কথা ভেবে একা একা লাল হতো তার কোনটিই বাস্তবের সঙ্গে মেলেনি। এ নিয়ে গোপন ব্যথা আছে। আনিস তা জানে। সে হঠাৎ বললো, ‘পরী তার বাচ্চা দুটিকে কেমন আদর করে দুলাভাই?’

খুব, যাকে বলে এনিমেল লাভ।

আর আপনাকে?

আমাকে ভুল করে। নাও তোমার চা। মিষ্টি লাগবে কিনা বল।

আনিস চায়ের চুমুক দিল। পেটের মধ্যে মোচড় দিয়ে উঠছে। সফালে নাশতা হয়নি, এখন বেলা হয়েছে বারোটা। দ্বিধে জানান দিচ্ছে। হোসেন সাহেব বললেন, ‘এ রকম করছ কেন? ব্যথা শুরু হল নাকি?’

না ও কিছু নয়।

হোসেন সাহেব সিগারেট ধরালেন। আনিস খানিকক্ষণ ইতস্তত করে বললো, ‘আপনি কি সুখী?’

সামটাইনস। একটি মানুষ আপনাকে সুখী থাকতে পারে না। মাঝে মাঝে সুখী হয়। এখন আমি সুখী।

কেন?

কি জানি কেন? হঠাৎ এসব কথা জিজ্ঞেস করছ যে?

দুলাভাই, মাঝে মাঝে আমি এসব নিয়ে ভাবি। কিছু করার নেইতো, এই জন্যে। মাঝে মাঝে আমার মনে হয় আসলে হেপিনেস বলে আলাদা কিছু নেই।

আনিসের কথা শেষ হবার আগেই দারুণ হৈ হৈ ও চঁচামেচি শোনা যেতে লাগল। একটি তীক্ষ্ণ মেয়েলী গলায় কে কেঁদে উঠলো। ছাদের উপর থেকে হুড়মুড় শব্দ করে এক সঙ্গে অনেক লোক নীচে নেমে এল। হোসেন সাহেব আশখাওয়া চায়ের কাপ নামিয়ে রেখে দ্রুত ঘর থেকে বেরিয়ে এলেন।

গোলমালটা যেমন হঠাৎ শুরু হয়েছিল, তেমনই হঠাৎ থেমে গেল। একটি বিয়েবাড়ির হৈ চৈ হঠাৎ থেমে গেলে বুকে ধক করে ধাক্কা লাগে। আনিস নিদারুণ অস্বস্তি নিয়ে অপেক্ষা করছিল। হোসেন সাহেবের ফিরে আসতে দেবী হল না। তিনি আবার তাঁর ঠাণ্ডা চায়ের

কাপে চুমুক দিলেন। আনিসের দিকে তাকিয়ে অন্যমনস্ক ভঙ্গিতে হাসলেন। আনিস বললো, 'কি হয়েছে দুলাভাই?'

আমার মেয়ে পান্না ডুবে গিয়েছিল পুকুরে।

বলেন কি!

সঙ্গে সঙ্গে তুলে ফেলেছে।

পুকুরে গেল কি করে?

মেয়েরা সবাই রঙ খেলে গিয়েছিল গা ধুতে, পান্নাও গিয়েছে।

হোসেন সাহেব আরেকটি সিগারেট ধরালেন। আনিস দেখলো আগুন জ্বালাতে গিয়ে তার হাত কাঁপছে, দেশলাইয়ের কাঠি বার বার নিঙে যাচ্ছে। আনিস বললো, 'আপনি পরীর কাছে যান।'

যাই। সিগারেটটা শেষ করে নিই। পরী কি করছে জান? লীনা পান্না—তার দুবাচ্চাকে জড়িয়ে ধরে বসে আছে। মুখে মাঝে অবিকল গরুর মত গলায় চিৎকার করে কাঁদছে।

দুলাভাই আপনি পরীর কাছে যান।

যাই। আনিস তুমি হেপিনেস সম্পর্কে জমিতে চাইছিলে...

পরে বলবেন। এখন পরীর কাছে যান।

হ্যাঁ তাই যাই।

হোসেন সাহেব উঠে দাঁড়াবেন। আনিস দেখলো তার কপালে বিন্দু বিন্দু ঘাম জমেছে। মুখ ক্যাকাশে হয়ে গেছে। তিনি অন্যমনস্ক ভঙ্গিতে হাসলেন।

হেঁ চৈ শুনে বড়চাচা নীচে নেমে গিয়েছিলেন।

ততক্ষণে পান্নাকে পানি থেকে তোলা হয়েছে এবং পান্নার চার পাশে একটি জটলার স্থিতি হয়েছে। ছোট ছেলে মেয়ে সবকটি তারস্বরে চৈচাচ্ছে। বড়চাচা কয়েকবার জানতে চেষ্টা করলেন কি হয়েছে। কিন্তু সবাই হৈ-চৈ করছে, কেউ কিছু বলছে না। তিনি ভিড়ের মধ্যে উঁকি দিয়ে দেখলেন পরী তার দুই মেয়েকে জড়িয়ে ধরে ঠক ঠক করে কাঁপছে। পরীর গা ডেজা, তার মাথায় কচুরিপানার ছোট ছোট পাতা লেগে রয়েছে। বড় চাচা ভীষণ অবাক হয়ে গেলেন। গলা উঁচিয়ে বললেন, 'কি হয়েছে পরী?'

পান্না পানিতে ডুবে গিয়েছিল। আভা কোন মতে তুলেছে। পরী ঘন ঘন চোখ মুছতে লাগল। বড়চাচা বললেন, 'তুলেইতো ফেলেছে, ওনু কাঁদছিস?'

বড়চাচা হাসতে লাগলেন। পরীর কাণ্ড দেখে বেশ মজা লাগছে তাঁর। তিনি একবার ভাবলেন জিজ্ঞেস করেন, পরী নিজেই যে ছোটবেলায় পুকুরে পড়ে মরতে বসেছিল, সেটি কি তার মনে আছে? কিন্তু তিনি কিছুই বললেন না। নিঃশব্দে নিজের ঘরে চলে গেলেন। তাঁকে এখন খুব হাসিখুশি লাগছে।

তেইশ বছর আগে একবার পরী ডুবতে বসেছিল। তাকে সেদিন টেনে তুলেছিল পরীর বড় চাচী। তেইশ বৎসর পর আবার একজন পরীর মেয়েকে টেনে তুললো। বাহ! বেশ মজার ব্যাপার তো। কিন্তু পরীর কি সেই শৈশবের কথা মনে আছে? অনেক বড় বড় ঘটনা মানুষ চট করে ভুলে যায়। আবার অর্থহীন সামান্য অনেক অক্ষিঞ্চিৎ ব্যাপার মানুষের অন্তরে দাগ কেটে বসে যায়।

বড়চাচার এগারো বছরের বিবাহিত জীবনে কত বড় ঘটনাই তো ঘটেছে। কিন্তু সে সব ছবি বড় আপসা। কষ্ট করে দেখতে হয়, ঠিক ঠিক মনে পড়তে চায় না। শিরীন মরবার বিষয় তাকে যেন কি সব বলেছিল। সে সব কেমন আবছাভাবে মনে আসে। এমন কি শিরীনের চেহারাও ঠিক ঠিক মনে পড়েনা। কিন্তু একটি ছোট্ট ঘটনা, একটি অতি সামান্য ব্যাপার আজও কি স্মরণকার ভাবে মনে আছে তার।

সেদিন ভীষণ গরম পড়েছিল। দুপুরে একটু ঘুমিয়ে ছিলেন। ঘেমে একেবারে নেয়ে গেছেন। ঘুম যখন ভাঙলো তখন বেলা পড়ে গেছে। তিনি বারান্দার সজ্জাচেয়ারে এসে বসেছেন। একটি কাক কোল্‌থেকে এসে কা কা শব্দ করেছে। তিনি হাত নেড়ে কাক তাড়িয়ে দিলেন, সেটি আবার এলো, আর ঠিক তখনই গুনলেন ঘরের ভেতর থেকে শিরীন খুব মর্দু স্বরে সুর করে বলছে, 'রসুন বুনেছি, রসুন বুনেছি।'

কতদিন হয়ে গেল, তবু তাঁর যেন মনে হয় সেদিনের ঘটনা। কাকটির তাকানোর ভঙ্গিটিও তাঁর মনে আছে। এ রকম হয় কেন মানুষের কে জানে। বড় বিচিত্র মন আমাদের।

বড়চাচা দুপুরের খাবার খেতে আনিসের ঘরে চলে গেলেন। আনিস অসুস্থ হয়ে এখানে পড়ে আছে প্রায় এগারো মাস। এই এগারো মাসের প্রতি দুপুরে তিনি আনিসের সঙ্গে খেতে বসেছেন। খাওয়ার ঘন্টাখানিক সময় তিনি আনিসের ঘরে কাটান। এটা সেটা হালকা পল্লগুজব করেন। আজ ঘরে ঢুকে দেখলেন খাবার দিয়ে গিয়েছে এবং আনিস গোপ্রাসে খাচ্ছে। সে চাচাকে দেখে লজ্জিত হয়ে বললো, 'বড় ক্ষিধে পেয়েছে চাচা।'

ক্ষিধে পেলে খাবি। আমার জন্য অপেক্ষা করতে হবে নাকি তো  
গাধা।

আপনি হাত ধুয়ে আসুন।

তোমার শরীর কেমন বল।

ভাল।

বাথা হয়নি, না?

সকালের দিকে অল্প হয়েছিল, এখন নেই।

বড়চাচা খেতে বসে আনিসের দিকে বার বার তাকাতে লাগলেন।  
আনিসের চেহারায় তার বাবার চেহারার আদল আছে। খুব পুরুষালী  
গড়ন। তবে মেয়েদের মতো ছোট্ট বরফি কাটা চিবুক। এই—এই—  
টুকুতেই তার চেহারায় অনেকখানি ছেলেমানুষী এসে গেছে। আনিস  
বললো, ‘বড়চাচা আপনার সানাই শুনে আজ জেগেছি।’

সানাইয়ের কথায় বড়চাচার মন খারাপ হয়ে গেল। তিনি যেমনটি  
হবে ভেবেছিলেন তেমন হয়নি। তিনি চেয়েছিলেন বিয়ের এই আনন্দ  
উৎসবের সঙ্গে সঙ্গে একটি সবরুগ সুর কামড়ে থাকুক। সবাইকে মনে  
করিয়ে দিক এ বাড়ীর সবচেয়ে আদরের একটি মেয়ে আজ চলে যাচ্ছে।  
আর কখনো সে জ্যোৎস্না রাত্রিতে হৃদয়ে সাপাদাপি করে ভুল সুরে রবীন্দ্র  
সঙ্গীত গাইবে না। কিন্তু তিনি যেমন চেয়েছিলেন তেমন হল না।  
অল্প বেলা বাড়তেই তুমুল ঝড় এ সানাইয়ের সুর ডুবে গেল। তিনি  
মনমরা হয়ে রেডিওগ্রাম শুনতে শুরু করে দিলেন।

বড়চাচা হাত ধুয়ে এসে বসলেন আনিসের বিছানায়। আচমকা  
প্রশ্ন করলেন, ‘তোমার কি খুব খারাপ লাগছে আনিস?’

কই নাতো!

আমেরিকা থেকে ফিরে এসে একটা সাদাসিধা ভাল মেয়ে বিয়ে  
করিস তুই।

আনিস হেসে ফেললো। বড়চাচা গম্ভীর হয়ে বললেন, ‘হাসির কি  
হল? হাসছিস কেন?’

আমি আর বাঁচব না। দিস ইজ এ লাষ্ট গেম।

বড়চাচা কথা বললেন না। আনিসের সিগারেট খেতে ইচ্ছে  
হচ্ছিল, কিন্তু বড় চাচা না যাওয়া পর্যন্ত সেটি সম্ভব নয়। সে অপেক্ষা  
করতে লাগল, কখন তিনি ওঠেন। কিন্তু তিনি উঠলেন না। আনিসের  
সিগারেট পিপাসা আরো বাড়িয়ে দিয়ে একটি চুরুট ধরালেন। আনিসের

দিকে সরু চোখে তাকিয়ে বললেন, 'কোন কারণে আমার উপর তাঁর  
কি কোন রাগ আছে?'

কি যে বলেন চাচা।

না, সত্যি করে বল।

কি মুশকিল, আমি রাগ করবো কেন। কি হয়েছে আপনার  
বলেন?

আমার কিছু হয়নি।

বড়চাচা হঠাৎ ভীষণ অনামনস্ক হয়ে পড়লেন। কল রাত থেকে  
তঁর মনে হচ্ছিল, আনিসের মনে তাঁর প্রতি কিছু অভিমান জন্মা আছে।  
আনিস যদিও এখন হাসছে, তবু তাঁর সেই হ'সি মুখ দেখে কণ্ট হতে  
থাকলো। তিনি নিজের মনে খানিকক্ষণ বিড়বিড় করলেন, তাঁরপর  
উঠে দাঁড়িয়ে—যাই আনিস বলে ছুটে বেরিয়ে গেলেন।

বড়চাচা হচ্ছেন সেই মানুষ যারা সামান্য বিষয়ে অভিভূত হন  
না। আজ আনিসকে দেখে তিনি অভিভূত হয়েছেন। তিনি চাইছিলেন  
কিছু একটা করেন, কিন্তু কি করবেন তা জানেন নেই। আনিসের জন্যে  
তাঁর একটি গাঢ় দুর্বলতা আছে। বিজ্ঞান দুর্বলতাকে তিনি কোন  
কালেই প্রকাশ করতে পারেন না। প্রকাশ করবার খুব একটা ইচ্ছাও  
তাঁর কোন কালে ছিল না। আজ তাঁর মন কাঁদতে লাগল।  
ইচ্ছে হল এমন কিছু করেন যাতে আনিস বুঝতে পারে এই গৃহে  
আনিসের জন্যে একটি শ্রেষ্ঠ স্থান আছে। কিন্তু আনিস বড় অভিমানি  
হয়ে জন্মেছে। তাঁর জন্যে কিছু করা সেই কারণেই হয়েছে ওঠে না।

খুব ছোটবেলায় আনিসের যখন এগারো বার বৎসর বয়স তখনই  
বড়চাচা আনিসের তাঁর অভিমানের খোঁজ পান। বড় হয়েছে বলে  
আনিস তখন আলাদা ঘরে ঘুমায়। তার ঘরটি একতলায়। পাশের  
ঘরে আনিস, জরী ও পরীদের মাস্টার সাহেব থাকেন। এক রাত্রিতে  
খুব ঝড় বৃষ্টি হচ্ছে। বড়চাচা আনিসের ঘরের পাশ দিয়ে আসবার  
সময় শুনলেন আনিস কাঁদছে। তিনি ডাকলেন, 'আনিস কি হয়েছে রে?'

আনিস ফুঁপিয়ে বললো, 'শুয় পাচ্ছি।'

আম্ন আমার ঘরে, আমার সঙ্গে থাকবি?

না।

তাহলে আমি সঙ্গে শুই?

না।

দরজা খোল তুই।

আনিস দরজা খুলল না। তিনি অনেকক্ষণ বন্ধ দরজার সামনে দাঁড়িয়ে রইলেন।

বড়চাচার মনে হল জরীর বিয়ে এই দিনটি আনিসের জন্যে খুব একটা দুঃখের দিন। কিন্তু তাঁর কিছুই করার নেই।

যে ছেলের সঙ্গে জরীর বিয়ে হচ্ছে তার খোঁজ বড়চাচাই এনেছিলেন। তাঁর আবাল্যের বন্ধু আশরাফ আহমেদের বড় ছেলে। নন্দ ও বিনয়ী। লাজুক ও হৃদয়বান। দেখতে আনিসের মত সুপুরুষ নয়। রোগা ও কালো। জরীর বাবা আপত্তি করেছিলেন। বার বার বলেছেন, ছেলের ধরন ধারণ যেন কেমন, জরীর মারও তিক মত নেই। মিন মিন করে বলেছেন, ইউনিভার্সিটির মাস্টার, কয় পয়সা আর বেতন পায়। কিন্তু বড়চাচার প্রবল মতের বিরুদ্ধে কোন আপত্তিই টিকল না। তাঁর মৃত্তি হচ্ছে জরীর মতো একটি ভাল মেয়ের জন্যে এরকম ভাবুক ছেনেই দরকার। মে পল্ল কবিতা লেখে জরী সুখ পাবে। কিন্তু আপত্তি উঠল সম্পূর্ণ ভিন্ন জায়গা থেকে। বড়চাচা সন্তুষ্ট হয়ে গেলেন।

তিনি সেদিন শয্যাশায়ী। দাঁতের ব্যথা কাতর। সন্ধ্যাবেলা যাবে বাতি জ্বালেননি। অন্ধকারে গুসে আছেন। জরী এসে কোমল গলায় ডাকলো, 'বড় চাচা।'

কি জরী?

আপনাকে একটা কথা বলতে এসেছি।

বড়চাচা বিছনায় উঠে বসলেন। বিস্মিত হয়ে বললেন, 'বাতি জ্বালা জরী!'

না বাতি জ্বালাতে হবে না।

জরী এসে বসল তাঁর পাশে। তিনি অবাক হয়ে বললেন, 'কি হয়েছে জরী?'

বড়চাচা আমি....

বল কি ব্যাপার?

জরী থেমে থেমে বললো, 'বড়চাচা আমি ঐ ছেলের সঙ্গে বিয়ে করব না।'

কেন কি হয়েছে?

বড়চাচা আমি আনিস ভাইকে বিয়ে করতে চাই।

জরী কঁদতে লাগলো। বড় চাচা সন্তুষ্ট হয়ে বললেন, 'আনিস জানে?'

জরী ফোঁপাতে ফোঁপাতে বললো, 'জানে। তাকে আসতে বলেছিলাম, তার নাকি লজ্জা লাগে।'

দুজনেই বেশ কিছু সময় চুপচাপ কাটালো। বড়চাচা এক সময় বললেন, 'আচ্ছা ঠিক আছে।'

সে রাতে তিনি একটুও ঘুমোতে পারলেন না। অনেকবার তাঁর ইচ্ছে হল তিনি আনিসের কাছে যান। কিন্তু তিনি নিজের ঘরেই বসে রইলেন। তাঁর অনেক পুরনো কথা মনে পড়তে লাগলো।

জরীর অনেক অদ্ভুত আচরণ অর্থবহ হল। একটি মেয়েতো শুধু শুধু একা ছাদে বসে কাঁদতে পারে না। সেই চোখের জলের কোন না কোন কোনামল কারণ থাকে। আশ্চর্য, এ সব তাঁর চোখ এড়িয়ে গেল কি করে!

বিয়ে বড়চাচাই ভেঙে দিয়েছিলেন। যদিও কাউকেই বলেননি, এত আগ্রহ যে বিয়ের জন্যে ছিল, হঠাৎ তা উবে গেল কেন?

আজ জরীর বিয়ে হচ্ছে এবং আশ্চর্য সেই ছেলেটির সঙ্গেই। মাঝখানে একটি ভালবাসার সবুজ পর্দা দুজনেই ঠিকই, কিন্তু তাতে কি? জীবন বহতানদী। একটি মৃত্যুপথযাত্রী হওয়ার জন্যে তার গতি কখনো ধেমে যায় না।

বড়চাচার কণ্ঠ হতে লাগল জরীর জন্যে কণ্ঠ। আনিসের জন্যে কণ্ঠ এবং সেই সঙ্গে তাঁর নিজস্ব জরীর জন্যে কণ্ঠ। তাঁর ইচ্ছে হল আবার আনিসের ঘরে যান। তাঁর মাথায় হাত রেখে মৃদু গলায় বলেন, 'আনিস তোর মনে আছে, একবার আমার সঙ্গে জন্মাষ্টমীর মেলায় গিয়েছিলি, সেখানে...'

তিনি আবার আনিসের ঘরে ফিরে আসলেন।

আনিস পা দোলাতে দোলাতে সিগারেট টানছিল। বড়চাচাকে দেখে সে সিগারেট লুকিয়ে ফেলল।

কিছু বলবেন চাচা?

না না কিছু বলবোনা।

বড়চাচা আবার ফিরে গেলেন।

দুপুরের রোদ সরে গেছে।

শীতের বিকেল বড় ড্রুত এসে যায়। বেলা তিনটা মোটে বাজে। এর মধ্যেই গাছের ছায়া হয়েছে দীর্ঘ, রোদ গিয়েছে নিভে। বৈকালিক চায়ের জোগাড়ে ব্যস্ত রয়েছেন জরীর মা। হাতে সময় খুব অল্প, সন্ধ্যা

সাতটার আগেই বরযাত্রী এসে যাবে। তারা খবর পাঠিয়েছে, ন'টার মধ্যেই যেন সব শেষ করে বিদায় দিয়ে দেওয়া হয়।

রান্নাখানা হয়ে গিয়েছে। ছাদে টেবিল চেয়ার সাজানোও শেষ। একশ বরযাত্রীকে এক বৈঠকেই খাইয়ে দেবার ব্যবস্থা হয়েছে। বাড়ীর সামনে ডেকোরেরটার চমৎকার গেট বানিয়েছে। সন্ধ্যার পর পরই ইলেকট্রিক বাম্বের আলোয় সেই গেট ঝলমল করবে।

জরীর বাবার অফিস সুপারিনটেনডেন্ট কি মনে করে যেন দুপুর বেলাতেই এসে পড়েছেন। জরীর বাবা সারাঙ্কণ তাঁর সঙ্গেই আছেন। জরীর মার হাতে যদিও কোন কাজ নেই, তবু তিনি মুহূর্তের জন্যেও ফুরসত পাচ্ছেন না। আজ তাঁর গোসলও করা হয়নি, দুপুরের খাওয়াও হয়নি। সারাঙ্কণই ব্যস্ত হয়ে ঘুর ঘুর করছেন।

এখন তাঁর প্রচণ্ড মাথা ধরেছে। তবু এই মাথা ধরা নিয়েই বিরাট এক কেটলী চা বানিয়ে নিয়ে এসেছেন।

পাড়ার মেয়ে এবং জরীর বন্ধুরা জরীকে ঘিরে বসেছিল। চা আসতেই খামোখা একটা ব্যস্ততা শুরু হলো। কনক বললো, 'জরী তুই চা খাবি এক কাপ?'

না, আমার শরীর খারাপ লাগছে  
খা না এক তোক।

চায়ে প্রচুর চিনি ও এলাচ দিয়ে পায়সের মত গন্ধ। তবু চমৎকার লাগছে খেতে। জরীর মা বললেন, 'চপ আনতে বলেছি। সে কয়টা পর খেয়ে নাও সবাই চমতে খেতে দেবী হবে।'

আবার একটা ছপোড় উঠলো।

কন্যাপক্ষীর মেহমানদের আসবার বিরাম নেই। রিকসা এসে থামছে। হাসিমুখে নামছে চেনা লোকজন। কিছুক্ষণের মধ্যেই মিশে যাচ্ছে বিয়েবাড়ীর ভিড়ে। এ রকম একটা উৎসবে কাটকেই আলাদা করে চেনা যায় না। সবাই বাড়ীর লোক হয়ে যায়। আনিসের মা তাই রিকশা থেকে নেমে হকচকিয়ে গেলেন।

আনিসের মা যে আসবেন তা সবাই জানত। তাঁকে চিঠি লিখে জানানো হয়েছে, আনিস সতেরো তারিখ আমেরিকা যাচ্ছে, জটিল অপারেশন হবে। এবার যেন তিনি আসেন। সেই চিঠি পেয়ে আনিসের মা যে এত আগেভাগে এসে পড়বেন তা কেউ ভাবেনি।

অনেকদিন পরে দেখা, তবু জরীর মা ঠিকই চিনলেন। চিনলেও না চেনার ভান করলেন। বললেন, 'আপনাকে চিনতে পারলামনা তো!'

আনিসের মা কুণ্ঠিত হয়ে বললেন, 'আমি আরাফী, আনিসের মা।' তাঁর স্বামী ভদ্রলোকটি মোটাসোটা ধরনের গোবেচারা ভালমানুষ। তিনি বিনীত হেসে বললেন, 'আপা ভাল আছেন? কার বিয়ে?'

আমার সেজো মেয়ের।

বলতে গিয়ে জরীর মার একটু লজ্জা লাগলো। কারণ পরীর বিয়ের সময় এদের কোন খবর দেননি, জরীর বিয়েতেও না। জরীর মা বললেন, 'আপনারা হাত মুখ ধোন। আনিসের সঙ্গে দেখা করলে দোতলায় যান।'

আনিসের মা দোতলায় উঠলেন না। তাঁর হৃদয় কোন কারণে লজ্জা বোধ হচ্ছিল। বিয়েবাড়ীতে অতিথি হিসেবেও নিজেকে অব্যক্ত লাগছে। কিন্তু তাঁকে তো আসতেই হবে। কারণ এই বাড়ীতে তাঁর একটি অসুস্থ ছেলে আছে। সেই ছেলেটি একসময় এতটুকুন ছিল। দুটি ছোট ছোট দুধ দাঁত দেখিয়ে অনবরত হাসত। কথা শিখল অনেক বয়সে। হাও কি, 'ম' বলতে পারতনা। আশ্মাকে ডাকতো 'মামা' বলে। আহ, চোলে জল আসে কেন?

পুরনো কথায় বড় মন খারাপ হয়ে যায়। তিনি ছোট ছোট পাকলে ভীড়ের মধ্যে ঘুরে বেড়াতে লাগলেন। এ বাড়ীর লোকজন অনেকই আজ তাকে চিনতে পারেন না এও এক বাঁচোরা। চিনতে পারলে আরো খারাপ লাগতো। একবারেই এক মহিলা তাঁকে জিজ্ঞেস করলেন, 'আপনি জরীর মেসে?'

তিনি থতমত খেয়ে কিছু একটা বললেন। লোকজনের সঙ্গ ছেড়ে চলে গেলেন ভেতরের দিকে।

এ বাড়ীর অনেক পরিবর্তন হয়েছে। তিনি যখন বউ হয়ে আসেন তখন দোতলায় একটিমাত্র ঘর ছিল, সেখানে বড় ভাসুর থাকতেন। পুকুর পাড়েও কোন আলাদা ঘর ছিল না। বাড়ীর কোন নামও ছিল না। লোকে বলতো 'উকিল বাড়ী।' রিকশা থেকে নেমেই পেতলের নেমপেটে বাড়ীর নাম দেখলেন 'কারা কানন।' কে রেখেছে এ নাম কে জানে! বোধ হয় বড় ভাসুর। এ বাড়ী এখন আর চেনা যায় না। অনেক সুন্দর হয়েছে ঠিকই কিন্তু ফুলের বাগানটি নষ্ট হয়ে গেছে। গোলাপঝাড়ে মাত্র অল্প কটি ফুল দেখছেন। অথচ এক সময় অগুণতি গোলাপ ফুটতো।

এই গোলাপ নিয়েই কত কাণ্ড। আনিসের বাবার শখ হল গোলাপ দিয়ে খাঁটি আতুর বানাবেন। রাশি রাশি ফুল কুচিকুচি করে পানিতে

চোবানো হল। সেই পানি জ্বাল দেয়া হল সারাদিন। সন্ধ্যাবেলা আতর তৈরী হল, বোটকা গন্ধে তার কাছে যাওয়া যায় না। বাড়ীতে মহা হাসাহাসি। আনিসের বাবার মনমরা ভাব কাটাবার জস্যে তিনি সে আতর মাখলেন। সেই থেকে তাঁর নাম হয়ে গেল 'আতর বৌ।' কি লজ্জা কি লজ্জা! বড় ভাঙুর পর্যন্ত তাঁর বৌ বলে ডাকতেন। পরী তখন সবে কথা বলা শিখেছে। 'র' বলতে পারে না, সে ডাকতো 'আতল, আতল।' আজ কি সেই পুরনো স্মৃতিময় নাম কারো মনে আছে? জরীর মা যখন নাম জানতে চাইলেন তখন তিনি কেন সহজ সুরে বললেন না, আমি আতর বৌ।

না আজ তা সম্ভব নয়। এ বাড়ীতে আতর বৌ বলে কেউ নেই। পুরোনো দিনের সব কথা মনে রাখতে নেই। কিছু কিছু কথা ভুলে যেতে হয়। তিনি হাঁটতে হাঁটতে বাড়ীর পেছনের খোলা জায়গাটায় এসে পড়লেন। এখানে একটি প্রকাণ্ড পয়ারা গাছ ছিল, 'সয়াদি পয়ারা' বলত সবাই, ভেতরটা লাল টুক টুক করত। গাছটি আর নেই। আতর বৌ হাঁটতে হাঁটতে পুকুরপাড়ে চলে গেলেন। কি পরিষ্কার পানি! আয়নার মত ঝরঝর করছে। পুকুরপাড়ের ঘাটটি বাঁধানো। তাঁর সময় ছিল না। ঘেঁ সময় কাঠের তক্তা দিয়ে ঘাট বাঁধা ছিল। শ্যাওলা জমে পিছলে হয়ে থাকতো সে ঘাট। পা টিপে টিপে পানিতে নামতে হত। একবারতো পিছলে পড়ে হাত কেটে গেল অনেকখানি।

রক্ত বন্ধ হয়নি কিছুতেই, শাড়ী দিয়ে হাত চেপে ধরে ঘরে উঠে এসেছেন। সারা পাড়ী রক্তে লাল। দেখতে পেয়ে আনিসের বাবা সঙ্গে সঙ্গে ফিট। এমন জোয়ান মানুষ অথচ একটু আধটু রক্ত দেখলেই হয়েছে কাজ। আতর বৌ ছোট একটি নিঃশ্বাস ফেললেন।

তাঁর ফণিকের জন্য মনে হল এ বাড়ী থেকে চলে গিয়ে তিনি ভুল করেছেন। এখানে থাকলে জীবন এমন কিছু মন্দ কাটত না। পর মুহূর্তেই এ চিন্তা ছেঁটে ফেললেন তিনি। পুরনো জায়গায় ফিরে আসবার জন্যই এরকম লাগছে হয়তো। তিনি আসলে মোটেই অসুখী নন। তাঁর স্বামী ও পুত্র কন্যাদের নিয়ে কোন গোপন দুঃখ নেই। নিজের চারদিকে নতুন জীবনের সৃষ্টি করেছেন। সেখানে দুঃখ হতাশা ও গ্লানির সঙ্গে ভালোবাসাও আছে। শুধু যদি আনিস তাঁর সঙ্গে থাকতো! ছেলেমেয়েদের সঙ্গে হেসে খেলে বড় হত!

কিন্তু এ বাড়ির সবাই অহংকারী ও নিষ্ঠুর। আনিসকে তারা কিছুতেই ছাড়ল না। অবিমিশ্র সুখী কখনো বোধহয় হতে নেই।

আতর বৌ এসেছ ?

আতর বৌ চমকে দেখলেন বড় ভাণ্ডার নিঃশব্দে পাশে এসে দাঁড়িয়েছেন। তিনি হাসিমুখে বললেন, 'তুমি বড় রোগা হয়ে গেছ আতর বৌ।'

তাঁর মুখে পুরনো দিনের ডাক শুনে আতর বৌ-এর চোখে পানি আসলো। বড় ভাণ্ডার বললেন, 'তোমার ছেলেমেয়েরা সবাই ভাল ?'

ঈঁ ভাল।

তাদের নিয়ে আসলে না কেন, দেখতো তাদের আনিস ভাইকে।

আপনিতো চিন্তিতো তাদের আনবার কথা লেখেননি।

আতর বৌ আঁচলে চোখ মুছলেন। বড় ভাণ্ডার বললেন, 'কাঁদছ কেন ?'

না কাঁদছি না।

আনিসের সঙ্গে দেখা হয়েছে তোমার ?

না।

তাহলে তার পাশে গিয়ে একটু বস। তার গায়ে মাথায় হাত বুলিয়ে দাও। আজ আনিসের বড় দুঃখের দিন।

আতর বৌ বিস্মিত হয়ে বললেন, 'কেন ? আজ দুঃখের দিন কেন ?'

বড় ভাণ্ডার চুপ করে বসলেন। অনেকদিন পর আতর বৌকে দেখে তাঁর বড় ভাল লাগছে। তিনি হঠাৎ কি মনে করে বললেন, 'আতর বৌ আনিসের বাবাকে কখনো স্বপ্নে দেখ ?'

আতর বৌ খানিকক্ষণ অবাক হয়ে চেয়ে থেকে শান্ত গলায় বললেন, 'দেখি।'

তুমি কিছু মনে করলে না তো ?

না। কিছু মনে করিনি।

আনিস লোকটিকে সঙ্গে সঙ্গে চিনতে পারল। আগে আরো দু একবার দেখা হয়েছে। আজ যদিও অনেকদিন পরে দেখা তবু চিনতে একটুও দেরী হল না তার। লোকটি ঘরের বাইরে দাঁড়িয়ে ইতস্তত করছিল। আনিসকে তাকাতে দেখে মৃদু গলায় বললো, 'ভ্রতরে আসব ?'

আসুন।

লোকটি ঘরের ভেতরে এসে দাঁড়াল। মাথার চুল পেকে গেছে।  
কপালের চামড়া কঁচকানো। চোখ দুটি ভাসা ভাসা। সমস্ত মুখাবয়বে  
একটা ভালমানুষি আত্মভোলা ভঙ্গি আছে।

আমি একটু বসলে তোমার অসুবিধে হবে ?  
বসুন বসুন। অসুবিধে হবে কেন ?  
আমাকে চিনতে পেরেছ তো বাবা ?  
হ্যাঁ।  
আমি তোমার মাকে নিয়ে এসেছি।

আনিস চুপ করে রইল। লোকটির বসবার ধরন কেমন অদ্ভুত।  
পা তুলে পশ্চাসন হয়ে চেয়ারে বসেছেন। সারাফুণ্ডই হাসছেন আপন  
মনে। আনিস কি কথা বলবে ভেবে পেল না। দুজন লোক চুপচাপ  
কতক্ষণ বসে থাকতে পারে? এক সময় আনিস বললো, 'আপনার  
ছেলেমেয়ে কয়টি?'

দুই মেয়ে এক ছেলে। বড় মেয়ে দু'কো ইউনিভার্সিটিতে পড়ে।  
কেমিস্ট্রিতে অনার্স, এইবার সেকেন্ড ইয়ার।

ছেলেমেয়েদের কথা বলতে পেরে উদ্রলোকের চোখ উজ্জ্বল হয়ে  
উঠলো। তিনি ঝুঁকে আসলেন আনিসের দিকে। গাঢ় স্বরে বলতে  
লাগলেন, 'বড় মেয়ের নাম নীলা, তোমার মা রেখেছেন। ছোট  
মেয়ের নাম আমি রেখেছি ইলা। ছোটের নাম শাহীন।'

উদ্রলোক মহা উৎসাহে পকেট থেকে সিগারেট বের করে ধরালেন।  
তমনি অন্তরঙ্গ স্বরে বলতে লাগলেন, 'গত ঈদের সময় নীলা তোমাকে  
একটা ঈদকর্ড পাঠিয়েছিল। নিজেই এঁকেছে, নদীতে সূর্যাস্ত হচ্ছে।  
দুটি বক উড়ে যাচ্ছে। তুমি পাওনি বাবা?'

পেয়েছিলাম।

নীলা ভেবেছিল তুমিও তাকে একটা পাঠাবে। সে রোজ জিজ্ঞেস  
করতো, বাবা তোমার ঠিকানায় আমার কোন ঈদকর্ড এসেছে ?

আনিস লজ্জা পেল খুব। লজ্জা ঢাকবার জন্য জিজ্ঞেস করলো, 'ইলা  
কত বড় হয়েছে?'

ক্লাস নাইনে পড়ে। বৃত্তি পেয়েছে ননরেসিডেনশিয়াল।

দেখতে কেমন হয়েছে ?

আমার কাছে খুব ভাল লাগে। তবে শ্যামলা রং। নাকটা একটু  
চাপা। স্কুলের মেয়েরা তাকে চায়না ডেকে ক্লেপায়।

আনিস হো হো করে হেসে ফেললো। নীলা ও ইলার সঙ্গে দেখা হলে খুব ভাল হতো। আনিস মনে মনে ভাবলো ইলার সঙ্গে যদি কখনো দেখা হয় তাহলে সে বলবে—

ইলা হল চায়না

ব্যাঙ ছাড়া খায় না।

ভদ্রলোক বললেন, 'তোমার ভাই বোনগুলির খুব শখ ছিল তুমি কিছুদিন তাদের সঙ্গে থাক। একবার তোমার মা খুব করে লিখেছিলো না?'

আনিস লজ্জিত হয়ে মাথা নাড়ল। তার মা সেবার শুধু চিঠিই লেখেননি, একশক্তি টাকাও পাঠিয়েছিলেন। সে টাকা ফেরত পাঠানো হয়েছিল। ভদ্রলোক উৎসাহের সঙ্গে বলতে লাগলেন, 'ইলা আবার কবিতাও লেখে। স্কুল ম্যাগাজিনে ছাপা হয়েছে তার কবিতা—'রুদ্র হওয়ার রহস্য' কবিতার নাম। ভীষণ হাসির কবিতা' দাঁড়াও তোমাকে শোনাই। আমার মনে আছে কবিতাটা।' ভদ্রলোক চেয়ার থেকে পা নামিয়ে মাথা দুলিয়ে দুলিয়ে আবৃত্তি করতে লাগলেন,

কয়েক হাঁড়ি পাটালী ও

সঙ্গে কিছু মিষ্টি দই

সেরেক খাদ্য টিড়ে ছাড়াও

লগ্নে তাতে ভাল খই..... কি সবটা বলবো ?

আনিস সে কথা শুনে অবাক দিল না। ঘোলাটে চোখে তাকালো। তার নিঃশ্বাস ভারী হয়ে এসেছে। ভদ্রলোক উদ্বিগ্ন স্বরে বললেন, 'কি হয়েছে বাবা, তুমি খুব ঘাটছো!'

সেই ব্যথাটি আবার শুরু হয়েছে। পা দুটো কেউ যেন স্কলন্ত আগ্রনে ঠেসে ধরলো। আনিস গোঙাতে শুরু করলো। ভদ্রলোক ব্যস্ত হয়ে চেয়ার ছেড়ে উঠে দাঁড়িয়েছেন। কি করবেন ভেবে পাচ্ছেন না। মৃদু স্বরে ডাকলেন, 'ও বাবাশোন, ও আনিস!'

আনিস বিকৃত স্বরে বললো, 'আপনি এখন যান। একা থাকতে দিন আমাকে।' ভদ্রলোক নড়লেন না। একটা হাতপাখা দিয়ে সজোরে বাতাস করতে লাগলেন। মাঝে মাঝে বলতে লাগলেন, 'পানি খাবে বাবা? মাথায় হাত বুলিয়ে দেব?'

আনিস কথা বলতে পারছিল না। ভদ্রলোক অসহায় গলায় বললেন, 'কেউ কি একজন ডাক্তার ডেকে আনবে, আহা বড় মায়্যা লাগে।'

আনিসের মা ঘরের বাইরে এসে দাঁড়িয়েছিলেন। তিনি সেখান থেকে দেখলেন আনিস চোখ বন্ধ করে বিছানায় পড়ে আছে আর ইলা নীলার বাবা প্রবল বেগে হাওয়া করছেন। আনিসের মা ঘরের ভেতর ঢুকলেন না। অনেকক্ষণ দাঁড়িয়ে রইলেন বাইরে। শুনলেন ইলার বাবা মৃদুস্বরে বলছেন, 'ইয়া রহমানু, ইয়া রহমানু ইয়া রহিমু ইয়া মালিকু।'

যখন নীচে তুমুল হৈ চৈ-এর সঙ্গে 'বর এসেছে বর এসেছে' শোনা গেল, আতর বৌ তখন নীচে নামলেন। তাঁকে একজন ডাক্তার খুঁজতে হবে। আনিসের জন্যে একজন ডাক্তার প্রয়োজন।

একটি লাজুক ভদ্র ও বিনয়ী ছেলের সঙ্গে বিয়ে হয়ে গেল জরীর। মুসলমানদের বিয়ে বড় বেশী সাদাসিদা। কয়েক মিনিটের মধ্যেই উৎসবের সমাপ্তি। যে ছেলেটির সঙ্গে কোন জন্মেও জরীর পরিচয় ছিল না, আজ তার সঙ্গে পরম পরিচয়ের আনন্দ মিলে। এত ক্ষুদ্র হতে দেখে ভাল লাগে না। মন খারাপ হয়ে যায়। মনে হয় কি যেন একটা বাকি থেকে গেল।

জরীর দিকে চোখ তুলে তাকানো যায় না। শ্যামলা রংয়ের এই মেয়েটি এত রূপ কোথায় লুকিয়ে রেখেছিল! দেখে দেখে বৃকের ভেতরে আশ্চর্য এক ব্যাথাব অনুভূতি হয়। ভয়, সেই লাজুক ভদ্র ও বিনয়ী ছেলেটি কি এই কামের ঠিক মূল্য দেবে? হয়ত দেবে, কারণ ছেলেটি কবি, মাঝে মাঝে গল্পও লেখে। হয়ত দেবে না, না চাইতে যা পাওয়া যায় তারপরে কোন কালেই কোন মূল্য মেলে না।

জরী বসে আছে সম্রাজীর মতো। তার যে বন্ধুরা এতক্ষণ পা ঘেঁষাঘেঁষি করে বসেছিল তারা এখন খানিকটা দূরে সরে বসেছে। বিয়ের পর পরই অবিবাহিত মেয়েদের চেয়ে বিবাহিতরা আলাদা হয়ে পড়েন। আভা ডিজেন্স করলো, 'কেমন লাগছে জরী?'

জরী হাসলো। কনক বললো, 'আমার এখনো বিশ্বাস হচ্ছে না, হোর বিয়ে হয়ে গেছে।'

জরীর মা ক্লান্ত ও অবসন্ন ভঙ্গিতে পাশেই বসে। বিয়ে হয়ে যাবার পর থেকেই তিনি অবিবাহিত কাঁদছেন। জরী অনেকটা সহজ হয়েছে, হালকা দু-একটা কথাও বলছে। বরের ছোট বোন জরীকে নিয়ে বি-একটা রসিকতা করায় সবার সঙ্গে গলা মিলিয়ে জরীও হেসেছে। এক সময় সে বললো, 'মা বড়চাচা কোথায়?'

আনিসের ঘরে, আনিসের অসুখটা খুব বেড়েছে, ডাকব তোর চাচাকে ?  
না। আনিস ভাইয়ের মার সঙ্গে একটু আলাপ করবো।

আতর বৌ ছেলের কাছে ছিলেন না। বারান্দায় একা একা দাঁড়িয়ে  
ছিলেন। জরী ডাকছে শুনে ঘরে এলেন। জরী বললো, 'ভাল অাছেন  
চাচী ?'

হ্যাঁ মা।

জরী হঠাৎ তাঁর পা ছুঁয়ে সালাম করলো। আতর বৌ বললেন,  
'স্বামী ভাগ্যে ভাগ্যবতী হও, লক্ষ্মী মা।'

বরের ছোট বোনটি আবার কি একটা হাসির কথা বলে সবাইকে  
হাসিয়ে দিল। আতর বৌ বললেন, 'এই ছোটটি দেখেছি জরীকে। কি  
দুশটুই না ছিল। এখন কেমন বৌ সেজে বসে আছে। অবাক লাগে।'

অনেকেই এসে জড় হয়েছে আনিসের ঘরে। বড়চাচা, হোসেন  
সাহেব, আনিসের মা, ইলা-নীলার বাবা, আনিসকে যে ডাক্তারটি  
চিকিৎসা করেন তিনি এবং পরী। সবাই চুপ করে আছে। ব্যথায়  
আনিসের ঠোঁট নীল হয়ে উঠেছে, তার চোখ চকটকে লাল। সে এক  
সময় বিকৃত স্বরে বললো, 'দুলাভাই আমাকে ঘুম পাড়িয়ে দিন।  
পেথিড্রিন দিন।'

হোসেন সাহেব আরো বিস্ময় অপেক্ষা করলেন। বড়চাচা  
বললেন, 'হোসেন তুমি পেথিড্রিন সাও।'

হোসেন সাহেব সিঁড়ি আরো কক্ষার করতে লাগলেন। আনিসের মা  
খর খর করে কাঁপছিলো। এক ফাঁকে হোসেন সাহেব তাঁকে বললেন,  
'তাপনি ভয় পাবেননা, এক্ষুণি ঘুমিয়ে যাবে।'

আনিসের মা বিড় বিড় করে কি বললেন ভাল শোনা গেল না।

ইনজেকশনের পর পরই আনিস পানি খেতে চাইলো। রাত কত  
হয়েছে জানতে চাইলো। হোসেন সাহেব বললেন, 'ঘুম পাচ্ছ আনিস ?'

হ্যাঁ।

আনিসের মা বললেন, 'এখন আরাম লাগছে বাবা ?'

লাগছে।

আনিসের মা দোয়া পড়ে ফুঁ দিলেন ছেলের মাথায়। আনিস জড়িয়ে  
জড়িয়ে বললো, 'বাতি নিভিয়ে দাও, চোখে লাগে।'

বাতি নিভিয়ে তারা সবাই ঘর থেকে বেরিয়ে আসল।

নীচে জরীর বিদায়ের আয়োজন চলছে। রাত হয়েছে দশটা।  
বরখাত্রীরা আর এক মিনিটও দেরী করতে চাইছে না। কিন্তু ক্রমাগতই

দেরী হচ্ছে। কনে বিদায় উপলক্ষে খুব কান্নাকাটি হচ্ছে। জরীর মা দু-বার ফিট হয়েছেন। জরীকে ধরে রেখেছেন।

বর-কনেকে বারান্দায় দাঁড় করিয়ে ছবি তোলা হবে। জরী শেষবারের মত বাড়ী ছেড়ে চলে যাচ্ছে—তার ছবি। ডাডাকরা ফটোগ্রাফার ক্যামেরা স্ট্যাণ্ডে লাগিয়ে অর্ধঘণ্টা হয়ে অপেক্ষা করছে। বর এসে দাঁড়িয়ে আছে কখন থেকে। কনের দেখা নেই। জরীকে বারবার ডাকা হচ্ছে।

ঘরের সব ঝামেলা চুকিয়ে জরী যখন বারান্দায় ছবি তোলবার জন্যে রওনা হয়েছে তখনি হোসেন সাহেব বললেন, 'জরী, আনিসের সঙ্গে দেখা করে যাও। তার সঙ্গে আর দেখা নাও হতে পারে।' জরী খতমত খেয়ে দাঁড়িয়ে পড়লো। হোসেন সাহেব বরকে বললেন, 'তুমি ভাই আর দুমিনিট অপেক্ষা কর। এ বাড়ির একটি ছেলে খুবই অসুস্থ, জরী তার সঙ্গে দেখা করে থাক।'।

যদি বলেন, তবে আমিও যাব আপনাদের সঙ্গে।  
না ভাই তোমার কণ্ঠ করতে হবে না। আমি একটু অপেক্ষা কর।  
এস জরী।

জরীর সঙ্গে অনেকেই উঠে আসতে চাইছিল। কিন্তু হোসেন সাহেব বারণ করলেন, দল বল নিয়ে রোগীর ঘরে গিয়ে কাজ নেই।

আনিসের ঘর অন্ধকার। বাইরে বিয়েবাড়ীর ঝলমলে আলো। সে আলোয় আনিসের ঘরের ভিতরটা আবছা আলোকিত। জরী ঘরের ভেতরে এসে দাঁড়ালো। হোসেন সাহেব একটা সৌরভ ছড়িয়ে পড়লো চারদিকে। জরী কি সেন্ট মেথোড কে জানে। সে খানিকক্ষণ চুপ করে দাঁড়িয়ে রইলো, তারপর মুহূর্তে ডাকলো, 'আনিস ভাই।'

কেউ সাড়া দিল না। হোসেন সাহেব বললেন, 'বাতি জ্বালাব জরী ?'  
না, না দুলাভাই।

জরী নীচু হয়ে আনিসের কপাল স্পর্শ করল। ভালবাসার কোমল স্পর্শ। যার জন্যে একটি পুরুষ আজীবন তৃপ্ত হয়ে থাকে। হোসেন সাহেব বললেন, 'ছিঃ জরী কাঁদে না। এসো আমরা যাই।'

ঘরের বাইরে বড়চাচা দাঁড়িয়েছিলেন। জরী তাঁকে জড়িয়ে ধরলো। তিনি শুধু বললেন; 'সব ঠিক হয়ে যাবে মা।'

ফি আমানুল্লাহ, ফি আমানুল্লাহ।

নীচে তুমুল হৈ চৈ হচ্ছিল। জরী নামতেই তাকে বরের পাশে দাঁড় করিয়ে দিল। ক্যামেরাম্যান বললো, 'একটু হাসুন আপনি, হাসুন।'

সবাই বললো, 'হাসো জরী হাসো, ছবি উঠবে।' জরীর চোখে জল টলমল করছে, কিন্তু সে হাসলো।

আনিসের ঘুম যখন ভাঙলো তখন কোলাহল স্তিমিত হয়ে এসেছে। সে কতরূপ ঘুমিয়েছে তিক্ত বুঝতে পারছে না। জরী কি চলে গিয়েছে নাকি? উঠানে সারি সারি আলো জ্বলছে।

গেটের বাতিগুলি জ্বলছে নিভুছে। তার বিছানার খানিকটা অংশ বারান্দার বাতিতে আলোকিত হয়ে রয়েছে।

আনিস ঘাড় উঁচু করে জানালা দিয়ে তাকালো। না, বরের গাড়ী এখনো যায়নি। জরী এখনো এই বাড়ীতেই আছে। যাবার আগে দেখা করতে এখানে আসবে নিশ্চয়ই। আনিস তখন কি বলবে ভেবে পেল না। খুব গুছিয়ে কিছু একটা বলা উচিত, খাতে জরীর মনের সব ধ্যান খেটে যায়। কিন্তু আনিস কোন কথাই গুছিয়ে বলতে পারে না।

জরীকে বিয়ের সাজে কেমন দেখাচ্ছে কে জানে। আনিস হস্ততো দেখে চিনতেই পারবে না। জরী কি হট করে তাকে সালাম করে বসবে নাকি? এই একটি বিস্ত্রী অভ্যাস আছে তার। ঈদের দিন কথা নেই বার্তা নেই সেজে গুজে এসে টুক করে এক সালাম। কিছু বললে বলবে—সিনিওরিটির একটা ডায়াজ আছে না? তারপরই খিল খিল হাসি।

আনিস অন্ধকার ঘরে চুপসুপ গুয়ে রইলো। ঘড়িতে সাড়ে দশটা বাজে। বরযাত্রীরা তৈরী হয়েছে বিদায় নিতে। সবাই জরীকে ধরাধরি করে উঠানে নিয়ে এলো। রাজ্যের লোক সেখানে এসে ভিড় করেছে। যাবার আগে সবাই একটু কথা বলবে। দুএকটি কি আচার অনুষ্ঠানও আছে।

আনিস জানালা দিয়ে নীচে তাকিয়ে আছে। বরের সাজানো গাড়ী ব্যাক করে আরো পেছনে আনা হচ্ছে। গাড়ীতে উঠতে যেন কনেকে হাঁটতে না হয়। ওপর থেকে জরীর ঝলমলে লাল শাড়ীর খানিকটা চোখে পড়ে। খুব আগ্রহ নিয়ে আনিস সেদিকে তাকিয়ে রইলো। যাবার আগে জরী নিশ্চয়ই ঘাড় ফিরিয়ে তাকাবে।

আনিস আনিস?

কে?

আমি টিংকুমণি। আমি এসেছি।

এসো এসো।

তোমার বাবা কমেছে?

কমেছে।

আচ্ছা।

সারাদিনের ক্লাস্তিতে মেয়েটির মুখ শুকিয়ে এতটুকু হয়ে গেছে। চুল এলোমেলো। আজ কেউ তার দিকে নজর দেবারই সময় পায়নি। আনিস তাকে বুকের কাছে টেনে নিল। জানালার দিকে আঙুল দেখিয়ে বললো, ঐ দেখ টিংকু। জরী চলে যাচ্ছে।

টিংকু সে কথায় কান দিল না। কাঁদো কাঁদো গলায় বললো, 'আমি ব্যথা পেয়েছি, হাত ভেঙে গেছে।'

আহা আহা! একটু হাতী হাতী খেলবে টিংকু ?

না, আমার ঘুন পাচ্ছে।

ছোট ছোট হাতে আনিসের গলা জড়িয়ে ধরে টিংকু কুণ্ডলী পাকিয়ে গুয়ে পড়ল।

ক্রমে ক্রমে রাত বাড়তে লাগলো। বিয়েবান্ধব আলোগুলি নিতে যেতে লাগলো। বাগানের গোলাপ আর হাসনুসের বাড় থেকে ভেসে এলো ফুলের সৌরভ। অনেক দূরে একটি নিশি পাওয়া কুকুর কাঁদতে লাগলো।

তারও অনেক পরে আকাশে এক ফালি চাঁদ উঠলো। তার আলো এসে পড়লো নিদ্রিত শিশুটির ঘরে। জ্যোৎস্নালোকিত একটি শিশুর কোমল মুখ, তার চারপাশে এক বিপুল অন্ধকার! গভীর বিষাদে আনিসের চোখে জল ঝাঁপলো। যে জীবন দোয়েলের, ফড়িংয়ের, মানুষের সাথে তার কোনকালে দেখা হয় না।

১১৭১



মীর আলি চোখে দেখে না।

আগে আবছা আবছা দেখতো। দুপুরের সময়ের দিকে তাকালে হলুদ কিছু ভাসতো চোখে। গত দুবছর ধরে তাও ভাসছে না। চারদিকে সীমাহীন অন্ধকার। তার বয়স প্রায় সত্তুর। এই বয়সে চোখ কান নষ্ট হতে শুরু করে। শব্দবিহীন শব্দ ও বর্ণহীন হতে থাকে। কিন্তু তার কান এখনো ভাল। শব্দ ভাল। ছোট নাতনীটি যতবার কেঁদে ওঠে ততবারই সে বিস্ময় পুখে বলে—‘চুপ, শব্দ করিস না।’ মীর আলি আজকাল শব্দ সহ্য করতে পারে না। মাথার মাঝখানে কোথায় যেন ঝন ঝন করে। চোখে দেখতে পেলেও বোধহয় এরকম হত—আলো সহ্য হত না। বূড়া হওয়ার অনেক যন্ত্রণা। সবচেয়ে বড় যন্ত্রণা—রাত দুপুরে বাইরে যেতে হয়। একা একা যাওয়ার উপায় নেই। তাকে তলপেটের প্রবল চাপ নিয়ে মিহি সুরে ডাকতে হয়—‘বদি, ও বদি। বদিউজ্জামান।’

বদিউজ্জামান তার বড় ছেলে। মধুবন বাজারে তার একটা মনিহারী দোকান আছে। রোজ সন্ধ্যায় দোকান বন্ধ করে সাত মাইল হেঁটে সে বাড়ি আসে। পরিশ্রমের ফলে তার ঘুম হয় গাঢ়। সে সাড়া দেয় না। মীর আলি ডেকেই চলে—‘বদি, ও বদি। বদিউজ্জামান।’ জবাব দেয় তার ছেলের বউ অনুফা। অনুফার গলার স্বর অত্যন্ত তীক্ষ্ণ। সেই তীক্ষ্ণ স্বর কানে এলেই মীর আলির মাথা ধরে, তবু সে মিষ্টি সুরে বলে—‘ও বৌ, এটু বাইরে যাওন দরকার। বদিরে উঠাও।’

অনুফা তার স্বামীকে জাগায় না। নিজেই কুপি হাতে এগিয়ে এসে  
প্রণবের হাত ধরে। বড় লজ্জা লাগে মীর আলির। কিন্তু উপায় কি?  
বুড়ো হওয়ার অনেক যন্ত্রণা। অনেক কষ্ট। মীর আলি নরম স্বরে  
বলে—চাঁদনি রাইত নাকি ও বো?

ঃ জি না।

ঃ চউথে ফসর ফসর লাগে। মনে হয় চাঁদনি।

ঃ না চাঁদনি না। এইখানে বসেন। এই নেন বদনা।

অনুফা দূরে সরে যায়। মীর আলি ভারমুক্ত হয়। অন্য রকম  
একটা আনন্দ হয় তার। ইচ্ছে করে আরো কিছুক্ষণ বসে থাকতে।  
অনুফা ডাকে—আক্বাজান, হইছে?

ঃ হাঁ।

ঃ উঠেন। বইসা আছেন কেন?

ঃ ফজর ওয়াত্তের দেরী কত?

ঃ দেরী আছে। আক্বাজান উঠেন।

মীর আলি অনুফার সাহায্য ছাড়াই উঠে ফিরে আসে। দক্ষিণ  
দিক থেকে সুন্দর বাতাস দিচ্ছে। বাতাসের দ্বিতীয় প্রহর শেষ হয়েছে বোধ  
হয়। একটা দুটো করে শেয়াল ডাকতে শুরু করেছে। মীর আলি হাণ্ট  
গলায় বলে—‘রাইত বেশী বদনি পই।’ অনুফা জবাব দেয় না, হাই  
তোলে।

ঃ একটা জনচৌকি পই, উঠানে বইয়া থাকি।

ঃ দুপুর রাইতে উঠানে বইবেন কি? যান ঘুমাইতে যান।

মীর আলি বাধা ছেলের মত বিছানায় শুয়ে পড়ে। একবার ঘুম  
ভাঙলে বাকি রাতটা তার জেগে কাটাতে হয়। সে বিছানায় বসে ঘরের  
স্পষ্ট অস্পষ্ট সব শব্দ অত্যন্ত মন দিয়ে শোনে।

বদি খুক খুক করে কাশছে। টিনের চালে ঝটপট শব্দ। কিসের  
শব্দ? বানর? চৌকির নিচে সবগুলো হাঁস একসঙ্গে প্যাক প্যাক করল।  
বাড়ির পাশে শেয়াল হাঁটাহাঁটি করছে বোধ হয়। পরীবানু কেঁদে উঠল।  
দুধ খেতে চায়। অনুফা দুধ দেবে না। চাপা গলায় মেয়েকে শাসাচ্ছে।  
বদি আবার কাশছে। ঠাণ্ডা লেগেছে নাকি? পরগু দিন ভিজ়ে বাড়ি  
ফিরেছে। জরতো হবেই। বদির কথা শোনা যাচ্ছে। ফিস ফিস করে  
কি যেন বলছে। কি বলছে? এত ফিসফিসানি কেন? মীর আলি  
কান খাড়া করে শোনার চেষ্টা করে। কাক ডাকল। সকাল হচ্ছে

নাকি ? মীর আলি ভোরের প্রতীক্ষা করে—তার তলপেট আবার ভারী হয়ে ওঠে।

: বদি, ও বদি। বদিউজ্জামান।

: কি ?

: এটু বাইরে যাওন দরকার।

বদি সাড়া শব্দ করে না। পরীবানু তারদ্বরে কাঁদে। দুধ খেতে চায়।

: ও বদি। বদিউজ্জামান।

: আসি আসি।

: তাড়াতাড়ি কর।

: আরে দুস্তোরি! এক রাইতে কয়বার বাইরে যাইবেন ?

বদি প্রচণ্ড একটা চড় বসায় পরীবানুর গালে। বিরক্ত গলায় বলে—টর্চটা দাও অনুফা। টর্চ খুঁজে পায়, কিন্তু অন্ধকারে ব্যাটারী খুঁজে পায় না।

মীর আলি অপেক্ষা করতে করতে এক স্তম্ভ অবাক হয়ে বুঝতে পারে তার প্রস্রাব হয়ে গেছে। বিছানার একটা অংশ ভেঙে। সে অত্যন্ত বিচলিত বোধ করে। এরকম ঘটনা আগে কখনো হয়নি।

: আসেন যাই। যত ঝামেলা। দেখি হাতটা বাড়ান।

বদি তার হাত ধরে। মীর আলি খুব দুর্বল ও অসহায় বোধ করে।

: এখন থাইক্যা ঘরের হইদ্যে একটা পাতিলে পেশাব করবেন। ঝামেলা ভাল লাগে না।

: আইচ্ছা।

: আর পানি কম খাইবেন। বুঝলেন ?

: আইচ্ছা।

বদি তাকে উঠনের এক মাথায় বসিয়ে দেয়। মীর আলি প্রস্রাব করার চেষ্টা করে। প্রস্রাব হয় না—ভোঁতা একটা যন্ত্রণা হয়। বদি হাঁক দেয়।

: কি হইছে? রাইতে শেষ করবেন নাকি ?

আর তিক তখন মীর আলির সামনে দিয়ে সরসর শব্দ করে একটা কিছু চলে যায়। কি এটা, সাপ ? মীর আলির দেখতে ইচ্ছে করে।

: আরে বিষয় কি, ঘু মাইয়া পড়ছেন নাকি ?

: নাহ্। একটা সাপ গেলো সামনে দিয়া।

: আরে দুস্তোরী সাপ—উঠেন দেখি।

ঃ মনে হয় জাতি সাপ। বিরাট লম্বা মনে হইল।

ঃ আরে ধূৎ, উইঠা আসেন।

মীর আলি উঠে দাঁড়ায়। আর ত্রিক তখন আজান হয়। মীর আলি হাসি মুখে বলে—আজান দিছে। ও বদি আজান দিছে।

ঃ দিছে দেউখ। ঘরে চলেন।

ঃ ওখন আর ঘরে গিয়া কি কাম? গোসলের পানি দে। গোসল সাইরা নামাজটা পড়ি।

বদি বিরক্ত গলায় বলে—অজু কইরা নামাজ পড়েন। গোসল ক্যান?

ঃ শইলডা পাক না। নাপাক শইল।

ঃ আপনে থাকেন বইয়া, অনুফারে পাঠাই। যত ঝামেলা।

বদিউজ্জামান তার বাবাকে একটা জলচৌকির ওপর বসিয়ে ভেতরে চলে যায়। আর আসে না। পরীবানু ঘ্যান ঘ্যান করে কাঁদে। মীর আলি বসে থাকে চুপচাপ।

তার কিছুক্ষণ পর পঞ্চাশ জন সৈন্যের সৈন্য একটা দল গ্রামে এসে পৌঁছে। মার্চ টার্চ না, এলোমেলো ভাবে চলে। তাদের পায়ের বুটে কোন শব্দ হয় না। তারা যায় মীর আলির বাড়ির সামনে দিয়ে। এবং তাদের একজন মীর আলির চোখে পাঁচ-ব্যাটারী টর্চের আলো ফেলে। মীর আলি কিছু বুঝতে পারে না। শুধু উঠনে বসে থাকা কুকুরটা তারপরে যেউ যেউ করতে থাকে। মীর আলি ভীত স্বরে ডাকে—বদি। ও বদি। বদিউজ্জামান।

কুকুরটি একমুহুর আর ডাকে না। দরজির পেছনে পেছনে কিছু-দূর গিয়ে থমকে দাঁড়ায়, তারপর দ্রুত ফিরে আসে মীর আলির কাছে। মীর আলি উঁচু গলায় ডাকে—ও বদি। ও বদিউজ্জামান।

ঃ কি হইছে, বেহুদা চিল্লান কেন?

ঃ বাড়ির সামনে দিয়া কারা সেন গেল।

ঃ আরে দুস্তোরী। যত ফালতু ঝামেলা। চুপ কইরা বইয়া থাকেন।

মীর আলি চুপ করে যায়। চুপ করে থাকে কুকুরটিও। মিশনশ্রেণীর প্রাণীরা অনেক কিছু বুঝতে পারে। তারা টের পায়।

গ্রামের নাম নীলগঞ্জ। পহেলা মে। উনিশ শ একাত্তর। ক্ষুদ্র সৈন্য বাহিনীর অধিনায়ক একজন মেজর—এজাজ আহমেদ। কাকুল

মিলিটারি একাডেমীর একজন কৃতী ক্যাডেট। বাড়ি পেশোয়ারের এক অখ্যাত গ্রামে। তার গায়ের নাম—রেশোবা।

ময়মনসিংহ—ভৈরব জাইনের একটি স্টেশন নান্দাইল রোড :

ছোট্ট গরীব স্টেশন। মেল ট্রেন থামে না। লোকাল ট্রেন মিনিট খানেক থেকেই ফ্ল্যাগ উড়িয়ে পালিয়ে যায়। স্টেশনের বাইরে ইট বিছানো রাস্তায় চার পাঁচটা ন্নিকশা ঠুন ঠুন করে ঘন্টা বাজিয়ে যাত্রী খোঁজে। সুরেলা গলা শোনা যায়, রুম্মাইল বাজার যাওনের কেউ আছুইন। রুম্মাইল বা-জা-র।

রুম্মাইল বাজার এ অঞ্চলের সবচেয়ে বড় বাজার। নান্দাইল রোড থেকে সোজা উত্তরে দশ মাইল। খুবই খারাপ রাস্তা। বর্ষাকালে ন্নিকশা চলে না। হেঁটে যেতে হয়। এঁটেল মাটির পিঁড়ি ভেবে যায়, থিক থিক ঘন কাদা। নান্দাইল রোড থেকে রুম্মাইল বাজার আসতে বেলা পুইয়ে যায়।

বাজারটি অন্য সব গ্রাম্য বাজারের মত। তবে স্থানীয় লোকদের খুব অহংকার একে নিয়ে। কি নেই এখানে? ধানচালের আড়ত আছে। পাটের গুদাম আছে। ধান ভাঙানের মল আছে। চায়ের দোকান আছে। এমন কি রেডিও সারাবার একজন কারিগর পর্যন্ত আছে। গ্রামের বাজারে এর চেয়ে বেশী কী দরকার?

রুম্মাইল বাজারকে পেছনে ফেলে আরো মাইল ত্রিশেক উত্তরে মধুবন বাজার। যাতায়াতের একমাত্র ব্যবস্থা গরুর গাড়ী। তাও শীতকালে। বর্ষায় হাঁটা ছাড়া অন্য উপায় নেই। উজান দেশ। নদী নালা নেই যে নৌকো চলবে।

মধুবন বাজার পেছনে ফেলে পূর্ব দিকে সাত প্রাণ্ট মাইল গেলে ঘন জঙ্গল। স্থানীয় নাম মধুবনের জঙ্গলা-মার্ঠ। কাঁটা-বোপ, বাঁশ আর জারুলের মিশ্র বন। বেশ কিছু গাব ও ডেফল জাতীয় অন্ত্যজ শ্রেণীর গাছও আছে। জঙ্গলা-মার্ঠের এক অংশ বেশ নীচু। সেখানে মোরতা গাছের ঘন অরণ্য। শীতকালে সেই সব মোরতা কেটে এনে পাটি বোনা হয়। পাকা লটকনের খোঁজে বালক বালিকারা বনের ভেতর ঘুরে বেড়ায়। কিন্তু বর্ষাকালে কেউ যায় না সেদিকে। খুব সাপের উপদ্রব।

বনে ঢুকে প্রতি বছরই দু-একটা গরু ছাগল সাপের হাতে মারা পড়ে।

জঙ্গলা মাঠের পেছনে নীলগঞ্জ গ্রাম। দরিদ্র, শ্রীহীন ত্রিশ চত্বশ্রি যারের একটি বিচ্ছিন্ন জনপদ। বিস্তীর্ণ জলাভূমি গ্রামটিকে কান্তের মত দু'দিকে ঘিরে আছে। সেখানে শীতকালে প্রচুর পাখি আসে। পাখি মারা তাল নিয়ে পাখি ধরে বাজারে বিক্রি করে পাখি-মারারা। চাম্বাস যা হয় দক্ষিণের মাঠে। জমি উর্বর নয় কিংবা এরা ভাল চাষী নয়। ফসল ভাল হয় না। তবে শীতকালে এরা প্রচুর রুবিশস্য করে। বর্ষার আগে আগে করে তরমুজ ও বাজি। দক্ষিণের জমিতে কোন রকম যত্ন ছাড়াই এ দুটি ফল প্রচুর জন্মায়।

গ্রামের অধিকাংশ ঘরেই খড়ের ছাউনি। সম্প্রতি কয়েকটি টিনের ঘর হয়েছে। বদিউজ্জামানের ঘরটি টিনের। তার হাতে এখন কিছু পয়সাকড়ি হয়েছে। টিনের ঘর বানানো ছাড়াও সে একটা সাইকেন্স কিনেছে। চালানো শিখে ওঠেনি বলে এখনো সে মধুবন বাজারে যায়। সপ্তাহে একবার নতুন সাইকেন্সটি বাজারে করে।

গ্রামের একমাত্র পাকা দালানটি প্রকাশ মুন্সিঘা জমির ওপর একটা হলস্থল ব্যাপার। সুসং দুর্গাপুরের মহাবল্লভের নায়েব চন্দ্রকান্ত সেন মশাই এ বাড়ি বানিয়ে গৃহপ্রবেশের দিন উপাঘাতে মারা পড়েন। চন্দ্রকান্ত সেন প্রচুর ধনসম্পদ করেছিলেন। তাঁর মৃত্যুর পর সেসবের কোন হাদিশ পাওয়া যায়নি। সবার ধারণা সেনাদানা পেতলের কলসিতে ভরে তিনি যথ করে গেছেন। তাঁর উত্তরাধিকারীরা পেতলের কলসির খোঁজে প্রচুর খোঁড়াখুড়ি করেছে। কোন সন্ধান পাওয়া যায়নি। চন্দ্রকান্ত সেন মশায়ের বর্তমান একমাত্র উত্তরাধিকারী নীল সেন প্রকাশ দালানটিতে থাকেন। তাঁর বয়স প্রায় পঞ্চাশ। দেখায় তারচেয়েও বেশী। নীল সেনকে গ্রামে যথেষ্ট খ্যাতির করা হয়। যাবতীয় সালিসীতে তিনি থাকেন। বিয়ে শাদীর কোন কথাবার্তা তাঁকে ছাড়া কখনো হয় না। লোকটি অত্যন্ত মিষ্টভাষী।

এ গ্রামে সবচে' সম্পদশালী বাস্তব হচ্ছে জয়নাল মিয়া। প্রচুর বিষয় সম্পত্তির মালিক। মধুবন বাজারে তার দুটি ঘরও আছে। লোকটি মেরুদণ্ডহীন। সবার মন রেখে কথা বলার চেষ্টা করে। গ্রাম্য সালিসীতে সবার কথাই সমর্থন করে বিচার সমস্যা জটিল করে তোলে। তবু সবাই তাকে মোটামুটি সহ্য করে। সম্পদশালীরা এই সুবিধাটি সব জায়গাতেই ভোগ করে।

দু জন বিদেশী লোক আছেন নীলগঞ্জে। একজন নীলগঞ্জ মসজিদের ইমাম সাহেব। এত জায়গা থাকতে তিনি এই দুর্গম অঞ্চলে ইমামতী করতে কেন এসেছেন, সে রহস্যের মীমাংসা হয়নি। তিনি মসজিদেই থাকেন। মাসের পনেরো দিন জয়নাল মিয়া'র বাড়িতে খান। বাকী পনেরো দিন পাল্লা করে অন্য ঘরগুলোতে খান। কিছুদিন হল তিনি বিয়ে করে এই গ্রামে স্থায়ীভাবে থাকবার ইচ্ছা প্রকাশ করেছেন।

প্রস্তাবটিতে কেউ এখনো ভেমন উৎসাহ দেখাচ্ছে না। ধানী জমি দিতে পারে জয়নাল মিয়া। সে প্রসঙ্গ এড়িয়ে যাচ্ছে। গুনেও নাশোনার ডান করছে।

দ্বিতীয় বিদেশী লোকটি হচ্ছে আজিজ মাস্টার। সে নীলগঞ্জে প্রাইমারী স্কুলের হেড মাস্টার। প্রাইমারী স্কুল সরকারী সাহায্যের তিন বৎসর আগে শুরু হয়। উদ্দেশ্য বোধহয় একটাই—দুর্গম অঞ্চলে শিক্ষার আলো পৌঁছানো। উদ্দেশ্য সফল হয়নি। শিক্ষকরা কেউ বেশী দিন থাকতে পারে না। খাতাপত্রে তিনজন শিক্ষক থাকার কথা। এখন আছে একজন—আজিজ মাস্টার। মোকদ্দম রুগ্ন, মানান রকম অসুখ-বিসুখ। তার মধ্যে প্রধান হচ্ছে মূপসী। শীতকালে এর প্রকোপ হয়। গরম কালটা মোটামুটি ভালই দেয়।

আজিজ মাস্টার একজন কবি। সে গত তিন মাসে চার নম্বর একটি রুলটানা খাতা কবিতা লিখে ভরিয়ে ফেলেছে। প্রতিটি কবিতাই একটি রমণীকে উদ্দেশ্য করে লেখা, যাকে বিভিন্ন সময়ে বিভিন্ন নামে ডাকা হয়েছে, যেমন—কল্প-রানী, কেশবতী, অচিন পাখি ইত্যাদি। তার তিনটি কবিতা ত্রিকোণা থেকে প্রকাশিত মাসিক কিষণ পত্রিকায় ছাপা হয়েছে। আজিজ মাস্টারের কাব্য প্রতিভা সম্পর্কে গ্রামের লোকজন ওয়াকিবহাল। তারা এই কবিকে যথেষ্ট সমীহ করে। সমীহ করার আরেকটি কারণ হলো আজিজ মাস্টার গ্রামের সবচেয়ে শিক্ষিত মানুষ। বি.এ. পর্যন্ত পড়েছিল। পরীক্ষা দেয়া হয়নি। তার আবার পরীক্ষা দেয়ার কথা।

সে জয়নাল মিয়া'র একটি ঘরে থাকে। তার স্ত্রীকে সে স্ত্রীসাব ডাকে, কিন্তু তার বড় মেয়েটিকে দেখলেই কেমন যেন বিচলিত বোধ করে। মেয়েটির নাম মাল্লা। মাঝে মাঝে মাল্লা তাকে ভাত বেড়ে দেয়। সে সময়টা আজিজ মাস্টার বড় অস্বস্তি বোধ করে। সে যখন বলে—মামা আরেকটু ভাত দেই? তখন কোন কারণ ছাড়াই আজিজ মাস্টারের কান টান লাগে যায়। আজিজ মাস্টার কয়েক দিন আগে

'মালা রানী' নামের একটি দীর্ঘ কবিতা রচনা করেছে। কবিতাটি কিম্বাগ পত্রিকায় পাঠাবে কি না, এ নিয়ে সে খুব চিন্তিত। হয়ত পাঠাবে।

নীলগঞ্জের যে দিকটায় জলাভূমি, একদল কৈবর্ত থাকে সেদিকে। গ্রামের সঙ্গে তাদের খুব একটা যোগ নেই। মাছ ধরার সিজনে জলমহালে মাছ মারতে যায়। আবার ফিরে আসে। কর্মহীন সময়টাতে চুরি ডাকাতি করে। নীলগঞ্জের কেউ এদের ঘাঁটায় না।

পত বৎসর কৈবর্ত পাড়ায় খুন হল একটা। নীলগঞ্জের মাতবররা এমন ভাব করলেন, যেন তারা কিছুই জানেন না। থানা পুলিশ কিছুই হল না। যে বাড়ির ছেলে খুন হল, সে বাড়ির চিত্রা বুড়ি কিছুদিন ছোটাছুটি করল নীলু সেনের কাছে। নীলু সেন শুকনো গলায় বলল—তোদের ঝামেলা তোরা মিটা। থানাওয়ালার কাছে যা। বুড়ি ফৌপাতে ফৌপাতে বলল—থানাওয়ালার কাছে গেলে আমাদের দহের মইধ্যে পুইভা খুইব কইছে। নীলু সেন গম্ভীর হয়ে গেল। টেনে টেনে বলল—এদের ঘাঁটাঘাঁটি করা ঠিক না। রক্ত সাক্ষ্য জাত। কি করতে কি করে।

ঃ বিচার অইত না ?

নীলু সেন তার জবাব দিতে পারেন না। অস্পষ্টভাবে বলল—এখন বাদ দে। পরে দেখি কিছু করা যায় কিনা।

বুড়ি আরো কিছুদিন ছোটাছুটি করল। এবং একদিন দেখা গেল কৈবর্তরা দল বেঁধে জলমহলে মাছ মারতে গিয়েছে বুড়িকে সঙ্গে না নিয়েই। বুড়ি আকাশ পড়িয়ে চিৎকার করল কিছু দিন। নীলু সেনের দালানের এক প্রাচীরে কতে লাগল। চরম দুদিন। কৈবর্তরা ফিরে এল তিন মাস পর—কিন্তু বুড়ির জায়গা হল না। সে এ-বাড়ি ও-বাড়ি ভিক্ষা করে খেতে লাগল। হতদরিদ্র নীলগঞ্জের প্রথম ভিক্ষুক।

সব গ্রামের মত এই গ্রামে একজন পাগলও আছে। মতি মিয়ান শাহা নিজাম। সে বেশীর ভাগ সময়ই সুস্থ থাকে। শুধু দু একদিন মাথা পরম হয়ে যায়। তখন তার গায়ে কোন কাপড় থাকে না। গ্রামের এ-মাথা থেকে ও-মাথা পর্যন্ত ছোটাছুটি করতে থাকে। দুপুরের রোদ খুব বেড়ে গেলে মধুবন জঙ্গলায় ঢুকে পড়ে। পাগলদের সাপে কাটে না—প্রবাদটি হয়তো সত্য। নিজাম বহাল তব্বিতেই বন থেকে বেরিয়ে আসে। ছোটাছুটি করা এবং বনের ভেতরে বসে থাকা ছাড়া সে অন্য কোন উপদ্রব করে না। গ্রামের পাগলদের গ্রামবাসীরা খুব স্নেহের চোখে দেখে। তাদের প্রতি অন্য এক ধরনের মমতা থাকে সবার।

চিত্রা বুড়ি রাতে একনাগাড়ে কখনো ঘুমায় না।

কখনে কখনে জেগে উঠে চৈঁচায়—কেলা যায় গো? লোকটা কে?

তার ঘুমবার জায়গাটা হচ্ছে সেন বাড়ির পাকা কালি মন্দিরের চাতাল। নীলু সেন তাকে থাকবার জন্যে একটা ঘর দিয়েছিলেন। সেখানে নাকি তার ঘুম হয় না। দেবী মূর্তির পাশে সে বোধ হয় এক ধরনের নিরাপত্তা বোধ করে। গতীর রাতে দেবীর সঙ্গে তার অন্তরঙ্গ কথাবার্তা হয়, যেমন—দেখিস হেই মা কালি, হেইগো নেংটা বেটি, আমার পুতরে যে মারছে, তুই তার কইলজাটা টাইন্যাখা। তরে আমি জোড়া পাঠা দিমু। বুক চিইড়া রক্ত দিমু—হেই মা কালী, দেখিসরে বেটি, দেখিস।

মা কালী কিছু শোনে ন কিনা বলা মুশকিল। কিন্তু চিত্রা বুড়ির ধারণা তিনি শোনে এবং তিনি যে শুনেছেন তার মনোও দেন। যেমন, এক রাত্রিতে খল-খল হাসির শব্দ শোনা গেল। বুড়ির রক্ত জল হয়ে যাবার মত অবস্থা। সে কাঁপা গলায় জিজ্ঞাসা—হেই মা, হেই গো নেংটা বেটি? হাসির শব্দ দ্বিতীয়বার আবার শোনা গেল না। দেবীরা তাদের মহিমা বার বার করে দেখাতে চান কিনা সেন না।

চিত্রা বুড়ি আজ রাতেও মা কালীর সঙ্গে সুখদুঃখের অনেক কথা বলল। জোড়া পাঠার আশ্বাস দিয়ে ঘুমতে গেল। তারপর জেগে উঠে চৈঁচাল—কেলা যায় গো, লোকটা কে? কেউ জবাব দিল না, কিন্তু বুড়ির মনে হল অনেকগুলো মানুষ যেন এদিকে আসছে। শব্দ করে পা ফেলছে। হঁ হাঁ হঁ হাঁ—এরকম একটা আওয়াজও আসছে। ডাকাত নাকি? চিত্রা বুড়ি ভয়ে কাঁচ হয়ে গেল। তার চোখের সামনে দিয়ে মিনিটারির দলটি পার হল। আলো কম। স্পষ্ট কিছু দেখা যাচ্ছে না।

চিত্রা বুড়ি কিছু বুঝতে পারল না। এরা কারা? এই রাতে কোথেকে এসেছে? বুড়ি দেখল সেনবাড়ির সামনে দাঁড়িয়ে বেশ কয়েকবার টর্চের আলো ফেলল। তার মানে কি ডাকাত? কিন্তু সেনবাড়িতে ডাকাত আসার কথা নয়। সেনরা এখন হতদরিদ্র। এই বিশাল বাড়ির ইটগুলো ছাড়া ওদের আর কিছুই নেই।

৩রা আবার চলতে শুরু করেছে। ভূশমাঘরের কাছে এসে আবার সেনবাড়ির ওপর টর্চের আলো ফেলল। কোনদিকে যাচ্ছে? কৈবর্ত পাড়ার দিকে? ওদের আগেভাগে খবর দেয়া দরকার। সেনবাড়ির পেছন দিক দিয়ে ছুটে গিয়ে খবর দেবে? চিত্রা বুড়ির কাছে সমস্ত ব্যাপারটা অস্বাভাবিক লাগছে। এই রাতের বেলা দল বেঁধে এরা কেন আসবে?

না, কৈবর্ত পাড়ার দিকে যাচ্ছে না। ভূশমাঘর পেছনে ফেলে এরা সড়কে উঠে গেল। টর্চের আগো এখন আর ফেলছে না। বুড়ির মনে হল, এরা স্কুলঘরের দিকে যাচ্ছে। আজিজ মাস্টারকে খবর দেয়া দরকার। কিন্তু তারও আগে খবর দেয়া দরকার কৈবর্ত পাড়ায়। বিপদের সময় নিজ গোত্রের মানুষের কথাই প্রথম মনে পড়ে।

চার পাঁচটা কুকুর একসঙ্গে চেষ্টাচ্ছে। এরা কিছু টের পেয়েছে। কুকুর বেড়াল অনেক কিছু আগে ভাগে জানে। বাড়ি কালী মন্দিরের চাতাল থেকে নেমে এল। সে কোনদিকে যাবে মনস্থির করতে পারছে না।

গ্রামে মিলিটারি চুকছে এটা খবর বুঝতে পারলেন নীলগঞ্জ মসজিদেদের ইমাম সাহেব। পাকা মসজিদেদের সিঁড়িতে দাঁড়িয়ে তিনি সুরা ইয়াসিন পড়ছিলেন। আযান দেবার আগে তিনি তিনবার সুরা ইয়াসিন পড়েন। দ্বিতীয়বার পড়বার সময় অধাক হয়ে পুরো দলটাকে দেখলেন। এরা স্কুল ঘরের দিকে

প্রথম কয়েক মুহূর্ত তিনি ব্যাপারটা বুঝতেই পারলেন না। সুরা ইয়াসিন শেষ করে দীর্ঘ সময় মসজিদেদের সিঁড়িতে বসে রইলেন। তরকারি এখনো কাটেনি। পাখপাখালি ডাকছে। ইমাম সাহেব মনস্থির করতে পারছেন না, এখানে বসে থাকবেন, না খবর দেয়ার জন্যে ছুটে যাবেন। কিছুক্ষণ পর তাঁর মনে হল, সিঁড়িতে এরকম প্রকাশ্যে বসে থাকা ঠিক নয়। মসজিদেদের ভেতরে থাকা দরকার। কিন্তু নীলগঞ্জের মসজিদে তিনি কখনো একা চোকেন না। এই মসজিদে জ্বীন নামাজ পড়ে—এরকম একটা প্রবাদ আছে। অনেকেই দেখেছে। তিনি অবিশ্যি এখনো দেখেন নি। কিন্তু তাঁর ভয় করে।

একা বসে থাকতে থাকতে তাঁর মনে হল, এই যে তিনি দেখলেন একদল মিলিটারি, এটা চোখের জুল নয় তো? নান্দাইল রোডে মিলিটারি

আসেনি, সোহাগীতে আসেনি। এখানে আসবে কেন? এখানে আছেটা কি? নেহায়েতই অজ পাড়া গাঁ।

ইমাম সাহেব ইউনিয়ন বোর্ডের রাস্তায় এসে দাঁড়ালেন। স্কুল ঘর বাঁশবনের আড়ালে পড়েছে—কিছুই দেখা যাচ্ছে না। মুসুল্লীরা কেউ আসছে না কেন? নাকি মিলিটারির খবর জেনে গেছে সবাই? তাঁর প্রবল ইচ্ছে হতে লাগল, নামাজ না পড়েই ঘরে ফিরে যেতে। আবকাশ ফর্সা হতে শুরু করেছে, অথচ কারো দেখা নেই।

দীর্ঘ সময় অপেক্ষা করবার পর মতি মিয়াকে আসতে দেখা গেল। মতি মিয়া একটা মামলায় জড়িয়ে ইদানীং ধর্মে কর্মে অতিরিক্ত রকমের উৎসাহী হয়ে পড়েছে। ইমাম সাহেব নিচু গলায় বললেন—এই মতি, কিছু দেখলো?

ঃ কি দেখলুম? কিসের কথা কন?

ঃ কিছু দেখ নাই?

ঃ নাহ। বিষয়টা কি?

ইমাম সাহেব আর কিছু না বলে চিন্তিত ভাষায় আজান দিতে গেলেন। আজান শেষ করে মতি মিয়াকে আবার কিছু জিজ্ঞাস করলেন—ইস্কুল ঘরের কাছে কিছুই দেখ নাই?

ঃ নাহ। ব্যাপারটা কি তুমি কন।

ঃ মনে হয় গেরামে মিলিটারি ঢুকছে।

ঃ কি ঢুকছে?

ঃ মিলিটারি।

ঃ আরে কি বকন? এই গেরামে মিলিটারি আইব ক্যান?

ঃ আমি যাইতে দেখলাম।

ঃ চউফের খাক। আক্কাইরে কি দেখতে কি দেখছেন। নান্দাইল রোডে তো এখন তক মিলিটারি আসে নাই।

ঃ তুমি জানলা ক্যামনে?

ঃ আমার শালা আইছে গতকাইল। নেজামের বড় ভাই।

ঃ আসি কিন্তু নিজের চউফে দেখলাম।

ঃ আরে না। মিলিটারি আইলে এতক্ষণে গুলি শুরু হইয়া যাইত।

মিলিটারি কি সোজা জিনিস?

ইমাম সাহেব নামাজ শুরু করবার আগেই আরো তিনজন নামাজী এসে পড়ল। তারাও কিছু জানে না। একজন এসেছে স্কুলঘরের সামনে দিয়ে, সেও কিছু দেখেনি।

ইমাম সাহেব আজ অত্যন্ত সংক্ষিপ্ত নামাজ পড়লেন। নামাজের শেষে সাধারণত তিনি হাদিস-কোরানের দুই একটি কথা বলেন। আজ কিছুই বললেন না। বাড়ির দিকে রওনা হলেন। বেশ আলো চারদিকে, অনেক দূর পর্যন্ত দেখা যাচ্ছে। জোড়া শিমূল গাছের কাছে এসে তিনি আড়চোখে কুলঘরের দিকে তাকালেন। বারান্দায় সারি সারি সৈন্য বসে আছে। ইমাম সাহেবের মনে হল কুল কম্পাউণ্ডের গেটের কাছে দাঁড়ানো একটা লোক হাত ইশারা করে তাকে ডাকছে। লোকটির পরনে ফুল প্যান্ট এবং নীল রঙের একটা হাফ সার্ট। কিন্তু তাকে ডাকছে কেন? নাকি তিনি ভুল দেখছেন? ইমাম সাহেবের কপালে বিন্দু বিন্দু ঘাম জমল। তিনি একবার আয়াতুল কুরি ও তিনবার দোয়া ইউনুস পড়ে কুলঘরের দিকে এগলেন।

নীল সার্ট পরা লোকটিও এগিয়ে আসছে তার দিকে। ব্যাপার কি? এ কে? তিনি অতি দ্রুত দোয়া ইউনুস পড়তে লাগলেন—লাইলাহা ইলা আন্তা সোভহানাকা ইম্মি কুনতু মিনাজ্জ্বালেমিনা। এই দোয়াটি খুব কাজের। হযরত ইউনুস আলায়হেস সালাম সাগরের পেটে বসে এই দোয়া পড়েছিলেন।

নীল সার্ট পরা লোকটা এগিয়ে আসছে। কি চায় সে?

আপনি কে?

: আমি এই পেরামের ইমাম।

: আচ্ছালামু আলায়হিস্স ইমাম সাহেব।

: ওয়ালাইকুম সালাম ওয়ারহমতুল্লাহ।

: আপনি এখানে আসেন আমার সাথে।

: কই যাইতাম?

: আসেন। মেজর সাব আপনাকে ডাকেন। ভয়ের কিছু নাই, আসেন।

ইমাম সাহেব তিনবার ইয়া মুকাদ্দেমু পড়ে ডান পা আপে ফেললেন। সঙ্গেই নীল সার্ট পরা লোকটি নৃদ স্বরে বলল—এত ভয় পাচ্ছেন কেন? ভয়ের কিছুই নাই।

আজিজ মাস্টারের অনিদ্রা রোগ আছে।

অনেক রাত পর্যন্ত তাকে জেগে থাকতে হয় বলেই অনেক বেলা পর্যন্ত ঘুমতে হয়। আজ তাকে ভোরের আলো ফোটার আগেই জাগতে হল।

কারণ স্কুলের দপ্তরী ও দারোয়ান রাসমোহন প্রচণ্ড শব্দে দরজায় থাক্কা দিচ্ছে। যেন ভূমিকম্প হচ্ছে, এক্ষুণি আজিজ মাস্টারকে ঘর থেকে বের করতে হবে। বন্ধ দরজার ওপাশ থেকে আজিজ মাস্টার কথা বলল, এই রাসমোহন, কি ব্যাপার ?

ঃ আপনারে ডাকে, আপনারে ডাকে।

ঃ কে ডাকে ?

ঃ মিলিটারি। পেরামে মিলিটারি আসছে। ইঙ্কুগধরে।

ঃ কি বলছিস রাসমোহন ?

ঃ আপনারে স্যার ডাকে।

আজিজ মাস্টার দরজা খুলে দেখল, রাসমোহনের খুতনি বেয়ে ঘাম পড়ছে। পায়ের ফতুয়াটাও ঘামে ভেজা। স্কুল থেকে দৌড়ে এসেছে বোধ হয়। শব্দ করে খ্রাস টানছে। রাসমোহন আবার বলল, মিলিটারি আপনারে ডাকে স্যার। আজিজ মাস্টার রাসমোহনের কথা মোটেও বিশ্বাস করল না। সময়টা খারাপ। থাকি পোশাকের একজন পিওন দেখলেও সবাই ভাবে পাঞ্জাবী মিলিটারি। রাসমোহনের রজ্জুতে সর্পভ্রম হয়েছে। খানাওয়ালারা ফেঁট এসেছে কেন্দ্রীয়া থেকে। খুব সম্ভব চিত্রা বুড়ির জেলের ব্যাপারে। মার্ডার কেইসে পুলিশের খুব ট্রাসাহ। দল বেঁধে চলে আসে। নগদ বিদায়ের ব্যবস্থা আছে। এক্ষুণিও তাই হয়েছে। আজিজ মাস্টার অনেকখানি সময় নিয়ে হাত ধুইল। তার মাথায় চুল নেই, তবু হস্ত করে চুল আঁচড়াল। পরিষ্কার একটা পাঞ্জাবী গায়ে দিয়ে রাস্তায় বেরল। অর্ধেক পথ আসার পর মনে পড়ল চাবি ফেলে এসেছে। আবার ফিরে গেল চাবি আনতে। বাড়ি ফেরবার পথে সত্যি সত্যি বৃকল গ্রামে মিলিটারি এসেছে। তার মতি মিয়ান সঙ্গে দেখা হল। রতন মাঝির সঙ্গে দেখা হল। বাড়ি ভোকবার মুখে জয়নাল মিয়াকেও ছাত্তা মাথায় দিয়ে আসতে দেখা গেল। রাসমোহন এদের প্রত্যেককে একবার একবার করে তার অভিজ্ঞতার কথা বলল।

রাসমোহনের বর্ণনা মত, সে স্কুলঘরের বারান্দায় ধুমচ্ছিল। তখনো চারদিক অন্ধকার। কে যেন তার পায়ে একটা ঝাঁকুনি দিয়ে মুখে টেরের আলো ফেলল। সে উঠে বসে দেখে স্কুলে মিলিটারি গিজ গিজ করছে।

জয়নাল মিয়া নিচু গলায় বলল—আন্দাজ কত জন হইব ?

ঃ চাইর পাঁচশ'র কম না।

ঃ কও কি তুমি !

ঃ বেশীও হইতে পারে। সবটি সস্ত জোয়ান।

ঃ জন্মান্তো হইবই। মিলিটারি দুবলা পাতলা হয় নাকি ?

ঃ হাতে অস্ত্রপাতি আছে ?

জয়নাল মিয়া বিরক্ত মুখে বলল—অস্ত্রপাতি তো থাকবই। এরা কি  
বিদ্যা করতে আইছে ? আজিজ মাস্টার গম্ভীর গলায় বলল—তারপর  
কি হয়েছে রাসমোহন ?

ঃ তারা আমার নাম জিগাইল।

আজিজ মাস্টার বলল—কোন ভাষায়, উর্দু না ইংরেজী ?

ঃ বাংলায়। পরিষ্কার জিগাইল—তোমার নাম কি ? তুমি কে ?  
কি কর ?

ঃ তা কিভাবে হয় ? এরা তো বাংলা জানে না।

ঃ আমি স্যার পরিষ্কার হুনলাম। নিজের কানে হুনলাম।

ঃ তারপর বল। তারপর কি হল ?

ঃ আমি কইলাম, আমার নাম রাসমোহন। আমি ইকুলের  
দপ্তরী। তখন তারা কইল—হেডমাস্টারেরে ডাকবো আন।

ঃ বাংলায় বলল ?

ঃ জি স্যার।

ঃ আরে কি যে বসে পাগল হাঁপানির সত্য, এরা বাংলা জানে নাকি ?  
কি শুনে কি শুনেছ।

আজিজ একটা সিগারেট ধরাতে গিয়ে লক্ষ্য করলো তার হাত কাঁপছে,  
এবং প্রস্রাবের বেগ হচ্ছে। খুব খারাপ লক্ষণ। একুপি হাঁপানির টান  
শুরু হবে। অতিরিক্ত উত্তেজনায় তার হাঁপানির টান ওঠে। এখন  
সিগারেট খাওয়াটা ঠিক হবে না জেনেও আজিজ মাস্টার লম্বা টান দিতে  
শুরু করল। সে সাধারণত জয়নাল মিয়ার সামনে সিগারেট খায় না।

জয়নাল মিয়া গম্ভীর গলায় বলল—তুমি যাও মাস্টার, বিষয়টা কি  
জাইন্যা আস।

ঃ আমি, আমি কি জন্যে যাব ?

ঃ আরে, ডাকতাকে তোমারে। তুমি যাইবা নাতো যাইবটা কে ?

আজিজ মাস্টারের সত্য সত্য হাঁপানির টান উঠে গেল। সিগারেট  
ফেলে দিয়ে সে লম্বা লম্বা শ্বাস নিতে শুরু করল। জয়নাল মিয়া গম্ভীর  
গলায় বলল—এরা এইখানে থাকবার জন্যে আসে নাই, বুঝলো ?  
যাইতাছে অন্য কোনখানে। ভয়ের কিছু নাই। একটা পাকিস্তানী পতাকা  
হাতে নিয়া যাও। একটা পতাকা আছে না ? বাঁশের আগায় বান্ধ।

ঃ আমি একলা যাব ? বলেন কি !

- ঃ একসঙ্গে বেশী মানুষ যাওয়া ঠিক না।
- ঃ ঠিক বেস্তিক যাই হোক, আমি একা যাব না।
- ঃ এই রকম করতাহ্ কেন মাস্টার, এরা বাঘও না ভালুকও না।
- ঃ একা যাব না। আপনারা চলেন আমার সাথে।

বেলা প্রায় সাতটার দিকে ছ'জনের, একটি ছোট্ট দলকে একটি পাকিস্তানী ক্ল্যাগ হাতে নিয়ে স্কুলঘরের দিকে এগুতে দেখা গেল। রোগা আজিজ মাস্টার দলটির নেতৃত্ব দিচ্ছে। সে স্কুলঘরের কাছাকাছি এসে গলা ফাটিয়ে চিৎকার করল—পাবিস্তান! দলের অন্য সবাই আকাশ বাতাস কাঁপিয়ে বলল—জিন্দাবাদ!!

- ঃ কায়দে আয়ন!
- ঃ জিন্দাবাদ!!
- ঃ লিয়াকত আলী খান!
- ঃ জিন্দাবাদ!!
- ঃ মহাকবি ইকবাল!
- ঃ জিন্দাবাদ!!

রোদ উঠে গেছে।

বৈশাখ মাস—এক সন্ধ্যায়ই রোদ ঝাঁঝাল হয়ে ওঠে।

ছোট্ট দলটি, ঝাঁঝাল নেতৃত্ব দিচ্ছে আজিজ মাস্টার, রোদে দাঁড়িয়ে ঘামছে। তাদের মুখ রক্তশূন্য। তারা বুকের মাঝে এক ধরনের কাঁপুনি অনুভব করছে।

রাস্তার ওপাশে চার পাঁচটা জারুল গাছ। গাছের নিচে গেলে ছায়া পাওয়া যায়। কিন্তু সেখানে যাওয়া ঠিক হবে কি না, আজিজ মাস্টার বুঝতে পারছে না। তারা জড়াজড়ি হয়ে দাঁড়িয়ে থেকে ধ্বনি দেয়। আড়চোখে মিলিটারিদের দিকে তাকায়। সরাসরি তাকাতে সাহসে কুলোয় না। সমস্ত বারান্দা জুড়ে মিলিটারিরা ছড়িয়ে ছিটিয়ে আছে। কেউ বসে আছে, কেউ মাথার নিচে হ্যাভার স্যাক দিয়ে ঘুমের মত পড়ে আছে। পাকিস্তান জিন্দাবাদ ধ্বনি দিয়ে এগিয়ে আসা দলটির প্রতি তাদের কোন উৎসাহ দেখা গেল না। তাদের দৃষ্টি সন্ন্যাসীদের মত নির্লিপ্ত। যেন জগতের কোন কিছুতেই তাদের কিছু এসে যায় না।

পাকিস্তানের স্ফাগটি মতি মিয়ান হাতে। সে হাত উঁচু করে স্ফাগটি দোলাচ্ছিল—হাত ব্যাথা হয়ে গেছে, কিন্তু নামাবার সাহস হচ্ছে না। আজিজ মাস্টার খুক খুক করে কয়েকবার কাশল। সেই শব্দে বারান্দায় বসা কয়েকজন তাকাল তার দিকে। আজিজ মাস্টার প্রাণপণে কাশি চাপতে চেষ্টা করল। সময়টা খারাপ। এ রমক সময়ে কাউকে অযথা বিরক্ত করা ঠিক নয়। কিন্তু ক্রমাগত কাশি উঠছে। আজিজ মাস্টার লক্ষ্য করল উঠনে চেয়ার পেতে যে অফিসারটি বসে আছেন, তিনি এক দৃষ্টিতে তাকিয়ে আছেন তার দিকে।

অত্যন্ত রূপবান একজন মানুষ। মিলিটারি পোশাকেও তাঁকে রাজপুত্রের মত লাগছে। এঁর চোখে মুখে কোন ক্লান্তি নেই। তবে বসে থাকার ভঙ্গিটি শ্রান্তির ভঙ্গি। তিনি তাঁর সামনের টেবিলে পা তুলে দিয়েছেন। পায়ে খয়েরী রঙের মোজা। মানুষটি প্রকাণ্ড, তবে সেই তুলনায় পায়ের পাতা দুটি ছোট।

তাঁর কাছাকাছি যে রোগ্য লোকটি দাঁড়িয়ে আছে, তাকে দেখতে বাঙালীদের মত লাগছে। তার গায়ে চকচকে নীল রঙের একটা সার্ট। এই লোকটি খুব ঘামছে। ময়লা একটা রুমালে ক্রমাগত ঘাড় মুছছে। অফিসারটি মৃদু স্বরে কি যেন বলল নীল সার্ট পরা লোকটিকে। নীল-সার্ট তীক্ষ্ণ গলায় বলল—আপনাদের মতো এই মাস্টার সাহেব কে ?

আজিজ মাস্টারের বুকবন্ধের শির শির করতে লাগল।

ঃ কে আপনাদের মতো এই মাস্টার ?

মতি মিয়া আজিজ মাস্টারের পিঠে মৃদু ধাক্কা দিল। আজিজ মাস্টার কাশির বেগ ক্রমাতে থামাতে বলল—জি আমি।

ঃ আপনি থাকেন। অন্য সবাইকে যেতে বলেন। যান ভাই, আপনারা সবাই যান। ভয়ের কিছুই নাই।

আজিজ মাস্টার একা দাঁড়িয়ে রইল। অন্যরা মনে হলো হাঁপ ছেড়ে বেঁচেছে। তবে তারা চলেও গেল না। জুম্মাঘরের কাছে ছাতিম গাছের নিচে বসে রইল চুপচাপ। ব্যাপারটা কিছুই বোঝা যাচ্ছে না। মাস্টার ফিরে না আসা পর্যন্ত কিচ্ছু পরিষ্কার হবে না।

মতি বিড়ি ধরিয়ে টানতে লাগল। সে জয়নাল মিয়ান সামনে বিড়ি খায় না। এই কথা তাঁর মনে রইল না। সময়টা খারাপ। এই সময় কোন কিছু মনে থাকে না। ছোট চৌধুরীও সিগারেট ধরালেন। তিনি সকাল থেকেই ঘামছেন।

মতি মিয়া বলল—ভয়ের কিছু নাই, কি কন ?

: নাহ, ভয়ের কি ? এরা বাঘও না, ভালুকও না।

: একেবারে খাঁটি কথা।

: অন্যায় তো কিছু করি নাই। অন্যায় করলে একটা কথা আছিল।

: একেবারে খাঁটি কথা। অতি লেহা কথা।

জয়নাল মিয়া উৎসাহিত বোধ করে। মতি বলল—নীলু চাচার বাড়িত যাই চলেন। কথাটা তার খুব মনে ধরে। কিন্তু আজিভ মাসটার ফিরে না আসা পর্যন্ত নড়তেও ইচ্ছে করে না। রোদ চড়তে শুরু করে। ছাতিম গাছের নিচে একটি দুটি করে মানুষ জমতে শুরু করে। সবার মধ্যে একটা চাপা উত্তেজনা। ঝাঁঝী করছে রোদ।

উত্তর বন্দে বোরো ধান পেকে আছে। কাটতে হবে। কিছু কিছু জমিতে পাট দেয়া হয়েছে। ক্ষেত নিরানির সময় এখন। দক্ষিণ বন্দে আউশ বোনা হবে। কিন্তু আজ মনে হয় এ গ্রামের কেউ কোথাও যাবে না। আজকের দিনটা চাপা উত্তেজনা নিয়ে সবার আশঙ্কা করবে। এ গ্রামে বহুদিন এরকম ঘটনা ঘটেনি।

বাদিকে দেখা গেল ফর্সা জামা গায়ে দিয়ে হন হন করে আসছে। তার বগলে ছাতা। ছাতিম গাছের নিচে একসঙ্গে এতগুলো মানুষ দেখে হকচকিয়ে গেল।

: বিষয় কি ?

মতি মিয়া ঠাণ্ডা গলায় বলল—জান না কিছু ?

: কি জানুম ?

: আরে মসিহত, জান লইয়া টানাটানি, আর কিছুই জান না ?

বাদি চিন্তিত ভঙ্গিতে তাকায়। কিছু বুঝতে পারে না। জয়নাল মিয়া ঠাণ্ডা গলায় বলে—গেরামে মিলিটারি আইছে।

: এইটা কি কন ? এইখানে মিলিটারি আইব ক্যান ?

: ইঙ্কলঘরে গিয়া নিজের চউক্ষে দেখ। আজিভ মাসটাররে রাইখ্যা দিছে।

: এ্যা :

: আজ মধুবনে গিয়া কাম নাই, বাড়িত যাও।

বাদি রাস্তার ওপর বসে পড়ে। ফিসফিস করে বলে—কি সর্বনাশ জয়নাল মিয়া বিরক্ত হয়ে বলে—সর্বনাশের কি আছে ? আমরা কি করলাম ? কিছু করছি আমরা ? বদি মুখ লম্বা করে বসে থাকে। একসময় মৃদু স্বরে বলে—মুসলমানের জন্যে ভয়ের কিছু নাই এরা

মুসলমানদের খুব খাতির করে। তবে পাক্কা মুসলমান হওয়া লাগে।  
চাইর কলমা জিজ্ঞেস করে।

সবাই মুখ চাওয়াচাওয়ি করে। চার কলমা কারো জানা নেই।  
বদি উৎসাহিত হয়ে বলে—সুন্নত হইছে কিনা এটাও দেখে। কাপড়  
খুইল্লা দেখে।

ঃ তুমি জানলা ক্যামনে?

ঃ নান্দাইল রোডে হনছি। সুন্নত না থাকলেই দুম। গুল্লি।

ঃ কও কি তুমি!

ঃ মিলিটারি মানুষ। রাগ বেশি। আমরা মত না। রাগ উঠলেই  
দুম।

বদি আরেকটি বিড়ি ধরিয়ে দ্রুত টানতে থাকে। তার মধুবনে  
বাওয়া অত্যন্ত দরকার। কে জানে হয়তো মধুবনেও মিলিটারি এসে  
দোকানপাট হালিয়ে দিয়েছে। সে উঠে দাঁড়ায়। মতি মিয়া বলল—  
নাও কই? বদি তার উত্তর না দিয়ে উল্টোদিকে হাঁটা শুরু করল।  
কুলধরকে পাশ কাটিয়ে যেতে হবে। বাটতে হবে অনেকটা পথ।

কড়া রোদ উঠেছে। আকাশে মেঘের লেশমাত্র নেই। চারদিকে  
বাঁ বাঁ করছে রোদ। বদি হন হন করে ছুটেছে।

রোগা নীল সার্ট পরা লোকটি বাঙালী।

সে আজিজ মাস্টারের দিকে তাকিয়ে শুকনো গলায় বলল—ইনি  
মেজর এজাজ আহমেদ, ইনারে সালাম দেন। আজিজ মাস্টার যন্ত্রের  
মত বলল—সলামালিকুম। মেজর এজাজ পরিষ্কার বাংলায় বললেন—  
আপনার নাম কি?

ঃ জি আমার নাম আজিজুর রহমান মল্লিক।

ঃ সে ইট এগেইন।

আজিজ মাস্টার নীল সার্ট পরা লোকটির দিকে তাকাল। সে তাঁণ্ডা  
গলায় বলল—নামটা আরেক বার বলেন। স্পষ্ট করে বলেন। গলায়  
জোর নাই? আজিজ মাস্টার বলল—আজিজুর রহমান মল্লিক।

ঃ আপনি বসুন।

কোথায় বসতে বলছে? বসার দ্বিতীয় কোন চেয়ার নেই। মাটিতে বসতে বলছে নাকি? আজিজ মাস্টারের গলা শুকিয়ে গেল। রোগা লোকটি স্কুলঘর থেকে একটি চেয়ার নিয়ে এল। তাঁরা গলায় বলল—বসেন। স্যার বসতে বলেছেন, বসেন। আজিজ মাস্টার সঙ্কুচিত ভঙ্গিতে বসল। মেজর সাহেব দীর্ঘ সময় কোন কথাবার্তা বললেন না। সরু চোখে তাকিয়ে রইলেন আজিজ মাস্টারের দিকে। আজিজ মাস্টার কাঁপা গলায় বলল—স্যার ভাল আছেন? রোগা লোকটি বলল—ওনে ভাল, আগ বাড়িয়ে কিছু বলতে যাবেন না। যা জিজ্ঞেস করবে শুধু তার জবাব দিবেন। ইনি লোক ভাল, ভয়ের কিছু নাই। স্যার বাংলা বলতে পারেন না, কিন্তু ভাল বুঝেন।

ঃ জি আচ্ছা।

ঃ আপনার ভয়ের কিছু নাই। আরাম করে বসেন।

আজিজ মাস্টার আরাম করে বসার একটা ছবি করল। মেজর সাহেব একটা সিগারেট ধরালেন। প্যাকেটটি বাড়িয়ে দিলেন আজিজ মাস্টারের দিকে। আজিজ মাস্টার ফ্যাল ফ্যাল করে তাকাল। রোগা লোকটি বলল, স্যার দিচ্ছেন যখন নেন। বলায় না ইনি লোক ভাল। আজিজ মাস্টার একটা সিগারেট নিল। ঐ আশ্চর্য, মেজর সাহেব নিজে সিগারেটটি ধরিয়ে দিলেন। আজিজ মাস্টার তার উদ্ভত্য মুখ হয়ে গেল। অত্যন্ত শরিফ আদমি।

পরবর্তী সময়ে তাদের মধ্যে নিম্নলিখিত কথাবার্তা হল। মেজর সাহেব প্রশ্ন করলেন ইংরেজীতে, আজিজ মাস্টার জবাব দিল বাংলায়। কিছু প্রশ্ন আজিজ মাস্টার বুঝতে পারল না। নীল সার্ট পরা লোকটি সুন্দর করে বুঝিয়ে দিল।

ঃ তোমার নাম আজিজুর রহমান মল্লিক?

ঃ জি স্যার।

ঃ মল্লিক মানে কি?

ঃ জানি না স্যার।

ঃ এই গ্রামে কত জন মানুষ?

ঃ জানি না স্যার।

ঃ কত জন হিন্দু আছে?

ঃ জানি না স্যার।

ঃ তুমি দেখি কিছুই জান না।

ঃ স্যার আমি বিদেশী মানুষ।

- ঃ বিদেশী মানুষ মানে? তুমি পাকিস্তানী না?
- ঃ জি স্যার।
- ঃ তাহলে তুমি বিদেশী হলে কিভাবে?

মেজর সাহেব চোখ বন্ধ করে জবাবের প্রতিশ্রুতি করতে লাগলেন।

আজিজ মাস্টারের মাথায় কোন জবাব এল না।

- ঃ তুমি ইকবাল জিন্দাবাদ বলছিলে, ইকবাল কে?
- ঃ কবি স্যার। বড় কবি। মহাকবি।
- ঃ তুমি তাঁর কবিতা পড়েছ?
- ঃ জি না স্যার।
- ঃ পড়নি—চীন অণ্ডর আণ্ডর হামারা, সারা বাঁহা হ্যান্ন হামারা?
- ঃ জি না স্যার।

মেজর সাহেব আরেকটি সিগারেট ধরালেন। কিছুক্ষণ বিশ্রাম নিলেন। আজিজ মাস্টার লক্ষ্য করল, লোকটির মূর থেকে যত অল্প-বয়স্ক মনে হচ্ছিল, আসলে তার বয়স তত অধিক নয়। চোখের নিচে কালি। কপালের চামড়ায় সূক্ষ্ম ভাঁজ। কিন্তু বয়স হতে পারে? পর্যায়শেষের কাম নয়। আজিজ মাস্টারের মতই আটগ্রিশ। এই লোকটি তার চেয়ে তিন বছরের ছোট। অথচ এই লোকটির সামনে নিজেকে কেমন কেঁচোর মত লাগছে।

মেজর সাহেব নড়েচড়ে বসলেন। পা থেকে মোজা জোড়া টেনে খুলে ফেললেন। আবার প্রস্তুতির শুরু হল।

- ঃ এ গ্রামে কোন মুক্তি লোক আছে?
- ঃ জি না স্যার।
- ঃ মুক্তিবাহিনী আছে?
- ঃ জি না স্যার।
- ঃ তুমি স্ত্রিক জান?
- ঃ জি স্যার। এই গ্রামের সবাইকে আমি চিনি।
- ঃ তোমার ধারণা, এই গ্রামে মুক্তিবাহিনী নেই?
- ঃ জি না।

মেজর সাহেব মৃদু হাসলেন। কেন হাসলেন কে জানে। তিনি কি বিশ্বাস করছেন না? আজিজ মাস্টার আবার বলল—মুক্তিবাহিনী নাই স্যার।

- ঃ শেখ মুজিবের লোকজন আছে?
- ঃ জি না স্যার।

: তুমি জি না স্যার ছাড়া অন্য কিছু বলছ না কেন ? তুমি কি শুয়  
পাচ্ছ ? শুয় পাচ্ছ তুমি ?

: জি না স্যার।

: ওহু। ভয় পাওয়ার কিছু নেই। আমার দিকে ডাক করে তাকাও।  
তাকাও ভাল করে।

আজিজ মাস্টার তাকান। মেজর সাহেবের চোখ দুটি তার কাছে  
একটু নীলচে মনে হল। বিড়াল-চোখা নাকি ?

: আমাকে দেখে কি মনে হয়, আমি পারাপ লোক ?

: জি না স্যার।

: কফি খাবে ?

আজিজ মাস্টার চোখ তুলে তাকান। রোগা হোকটি বলল—  
খেতে চাইলে বলেন—খাব। আমার দিকে তাকান কেন ? অত্যাশ না  
থাকলে বলেন—খাব না। ব্যাস। বার বার আমার দিকে তাকাবেন না।

: কি, কফি খাবে ?

: জি না স্যার।

: না কেন, খাও। কফি তৈরি হচ্ছে। তুমি কি কফির সঙ্গে ক্রীম খাও ?

আজিজ মাস্টার না বুঝেই মাথা নাড়ল। কফি এসে পড়ল  
কিছুক্ষণের মধ্যে। অতি বিশ্বাস জিনিস। আজিজ মাস্টার চুক চুক  
করে কফি খেতে লাগল। কফি খামিয়ে রাখার সাহস হল না।

: বুঝলে আজিজ প্যাকিস্তানী মিলিটারির নামে আজওবি সব  
পত্র ছড়ানো হচ্ছে। আমরা নাকি কোথায় কুড়াল দিয়ে কুণ্ডিয়ে দুটি  
মুক্তিবাহিনীর ছেলেকে মেরেছি। গুলটা তোমার বিশ্বাস হয় ?

আজিজ মাস্টার জবাব দিল না। মেজর সাহেব অনেকটা সময়  
নিয়ে সিগারেট ধরলেন। তারপর ঠাণ্ডা গলায় বললেন—আমরা  
কাঠুরে হলে সেটা করতাম। কিন্তু আমরা কাঠুরে নই, আমরা সৈনিক।  
আমরা গুলি করে মারব। ঠিক না ?

: জি স্যার।

: হিন্দুস্থান বেতারে এসব প্রচার চালাচ্ছে। এবং অনেকেই এসব  
শুনছে। ঠিক না ? বল ঠিক বলছি কি না ?

: জি স্যার ঠিক।

: আচ্ছা এ গ্রামে ট্রেনজিস্টার আছে কার কার ? তোমার আছে ?

আজিজ মাস্টারের গলায় কফি আটকে গেল। তার আছে এবং সে  
স্বাধীন বাংলা বেতার শোনে।

: কি, আছে ?  
 : জি স্যার।  
 : কিন্তু তুমি নিশ্চয়ই শোন না ?  
 : মাঝে মাঝে শুনি স্যার।  
 : শুনেও নিশ্চয়ই বিশ্বাস কর না। ঠিক না ?  
 : মাঝে মাঝে বিশ্বাস হয়।  
 : আজিজ।  
 : জি স্যার।  
 : তুমি একজন সৎলোক। অন্য কেউ হলে বলতো বিশ্বাস হয় না।  
 আমার মনে হয় তুমি মিথ্যা একেবারেই বলতে পার না। আচ্ছা এখন  
 বল, আর কার ট্রানজিস্টার আছে ?

: নীলু সেনের আছে। জয়নাল মিয়া'র আছে।  
 : ওরা কেমন লোক ?  
 : ভাল লোক স্যার। নির্বিরোধী মানুষ। এই গ্রামে খারাপ মানুষ  
 কেউ নাই।

: তাই নাকি ?  
 : জি স্যার।  
 : আচ্ছা ঠিক আছে। তুমি যাও। ভয়ের কিছু নাই।  
 আজিজ মাস্টার উঠে দাঁড়াল। তার মনে হল, মেজ'র সাহেব  
 একজন বিশিষ্ট ভদ্রলোক।

: পল্লানাজিকর স্যার।  
 : ওয়ালাইকুম সালাম।

আজিজ মাস্টারের কেন যেন মনে হল এফুপি তাকে আবার ডাকা  
 হবে। সে এগোতে লাগল খুব সাবধানে। কিন্তু কেউ তাকে ডাকল  
 না। প্রায় ত্রিশ গজের মত যাওয়ার পর সে ভয়ে ভয়ে একবার পেছনে  
 তাকা'ল—মেজ'র সাহেব তীক্ষ্ণ দৃষ্টিতে তাকিয়ে আছেন। তার সঙ্গে  
 রোগা লোকটিও চিন্তিত মুখে তাকিয়ে আছে। আজিজ মাস্টারের বুক  
 দ্বক করে উঠল। কেন উঠল কে জানে। একবার পেছন ফিরে  
 আবার মুখ ফিরিয়ে চলে যাওয়া যায় না। আজিজ মাস্টার দ্বিতীয়বার  
 বলল—পল্লানাজিকুম।

মেজ'র সাহেব তখন তাকে হাত ইশারা করে ডাকলেন। নীল  
 সার্ট পরা লোকটি বলল—এই যে মাস্টার সাহেব, এদিকে আসেন  
 শাই। স্যার ডাকেন। আজিজ মাস্টার ফিরে এল। মেজ'র সাহেব

হাসি মুখে বললেন—শুনলাম তুমি কবিতা লেখ। আজিজ মাস্টার  
বেকুবের মত তাকাল। সে কিছুই বুঝতে পারছে না।

ঃ এখানকার মসজিদের যে ইমাম সাহেব আছে, তার কাছে  
শুনলাম। তার সঙ্গে আমার কথা হয়েছে। তুমি কি সত্যি কবিতা লেখ ?

ঃ জি স্যার।

ঃ বেশ। একটা কবিতা শোনাও। কবিতা আমি পছন্দ করি।  
শোনাও একটা কবিতা।

আজিজ মাস্টার তাকাল নীল সার্ট পরা লোকটির দিকে। সে শুকনো  
গলায় বলল—স্যার শোনাতে বলছে শোনান। চেয়ারে বসেন, বসে  
শোনান। ভয়ের কিছু নাই।

আজিজ মাস্টার হতভম্ব হয়ে তাকিয়ে রইল। মেজর সাহেব  
বললেন—বল বন্ধ, সময় নষ্ট করার কোন মানে হয় না। লেটেষ্ট  
কবিতাটি বল।

আজিজ মাস্টার যন্ত্রের মত চার লাইন বলে গেল—

আজি এ নিশিথে তোমারে পড়িবে মনে  
হৃদয়ে যাতনা উঠিছে জাগিয়ে ফুলে ফুলে,  
তুমি সুন্দর চেয়ে থাকি হৃদয় কল্প লোকের চোখে  
ভালবাসা ছাড়া নাই কিন্তু আর মোর মরু ময় বৃকে।

নীল সার্ট সেটি অনুবাদ করে দিল। মেজর সাহেব বললেন—এটিই  
তোমার লেটেষ্ট ?

ঃ জি স্যার।

ঃ ভাল হয়ে উঠেছে বেশ ভাল। তা মেয়েটি কে ?

ঃ জি স্যার ?

ঃ কবিতার মেয়েটি কে ? ওর নাম কি ?

ঃ মালা।

ঃ মেয়েটি এখানেই থাকে ?

আজিজ মাস্টার কপালের ঘাম মুছল। শুকনো গলায় বলল—  
এইখানেই থাকে।

ঃ তোমার স্ত্রী নাকি ?

ঃ জি না স্যার। আমি বিয়ে করিনি।

ঃ এই মেয়েটিকে বিয়ে করতে চাও ?

আজিজ মাস্টার ঢোক গিলল। বলে কি এই লোক !

ঃ কি হল ? চুপ করে আছ কেন ? নাকি মেয়ের বাবা তোমার

মত বুড়োর কাছে বিয়ে দিতে চায় না ?

আজিজ মাস্টার খুক খুক করে কাশতে লাগল। নীল-সার্ভ তীক্ষ্ণ গলায় বলল, স্যারের কথার জবাব দেন। স্যার রেগে যাচ্ছেন।

মেজর সাহেব কৌতূহলী হয়ে তাকালেন। তাঁর চোখ দুটি খুশি খুশি।

ঃ বল, মেয়েটির বয়স কত ?

ঃ বয়স কম।

ঃ কত ?

ঃ তের চোদ্দ।

ঃ তের চোদ্দ বছরের মেয়েই তো ভাল। যত কম বয়স তত মজা। আজিজ মাস্টার স্তম্ভিত হয়ে গেল। কি বলছে এসব!

ঃ মেয়েটির সঙ্গে তোমার যৌন সম্পর্ক আছে ?

ঃ না।

ঃ মাথা নিচু করে আছ কেন ? মাথা তোল।

আজিজ মাস্টার মাথা তুলল।

ঃ মেয়েটির বুক কেমন আমাকে বল। আমি শুনেছি বাঙালী মেয়েদের বুক খুব সুন্দর, কথাটা কি ঠিক ?

ঃ আমি জানি না।

ঃ জান না! বল কি! তুমি কোনো কোন মেয়ের বুক দেখনি ?

ঃ আমি বিয়ে করিনি।

ঃ তাতে কি ?

আজিজ মাস্টারের কান বাঁ বাঁ করতে লাগল। বমি বমি ভাব হল। মেজর সাহেব হঠাৎ সুর পাতে নরম স্বরে জিজ্ঞেস করলেন—মেয়েটি কার? আই মিন ওর বাবার নাম কি? আজিজ মাস্টার জবাব দিল না। মেজর সাহেব অসহিষ্ণু কর্তে বললেন—শুধু শুধু দেবী করছ, বলে ফেল। নীল-সার্ভ বলল—কেন শুধু শুধু রাগাচ্ছেন? বলে দেন না।

ঃ জন্মানাল মিম্বার মেয়ে। উনার বড় মেয়ে।

ঃ যার বাড়িতে ট্রানজিস্টার আছে ?

আজিজ মাস্টার বেশ অবাক হল। এই লোকটির স্মৃতিশক্তি বেশ ভাল। মনে রেখেছে।

ঃ তুমি এখন আর আগের মত স্বতঃস্ফূর্তভাবে কথা বলছ না। প্রতিটি প্রশ্ন দু'বার করে করতে হচ্ছে। কারণ কি ?

আজিজ মাস্টার জবাব দিল না।

ঃ তুমি কি আমার উপর রাগ করেছ ? বল রাগ করেছ ?

৯ না।

১০ এখন তুমি আর স্যার বলছ না। কেন? নিশ্চয়ই তুমি আমার উপর রাগ করলেছ।

১১ ত্বি না স্যার।

মেজর সাহেব অনেকখানি খুঁকে এসেন আজিজ মাস্টারের দিকে। পলার স্বর নিচে নামিয়ে বললেন—শোন, গ্রি মেয়েটির সঙ্গে আমি তোমার বিয়ের ব্যবস্থা করে দিচ্ছি। আজ রাতে সম্ভব হবে না। আজ রাতে আমরা বাস্তু। কাল ভোরে। কি, তুমি খুশি তো?

আজিজ মাস্টার তাকিয়ে রইল।

১২ কি, কথা বলছ না যে? বল, শুকরিয়া।

১৩ শুকরিয়া।

১৪ আমি কথায় খেলাফ করি না। যা বলেছি তা করব। এখন তুমি আমার কয়েকটি প্রশ্নের জবাব দাও।

মেজর সাহেব সিগারেটের প্যাকেট বাতিলে পাল্টেন। নিজে একটি ধরালেন। তাঁর চোখে এখন আর হাসি বিস্তারিত করছে না।

১৫ তোমাদের গ্রই জঙ্গল-মাঠে কি আছে?

১৬ কিছু নাই। জঙ্গল।

১৭ আমরা জানি, ইস্ট বেঙ্গল রেজিমেন্টের বেশ কিছু জওয়ান এবং কয়েকজন অফিসার এখানে বসিয়ে আছে।

আজিজ মাস্টারের চোখ বড় বড় হয়ে গেল।

১৮ ওরা আমাদের দু'জন অফিসারকেও নিয়ে গেছে। একজন হচ্ছে আমার বন্ধু মেজর সখতিয়ার। ফুটবল প্লেয়ার।

১৯ আমি কিছুই জানি না স্যার।

২০ কিছুই জান না?

২১ ত্বি না স্যার।

২২ আমি যতদূর জানি, এ গ্রাম থেকেই তো ওদের খাবার মাচ্ছে।

২৩ আমি স্যার কিছুই জানি না।

২৪ আমি ভাবছিলাম জান।

২৫ জানি না স্যার।

মেজর সাহেব চোখ বন্ধ করে সিগারেট টানতে লাগলেন। প্রচণ্ড প্রশ্রাবের বেগ হয়েছে আজিজ মাস্টারের। সে ভয়ে ভয়ে বলল—স্যার আমি যাই?

মেজর সাহেব চোখ না খুলেই বললেন—সেটা কি ঠিক হবে? আমরা ওদের ধরতে এসেছি। এখন তোমাকে যেতে দিলে খবরটা ওদের কাছে পৌঁছে যেতে পারে। পারে না?

আজিজ মাস্টার ঢোক গিলল।

ঃ তুমি ঐ ঘরে আজ রাতটা কাটাও। আমরা অপারেশন শুরু করব বিকেলের দিকে। আরেকটি বড় কোম্পানী আসবে আমাদের সাহায্য করতে। ওদের জন্যেই অপেক্ষা করছি।

আজিজ মাস্টারের হাঁপানির টান উঠে গেল। টেনে টেনে শ্বাস নিতে লাগল। মেজর সাহেব হালকা গলায় বললেন—তোমাকে অনেক গোপন খবর দিয়ে দিলাম। তবে অসুবিধা নেই, তুমি বন্ধ মানুষ। যাও, ঐ ঘরে চলে যাও।

ঃ স্যার, আমি কিছুই জানি না।

ঃ জান না, সেতো আগেই বলেছো। সবাই কি তবে সব কিছু জানে? জানে না। যাও ঐ ঘরে গিয়ে বসে থাক।

রোদ থেকে এসেছে বলেই কি না কে জানে, এত পরিচিত ঘরও আজিজ মাস্টারের কাছে অচেনা মনে হতে লাগল। অথচ এটা টিচার্স রুম। আজিজ মাস্টার যোজ্ঞ এখানে বসে।

ঃ মাস্টার সাব।

ঃ কে?

আজিজ মাস্টার অধীর হয়ে দেখল একটা চেয়ারে ইমাম সাহেব জড়সড় হয়ে বসে আছেন। ইমাম সাহেবের নাক মুখ ফুলে গেছে। নিচের ঠোঁটটি কেঁচু গেছে। তাঁর সাদা পাঞ্জাবীতে রক্তের ছোপ। কাটা ঠোঁট দিয়ে হলুদ রঙের রস বের হচ্ছে। আজিজ মাস্টার দীর্ঘ সময় তাঁর দিকে তাকিয়ে রইল এবং নিজের অজান্তেই এক সময় তাঁর প্রস্রাব হয়ে গেল।

ইমাম সাহেব তাকিয়ে তাকিয়ে দেখলেন, মেনেতে প্রস্রাব গড়াচ্ছে। তাঁর কোন ভাবান্তর হল না।

দিনের বেলা মীর আলির কাজ হচ্ছে পরীবানুকে কোলে নিয়ে বারান্দায় বসে থাকা। পরীবানুর বয়স তিন। দাদাকে সে খুবই পছন্দ

করে। মীর আলিও জগতের অনেক জটিল বিষয় নিয়ে তার সঙ্গে কথা বলে। মীর আলির কথা বলার ভঙ্গি দেখে মনে হওয়া অস্বাভাবিক নয় যে, সে পরীবানুর মতামতকে মথেষ্ট গুরুত্ব দেয়।

আজ ভোরবেলাও সে নাতনিকে কোলে নিয়ে মুড়ি খেতে বসেছিল। দাঁত না থাকায় মুড়ি চিবোতে পারে না। একগাল মুড়ি নিয়ে তাকে অনেকক্ষণ বসে থাকতে হয়। ঘরে আম আছে। একটা পাকা আমের রস মুড়ির বাটিতে ঢেলে দিলেই সমস্যার সমাধান হয়। অনুফা সেটা করবে না। যদি বাড়িতে না থাকলে সে তার স্বশুরের খাওয়া-দাওয়ার দিকে তেমন নজর দেয় না।

আজ তার চা খেতে ইচ্ছে হচ্ছে। ঘরে চায়ের পাতা আছে, গুড় আছে। যদি এনে রেখেছে। তার বাবার জন্যেই এনেছ। সে নিজের কানে শুনেছে যদি বলছে—বাজানরে মাঝে মধ্যে দিও। বুড়া মানুষ। চা'য় কাশির আরাম হয়।

মীর আলি প্রতিদিন ভোরেই বেশ সাড়ম্বরে একটিক্ষণ কাশে, যাতে অনুফার চায়ের কথাটা মনে পড়ে। বেশির ভাগদিনই তার মনে পড়ে না। আজও হয়ত পড়বে না। তবু সে কাশতে লাগল। কাশতে কাশতেই পরীবানুকে বলল—চা হইল সর্দি কাশিয়া বড় অমুখ। বুঝছস পরী?

পরী উত্তর দিল না।

ঃ বড় জামবাটির এক পাট চা যদি সকালে খায় কেউ তা হইলে সর্দি কাশি, বাত সব যায়। চা'দি খুব বড় অমুখ।

মীর আলির জন্যে আজ দিনটি সম্ভবত খুব গুড। বরগণ অনুফা তাকে এক বাটি চা কিন দিল। সেই চা'য়ে তেজপাতা দেয়ায় বেশ সুন্দর একটা গন্ধ। অভিভূত হয়ে পড়ল মীর আলি।

ঃ মিষ্টি হইছে কি না দেখেন।

ঃ হইছে গো বেটি হইছে। জ্বর বালা হইছে।

অনুফাকে দু'একটা সুন্দর সুন্দর কথা বলতে ইচ্ছে করছে। কিন্তু কি বললে সে খুশী হয়, তা মীর আলির জানা নেই।

ঃ মুড়ি চায়ের মইখো জিজাইয়া চামুচ দিয়া খান। চামুচ দিতাছি।

মীর আলি অনুফার প্রতি বড় মমতা বোধ করল। সংসারের আয় উন্নতি যা হচ্ছে, এই মেয়েটির কারণেই হচ্ছে। ঘরে এখন চামচ আছে। নতুন সাইকেল আছে। গত বৎসর যদি তাকে লেপ ধানিয়ে দিয়েছে। বলতে গেলে গত শীত কোন দিকে গিয়েছে বুঝতেই পারা যায়নি। অথচ বদিকে বিয়ে করানোর আগে কি হাল ছিল সংসারের। সব ভাগ্য।

একেকজনের একেকরকম ভাগ্য। অনুফা এ সংসারে ভাগ্য নিয়ে এসেছে। মীর আলি ভাবতে চেপ্টা করল, অনুফা এ বাড়িতে আসার পর তারা কি কখনো একবেলা না খেয়ে থেকেছে? না। নীলগঞ্জের এককম ভাগ্য কয়জনের আছে? অথচ কত বামেলা বদির বিয়েতে। শেষ মুহূর্তে বিয়ে ভেঙে যাওয়ার অবস্থা। বদির মানা বলল—এই মেয়ের মা নাই। জামাইয়ের কোন আদর হইত না। কথা খুবই সত্য। কিন্তু বিয়ের কথা ঠিকঠাক হবার পর বিয়ে ভেঙে দেয়াটা ঠিক না। মনে খুঁতখুঁতানি নিয়ে সে ছেলে নিয়ে গেল। কি ঝড় বিয়ের রাতে! লগুঙগু অবস্থা। দুপুর রাতে ছেলে বৌ নিয়ে বাড়ি ফিরে দেখল ঝরে গ্রামে কারোর কোন ক্ষতি হয়নি। শুধু তার ঘরটি পড়ে গেছে। কি অলক্ষণ।

ঃ দাদা চা দেও।

ঃ পুলাপান মাইনষের চা খাওন নাই।

ঃ চা দেও দাদা।

মীর আলি হাঁক দিল—বৌ মা, আরেকটা বাটি দেও। এই সময় এক ঝাঁক গুলি হল। হালকা মেশিনগানের ক্রমে তান্না ধরানো ক্যাট ক্যাট শব্দ। পরীবানু আকাশ ফাটলে হৃদয়ে লাগল। মীর আলি উঠে দাঁড়াতে গিয়ে চায়ের বাটি উল্টে পুকুরে পরীবানুর পায়ে।

নীলগঞ্জ গ্রামে ছোট্ট একটি গুরু হয়ে গেল। দ্বিতীয় একটা সৈন্যদল এসে চুকল। তারা দুকল মার্চ করে। গবিত ভঙ্গিতে। তাদের সঙ্গে আছে চল্লিশ জন সৈন্যকারের একটি দল। তালে তালে পা ফেলবার একটা প্রাণান্ত চেপ্টা করছে তারা। দলটি অনেক দূর থেকে আসছে। এদের চোখে মুখে ক্লান্তি। হয়তো সারারাত ধরেই হাঁটছে। কোথাও বিশ্রাম নেয়নি।

বদিউজ্জামান হন হন করে হাঁটছিল। হাঁটা না বলে একে দৌড়ানো বলাই ঠিক হবে। কয়েকদিন রুগিত না হওয়ায় রাস্তাঘাট শুকনো। দ্রুত হাঁটতে কপট হচ্ছে না। তার একমাত্র চেপ্টা, কত তাড়াতাড়ি মধুবন বাজারে গিয়ে পৌছোনো যায়। মাঝামাঝি পথে সে মত বদলাল— ফিরে চলল নীলগঞ্জের দিকে। যা হবার হোক, এই সময় বাড়ি ছেড়ে বের হওয়া ঠিক নয়। জঙ্গলা মাঠের কাছাকাছি আসতেই সে দ্বিতীয় মিলিটারি দলটিকে দেখতে পেল। ওরা আসছে উত্তর দিক থেকে। বদিউজ্জামান উর্ধ্বদ্বাসে ছুটল জঙ্গলা মাঠের দিকে। হুমড়ি খেয়ে পড়ল

নিচু একটা গর্তে। সেখানে এক কোমর পানি। তাকে কেউ স্পৃহিত দেখতে পায়নি। বদিউজ্জামান এক কোমর পানিতে ঘণ্টাখানেক বসে রইল। মিলিটারিদের এই সময়ের মধ্যে চলে যাওয়ার কথা। কিন্তু এরা যাচ্ছে না কেন? কিছুক্ষণ পর খুব কাছেই ওদের কথাবার্তা শোনা যেতে লাগল। এর মানে কি?

বদিউজ্জামান মাথা উঁচু করে দেখতে চেপ্টা করল। চোখের জুল কিনা কে জানে। তার মনে হল মিলিটারিরা জঙ্গলা-মাঠ ঘিরে বসে আছে। বদিউজ্জামান গলা পর্যন্ত পানিতে ডুবিলে একটা মোরতা বোম্বের আড়ালে মাথা ঢেকে রাখল। মাথার উপর বাঁ বাঁ করছে রোদ। কিন্তু পানি বেশ ঠাণ্ডা। বদিউজ্জামানের শীত শীত করতে লাগল। কতক্ষণ বসে থাকতে হবে? গা কুট কুট করছে। সবুজ রঙের একটা গিরগিটি চোখ বড় বড় করে তাকে দেখছে। বদিউজ্জামান হাত ইশারা করে তাকে সরে যেতে বলল। রোদ বাড়ছে। ক্রমেই বাড়ছে। পচা গন্ধ আসছে পানি থেকে। পাট পচানোর গন্ধের মত গন্ধ। গিরগিটি পায়ে পায়ে এগিয়ে আসছে। বদিউজ্জামান মূদু স্বরে বলল—যা হোস। আর তখনই নীলগঞ্জের দিক থেকে ঝাঁকে ঝাঁকে গুলির শব্দ আসতে লাগল। কি ব্যাপার?

জয়নাল মিয়া তার পকেট নিয়ে দীর্ঘ সময় ছাতিম গাছের নিচে অপেক্ষা করল—আজিজ মাস্টার ফিরে এল না। কতক্ষণ এভাবে বসে থাকা যায়? রাসমোহন কয়েকবার বাঁশ বোম্বের আড়াল থেকে উঁকি দিয়ে দেখে এসেছে। আজিজ মাস্টার চেয়ারে বসে কথাবার্তা বলছে। কিন্তু কিছুক্ষণ আগে সে এসে বলল, আজিজ মাস্টারকে আর দেখা যাচ্ছে না। এর মানেটা কি? জয়নাল মিয়া বলল—বিশ্বয়ড়া কি রাসমোহন? রাসমোহন শুকনো মুখে বসে রইল।

ঃ মাইরা ফেলছে না কি?

ঃ মারলে গুলির শব্দ হইত। গুলি তো হয় নাই।

ঃ তাও ঠিক।

জয়নাল মিয়া মতি মিয়ার কাছ থেকে একটা বাড়ি নিয়ে ধরাল। তার সিগারেট শেষ হয়ে গেছে। আর তখন মতি মিয়ার পাগল শালা নিজামকে আসতে দেখা গেল। তার মুখ হাসি হাসি। পাপলামীর জন্য কোন লক্ষণ নেই। মতি মিয়া ধমকে উঠল—কই গেছিলো?

নিজামের হাসি আকর্ষন বিস্তৃত হল। সে হাত নেড়ে নেড়ে বলল—  
ইফ্রুলঘরের পিছনের দিক দিয়া আইতেহিলাম, একটা মজার জিনিস  
দেখলাম দুলাভাই।

ঃ কি দেখলো ?

ঃ দেখলাম দুইটা মিলিটারি হাগতে বসছে। লজ্জা-শরম নাই। হাগে  
আর কথা কয়। আবার হাগে, আবার কথা কয়।

নিজাম হাসতে হাসতে ভেঙে পড়ল। ঠিক তখন গুলি ছুঁড়তে ছুঁড়তে  
মিলিটারি ও রাজাকারের দ্বিতীয় দলটি গ্রামে উঠে এল। জয়নাল মিয়া  
উর্ধ্বস্থাসে দৌড়ান দক্ষিণ দিকে। বাকিরাও তাকে অনুসরণ করল।  
নিজাম শুধু মুখটি হাসি হাসি করে দাঁড়িয়ে রইল। সমস্ত ব্যাপারটিতে  
সে বড় মজা পাচ্ছে।

ইমাম সাহেব এক সময় বললেন—দোয়া ইউনুসটা দমে দমে পড়েন  
মাস্টার সাব। আজিজ মাস্টার তাকান তার দিকে। তাকানোর ভঙ্গিতে  
মনে হয় সে কিছুই বুঝতে পারছে না। গত তিন ঘণ্টা যাবৎ এই দুটি  
মানুষ একসঙ্গে আছে। এই তিন ঘণ্টায় তাদের মধ্যে কথাবার্তা বিশেষ  
কিছু হয়নি। আজিজ মাস্টার তার পারজামা ভিজিয়ে ফেলার পর  
থেকেই কেমন অনারাম হয়ে গেছে। কোন কিছুতে মন দিতে পারছে না।

ঃ হযরত ইউনুস আলায়হে-স-সালাম মাছের পেটে এই দোয়া  
পড়তেন। এর মকরতবাই অন্য। দোয়াটা জানেন ?

আজিজ মাস্টার মাখা নাড়ল। সে জানে। কিন্তু ইমাম সাহেবের  
মনে হল সে কিছু পড়ছে উড়ছে না। বসে আছে নির্বোধের মত।

ঃ মাস্টার সাব।

ঃ জি।

ঃ আমাদের সামনে খুব বড় বিপদ।

ঃ কেন ?

ঃ বুঝতে পারতেছেন না ?

ঃ না।

ঃ এরা কি জন্য আসছে সেটা বলছে ?

ঃ হ'।

: তবু বুঝতে পারছেন না?

: না।

ইমাম সাহেব চুপ করে গেলেন। আজিজ মাস্টার খোলা দরজা দিয়ে বাইরে তাকিয়ে রইল। এখান থেকে সৈন্যদলের একটা অংশ দেখা যায়। কয়েকজনকে দেখা যাচ্ছে কাগজের একটা বল বানিয়ে ছুঁড়ে ছুঁড়ে মারছে এবং ক্রমাগত হাসছে। কাগজের একটা বল ছুঁড়ে মারার মধ্যে এত আনন্দের কি আছে কে জানে?

স্কুলঘরটি টিনের। রোদে টিন তেতে উঠেছে। ঘরের ভেতর অসহ্য গরম। আজিজ মাস্টারের পানির তৃষ্ণা পেয়ে গেল। শুধু তৃষ্ণা নয়, ক্ষুধাও বোধ হচ্ছে। বেলা অনেক হয়েছে। ক্ষুধা হওয়ারই কথা। অন্য সময় এত দেরী হলে মালা খোঁজ নিত—মায়া ভাত বাড়ছে। আসেন। বলেই সে চলে যেত না। দরজা ধরে একে বেকে দাঁড়াতো। যেন সঙ্গে করে নিয়ে যাবে।

গতবার ময়মনসিংহ থেকে মালার জন্যে একটা আয়না কিনেছিল আজিজ মাস্টার। খুব বাহারী জিনিস। দুটো আয়না পাশাপাশি। একটা সাধারণ আয়না, অন্যটি একটু অন্যরকম। সেটায় মুখ অনেক বড় দেখা যায়।

আয়নাটা দেয়াল থেকে হবোঁকি না, তা নিয়ে আজিজ মাস্টার প্রায় এক সপ্তাহ ভাবল। কেউ কিছু মনে করে বসতে পারে। তাহলে খুব লজ্জার ব্যাপার হবে।

কেউ কিছু মনে করল না। মালা অভিভূত হয়ে পড়ল। একটা আয়নার মুখ বড় দেখায় কেন এই প্রশ্ন বেশ কয়েকবার করা হল। এমন কি মালার মা একদিন পর্দার আড়াল থেকে জিজ্ঞেস করে ফেলল—মুখ বড় দেখালে কি লাভ? আজিজ মাস্টার লাজুক স্বরে বলেছিল—সাজ-গোজের সুবিধা হয় ভাবী।

: কি সুবিধা?

কি সুবিধা সেটি আর ব্যাখ্যা করতে পারেনি। কারণ, এটা আজিজ মাস্টারেরও জানা ছিল না।

ইমাম সাহেব নড়ে চড়ে বসলেন।

: মাস্টার সাব।

: বলেন।

: জোহর নামাজের ওয়াক্ত হইছে না?

ঃ জানি না।

ঃ নামাজটা পড়া দরকার। বের হয়ে ওদের কাছে পানি চাব? ওজু  
নাই আমার।

ঃ দেখেন আপনি চিন্তা করে।

ঃ আপনিতো আর নামাজ পড়তে পারবেন না, শরীর নাপাক। গোসল  
লাগবে। পেশাব করে দিয়েছেন তো।

আজিজ মাস্টার জবাব দিল না। ইজিচেয়ারটিতে চোখ বন্ধ করে  
হেলান দিয়ে পড়ে রইল। ইজি চেয়ারটি নীল সেনের। শুয়ে থাকতে  
বড় আরাম।

ঃ মাস্টার সাব : পানি চাইব নাকি বলেন ?

ঃ আপনার ইচ্ছা হলে চান।

ঃ এর মধ্যেতো পোষের কিছু নেই। এরাও মুসলমান।

ঃ হ'।

ঃ নামাজের পানি চাইলে এরা খুশিই হবে। পাক্কা মুসলমানদের  
এরা খুব পেয়ার করে। এরাওতো সাদ্চা মুসলমান।

ঃ যান না। গিয়ে চান।

ঃ ভয় লাগে।

ঃ ভয়ের কি আছে ?

ইমাম সাহেব নড়েন না। জুপড় হয়ে চেয়ারেই বসে থাকেন। চোখ  
বন্ধ করে ইজিচেয়ারে শুয়ে থাকতে থাকতে আজিজ মাস্টারের বিমুনি  
আসে। বিমুতে বিমুতে এক সময় ঘুমিয়েও পড়ে। এর মধ্যেই ছাড়া-  
ছাড়া বেশ কয়েকটি স্বপ্ন দেখে। ঘুমের মধ্যেই বুঝতে পারে—এগুলো  
স্বপ্ন। তবু তার ভালই লাগে।

ইমাম সাহেব বিরক্ত মুখে তাকিয়ে থাকেন তার দিকে। এ কেমন  
মানুষ—ঘুমিয়ে পড়েছে। তিনি হৃদু স্বরে ডাকেন—এই যে মাস্টার সাব।  
এই! আজিজ মাস্টার নড়ে চড়ে—কিন্তু তার ঘুম ভাঙে না।

নীলু সেন গত রাতে এক পলকের জন্যেও ঘুমতে পারেনি। দোতলার  
যে ঘরটিতে তার বিছানা, সে ঘরের বারান্দায় গড়াগড়ি করেছে। নীলু  
সেনের বোনপো বলাই চোখ বড় বড় করে মামার অবস্থা দেখেছে। রাত  
দুটোর দিকে বলাই তিক করল, মামার জন্যে ডাক্তার আনতে সরাইল  
বাজারে যাবে। পথঘাট এখন শুকনো। বদিউজ্জামানের সাইকেল নিয়ে

যাওয়া যাবে। নীলু সেন হাঁপাতে হাঁপাতে বলল—এতক্ষণ বাঁচব না।  
বলাই, এতক্ষণ বাঁচব না। বলাইয়েরও তাই ধারণা হল। এত কষ্ট  
সহ্য করে কেউ দীর্ঘ সময় বেঁচে থাকতে পারে না। থাকা উচিতও নয়।

ঃ ব্যাথাটা কোনখানে ?

ঃ তলপেটে।

বলাই দ্বিতীয় প্রহের সময় পেল না। নীলু সেনের মুখ দিয়ে গাঁজলা  
বেরুতে লাগল। সময় শেষ হয়েছে বোধ হয়। এত বড় বাড়িতে দুটি  
মাত্র প্রাণী। বলাইয়ের ভয় করতে লাগল। কি সর্বনাশ! এ কি বিপদ!

ঃ মামা, গ্রামের দুই একজন মানুষের ডাক দিয়া আনি ?

ঃ তুই নড়িস না। আমার সময় শেষ।

বলাই মামার হাত ধরে বসে রইল। তার কাছে মনে হল, মামার  
গা হাত পা ঠাণ্ডা হয়ে আসছে। বলাই ঘামতে লাগল।

কিন্তু শেষরাতে হঠাৎ ব্যথা কমে গেল। নীলু সেন শান্ত স্বরে  
বলল—ব্যথা নাই। বলাই, ঠাণ্ডা পানি দে এক গ্লাস।

বলাই পানি এনে দেখে মামা মেঝেতেই ঘুমাতে পড়েছে।

নিশ্চিত্ত আরামের ঘুম। বড় মামা লক্ষ্যে দেখে।

গ্রামে মিলিটারি আসার এতবড় একটা খবরেও বলাই তার ঘুম  
ভাঙল না। আহা বেচারী ঘুমকে!

নীলু সেনের ঘুম ভাঙল মিলিটারিরা। ডাকাডাকি হৈ চৈ ওনে  
নীলু সেন দোতলার জানালা দিয়ে মুখ বের করল। কি ব্যাপার? নীল  
সার্ভ পুরা একটি লোক বসল, আপনার নাম কি নীলু? নীলু সেন?

ঃ জে আজ্ঞে

ঃ আপনার বাড়িতে আর কে আছে?

ঃ বলাই। আমার বোনপে বলাই। আপনারা কে?

ঃ বলাইকে নিয়ে নিচে নেমে আসেন।

নীলু সেন বলাইকে কোথাও খুঁজে পেল না। গায়ে একটা  
পাতলা সুজনী চড়িয়ে নিচে নেমে এল। ভারী দরজা খুলতে সময়  
লাগল। বাইরে থেকে অসহিষ্ণু কন্ঠে কে খেন বলল—এত সময়  
লাগছে কেন?

নীলু সেন কিছুই বুঝতে পারছে না। তার ঘুমের ঘোরও বোধ হয়  
ভাল মত কাটেনি। সে দরজা খুলে বিনীত ভঙ্গিতে বলল—আদাব।

তার কথা শেষ হবার আগেই চার পাঁচটি গুলির শব্দ হল। নীলু  
সেন কাত হয়ে পড়ে গেল দরজার পাশে। কোন চিৎকার না—নিঃশব্দ

মত। নীল সার্ভ' পরা লোকটি ডাকল—বলাই। বলাই।

বদিউজ্জামান মাথা নীচু করে কয়েক ঢোক পানি খেল। তৃষ্ণায় বুক ফেটে যাচ্ছে। তার মনে হল পায়ে আর কোন বোধশক্তি নেই। মাথা কেমন যেন করছে। গিরগিটিটি তাকিয়ে আছে তার দিকে। এর চোখ দুটি মানুষের মত মনে হয় হাসছে। বুড়ো মানুষের মত মাথা ঝুকিয়ে ঝুকিয়ে হাসা। সে হাত ইশারা করে গিরগিটিটাকে বিদেয় করতে চাইল। কিন্তু সে যাচ্ছে না। তাকিয়ে আছে।

আচ্ছা, মিলিটারিদের সম্পর্কে যে সব গল্প শোনা যায়, সেগুলো কি সত্যি? শুধু শুধু এরা মানুষ মারবে কেন? এরা নাকি নতুন কোন জায়গায় গেলেই প্রথম থাকায় চল্লিশ পঞ্চাশ জন মানুষ মেরে ফেলে ভয় দেখাবার জন্যে। এটা একটা কথা হল? সব গুজব। এর আগে আল্লাহর বান্দা। মিলিটারি মানুষ, রক্ত একটু গরম—এই আর কি। এটাতো দোষের কিছু নয়। পোশাকটাই এরকম, গায়ে দিবে রক্ত গরম হয়ে যায়।

বদিউজ্জামান খুক খুক করে দু'বার শশল। নিজের কাশির শব্দে নিজেই চমকে উঠল। কেমন মানুষের মত কাণ্ড করছে। নির্জন জায়গা। অল্প শব্দ হলেই আতঙ্কিত হয়ে থেকে শোনা যায়। আবার কাশি আসছে। বদিউজ্জামান ক্রমাগত সামলাবার চেষ্টা করতে গিয়ে ঘড়ঘড় একটা শব্দ বের করল। গিরগিটিটা ভয় পেয়ে চলে যাচ্ছে। না, যাচ্ছে না, আবার দাঁড়িয়ে পড়ছে। পানি খেতে এসেছে বোধ হয়। তাকে দেখে পানি খাবার সাহস হচ্ছে না, আবার তৃষ্ণা নিয়ে চলেও যেতে পারছে না।

বদির আবার তৃষ্ণা বোধ হল। সে মাথা নীচু করে কয়েক ঢোক পানি খেল।

নীল সার্ভ' পরা লোকটি বলল—আপনারা দু'জন আসেন আমার সঙ্গে। আজিজ মাস্টার তাকাল ইমাম সাহেবের দিকে। ইমাম সাহেব ভীত স্বরে বললেন—কোথায়? নীল সার্ভ' পরা লোকটির মুখ অস্বাভাবিক গম্ভীর। তাকে কোন প্রশ্ন দ্বিতীয়বার করার সাহস হয় না। তবু ইমাম সাহেব দ্বিতীয়বার জিজ্ঞেস করলেন, কোথায়?

ঃ বিলের কাছে।

ঃ কেন ?

ঃ মেজর সাহেব নিয়ে যেতে বগেছেন।

ঃ কি জন্যে ?

ঃ এত কিছু জিজ্ঞেস করবার দরকার নেই। আপনারা উঠেন। মেজর সাহেব অপেক্ষা করছেন।

ঃ বড় ভয় লাগতেছে ভাই।

ঃ ভয়ের কিছু নাই—আসেন।

ঃ আজিজ মাস্তীর একটি কথাও বলজো না। নিঃশব্দে বেরিয়ে এল। সবার শেষে বেরলেন ইমাম সাহেব। তিনি খুঁড়িয়ে খুঁড়িয়ে হাঁটছিলেন।

জুলঘরের বারান্দায় কেউ নেই। ধু ধু করছে চারদিক। বসে থাকার সেপাইরা কখন গিয়েছে, কোথায় গিয়েছে কে জানে। ঘরের ভেতরে বসে কিছুই বোঝা যায়নি। হয়তো কোন পাহারা টাহারা ছিল না। ইচ্ছে করলেই পালিয়ে যাওয়া যেত। ইমাম সাহেব প্রশ্ন করে বলেছেন, এরা সব কোথায় গেল ?

নীল সার্ভ পরা লোকটি বলল— বেশী কথা বলবেন না। আপনারা মৌলভী মুসল্লিরা বেশী কথা বলেন আর বঙ্গবাজার সৃষ্টি করেন। কম কথা বলবেন।

ঃ জি আচ্ছা।

ইউনিয়ন বোর্ডের সড়ক সীল তারা এডল নিঃশব্দে। জুলঘরের পাশে আট ন'জন সেপাইবের একটি দল দাঁড়িয়ে আছে। তারা তাকিয়ে আছে তীক্ষ্ণ দৃষ্টিতে। ইমাম সাহেবের ঘন ঘন নিশ্বাস পড়তে লাগল। তিনি নীল সার্ভ পরা লোকটির দিকে তাকিয়ে নরম গলায় বললেন—

ঃ ভাই আপনার নাম কি ?

ঃ রফিক।

ঃ রফিক সাহেব, আমার জোহরের নামাজ কাজা হয়ে গেছে। পানির অভাবে অজু করতে পারি নাই।

রফিক তার কোন জবাব দিল না। আগে আগে হাঁটতে লাগল। কোথাও কোন মানুষ জন নেই। প্রায়ের সবাই কি ঘরে দরজা বন্ধ করে বসে আছে নাকি ? ইমাম সাহেব বললেন—ভাই, আপনার দেশ কোথায় ? বাড়ি কোন জিলায় ?

ঃ বাড়ি দিয়ে কি করবেন ?

ঃ না এশিন জিজ্ঞেস করলাম। আমার দেশ কুমিল্লা। নবীনগর।

ঃ ভাল।

ঃ সামনের মাসে ইনশাআহ দেশে যাবো। বহুত দিন যাই না।

রফিক কিছুই বলল না। সে হাঁটছে মাথা নীচু করে। এমনভাবে হাঁটছে, যেন পথ-ঘাট খুব ভাল চেনা। কিন্তু এ লোকটি এই গ্রামে আগে কখনো আসেনি। আজিজ মাস্টার বলল—মেজর সাহেব কেন ডেকেছেন আপনি জানেন ?

ঃ জানি।

ঃ জানলে আগাদের বলেন।

রফিক নিস্পৃহ স্বরে বলল—একটি অপরাধীর বিচার হবে। ওর নাম মনা। সে খুন করেছে। সেই খুন নিয়ে কোন থানা পুলিশ হয়নি। এক বুদ্ধি নাশিশ করেছে মেজর সাহেবের কাছে। ঐ বুদ্ধির নাম চিত্রা বুদ্ধি।

ইমাম সাহেব বললেন—চিত্রা বুদ্ধি? খুব বজ্জাত। নসজিদের একটা বদনা চুরি করেছে।

ঃ বদনা চুরি করুক আর না করুক মেজর সাহেব তার কথা শুনে খুব রাগ করেছেন। মনাকে ধরা হয়েছে। শাস্তি শাস্তি হবে।

আজিজ মাস্টার ক্ষীণ স্বরে বলল—কি শাস্তি ?

ঃ মিলিটারিদের তো আর জেল হাজির নাই যে জেলে ঢুকিয়ে দেবে। ওদের শাস্তি একটাই। ছোট অপরাধের জন্যে যে শাস্তি, বড় অপরাধের জন্যেও সেই শাস্তি।

ঃ কি সেটা ?

ঃ বুঝতেইতো পারছেন, আবার জিজ্ঞেস করছেন কেন ?

ইমাম সাহেব কখনো পলায় বললেন—আমরা গিয়ে কি করব ?

ঃ আপনারা শাস্তি দেখবেন।

ঃ শাস্তি দেখব ?

ঃ হ্যাঁ। এর দরকার আছে।

ঃ কি দরকার ?

ঃ মেজর সাহেবের ধারণা এটা দেখার পর আপনারা তাঁর কথা শুনবেন। কোন কিছু জিজ্ঞেস করলে সোজাসুজি জবাব দেবেন।

ঃ ও।

ঃ শুনে ইমাম সাহেব, আপনি কথা বেশি বলেন। কথা বেশি বলে একবার মার খেয়েছেন। কথা খুব কম বলবেন।

ঃ জি আচ্ছা।

ঃ নিজের থেকে কোন কথা বলবেন না। এখন সময় খারাপ।

ঃ জি তা ঠিক।

ইমাম সাহেব চুপ করে গেলেন।

মীর আলি বাড়ির উঠনে বসে ছিল। আজ বাড়িতে রান্না হয়নি। খিদের যন্ত্রণায় সে অস্থির হয়ে পড়ল। এই বয়সে খিদে সহ্য হয় না। অনুফাকে কয়েকবার ভাতের কথা বলাও হয়েছে। কিন্তু অনুফা কিছুই করছে না। সে ভয়ে অস্থির হয়ে আছে। ভাত রান্নায় তার মন নেই। ভয় মীর আলিরও লাগছে। কিন্তু খিদের কণ্ট বড় কণ্ট।

আজিজ মাস্টাররা তার বাড়ির সামনে দিয়ে যাবার সময় সে এক থালা মুড়ি নিয়ে বসেছিল। এই বয়সে মুড়ি চিবোতে কণ্ট হয়, তবু চিবোতে হয়। যা ভাব-সাব, তাতে মনে হচ্ছে আজ আর রান্না হবে না। পায়ের শব্দে মীর আলি চমকে উঠে বজল—কেডা বায়?

ঃ আমি আজিজ। আজিজ মাস্টার।

ঃ তোমার সঙ্গে কেডা বায়?

আজিজ মাস্টার জবাব দিল না।

ঃ কথা কওনা যে, ও মাস্টার। মাস্টার।

রফিক বজল—দাঁড়াবেন না, পুরী হয়ে যাচ্ছে

ঃ ও মাস্টার, কে কথা বলবে?

রফিক শীতল স্বরে বজল—আমার নাম রফিক। লাল্টা নিয়া আপনি মরের ভেতরে গিয়ে বসোনা।

ঃ মাস্টার, এইখানে কটা কে? মিলিটারি?

ঃ না। আমি মিলিটারি না।

ঃ আপনার বাড়ি কোন গ্রাম?

রফিক তার জবাব দিল না। হাঁটতে শুরু করল। ইমাম সাহেব তাল মিলিয়ে হাঁটতে পারছেন না। ক্রমাগত পিছিয়ে পড়ছেন। তার জন্যে দু'জনকেই মাঝে মাঝে দাঁড়াতে হচ্ছে। রফিক বজল, হাঁটতে কণ্ট হলে আমার হাত ধরে হাঁটেন।

ঃ জি না। কোন কণ্ট নাই।

ঃ লজ্জার কিছু নাই। আমার হাত ধরে হাঁটেন।

ঃ শুকরিয়া। ভাই আপনার বয়স কত?

ঃ আমার বয়স দিয়ে কি করবেন?

ঃ এশ্বিন জিঙ্কেস করলাম।

ঃ আপনাকে তো বলেছি বিনা প্রয়োজনে কথা বলবেন না।

ঃ জি আচ্ছা।

ঃ আমার বয়স তিরিশ।

রফিককে দেখে বয়স আরো বেশি মনে হয়। রোগা এবং লম্বা, ছোট ছোট চোখ। কথা বললে চোখ আরো ছোট হয়ে যায়। মনে হয় লোকটি যেন চোখ বন্ধ করে কথা বলছে।

ইমাম সাহেব দোয়া ইউনুস পড়তে লাগলেন। রাই লাহা ইল্লা আনতা সোভাহানাকা ইন্নি কুনতু মিনাজ্জাম্বালেমিন।

মনা কৈবর্ত তার এগারো বছরের ভাইকে নিয়ে তেঁতুল গাছের নিচে চুপচাপ বসে আছে। মনার শরীর বিশাল--প্রায় পাত্তের মত। তার ভাইটি অসম্ভব রোগা। সে মনার লুঙ্গির এক প্রান্ত শক্ত করে ধরে আছে। তাকালে সবার মুখের দিকে। বার বার কোঁচ কোঁচ উঠছে। মনাকে খুব একটা বিচলিত মনে হচ্ছে না।

মেজর সাহেব প্রায় দশ গজ দূরে দাঁড়িয়ে সিগারেট টানছেন। তাঁর সঙ্গে একজন ননকমিশনড অফিসার। এরা দু'জন নীচু গলায় নিজেদের মধ্যে কথা বলছে। মেজর সাহেব সম্ভবত কোন রসিকতা করলেন। দু'জনেই উঁচু গলায় হাসতে শুরু করল। মনার ভাইটি চোখ বড় বড় করে তাকান তাদের দিকে। বিলের পারের উঁচু জায়গায় একদল রাজাকার দাঁড়িয়ে। খুব কাছেই মিলিটারি আছে বলেই হয়তো তারা বুক ফুলিয়ে আছে। অহংকারী গবিত ভঙ্গি। এদের মধ্যে শুধু দু'জনের পায়ে স্পঞ্জের স্যাঙল। বাকি কারোর পায়ে কিছু নেই। এরা নিজেদের মধ্যে গনগন করে কথা বলছে। তবে এদের মুখ শুকনো, ভয় পাওয়া চোখ।

মেজর সাহেব এগিয়ে এলেন মনার দিকে। মনার ছোট ভাইটি শক্ত হয়ে গেল। মনার সঙ্গে মেজর সাহেবের নিশ্চলিত কথাবার্তা হল। কথাবার্তা হল রফিকের মাধ্যমে। আজিজ মাস্টার ও ইমাম সাহেবকে সরিয়ে দেয়া হল। তারা বসে রইল বিলের পাড়ে। প্রমোত্তর শুরু হল।

ঃ তুমি একটি খুন করেছ ?

মনা জবাব দিল না। মাটির দিকে তাকিয়ে রইল।

ঃ চুপ করে থাকবে না। স্পষ্ট জবাব দাও। বল হ্যাঁ কিংবা না।

ঃ হ্যাঁ।

ঃ গুড। স্পষ্ট জবাব আমি পছন্দ করি। এখন বল কেন করেছে ?  
বিনা কারণে তো কেউ মানুষ মারে না।

ঃ হে আমার পরিবারের সঙ্গে খারাপ কাম করছে।

ঃ তাই নাকি ?

ঃ হুঁ আছে।

ঃ উত্তেজিত হবার মতই একটি ব্যাপার। তোমার স্ত্রীকে কি শাস্তি  
দিয়োছ ?

মনা মাটির দিকে তাকিয়ে রইল। জবাব দিল না। প্রশ্নের ধারা  
সে বুঝতে পারছে না।

ঃ বল বল। কুইক। সময় বেশি নেই আমার হাতে।

মনা ঘামতে শুরু করেছে।

ঃ আমার মনে হচ্ছে, তুমি কোন শাস্তি দাওনি।

ঃ জি না।

ঃ সে নিশ্চয়ই খুব রূপবতী ?

মনা চোখ তুলে তাকাল। কিছুই বলল না।

ঃ বল। চট করে বল। সে কি রূপবতী ?

ঃ জি।

ঃ তাহলে অবশ্য শাস্তি দাও দিয়ে ভালই করছ। একটি সুন্দরী  
নারীকে শাস্তি দেয়ার পেছনে কোন যুক্তি নেই। তোমার স্ত্রীর নাম কি ?

মনার চোখে উত্তেজনা ছাড়া পড়ল। মেজর সাহেবের কথাবার্তা কেমন  
যেন অন্য রকম হয়ে গেছে।

ঃ বল তোমার স্ত্রীর নাম বল।

মনা কিছুই বলল না। রফিক বলল—গ্রামের মানুষেরা অপরিচিত  
মানুষের কাছে স্ত্রীর নাম বলে না।

ঃ কেন বলে না ?

ঃ আমি জানি না স্যার।

ঃ তুমিতো অনেক কিছুই জান, এটা জান না ?

ঃ আমি অনেক জিনিস জানি না।

মেজর সাহেব মনার দিকে আরো কয়েক পা এগলেন। আঙুল দিয়ে  
ইশারা করে বললেন—এই ছেলেটি কি হয় তোমার ?

ঃ এ আমার ছোট ভাই।

ঃ ওর নাম কি ?

ঃ বিরু ।

মেজর সাহেব তাকালেন বিরুর দিকে । বিরু কুঁকড়ে গেল । মেজর সাহেব শান্ত স্বরে বললেন—বিরু, তুমি লুঙ্গি ধরে টানাটানি করছ কেন ? লুঙ্গি ছেড়ে দাও । বিরু লুঙ্গি ছেড়ে দিল না । আরো ঘেঁষে গেল ডাইয়ের দিকে । তার চোখে মুখে ভয়ের ছায়া পড়েছে । শিশুরা অনেক কিছু আগাই বুঝতে পারে । সেও হয়তো পারছে ।

ঃ মনা ।

ঃ কি ?

ঃ তুমি বড় একটা অন্যায় করেছ । কিছুক্ষণের মধ্যেই তার শাস্তি হবে । তোমার কি বলার আছে ?

মনা তাকিয়ে রইল । তার চোখে পলক পড়ছে না । মেজর সাহেব সিগারেট ধরালেন । অস্থির ভঙ্গিতে দৃঢ় স্বরে বললেন—এই দু'জনকে পানিতে দাঁড় করিয়ে দাও । রফিক ইংরেজিতে বললো—এই বাচ্চাটিকেও ?

ঃ হ্যাঁ ।

ঃ স্যার, এর কি কোনো প্রয়োজন আছে ?

ঃ প্রয়োজন আছে । এর প্রয়োজন আছে । আমি নিশ্চরতার একটা নমুনা দেখাতে চাই ।

ঃ স্যার, তার কোনো প্রয়োজন নাই ।

ঃ প্রয়োজন আছে । আসে এই ঘটনাটি ঘটবার পর মিলিটারির নাম শুনলে ওরা কাপড় মজুত করে দেবে । গর্ভবতী মেয়েদের গর্ভপাত হয়ে যাবে ।

ঃ ভাত কি লাভ স্যার ?

ঃ লাভ নোকসনি আমার দেখার কথা, তোমার না । আমার সঙ্গে তর্ক করবে না ।

রফিক চূপ করে গেল । মেজর সাহেব তীক্ষ্ণ স্বরে বললেন—এসব কথা পরবর্তী সময়ে কেউ মনে রাখবে না । অত্যাচারী রাজারা ইতিহাসে বীরশ্রেষ্ঠ হিসেবে সম্মানিত হন । আলেকজান্ডারের নৃশংসতার কথা কি কেউ জানে ? সবাই জানে—আলেকজান্ডার দি গ্রেট ।

রফিক কিছুই বলল না । মেজর সাহেব সহজ সুরে বললেন—যা করতে বলা হয়েছে কর । আর শোন, ঐ ইমাম এবং ঐ মাস্টার—ওদের দু'জনকে খুব কাছাকাছি কোথাও বসিয়ে দাও । আমি চাই, যাতে ওরা খুব ভালভাবে দৃশ্যটা দেখে ।

ঃ ঠিক আছে স্যার ।  
 ৷ বাই দা ওয়ে, আমি দেখলাম ঐ ইমাম তোমার হাত ধরে ধরে আসছে । কী ব্যাপার ?  
 ৷ হাঁটিতে পারছিল না ।  
 ৷ ঠিকই পারবে । দৃশ্যটি তাদের দেখতে দাও, তারপর ওদের হাঁটিতে বললে হাঁটবে, দৌড়াতে বললে দৌড়াবে । লাক্ষাতে বললে লাক্ষাবে । ঠিক নয় কি ?

৷ হয়ত ঠিক ।  
 ৷ হয়ত বলছ কেন ? তোমার মনে সন্দেহ আছে ?  
 ৷ স্ত্রি না স্যার ।  
 ৷ ওও । সন্দেহ থাকা উচিত নয় । রফিক ?  
 ৷ স্ত্রি স্যার ?  
 ৷ তোমাকে সঙ্গে নিয়ে বেরব । গ্রামটি জীবন্ত ঘুরে দেখতে চাই ।

৷ ঠিক আছে স্যার ।  
 ৷ মনে হয় দেখার মত ইন্টারেস্টিং অনেক কিছুই আছে এ গ্রামে ।  
 ৷ কিছুই নেই স্যার । এটা একটা মসজিদ গ্রাম ।  
 রাজাকাররা মনা আর তার ভাইটিকে তৈনে পানিতে নাগিয়ে দিল ।  
 বিক্র তার ভাইয়ের কোমর জড়িয়ে ধরে আছে । সে কাঁপছে খর খর করে ।  
 মনা এক হাতে তার ভাইকে ধরছে ।

রাইফেল তাক করা সত্ত্বে বিক্র চিৎকার করতে লাগল—দাদা বড় ভয় লাগে । ও দাদা ভয় লাগে । মনা মৃদু স্বরে বলল, ভয় নাই । আন্নারে শান্ত কইরা ধর ।  
 বিক্র প্রাণপণ শক্তিতে ভাইকে আঁকড়ে ধরল ।

ইমাম সাহেব গুলি হবার সময়টাতে চোখ বন্ধ করে ফেললেন । এবং তার পর পরই মুখ ভর্তি করে বমি করলেন । আজিজ মাস্টার সমস্ত ব্যাপারটি চোখের সামনে ঘটতে দেখল । এক পলকের জন্যেও দৃষ্টি ফিরিয়ে নিল না ।

আলো মরে আসছে ।

আকাশে মেঘ জমতে শুরু করেছে । মেজর সাহেব আকাশের দিকে তাকিয়ে বললেন—কি রফিক, রুষ্টি হবে ?

৩ : হতে পারে। এটা বাড়় রুষ্টিৰ সনয়।

৪ : তোমার দেশের এই বাড়় রুষ্টিটা ভালই লাগে।

রফিক মৃদু স্বরে বলল—তোমার দেশ বললেন কেন? মেজর সাহেব তীক্ষ্ণ দৃষ্টিতে তাকালেন। কিছু একটা বলতে গিয়েও বললেন না।

কোথাও কোন শব্দ নেই। যেন গ্রামে কোনো জনমানুষই নেই। মেজর সাহেব হাল্কা গলায় বললেন, মানুষকে ভয় পাইয়ে দেবার একটা আলাদা আনন্দ আছে। আছে না?

রফিক জবাব দিল না। মেজর সাহেব বললেন, মানুষের ইনসটিংটের মধ্যে এটা আছে। অন্যকে পায়ের নিচে রাখার আকাঙ্ক্ষা। তোমার নেই?

৫ : না।

৬ : আছে, তোমারও আছে। সবারই আছে। থাকতেই হবে।

রফিক কিছুই বলল না। তারা হাঁটছে পাশাপাশি। মেজর সাহেব কথা বলছেন বন্ধুর মত। তাঁর কথার ধরন দেখে মনে হয় রফিককে তিনি যথেষ্ট গুরুত্ব দেন।

বদিউজ্জামানের বাড়ির সামনে দিয়ে সাধারণ সময় মীর আলি তীক্ষ্ণ কণ্ঠে বলল—কেডা যায়। কেডা যায়, জয়বাল মিয়া?

মেজর সাহেব ধমকে দাঁড়ালেন। রফিক বলল—লোকটা প্যার অক্ল। মেজর সাহেবকে মনে পড়ল এই খবরে বেশ উৎসাহিত হোক করছেন।

৭ : কে লোকটি, কথা বলল না। কেডা গো?

৮ : আমি রফিক।

৯ : রফিকটা কেউ? কোন বাড়ির?

১০ : ঘরের ভেতর গিয়ে বসেন চাচা।

মেজর সাহেব ঠাণ্ডা গলায় বললেন—তুমি ওকে কি বললে? রফিক হংরেজীতে বলল—আমি তাঁকে ঘরে যেতে বললাম।

১১ : কেন?

১২ : গ্রামে বললাম।

মীর আলি ভয় পাওয়া গলায় চেঁচাল—এরা কে? এরা কে? মেজর সাহেব বললেন—তুমি ওকে বল আমি মেজর রাজাজ আহমেদ, কমান্ডিং অফিসার ফিফটি এইট্‌থ ইনফেন্ট্রি ব্যাটালিয়ান।

১৩ : স্যার বাদ দেন। বুড়ো মানুষ।

১৪ : তোমাকে বগতে বগেছি তুমি বল। যাও, কাছে গিয়ে বল।

রফিক এগিয়ে গেল। মেজর সাহেব তাকিয়ে রইলেন তীক্ষ্ণ দৃষ্টিতে।

তিনি কি বুড়োর চোখে মুখে কোন পরিবর্তন দেখতে চাচ্ছিলেন ? কোন রকম পরিবর্তন অবশ্য দেখা গেল না। রফিক ফিরে আসতেই মেজর সাহেব বললেন—তুমি এই অন্ধ বুড়োকে বল, মেজর সাহেব আপনাকে সালাম জানাচ্ছেন।

রফিক তাকিয়ে রইল। মেজর সাহেব বিরক্ত স্বরে বললেন—দাঁড়িয়ে আছ কেন, যাও। রফিক এগিয়ে গেল। বুড়ো মীর আলি কিছুই বলল না। মাথা নিচু করে বসেই রইল।

আকাশে মেঘ জমাছে। প্রচুর মেঘ। বাল্যবৈশাখী হবে নিশ্চয়ই। তারা হাঁটছে নিঃশব্দে। রফিক একটি সিগারেট ধরিয়েছে। মেজর সাহেব তাকে মাঝে মাঝে লক্ষ্য করছেন।

ঃ রফিক।

ঃ জি স্যার।

ঃ তুমিতো জানতে চাইলে না আমি ওকে সালাম জানালাম কেন। জানতে চাও না ?

রফিক কিছু বলল না।

রোগোবা গ্রামে আমার যে বৃদ্ধ বাবা থাকেন, তিনি অন্ধ। তিনিও বাড়ির উঠানে এই বুড়োটির মত বসে থাকেন। পায়ের শব্দ পেলেই এই বুড়োটির মত বলেন: উয়ে কৌন ?

ঃ পৃথিবীর সব জায়গার মানুষই আসলে এক রকম।

ঃ কথাটি কি তুমি বিশেষ কোনো কারণে বললে ?

ঃ না, কোনো বিশেষ কারণে বলিনি।

ঃ রফিক, আমরা একটা যুদ্ধের মধ্যে জড়িয়ে পড়েছি। সারভাইভালের প্রশ্ন। এই সময়ে অন্যান্য কিছু হবেই। উল্টোটা যদি হতো — ধর বাঙালী সৈন্য আমার গ্রামে ত্তিক আমাদের মত অবস্থায় আছে, তখন তারা কি করত ? বল কি করত তারা ? যে অন্যান্য আমরা করছি, তারা কি সেগুলো করত না ?

ঃ না।

ঃ না! কি বলছ তুমি! যুক্ত দিয়ে কথা বল। রাগ, ঘৃণা হিংসা আমাদের মধ্যে আছে, তোমাদের মধ্যেও আছে।

রফিক হঠাৎ দাঁড়িয়ে পড়ল। হাত ইশারা করে বলল—এরা ডেডবডিটা এখনো সরায়নি। মেজর সাহেব দেখলেন দরজার পাশে বুড়োমতো একটি লোক কাত হয়ে আছে। নীল রঙের বড় বড় মাছি ভন ভন করে উড়ছে চারদিকে।

ঃ স্যার, এই লোকটির নাম নীলু সেন।  
ঃ এর কি কোন আত্মীয়স্বজন নেই? এভাবে ফেলে রেখেছে কেন?  
রফিক গলা উঁচিয়ে ডাকল—বলাই, বলাই। কোন সাড়া পাওয়া  
গেলো না।

ঃ কাকে ডাকছিলে?

ঃ বলাইকে। ওর ছেলে কিংবা এরকম কিছু। এরা দু'জন এই  
বাড়িতে থাকে।

ঃ এত বড় একটা বাড়িতে দুটি মাত্র প্রাণী থাকে!

ঃ এখন থাকে একটি।

ঃ রফিক।

ঃ জি স্যার।

ঃ আমার মনে হয় তুমি স্ফর্মভাবে আমাকে কিছু বলবার চেষ্টা  
করছ।

ঃ স্যার আমি কিছুই বলবার চেষ্টা করছি না। এখন যা বলার তা  
আপনি বলবেন। আমি শুধু শুনব।

ঃ এর মানে কি?

ঃ কোন মানে নেই স্যার। 'আপনি যা মনে খুঁজছেন কেন?

দু'জন আবার হাঁটতে শুরু করল। কালিমন্দিরের সামনে মেজর  
সাহেব ধামলেন। কালিমন্দির তিনি এর আগে দেখেননি। একটি মাত্র  
দরজা খোলা, পরিষ্কার কিছু দেখা যাচ্ছে না। মেজর সাহেব ঘরের  
ভেতরে ঢুকে দেখতে চাইলেন। রফিক বলল—স্যার, বাড়ি হবার সম্ভাবনা।  
আমাদের তড়াতাড়ি ফেরা উচিত।

ঃ ফিরব, তোমাদের কালিমূর্তি দেখে যাই।

ঃ তোমাদের বলা ঠিক নয় স্যার। আমি মুসলমান।

ঃ তোমরা মাত্র পঁচিশ ভাগ মুসলমান, বাকি পঁচাত্তর ভাগ হিন্দু।  
তুমি মন্দিরে ঢুকে মূর্তিকে প্রণাম করলেও আমি কিছুমাত্র অবাক হবো  
না।

রফিক কোন জবাব দিল না। মেজর সাহেব দীর্ঘ সময় ধরে আগ্রহ  
নিয়ে মূর্তি দেখলেন। হাসি মুখে বললেন—চারটি হাতে এই মহিলাটিকে  
মাকড়সার মত লাগছে। লাগছে না?

ঃ আমার কাছে লাগছে না। আমরা ছোটবেলা থেকেই মূর্তিগুলি  
এ রকম দেখে আসছি। আমার কাছে এটাকেই স্বাভাবিক মনে হয়।

মেজর সাহেব একটা সিগারেট ধরালেন। তারপর অত্যন্ত ঠাণ্ডা  
পনায় বললেন—রফিক !

ঃ জি স্যার ?

ঃ এই মূর্তিটির পেছনে একজন কেউ লুকিয়ে আছে।

রফিক চুপ করে রইল।

ঃ তুমি সেটা আমার আগেই বুঝতে পেরেছ। পারনি ?

রফিক জবাব দিল না।

ঃ বুঝতে পেরেও আমাকে কিছু বলনি।

রফিক ক্লাস্ত স্বরে ডাকল—বলাই, বলাই। মূর্তির পেছনে কিছু একটা  
নড়েচড়ে উঠল।

ঃ তুমি কি করে বুঝলে ও বলাই ?

ঃ আমি অনুমান করছি। মন্দিরে আশ্রয় নিয়েছে, তাই অনুমান  
করছি। বলাই নাও হতে পারে। হয়তো অন্য কেউ। হয়তো কানাই।

ঃ মন্দিরে আশ্রয় নিয়ে সে কি ভাবছে, মা কালী ওকে রক্ষা করবেন ?

ঃ ভাবাইতো প্রাভাবিক। অনেক মূল্যবান মসজিদে  
মসজিদে আশ্রয় নেয়। ভাবে আল্লাহ তাদের রক্ষা করবেন।

মেজর সাহেবের দৃষ্টি তীক্ষ্ণ হল। রফিক নির্বিকার ভঙ্গিতে বলল—  
অনেক জায়গায় মসজিদ থেকে পুঁজি বের করে ওদের মারা হয়েছে।  
আল্লাহ তাদের রক্ষা করতে পারেননি।

ঃ তুমি কি বলতে চাচ্ছ ?

ঃ আপনি যদি ধরতে পারতে চান—কালিমূর্তি ওকে রক্ষা করতে  
পারবে না। এটাই বলতে চাচ্ছি, এর বেশি কিছু না।

ঃ ওকে বের হয়ে আসতে বল।

রফিক ডাকল—বলাই, বলাই। বলাই জবাব দিল না।

একটা মৃদু ফোঁপানির শব্দ শোনা গেল। প্রায় সঙ্গে সঙ্গে ঝড়  
শুরু হল। প্রচণ্ড ঝড়। মেজর সাহেব মন্দিরের ভেতর থেকে বারান্দায়  
এসে দাঁড়ালেন। হুম হুম শব্দ উঠছে। দেখতে দেখতে আবহাওয়া  
রুদ্ধ মূর্তি ধারণ করল। মন্দিরসংলগ্ন বাঁশঝাড়ে ভর ধরানো শব্দ  
হতে লাগল। রফিক এসে দাঁড়াল মেজর সাহেবের পাশে। মেজর  
সাহেব মুগ্ধ কণ্ঠে বললেন—বিউটিফুল ! কালিমূর্তির পেছনে উবু হয়ে  
বসে থাকা বলাইয়ের কথা তাঁর মনে রইল না। ঝড়ের সঙ্গে সঙ্গে ফোঁটা  
ফোঁটা রুষ্টি পড়তে শুরু করেছে। মেজর সাহেব দ্বিতীয়বার বললেন—  
বিউটিফুল !

সামনে পোয়া মাঠ। অনেক দূর পর্যন্ত দেখা যাচ্ছে। মাঠে ধূলা ও গুকনো পাতায় ঘূর্ণির মত উঠেছে। এর মধ্যেই খালি গায়ে একজনকে ছুটে যেতে দেখা গেল। তার ভাব দেখে মনে হচ্ছে সে মহা উল্লাসিত। মেজর সাহেব বললেন, লোকটিকে দেখতে পাচ্ছ? রফিক নিশ্চুপ স্বরে বললো—ও নিজাম, পাগল। আমাদের সব গ্রামে একটি পাগল থাকে।

ঃ এ গ্রামের সবাইকে কি তুমি এর মধ্যেই চিনে ফেলেছো ?

ঃ না, কয়েকজনকে চিনি। সবাইকে না।

ঃ ঐ পাগলটা কি জঙ্গল মাঠের দিকে যাচ্ছে না ?

ঃ মনে হয় যাচ্ছে। পাগলরা বন-জঙ্গল খুব পছন্দ করে। মানুষের চেয়ে গাছকে তারা বড় বন্ধু মনে করে।

ঃ রফিক।

ঃ জি স্যার।

ঃ তোমার পড়াশোনা কতদূর ?

ঃ পাসকোর্সে বি. এ. পাস করেছি।

ঃ মাঝে মাঝে তুমি ফিনসফারদের মত কথা বল।

ঃ পরিবেশের জন্যে এরকম মনে হয়। বিশেষ বিশেষ পরিবেশে সাধারণ কথাও খুব অসাধারণ মনে হয়।

ঃ তা ঠিক।

মেজর সাহেব মাঠের দিকে তাকিয়ে রইলেন। বাড়ের চাপ ক্রমেই বাড়ছে। মন্দিরের একটা জাদুলা খুলে গিয়েছে। খট খট শব্দে বগনে তালো লেগে যাবার জোগাড়। রফিক বলল, স্যার কি ভেতরে গিয়ে বসবেন ?

ঃ না।

পাগল নিজাম সত্যি সত্যি কি বনের ভেতর ঢুকেছে? মেজর সাহেব তাকিয়ে আছেন তীক্ষ্ণ দৃষ্টিতে। তাঁকে অত্যন্ত চিন্তিত মনে হচ্ছে। কপালে ভাঁজ পড়েছে।

ঃ রফিক।

ঃ জি স্যার।

ঃ জর্জ বার্নার্ড শ' মিলিটারি অফিসার সম্পর্কে কি বলেছেন জান ?

ঃ জানি না স্যার।

ঃ তিনি বলেছেন, দশজন মিলিটারি অফিসারের মধ্যে ন'জনই হয় বোকা। বাকি একজন রামবোকা।

ঃ জর্জ বার্নার্ড শ'র রচনা আমাদের সিলেবাসে ছিল না। আমি তাঁর কোনো লেখা পড়িনি।

ঃ লোকটি রসিক। তবে তাঁর কথা শ্রিত্ব নয়। মাঝে মাঝে মিলিটারি অফিসারদের মধ্যেও বুদ্ধিমান লোক থাকে। যেমন আমি। শ্রিক না?

ঃ জি স্যার।

ঃ আমার কেন জানি মনে হচ্ছে তুমি যাকে পাগল বলছ, সে পাগল নয়। সে জঙ্গলা মাঠে যাচ্ছে খবর দিতে।

ঃ নিজাম আলি পাগল। ওর সঙ্গে আমার কথা হয়েছে।

ঃ কি কথা হয়েছে?

ঃ পাগলদের সঙ্গে যে রকম কথা হয়, সেরকম। বিশেষ কিছু না।

ঃ বুঝলে কি করে ও পাগল?

ঃ ও মিলিটারি আসায় অত্যন্ত খুশি হয়েছে। এর থেকেই বুঝেছি।

ঃ তুমি বলতে চাও মিলিটারি আসাটা কোনো আনন্দের ব্যাপার নয়?

ঃ জি না স্যার।

মেজর সাহেব দ্রু কুক্ষিত করে দূরের বনের দিকে তাকালেন। তারপর বললেন—চল যাই।

ঃ কোথায়?

ঃ স্কুলে ফিরে যাই।

ঃ এই ঝড়ের মধ্যে!

ঃ হ্যাঁ।

মেজর সাহেব মন্দিরের কাছাকাছি থেকে নেমে পড়লেন। ঝড়ে উড়িয়ে নিতে চাচ্ছে। কিন্তু তিনি ছোট ছোট স্বাভাবিক ভাবেই। সাপের শিষের মত শিশ দিচ্ছে বাতাস। জুশমাঘরের কাছাকাছি আসতেই মুসলধারে রুগিটি শুরু হল। মেজর এজাজ আহমেদ সেই রুগিটি গ্রাহ্যই করলেন না। নিজের মনে গুন গুন করতে লাগলেন। কিংস্টোন ট্রায়ের একটি গান। যার সঙ্গে বর্তমান পরিবেশ সমস্যার কোন সম্পর্কই নেই।

pretty girls are every where

and when you call me I will be there,

মেজর সাহেবের গলা বেশ সুন্দর।

ঝড় স্থায়ী হলো আধ ঘণ্টার মত।

ঝড়ে গ্রামের কারোর তেমন কোন ক্ষতি হল না। শুধু বদিউজ্জামানের নতুন টিনের বাড়িটির ছাদ উড়ে গেল। মীর আলি আতঙ্কে অস্থির হয়ে

চোঁচাতে লাগল অনুফা কি করবে ভেবে পেল না। তাদের বাড়ি গ্রামের বাইরে। ছুটে গ্রামে যাওয়ার কোন প্রশ্ন ওঠে না। গোয়ালঘরাটি এখনো টিকে আছে। সেখানে যাওয়া যায়। কিন্তু বাতাসের বেগ এখনো কমেনি। সেই নড়বড়ে চান্না কখন মাথার ওপর পড়ে তার তিক কি? সে পরীবানুকে কোলে নিয়ে তার খস্তরের হাত ধরে দাঁড়িয়ে রইল। মীর আলি ভাঙা গলায় চোঁচাতে লাগল—বদি। বদিরে, ও বদিউজ্জামান।

বদিউজ্জামানের চোখ জবাকুলের মত লাল। এখন আর তার আগের মত কণ্ঠবোধ হচ্ছে না। পানিতে দাঁড়িয়ে থাকতে তার ভালই লাগছে। ঝড় বৃষ্টির সময় সে নিজের মনে খানিকক্ষণ হেসেছে। কেন হেসেছে সে জানে না। কোন কারণ ছাড়াই হাসি এসেছে। বদিউজ্জামানের ডয়ও কমে এসেছে। কিছুক্ষণ আগে একটি শেয়াল এসে তার দিকে ত্রাকিয়ে ছিল। সে বেশ শব্দ করেই বলেছে—যাহ্ যাহ্। এই শেয়ালটি আবার এসেছে। মাথা ঘুরিয়ে ঘুরিয়ে তাকে দেখছে। অন্ধকার হয়ে আসছে। টকটকে লাল চোখ নিয়ে বদিউজ্জামান ত্রাকিয়ে আছে শেয়ালটির দিকে। তার ভালই লাগছে। গিরগিটিটি দুপুরের পর থেকেই নেই। বদিউজ্জামানের খুব নিঃসঙ্গ লাগছিল। এখন আর লাগছে না।

মাগরেবের নামাজ আদায় করতে চার পাঁচজন মুসল্লী গিয়েছিল মসজিদে। আযানের পর পরই কয়েকটি গুলির শব্দ হওয়ায় তারা নামাজ না পড়েই ফিরে এল। ফেরার পথে তাদের মনে হল কাজটা তিক হল না। এতে আল্লাহর গজব পড়ার সম্ভাবনা। তারা আবার মসজিদে ফিরে গেল। নামাজ পড়ল। মসজিদ থেকে বেরুবার সময় দেখল রাস্তায় মিলিটারি। তারা আবার মসজিদে ফিরে গেল। রাত কাটাল সেখানেই।

সন্কার পর গ্রামের কোথাও কোন বাতি জ্বলল না। চারদিক অন্ধকারে সবাই বসে রইল। কোন সাড়াশব্দ নেই, শুধু কৈবর্ত পাড়ায় কারা যেন সুর করে কাঁদছে। সেই সুরেলা কান্না ভেসে আসছে অনেক দূর পর্যন্ত। চিত্রা বুড়ি বসে আছে কৈবর্ত পাড়ায়। তাকে কেউ কিছু বলছে না। চিত্রা বুড়িও কাঁদছে। হাউমাউ করে কান্না।

বলাই কোনোখানেই বেশিক্ষণ থাকতে পারছে না। সারাঙ্কণই তার মনে হচ্ছিল এই বুঝি তাকে ধরতে আসছে। সে অল্প কিছু সময়ের

মধ্যেই বেশ ব্যয়কবার জায়গা বদল করল। বেশি দূর কখনো গেল না। সেনবাড়ি, সেনবাড়ির মন্দির—এর মধ্যেই তার ঘোরাফেরা। সন্ধ্যা মেলাবার পর সে চিলেকোঠার লোহার সিঁড়ি বেয়ে ছাদে উঠে গেল। ছাদে আধহাতের মত পানি জমে আছে। সে বসে রইল পানির মধ্যে। প্রথম কিছুক্ষণ তার ভালই কাটল। তারপরই মনে হতে লাগল লোহার সিঁড়িতে যেন শব্দ হচ্ছে। মিলিটারিরা উঠে আসছে। সিঁড়ি কাঁপছে। তারপর আবার সব চুপচাপ। কেউ আসেনি—মনের ভুল। বলাইয়ের নিঃশ্বাস স্বাভাবিক হয়ে গেল। আবার মনে হল কেউ আসছে। সিঁড়ি কাঁপছে। বলাই দ্রুত নিঃশ্বাস নিতে থাকল।

ঝড়ের সময় একজন মিলিটারি সুবাদার ও তিনজন রাজাকারের একটি দল ছুটতে ছুটতে সদরউল্লাহর চান্দঘরে এসে উঠেছিল। সদরউল্লাহ বাড়িতে ছিল না। মেয়েছেলেদের গ্রাম মেসে পুরে সরিয়ে নেবার কোনো ব্যবস্থা করা যায় কিনা, এ নিয়ে কথা আলাপ করতে গিয়েছিল জয়নাল মিয়া'র সঙ্গে।

ওরা সদরউল্লাহর ঘরে ঢুকেই টক দিল। সেই টকের আলো পড়ল জড়সড় হয়ে বসে থাকা সদরউল্লাহর স্ত্রী ও তার ছোট বোনের মুখে। ছোট বোনটির বয়স বার। মিলিটারি সুবাদার মুগ্ধ কন্ঠে বলল—এ রকম সুন্দর মেয়ে সে কামেরই শুধু দেখেছে। বাঙালীদের মধ্যে এ রকম সুন্দর মেয়ে দেখেনি। সে খুবই সহজ ভঙ্গিতে এগিয়ে এসে বার বছরের মেয়েটির বাঁক হাত রাখল। ঝড়ের জন্যে এই দু'বোনের চিৎকার কেউ শুনতে পেল না।

মেয়েদের গ্রামের বাইরে পাতিয়ে দেবার ব্যাপারে জয়নাল মিয়া'র অভিমত হল—এর কোনো দরকার নেই। হিন্দু মেয়েদের কিছুটা ভয় থাকলেও থাকতে পারে, কিন্তু মুসলমান মেয়েদের কোন ভয় নেই। জয়নাল মিয়া দৃঢ় স্বরে বলল—মুসলমানের শইলে এরা হাত দেয় না। এই গ্রামে যে তিনটা মানুষ মারা গেছে, এর মধ্যে মুসলমান কেউ আছে? কও তোমরা, আছে?

কথা খুবই সত্য। জয়নাল মিয়া নিচু স্বরে বলল, মুসলমানের সঙ্গে ব্যবহারও খুব ভাল। মীর আলি চাচারে মেজর সাব সালাম দিচ্ছে। বিশ্বাস না হইলে জিগাইয়া আও।

এই কথাটিও সত্য। তবু মতি বলল—ঘরের মেয়েছেলেরা বাড়ি  
আস্থির হইয়া পড়ছে। জয়নাল মিয়া দৃঢ়স্বরে বলল—

ঃ রাইত দুপুরে এইভাবে টানাটানি করার কোন দরকার নাই। যাও,  
তোমরা বাড়িত গিয়া আল্লাহ্ খোদার নাম নেও। ফি আমানিল্লাহ্।  
ভয়ের কিছু নাই।

সে অল্প ক'জন এসেছিল, তারা বাড়ির মধ্যেই চলে গেল। বাড়ি  
খাম্বার পর জয়নাল মিয়ার কাছে খবর এল—মেজর সাহেব তার সঙ্গে  
বেথা করতে চান। সে যেন দেরী না করে। জয়নাল মিয়া ভীত স্বরে  
বলল—যাও, গিয়া বল, আমি আসতামি। বাঙালী রাজাকারটি বিরক্ত  
মুখে বলল—আমার সাথে চলেন। সাথে ঘাইতে বলছে।

সদরউল্লাহ্ বাড়ির সামনে এসে জয়নাল মিয়ার মনে হল,  
শত্রুর বাড়িতে মেয়েছেলে কাঁদছে। সদরউল্লাহ্ উঠনে বসে আছে।  
জয়নাল মিয়া জিজ্ঞেস করল—কি হইছে? সদরউল্লাহ্ জবাব দিল না।

ঃ কান্দে কে?

সদরউল্লাহ্ সেই প্রশ্নেরও জবাব দিল না। সদর রাজাকারটি  
জয়নাল মিয়ার পিঠে হেনা দিয়ে বলল—তুই ত্রাড়ি হাটেন।

মেজর সাহেব হুক মগ কফি হাতে ঘরে ঢুকলেন। তাঁর সমস্ত গা  
তেজা। মাথায় টুপি নেই। তেজা ঢুল বেয়ে ফোঁটা ফোঁটা পানি পড়ছে।  
আজিজ নাসটার উঠে দাঁড়াল। ইমাম সাহেব বসেই রইলেন। তাঁর  
উঠে দাঁড়াবার ক্রমতা নেই। কিছু সময় পরপরই তাঁর বমি হচ্ছে।  
ধরমর বমির কটু গন্ধ। রফিক একটি হারিকেন টেবিলের ওপর রেখে  
চেয়ার এগিয়ে দিল মেজর সাহেবের দিকে। তিনি বসলেন। একটি  
পা রাখলেন চেয়ারে। গম্ভীর গলায় প্রশ্ন করতে শুরু করলেন। প্রগল্ভো  
ইমাম সাহেবের প্রতি। রফিককে প্রতিটি প্রশ্ন ও উত্তর ইংরেজী করে  
দিতে হচ্ছিল। প্রশ্নোত্তর পর্বের গতি হল গাথা। সে জন্যে মেজর  
সাহেবের কোনো ধৈর্যচ্যুতি হল না।

ঃ তারপর, ইমাম ভাল আছে?

ঃ জি।

ঃ আমিতো খবর পেনাম ভাল নেই। ক্রমাগত আমি হচ্ছে।

ঃ জি হজুর।

ঃ শাস্তির দৃশ্যটা ভালো লাগে নি ?

ইমাম সাহেব জবাব দিলেন না। বমির বেগ সামলাবার চেষ্টা করতে লাগলেন। মেজর সাহেবের মুখে ক্ষীণ হাসি দেখা গেল।

ঃ দৃশ্যটি কি খুব কঠিন ছিল ?

ঃ জি।

ঃ তুমি নিজে নিশ্চয়ই গরু ছাগল জবাই কর। কর না ?

ঃ জি করি।

ঃ তখন খারাপ লাগে না ?

ইমাম সাহেব একটি ছোট্ট নিশ্বাস ফেললেন। মেজর সাহেব কফির মগে দীর্ঘ চুমুক দিয়ে জবাবের প্রতীক্ষা করতে লাগলেন। জবাব পাওয়া গেল না।

ঃ ইমাম।

ঃ জি স্যার।

ঃ এখন আমাকে বল তোমাদের কত জনে মোট কতজন বাঙালী সৈন্য আছে ?

ঃ আমি জানি না স্যার।

ঃ সঠিক সংখ্যাটি না বলতে পারলেও কোন ক্ষতি নেই। অনুমান করে বল।

ঃ আমি জানি না স্যার।

ঃ সৈন্য আছে কি না সেটা বল।

ঃ স্যার আমি জানি না।

ঃ আচ্ছা বেশ সৈন্য নেই, এই কথাটিই তোমার মুখ থেকে শুনি।

ঃ স্যার আমি জানি না। কিছুই জানি না স্যার।

মেজর সাহেব কফির মগ নামিয়ে রাখলেন। সিগারেট ধরালেন। তাঁর কপালের চামড়ায় সূক্ষ্ম জাঁজ পড়ল।

ঃ তুমি কখনো ঐ বনে যাওনি ?

ঃ জি না স্যার। আমি ধর্মকর্ম নিয়ে থাকি।

ঃ ধর্মকর্ম নিয়ে থাক ?

ঃ জি স্যার।

ঃ মসজিদে লোক হয় ?

ঃ হয় স্যার।

ঃ সেখানে তুমি কি পাকিস্তানের জন্যে দোয়া কর ?

ইমাম সাহেব চুপ করে গেলেন। মেজর সাহেবের কর্তে অসহিষ্ণুতা পরা পড়ল।

ঃ খুতবার শেষে পাকিস্তানের জন্যে কখনো দোয়া করনি ?

ঃ পৃথিবীর সব মুসলমানদের জন্যে দোয়া খায়ের করা হয় স্যার।

ঃ তুমি আমার কথার জবাব দাও। পাকিস্তানের জন্যে দোয়া করনি ?

ঃ হি না স্যার।

ঃ বাংলাদেশের জন্যে কখনো দোয়া করেছে ?

ইমাম সাহেব চুপ করে রইলেন। মেজর সাহেব হঠাৎ প্রচণ্ড একটা চড়ক বসিয়ে দিলেন। ইমাম সাহেব চেয়ার থেকে উল্টে পড়ে গেলেন। রফিক তাঁকে উঠে বসালো। মেজর সাহেব ঠাণ্ডা স্বরে বললেন—ব্যথা লেগেছে ?

ঃ হি না।

ঃ এতটুকু ব্যথা লাগেনি ?

ঃ হি না স্যার।

ঃ আমার হাত এতটা কমজোরী তুমি জানা ছিল না।

মেজর সাহেব হাতের সিগারেট ফেলে দিয়ে দ্বিতীয় চড়কটি দিলেন। ইমাম সাহেব গড়িয়ে নিচে পড়তে গেলেন। তাঁর নাক দিয়ে রক্ত পড়তে শুরু করল। রফিক তাঁকে তুলে উঠিয়ে গেল। মেজর সাহেব বললেন—ও নিজে নিজেই উঠবে। ইমাম সাহেব উঠে বস। ইমাম সাহেব উঠে বসলেন।

ঃ এখন বল তুমি শেখ মুজিবর রহমানের নাম শুনেছ ?

ঃ হি শুনেছি।

ঃ সে কে ?

ইমাম সাহেব চুপ করে রইলেন।

ঃ সে কে তুমি জান না ?

মেজর সাহেব এগিয়ে এসে তৃতীয় চড়কটি কষালেন। ইমাম সাহেব শব্দ করে দোয়া ইউনুস পড়তে লাগলেন। মেজর সাহেব তাকালেন আজিজ মাস্টারের দিকে।

ঃ তারপর কবি, তুমি কেমন আছ ? ভাল আছ ?

ঃ হি।

ঃ তুমি শুনলাম বেশ শক্তই ছিলে ? বমি টমি কিছু করনি ?

আজিজ মাস্টার জবাব দিল না।

ঃ বাংলাদেশের ওপর কখনো কবিতা লিখেছ ?

ঃ হি না স্যার।

ঃ কেন, লেখনি কেন?

আজিজ মাস্টার চুপ করে রইল।

ঃ শেখ মুজিবের ওপর লিখেছ ?

ঃ হি না।

আজিজ মাস্টারের পা কাঁপতে লাগল। মেজর সাহেব বললেন—

ঃ তুমি প্রেমের কবিতা ছাড়া অন্য কিছু লেখ না?

ঃ হি না।

ঃ তুমি দেখি দারুণ প্রেমিক মানুষ। সব কবিতা কি মালা নামের ঐ বালিকাকে নিয়ে লেখা? জনাব দাও। বল হ্যাঁ সিংহানা।

ঃ হ্যাঁ।

ঃ শোন আজিজ, আমি কথা রাখি। আমি কথা দিয়েছিলাম ঐ মেয়েটির সঙ্গে তোমার বিয়ের ব্যবস্থা করব, সেটা আমার মনে আছে। আমি ঐ মেয়ের বাবাকে আনতে লোক পাঠিয়েছি। এখন তুমি আমাকে বল ঐ বনে কতজন সৈন্য লুকিয়ে আছে।

ঃ স্যার বিশ্বাস করেন, আমি কিছুই জানি না।

ঃ আমি তোমার কথা বিশ্বাস করিগাম না। তুমি বোধ হয় জান না, আমি কি পরিমাণ নিষ্ঠুর হতে পারি। তুমি জান?

ঃ হি স্যার জানি।

ঃ না, তুমি জান না, তবে এক্ষুনি দেখতে পাবে। রফিক, তুমি ওর জানা কাপড় খুঁজে তাকে নেংটো করে ফেলো।

আজিজ মাস্টার হতভুত হয়ে তাকাল। এই স্নোকটা বলে কি! আজিজ মাস্টারের পা কাঁপতে লাগল। মেজর সাহেব বললেন—দেখী করবে না, আমার হাতে সময় বেশি নেই। রফিক!

ঃ হি স্যার।

ঃ এই মিথ্যাবাদী কুকুরটাকে নেংটো করে সমস্ত গ্রামে ঘুরে ঘুরে দেখাবে। বুঝতে পারছ?

ঃ পারছি।

ঃ আর শোন, একটা ইটের টুকরো ওর পুরুষাঙ্গে ঝালিয়ে দেবে। এতে সমস্ত ব্যাপারটায় একটা হিউমার আসবে।

আজিজ মাস্টার কাঁপা গলায় বলল—আমি কিছুই জানিনা স্যার। একটা কোরান শরীফ দেন, কোরান শরীফ ছুঁয়ে বলব।

ঃ তার কোন প্রয়োজন দেখি না। রফিক, যা করতে বলছি কর

রফিক খেমে খেমে বলল—মানুষকে এভাবে লজ্জা দেবার কোনো অর্থ হয় না। মেজর সাহেবের চোখের দৃষ্টি তীক্ষ্ণ হতে থাকল। তিনি তাকিয়ে আছেন রফিকের দিকে। রফিক বলল—আপনি যদি একে অপরাধী মনে করেন তাহলে মেরে ফেলেন। লজ্জা দেবার দরকার কি ?

ঃ তুমি একে অপরাধী মনে কর না ?

ঃ না। আমার মনে হয় সে কিছু জানে না।

ঃ সে এই গ্রামে থাকে, আর এতবড় একটা ব্যাপার জানবে না ?

ঃ জানলে বলতো। কিছু জানে না, তাই বলছে না।

ঃ বলবে সে ঠিকই। ইট বেঁধে তাকে বাড়ি বাড়ি নিয়ে যাও—দেখবে তার মুখে কথা ফুটেছে। তখন সে প্রচুর কথা বলবে।

রফিক ঠাণ্ডা স্বরে বলল—স্যার ওকে এ রকম লজ্জা দেয়াটা ঠিক না।

ঃ কেন ঠিক না ?

ঃ আপনি শুধু ওকে লজ্জা দিচ্ছেন না, আপনি আনাকেও লজ্জা দিচ্ছেন। আমিও ওর মত বাঙালী।

ঃ তাই নাকি ? আমি তো জানতাম তুমি পাকিস্তানী। তুমি কি সত্যি পাকিস্তানী ?

ঃ হি স্যার।

ঃ আমার মনে হয় এটা তোমার সব সময় মনে থাকে না। মনে রাখবে।

ঃ হি স্যার রাখব।

ঃ এটা তোমার নিজের স্বার্থেই মনে রাখা উচিত।

রফিক চুপ করে গেল। মেজর সাহেব বললেন—একটা মজার ব্যাপার কি জান রফিক ? তুমি যদি আজিজ মাস্টারকে চয়েস দাও, মৃত্যু অথবা লজ্জাজনক শাস্তি—তাহলে সে লজ্জাজনক শাস্তিটাই বেছে নেবে। মহানন্দে পুরুষাঙ্গে ইট বেঁধে মানুষের বাড়ি বাড়ি ঘুরে বেড়াবে। জিজ্ঞেস করে দেখো।

রফিক কিছুই জিজ্ঞেস করল না। মেজর সাহেব কঠিন স্বরে বললেন—আজিজ, পরিষ্কার উত্তর দাও। মরতে চাও, না চাও না ? আমি দ্বিতীয়বার এই প্রশ্ন করবো না। ত্রিশ সেকেন্ডের ভেতরে জবাব চাই। বল মরতে চাও, না চাও না ?

ঃ মরতে চাই না।

মেজর সাহেব হাসি মুখে বললেন—বেশ, তাহলে কাপড় খুলে ফেল। তোমাকে ত্রিক এক মিনিট সময় দেয়া হল তার জন্য। আজিজ মাস্টার কাপড় খুলতে শুরু করল।

ঃ রফিক, আমার কথা বিশ্বাস হল ?

ঃ হল।

ঃ বাঙালীদের মান অপমান বলে কিছু নেই। একটা কুকুরেরও আত্ম-সম্মান থাকে, এদের তাও নেই। আমি যদি ওকে বলি যাও, ঐ ইমামের পশ্চাত্তদেশ চেটে আস। ও তাই করবে।

রফিক মৃদু স্বরে বলল—মৃত্যুর মুখোমুখি দাঁড়ালে অনেকেই এ রকম করবে।

ঃ তুমি করবে ?

ঃ জানি না, করতেও পারি। মৃত্যু একটা ভয়াবহ ব্যাপার। মৃত্যুর সামনে দাঁড়িয়ে কে কি করবে তা আগে থেকে বলতে সম্ভব নয়।

ঃ তাই বুঝি ?

ঃ স্মি স্যার। আপনার মত একজন মানুষ মানুষও দেখা যাবে কাপড়খসের মত কাণ্ড কারখানা করছে।

মেজর সাহেব ঘর ছেড়ে বেরিয়ে গেলেন। এবং তারো মিনিটখানেক পর জয়নাল মিয়াকে সেই ঘরে ঢুকিয়ে দেয়া হল। আজিজ মাস্টার দু'হাতে তার লজ্জাচাকতে চেপ্টা করল। ইমাম সাহেব বেশ স্বাভাবিক গলায় বললেন—জয়নাল মিয়া ভাল আছেন ?

জয়নাল কিছু একটা বলতে চেপ্টা করল—বলতে পারল না। আজিজ মাস্টারের মত একজন বয়স্ক মানুষ সম্পূর্ণ নগ্ন অবস্থায় দাঁড়িয়ে আছে, এটি এখনো সে বিশ্বাস করতে পারছে না। ইমাম সাহেব বললেন—বড় খারাপ সময় জয়নাল সাব, আল্লাহ্ খোদার নাম নেন।

জয়নাল মিয়া আবারো কিছু বলতে চেপ্টা করল, বলতে পারল না। কথা আটকে গেল।

রফিক শান্ত স্বরে বলল—জয়নাল সাহেব, আপনি বসেন। স্যার যা যা জিজ্ঞেস করবেন তার সত্যি জবাব দেবেন। বুঝতেই পারছেন। জয়নাল মিয়া মাটিতে বসে পড়ল। ইমাম সাহেব বললেন—চেয়ারে বসেন, মাটিতে প্রস্রাব আছে। নাপাক জায়গা।

মেঘ নেই।

আকাশে তারা ফুটতে শুরু করেছে।

রাত প্রায় আটটা, কিন্তু মনে হচ্ছে নিশুতি। হাওয়া খেমে গেছে। গাছের একটি পাতাও নড়ছে না। সদরউল্লাহ্ একটা দা হাতে মাঠে নেমে পড়ল। সে দু'জনকে খুঁজছে। একজন ভালগাছের মত লম্বা। গৌফি আছে। অন্যজন বাঙালী, তার মুখে বসন্তের দাগ। সদরউল্লাহ্ কোনো রকম শব্দ না করে হাঁটিছে। ঘুট্টাঘুটে অন্ধকার। তাতে তার কোনো অসুবিধা হচ্ছে না। সে যেভাবে হাঁটিছে, তাতে মনে হয় অন্ধকারেও দেখতে পাচ্ছে। কোনো কোনো সময়ে মানুষের ইঞ্জিয়া অস্বাভাবিক তীক্ষ্ণ হয়ে ওঠে।

সে প্রথমে গেল বিলের দিকে। কেউ নেই সেখানে। বেশ কিছু কাটা ডাব পড়ে আছে চারদিকে। সদরউল্লাহ্ দীর্ঘ সময় বিলের পাড়ে দা হাতে বসে রইল। বাতাস নেই কোথাও, তবু বিলের পানিতে ছলাৎ ছলাৎ শব্দ হচ্ছে। ওরা আবার হয়তো আসবে। পানিতে দাঁড় করিয়ে আরো মানুষ মারবে। সদরউল্লাহ্‌র মনে হল বেড়ে একজন মেন এদিক আসছে। সে শক্ত করে দাঁটি ধরে চোঁচিয়ে বললো, কেতা?

: আমি নিজাম। আপনে কি করেন?

: কিছু করি না।

: অন্ধকারে বইয়া আছেন কাম?

সদরউল্লাহ্ ফুঁপিয়ে উঠলো, নিজাম বলল—সব মিলিটারি জমা হইতেছে জঙ্গলা মাঠে। দেখা যেন? সদরউল্লাহ্ সঙ্গে সঙ্গে উঠে দাঁড়াল।

: হাতে দাও কাম?

: আছে কাম আছে। দাওয়ার কাম আছে।

কৈবর্ত পাড়া খালি হয়ে যাচ্ছে।

এরা সরে পড়ছে নিঃশব্দে। এদের অভ্যাস আছে—অতি দ্রুত সব কিছু গুছিয়ে সরে পড়তে পারে। অন্ধকারে এরা কাজ করে। ওদের শিশুরা চোখ বড় বড় করে দেখে, হৈ চৈ করে না, কিছুই করে না। মেয়েরা জিনিসপত্র নৌকায় তুলতে থাকে। কোন জিনিসই বাদ পড়ে না। হাঁস মুরগি, ছাগল—সবই ওঠানো হয়। এরা কাজ করে নিঃশব্দে। প্রবীণরা হাঁকো হাতে বেশ অনেকটা দূরে বসে থাকে। তাদের ভাবভঙ্গি দেখে মনে হয় কি হচ্ছে না হচ্ছে এরা কিছুই জানে না। এরা বিমূর্তে থাকে। বিমূর্তে বিমূর্তেই চারদিকে লক্ষ্য রাখে। বুড়ো বয়সেও এদের দৃষ্টি তীক্ষ্ণ।

মীর আলি খুনখুন করে কাঁদে।

ভাতের জন্যে কাঁদে। বদিউজ্জামান বাড়ি ফেরেনি। সে না ফেরা পর্যন্ত অনুফা ভাত চড়াবে না। ঘরে চাল চাল সবই আছে। চারটা চাল ফোটাতে এমন কি বামেলা, মীর আলি বুঝতে পারে না। অনেক রকম বামেলা আছে ঠিকই—মাথার ওপর টিনের ছাদ নেই। গ্রামে মিলিটারি মানুষ মারছে। তাই বলে মানুষের ক্ষুধা তৃষ্ণা তো চলে যায়নি। পরী-বানুও বিরক্ত করছে না। ঘুমছে। অসুবিধা তো কিছু নেই।

মীর আলি মৃদু স্বরে বলল—বৌ, চাইরডা ভাত রাইন্না ফেল।

অনুফা তীব্র স্বরে বলল—আপনে মানুষ না আর কিছু?

মীর আলি অবাক হয়ে বলে—আমি কি করলাম!

পনেরো বিশ জন সেপাই বসে আছে স্কুলের বারান্দায়। এরাও ক্ষুধার্ত, সমস্ত দিন কিছু খাওয়া হয়নি। ওদের জন্যে রাশি টমুর কথা মধুবনে। ঝড়ের জন্যে নিশ্চয়ই কোন বামেলা হয়েছে। তোমা করা খাবার এসে পৌঁছয়নি। কখন এসে পৌঁছবে কে জানে। এরা সবাই দেয়ালে ঠেস দিয়ে শান্ত ভঙ্গিতে বসে আছে। কারো মূর্খতা স্পষ্টতই ঘুমছে। কিছু বাঙালী রাজাকার ওদের সঙ্গে গল্প জমায়ার চেষ্টা করছে। গল্প জমছে না। ওরা হাস ছাড়ছে না, ওদের মনে ওস্তাদজী বলেই মাছে।

বদিউজ্জামানের মত হল জ্বর এসেছে। সে নিশ্চিত হতে পারছে না। মাথায় হাত তুলে কোন উত্তাপ পাওয়া যায় না। কিন্তু তার কান বাঁ বাঁ করছে। কিছুক্ষণ আগেও তার শীত করছিল। এখন আর করছে না। খুক খুক করে কে যেন কাশল। না কি সে নিজেই কাশছে। নিজামের মত তারও কি মাথা খারাপ হয়ে যাচ্ছে? একবার মনে হল শীতল ও লম্বা একটা কি যেন তার সার্টের ভেতর ঢুকে গেছে। সে প্রায় চিৎকার করে উঠতে যাচ্ছিল। কিন্তু চিৎকার করল না। মনের ডুল। সার্টের ভেতর কিছুই নেই। বদিউজ্জামানের মনে হল সে যেন অনেকের কতাবর্তী গুনতে পাচ্ছে। কথাবার্তা বলতে বলতে কারা যেন এগিয়ে আসছে। এটাও কি মনের ডুল? বদিউজ্জামান উৎকর্ণ হয়ে অপেক্ষা করতে লাগল। সে ঠিক করে রাখল, মিলিটারিরা তাকে মেরে ফেললে সে বলবে—ভাইয়েরা কেমন আছেন? বড় মজার ব্যাপার হবে। বদিউজ্জামান নিজের মনে খুক খুক করে হাসতে লাগল। বাঁ দিকে

চাচাটা সবুজ চোখ এনিকয়ে আছে তার দিকে! শেয়াল। দিনে সে শেয়ালটা তাকে দেখে গিয়েছিল, সে নিশ্চয়ই তার স্ত্রীকে ডেকে নিয়ে এসেছে। ভাবতে বেশ নজা লাগল বদিউজ্জামানের। সে আবার হাসতে শুরু করল। এবার আর নিজের মনে হাসা নয়, শব্দ করে হাসা।

রফিক বাইরে এসে দেখল মেজর সাহেব স্কুলবরের শেষ প্রান্তের বারান্দায় একাকী দাঁড়িয়ে আছেন। রফিককে দেখে তিনি কিছুই বললেন না। রফিক বারান্দায় নেমে গেল। অপেক্ষা করল খানিকক্ষণ, তারপর হাঁটতে শুরু করল গেটের দিকে। মেজর সাহেব ভারী গলায় ডাকলেন—  
রফিক।

- ঃ রফিক ফিরে এল।
- ঃ কোথায় যাচ্ছিলে?
- ঃ তেমন কোথাও না।
- ঃ তোমাকে একটা কথা বলার আশঙ্কায় মনে করছি।
- ঃ এখন।
- ঃ তুমি কি জান, আমি তোমাকে বিশ্বাস করি না?
- ঃ জানি।
- ঃ কখন থেকে জানতে শুরু করেছি জান?
- ঃ শুরু থেকেই। কোন বাঙালীকেই আপনি বিশ্বাস করেন না।
- ঃ তাত্তিক। আমরা বিশ্বাস করেছি সবাই মারা পড়েছে। আমার বন্ধু মেজর বখতিয়ার বিশ্বাস করেছিল। ওরা তাকে ধরে নিয়ে গিয়েছে।
- ঃ মেজর বখতিয়ার বিশ্বাস করেছিল কি করেনি সেটা আপনি জানেন না। অনুমান করছেন।
- ঃ হ্যাঁ, তাও তিক। আমি জানি না।

মেজর সাহেব হঠাৎ প্রসঙ্গ পাল্টে ফেলে জিজ্ঞেস করলেন—তুমি কি ঐ মাসটারটির বিশেষ অঙ্গে ইট বুলিয়ে দিয়েছো?

ঃ না।

ঃ কেন? প্রমাণ সাহেজের ইট পাওনি?

রফিক কথা বলল না। মেজর সাহেব চাপা স্বরে বললেন—বাঙালী ভাইদের প্রতি দরদ উথলে উঠেছে।

ঃ আমার মধ্যোদরদ-টরদ কিছু নেই মেজর সাহেব। ইট নোলানোটা আমার কাছে অপ্রয়োজনীয় বলে মনে হয়েছে।

ঃ মোটেই অপ্রয়োজনীয় নয়। আমি ইট-বাঁধা অবস্থায় ওকে ওর প্রেমিকার কাছে নিয়ে যাব। এবং ওকে বলব সেই প্রেমের কবিতাটি আবৃত্তি করতে।

ঃ কেন?

ঃ রফিক।

ঃ জি স্যার।

ঃ তুমি আমাকে প্রণয় করার দুঃসাহস কোথায় পেলে?

ঃ আপনি একজন সাহসী মানুষ। সাহসী মানুষের সঙ্গে থেকে থেকে আমিও সাহসী হয়ে উঠেছি।

ঃ আই সি।

ঃ এবং স্যার আপনি একবার আমাকে বলো ছিঁজন, আমার মনে কোনো প্রণয় থাকলে তা বলে ফেলতে।

ঃ বলেছিলাম?

ঃ জি স্যার।

ঃ সেই প্রিন্ডিলেজ এখন আর আমাকে দিতে চাই না। এখন থেকে তুমি কোন প্রণয় করবে না।

ঃ ঠিক আছে স্যার।

ঃ রফিক।

ঃ জি স্যার।

ঃ আজ তোমাকে অস্বাভাবিক রকম উৎফুল্ল লাগছে।

ঃ আপনি ভুল করছেন স্যার। আমাকে উৎফুল্ল দেখানোর কোনো কারণ নেই। এমন কিছু ঘটেনি যে আমি উৎফুল্ল হব।

ঃ তুমি বলতে চাও যে বিমর্ষ হবার মত অনেক কিছু ঘটেছে?

ঃ আমি তাও বলতে চাই না।

মেজর সাহেব পশতু ভাষায় কি যেন বললেন। কোন কবিতা-টবিতা হবে হয়তো। রফিক তাকিয়ে রইল। মেজর সাহেব বললেন—রফিক তুমি পশতু জান?

ঃ জি না স্যার।

ঃ না জানলেও শোন। এর মানে হচ্ছে—বেশী রকম বুদ্ধিমানদের মাঝে মাঝে বড় রকম বোকামি করতে হয়।

রফিক কিছুই বলল না। মেজর সাহেব বললেন, চল জয়নাম  
লোকটির কাছ থেকে কিছু জানতে চেষ্টা করি। তোমার কি মনে হয় ও  
আমাদের কিছু বলবে?

: না স্যার, বলবে না।

: কি করে বুঝবে?

: এরা কিছুই জানে না। কাজেই কিছু বলার প্রথ ওঠে না।

: চল দেখা যাক।

: তোমার নাম জয়নাম?

: জি।

: এই নেংটা মানুষটাকে তুমি চেন?

: জি স্যার।

: ও তোমার মেয়েকে বিয়ে করতে চায়।

জয়নাম মিয়া হতভস্ত হয়ে তাকাল।

: কিন্তু ওর যন্ত্রপাতি বেশি ভাল বলে মনে হচ্ছে না। আমার মনে হয়  
ভয় পেয়ে ওটার এই অবস্থা। আমি কিশোর উদ্ভিজিত অবস্থায় এটা  
আরো ইঞ্চিখানেক বড় হবে। কি বলা জয়নাম?

জয়নামের গা কাঁপতে লাগল। এসব কি শুনছে?

: তবে আমি ঐ যন্ত্রটির জন্যে একটা একসারসাইজের ব্যবস্থা  
করেছি। আমি ঠিক করেছি ওখানে একটা ইট ঝুলিয়ে দেবো। এতে এটা  
আরো কিছু লম্বা হবে বলে মনে হয়।

ইমাম সাহেব সশকুট একটি ধ্বনি করলেন। মেজর সাহেব বললেন,  
কিছু বলবে ইমাম?

: জি না স্যার।

: জয়নাম, তুমি কিছু বলবে?

: জি না।

: আমি ঠিক করেছি মাগটারকে এই অবস্থায় তোমার মেয়ের কাছে  
নিয়ে যাব। জিজ্ঞেস করব এই সাইজে ওর চলবে কি না। জয়নাম,  
তোমার মেয়েটি কি বাড়িতে আছে?

জয়নাম মিয়া মাটিতে বসে পড়ল। মেজর সাহেব হাসি হাসি মুখে  
তাকিয়ে রইলেন। যেন কিছু শোনার জন্যে অপেক্ষা করছেন। ঘরে একটি  
শব্দও হল না।

: জয়নাম।

১৩।

১ তোমার মেয়েটি বাড়িতেই আছে আশা করি।

জয়নাল মিয়া হাউ-মাউ করে কেঁদে উঠল। মেজর সাহেব প্রচণ্ড ধমক দিলেন—কান্না বন্ধ কর। কান্না আমার সহ্য হয় না। চল যাই। দেবী হয়ে যাচ্ছে। চল চল।

আজিজ মাস্টার তখন কথা বলল। অত্যন্ত স্পষ্ট স্বরে বলল—  
মেজর সাহেব, আমি মরবার জন্যে প্রস্তুত আছি। আমাকে লজ্জার হাত থেকে বাঁচান।

মেজর সাহেব মনে হল বেশ অবাক হলেন। কৌতূহলী গলায় বললেন, মরতে রাজি আছ ?

১ জি।

১ কয় লাগছে না ?

১ লাগছে।

১ তবুও মরতে চাও ?

আজিজ মাস্টার জবাব না দিয়ে নিচু হলে তার পাজামা তুলে পরতে শুরু করল। মেজর সাহেব তাঁকে দৃষ্টিতে লক্ষ্য করতে লাগলেন। কিছুই বললেন না।

আজিজ মাস্টারকে তার প্রায়শ্চিন্ত মিনিটের মধ্যে রাজাকাররা নিয়ে গেল বিলের দিকে। আজিজ মাস্টার বেশ সহজ ও স্বভাবিকভাবেই হেঁটে গেল। যাবার আগে ইমাম সাহেবের দিকে তাকিয়ে বলল—  
সলামালিকুম। ইমাম সাহেব বা জয়নাল মিয়া কেউ কিছু বলল না।

আজিজ মাস্টার চলে যাবার পর দীর্ঘ সময় কেউ কোনো কথা বলল না। মেজর সাহেব গম্ভীর মুখে সিগারেট টানতে লাগলেন। জয়নাল মিয়া কাঁপতে লাগল খর খর করে। কিছুক্ষণের মধ্যেই স্কুলঘরের পেছনে কয়েকটি গুলির শব্দ হল। ইমাম সাহেব ক্রমাগত দোয়া ইউমুস পড়তে লাগলেন -।

মেজর সাহেব বললেন—জয়নাল তুমি আমার প্রশ্নের ঠিক ঠিক জবাব দাও। আমাকে রাগিও না। বল মোট কতজন সৈন্য লুকিয়ে আছে তোমাদের জংলা মাঠে ? মনে রাখবে আমি একই প্রশ্ন দু'বার করব না। বল কত জন ?

১ প্রায় একশ।

ইমাম সাহেব চোখ বড় বড় করে তাকালেন। রফিক অন্য দিকে তাকিয়ে রইল। মেজর সাহেব সিগারেট ধরালেন। সিগারেট ধরতে

গিয়ে তাঁর হাত কাঁপাতে লাগল।

- ঃ এরা কবে এসেছে এই বনে ?  
ঃ পরশু ।  
ঃ এই গ্রাম থেকে তোমরা ক'বার খাবার পাতিয়েছো ?  
ঃ তিনবার ।  
ঃ আজিজ মাস্টার এবং ইমাম—এরা এ খবর জানে ?  
ঃ জ্বি না, এরা বিদেশী মানুষ। এদের কেউ বলে নাই ?  
ঃ ঐ সৈন্যরা এখান থেকে কোথায় যাবে জান ?  
ঃ জ্বি না ।  
ঃ কেউ জানে ?  
ঃ জ্বি না ।  
ঃ ওদের মধ্যে কতজন অফিসার আছে ?  
ঃ আমি জানি না ।  
ঃ ওদের সঙ্গে গোলাবারুদ কি পরিমাণ আছে ?  
ঃ জানি না স্যার ।  
ঃ ওদের মধ্যে আহত কেউ আছে ?  
ঃ আছে ।  
ঃ কতজন ?  
ঃ ছয়-সাত জন ।  
ঃ ওরাও বনেই আছে ?  
ঃ জ্বি না ।  
ঃ ওরা কোথায় ?  
ঃ কৈবর্ত পাড়ায় । জেলে পাড়ায় ।  
ঃ বনে খাবার নিয়ে কারা যেতো ?  
ঃ কৈবর্তরা ।

মেজর সাহেব খামলেন। জয়নাল মিয়া মাটিতে বসে হাঁপাতে লাগল। রফিক এখানো জানালার দিয়ে তাকিয়ে আছে। মেজর সাহেব বললেন—ঠিক আছে তুমি যাও।

ঃ জ্বি স্যার ।

ঃ তুমি যাও। তোমাকে যেতে বললাম।

জয়নাল মিয়া নড়ল না। উবু হয়ে বসে রইল। মেজর সাহেব বললেন—নাকি যেতে চাও না ?

ঃ যেতে চাই।

ঃ তাহলে যাও। দৌড়াও। আমি মত বদলে ফেলবার আগেই দৌড়াও।

জয়নাল মিয়া উঠে দাঁড়াল। নিচু স্বরে বলল--স্যার স্লামালিকুম।

মেজর সাহেব বললেন--ইমাম, তুমিও যাও।

ইমাম সাহেব নিজের কানকে বিশ্বাস করতে পারছেন না।

ঃ যাও যাও। চলে যাও। কুইক।

ওরা ঘর থেকে বেরুল। স্কুল গেট পার হয়েই ছুটে গুরু করল। মেজর সাহেব জানালা দিয়ে অন্ধকারের দিকে তাকিয়ে রইলেন। তাঁর মুখ অত্যন্ত গম্ভীর।

ঃ রফিক।

ঃ জি স্যার ?

ঃ জয়নাল কি সত্যি কথা বলল ?

ঃ মনে হয় না স্যার। প্রাণ বাঁচানোর জন্যে অনেক সময় এ জাতীয় কথা বলা হয়।

ঃ কিন্তু আমি জানি ও সত্যি কথাই বলেছে।

রফিক চুপ করে রইল।

ঃ এবং আমার মনে হচ্ছে আমিও তা জান।

রফিক তাকাল জানালা দিকে। বাইরে ঘন অন্ধকার।

ঃ আমার মনে হয় আমি আরো অনেক কিছুই জান।

ঃ আমি তেমন কিছু জানি না।

ঃ তুমি শুধু বল, তোমাদের সৈন্যরা এখনো কি বনে লুকিয়ে আছে ?

ঃ আমি কি করে জানব ?

ঃ তুমি অনেক কিছুই জান। আমি কৈবর্ত পাড়ায় তল্লাসী করতে চেয়েছিলাম, তুমি বলেছিলে—প্রয়োজন নেই।

ঃ আমার ভুল হয়েছিলো। সবাই ভুল করে।

ঃ ঝড়ের সময় একটা পাগল ছুটে গেল বনের ভেতর। যায়নি ?

ঃ হ্যাঁ।

ঃ ওকে বনের ভেতর যেতে দেখে তুমি উল্লসিত হয়ে উঠলে।

রফিক একটি নিঃশ্বাস ফেলল।

ঃ বল তুমি উল্লসিত হওনি ?

ঃ ভুল দেখেছেন স্যার।

ঃ আমার ধারণা ঐ পাগলটি বনে খবর নিয়ে গেছে। এবং সবাই পালিয়েছে বাড়ের সময়।

মেজর সাহেব উঠে দাঁড়ালেন। কঠিন কণ্ঠে বললেন—চলো আমার সঙ্গে।

ঃ কোথায় ?

ঃ বুঝতে পারছ না কোথায় ? তুমি তো বুদ্ধিমান, তোমার তো বুঝতে পারা উচিত। বল বুঝতে পারছ ?

ঃ পারছি।

ঃ ভয় লাগছে ?

ঃ না।

ঃ ওরা কি বাড়ের সময় পালিয়েছে ?

ঃ হ্যাঁ। এতক্ষণে ওরা অনেক দূর চলে গেছে। খুব তাড়াতাড়ি মধুবনের দিকে গেলে হয়তো এখনো ওদের ধরা যাবে।

ঃ তুমি আবার আমাকে কনফিউজ করতে চেষ্টা করছ। এরা হয়তো বনেই বসে আছে।

রফিক মৃদু হাসল।

ঃ বল ওরা কি বনে বসে আছে ?

ঃ হয়ত আছে। গভীর রাতে শব্দ হয়ে আসবে।

ঃ ঠিক করে বল।

ঃ আপনি এখন আমাকে কোনো কথাই বিশ্বাস করবেন না। কাজেই কেন শুধু শুধু প্রমাণ করতে চান।

কৈবর্ত পাড়ায় দাঁড় দাঁড় করে আগুন জ্বলছে। চিত্রা বুড়ি অবাক হয়ে আগুন দেখছে। রাজাকাররা ছোট্টাছুটি করছে। তাদের ছোট্টাছুটি দেখে মনে হয় খুব উৎসাহ বোধ করছে। আগুন জ্বালানোর জন্যে তাদের যথেষ্ট খাটা-খাটনি করতে হচ্ছে। ভেজা ঘরবাড়ি। আগুন সহজে ধরতে চায় না।

মীর আলি বারান্দায় দাঁড়িয়ে ‘আগুন আগুন’ বলে চিৎকার করছে। সে চোখে দেখতে পায় না। কিন্তু আগুন দেখতে পাচ্ছে। গ্রামের মানুষ-জন সব বেরিয়ে আসছে ঘর থেকে।

মেজর এজাজ আহমেদ পাড়ে দাঁড়িয়ে আছেন। তাঁর পাশে ডান দিকে, চাইনীজ রাইফেল হাতে দু’জন জওয়ান এসে দাঁড়িয়েছে। রফিক

নেমেছে বিলে।

বিলের পানি অসম্ভব ঠাণ্ডা। রফিক পানি কেটে এগুচ্ছে। কি যেন ঠেঁকল হাতে। মনার ছোট ভাই বিরু। উপড় হয়ে ভাপছে। যেন ভয় পেয়ে কাছে এগিয়ে আসতে চায়। রফিক পরম স্নেহে বিরুর গায়ে হাত রেখে বলল—ভয় নাই। ভয়ের কিছুই নাই।

পাড়ে বসে থাকা মেজর সাহেব বললেন—কার সঙ্গে কথা বলছ রফিক ?

: নিজের সঙ্গে মেজর সাহেব।

: কি বলছ নিজেকে ?

: সাহস দিচ্ছি। আমি মানুষটা ভীতু।

: রফিক।

: বলুন।

: ওরা কি বন ছেড়ে চলে গেছে? সত্যি করে বল।

রফিক বেশ শব্দ করেই হেসে উঠল। আশ্চর্য হাসির শব্দে মেজর সাহেব চমকে উঠলেন।

কৈবর্ত পাড়ায় আগুন ছড়িয়ে পড়ছে। আলো হয়ে উঠছে চারদিক। রফিককে পরিষ্কার দেখা যাচ্ছে হারিশ। ছোট খাট অসহায় একটা মানুষ। বুক পানিতে দাঁড়িয়ে আছে। মেজর সাহেব বললেন—রফিক, তুমি কি বেঁচে থাকতে চাও ?

রফিক শান্ত স্বরে বলল—চাই মেজর সাহেব। সবাই বেঁচে থাকতে চায়। আপনি নিজেও চান। চান না ?

মেজর সাহেব চুপ করে রইলেন। রফিক তীক্ষ্ণ স্বরে বলল—মেজর সাহেব, আমার কিন্তু মনে হয় না আপনি জীবিত ফিরে যাবেন এ দেশ থেকে।

মেজর এজাজ আহমেদ সিগারেট ধরালেন, কৈবর্ত পাড়ার আগুনের দিকে তাকালেন। পশতু ভাষায় সঙ্গের জোয়ান দু'টিকে কি যেন বললেন। গুলির নির্দেশ হয়ত। রফিক বুঝতে পারল না। সে পশতু জানে না।

হ্যাঁ গুলির নির্দেশই হবে। সৈন্য দু'টি বন্দুক তুলছে। রফিক অপেক্ষা করতে লাগল।

বুক পর্যন্ত পানিতে ডুবিয়ে লাগতে আগুনের অঁচে যে রফিক দাঁড়িয়ে আছে, মেজর এজাজ আহমেদ তাকে চিনতে পারলেন না। এ অন্য রফিক। মেজর এজাজের কপালে বিন্দু বিন্দু ঘাম জমতে লাগল।

## সৌরভ



আমাদের বাড়িতে ইদানীং ভূতের উপদ্রব হয়েছে।

নিচতলার ভাড়াটে নেজাম সাহেবের মতে একটি অল্পবয়সী মেয়ের ছায়া নাকি ঘুরে বেড়ায়। গভীর রাতে টুটু করে কাঁদে। রাত বিরাতে সাদা কাপড় পরে রেলিং ধরে দাঁড়িয়ে থাকে।

নেজাম সাহেব লোকটি মহা চিন্তিত। ছোট ছোট ধূত চোখ। মাথা নিচু করে এমন ভাবে হাঁকেন যে দেখলেই মনে হয় কিছু একটা মতলব আছে। এই লোকের কথা বিশ্বাস করার কোনোই কারণ নেই, তবু আমি তাঁকে ডেকে পাঠালাম। গলার স্বর যতদূর সম্ভব গম্ভীর করে বললাম, 'শি শিব আজে বাজে কথা ছড়াচ্ছেন?'

নেজাম সাহেব এমন ভাব করলেন যেন আমি একটি দারুণ অন্যায় কথা বলে ফেলেছি। মুখ কালো করে বললেন, 'আজে বাজে কথা ছড়াচ্ছি! আমি! বলেন কি ভাই সাহেব?'

'ভূত-প্রেতের কথা বলে বেড়াচ্ছেন লোকজনদের, বলছেন না?'

'ভূত-প্রেতের কথা তো বলিনি। বলেছি একটি মেয়ের ছায়া আছে এই বাড়িতে।'

'ছায়া আছে মানে?'

'বাড়ির মধ্যে আপনার ভাই দোষ আছে।'

বলতে বলতে নেজাম সাহেব এমন একটি ভঙ্গি করলেন, যেন চোখের সামনে ছায়াময়ী মেয়েটিকে দেখতে পেয়েছেন।

'বাড়ি বন্ধনের ব্যবস্থা করা দরকার। বুঝলেন ভাই।'

আমি কঠিন স্বরে বললাম, 'যা বলেছেন, বলেছেন। আর বলবেন না।'

নেজাম সাহেবকে বিদায় করে ঘরে এসে বসতেই আমার নিজের খানিকটা ভয় ভয় করতে লাগলো। রান্নাঘরে কিসের যেন খট খট শব্দ হচ্ছে। বাথরুমের কলটি কি খোলা ছিল? সব সর করে পানি পড়ছে। রান্নাঘরে কেউ যেন হাঁটছে। কাদের কি ফিরে এসেছে নাকি? আমি উঁচু গলায় ডাকলাম, 'এই কাদের। এই কাদের মিয়া।'

কোন সাড়া পাওয়া গেল না। সাড়া পাওয়ার কথাও নয়। কাদের গিয়েছে সিগারেট আনতে। রাস্তার ওপাশেই পানি বিড়ির দোকান, তবু তার ঘন্টাখানিক লাগবে ফিরতে।

রান্নাঘরে আবার কি যেন একটা শব্দ হল। তার পরপরই কারেন্ট চলে গিয়ে চারদিক হঠাৎ করে অন্ধকার হয়ে গেল। আমি বারান্দায় এসে দেখি ফকফকা জ্যোৎস্না উঠেছে। নিচতলার নীলু বিলু দু'বোন ঘরের বাইরে মোড়া পেতে বসে আছে। নেজাম সাহেব উঠোনে দাঁড়িয়ে গুজ গুজ করে শিউ শিউ বলছেন তাদের। আমাকে দেখে কথাবার্তা থেমে গেল। নেজাম সাহেব তরল গলায় বললেন, 'কেমন চাঁদনী দেখছেন ভাই? এর নাম সর্বনাশা চাঁদনী।'

আমি জবাব দিলাম না। এই জাতীয় লোকদের সঙ্গে কথা যত কম বলা যায় ততই ভাল। নেজাম সাহেব গুন গুন করে বিলুকে কি যেন বললেন। বিলু হেসে উঠলো খিল খিল করে। এ রকম জ্যোৎস্নায় ভরা-বয়সের মেয়েদের খিল খিল হাসি শুনে গে যিম যিম করে। আমি নিজের ঘরে ফিরে কাদেরের জন্যে অপেক্ষা করতে লাগলাম। রান্নাঘর থেকে আবার খট খট শব্দ উঠলো। বিলু নীলু দু'জনেই আবার শব্দ করে হেসে উঠলো। আমি ধরা গলায় ডাকলাম, 'কাদের, কাদের মিয়া।'

কাদের ফিরলো রাত দশটায়। এবং এমন ভাব করতে লাগলো যেন এক প্যাকেট সিগারেট কিনতে দু'ঘন্টা লাগাটা তেমন অস্বাভাবিক কিছু নয়। সে গম্ভীর হয়ে হারিকেন ধরালো। তার চেয়েও গম্ভীর হয়ে বললো, 'অবস্থাটা খুব খারাপ ছোড ভাই।'

আমি চুপ করে রইলাম। কথাবার্তা শুরু করলেই আমার রাগ পড়ে যাবে। সেটা হতে দেয়া যায় না।

'ছোড ভাই, দিন খারাপ।'

আমি ঠাণ্ডা গলায় বললান, 'ভাত দে কাদের।'

‘আর ভাত। ভাত খাওনের দিন শেষ ছোড ভাই। মিত্যু সম্বিকট।’  
যে কোনো গুরু-গষ্ঠীর আলোচনায় কাদের মিয়া সাধু ভাষা ব্যবহার করে। এই অভ্যাস আগে ছিল না, নতুন হয়েছে।

‘সবমোট তের লাখ ছয়চল্লিশ হাজার পাঁচশ পাঞ্জাবী এখন ঢাকার শহরে বর্তমান। আরো আসতাকে।’

আমি কোন উত্তর দিলাম না। মনে মনে ঠিক করে রাখলাম, খাওয়া দাওয়ার পর কাদেরকে খুব ঠান্ডা গলায় বলব, ভবিষ্যতে সে যদি ফিরতে পাঁচ মিনিটের জায়গায় দু ঘণ্টা দেরি করে তাহলে তার আর ঘরে ফেরার প্রয়োজন নেই। বিসমিল্লাহ্ বিদায়।

ভাত খাওয়ার সময় কাদের মিয়া আবার তার পাঞ্জাবী মিলিটারির গল্প ফাঁদতে চেষ্টা করল।

‘বাবু ভাই দরবেশ কইছে এই দফায় বাঙালীর কাম শেষ।’

আমি জবাব দিলাম না। কাদেরের অভ্যাস হচ্ছে যেসব বিষয় আমি পছন্দ করি না, খাওয়ার সময় সেই সব বিষয়ের অবতারণা করা। গত রাতে খাওয়ার সময় সে তার পেশেন্টো ভাইয়ের গল্প শুরু করল। সেই মামাতো ভাইটিকে কে খেন খেন করে একটা গাব গাছে ঝুলিয়ে রেখেছিল। পনেরো দিন পর সেই লাশ আবিষ্কার হল। আমি যখন ভাতের সঙ্গে ডাল খুঁটিছি তখন কাদের মিয়া সেই পচা গলা লাশের একটি বীজপত্র প্রত্যক্ষদর্শীর বর্ণনা দিয়ে ফেললো। খাওয়া বন্ধ করে বাথরুমে গিয়ে বমি করতে হল আমাকে। আজকেও সাথে তার পুনরাবৃত্তি না করে সে জন্যে আমি কথা বলার ইচ্ছে না থাকার সঙ্গেও বললাম, ‘বাবু ভাই দরবেশটা কে?’

‘চায়ের দোকান আছে একটা। সুফি মানুষ। তাঁর এক চাচা হইলেন হনরত ফজলুল করিম নকশবন্দি।’

‘নকশবন্দি জিনিসটা কি?’

‘পীর ফকিরের নামের মইধো থাকে ছোড ভাই।’

‘নকশবন্দির ভাতিজার কাছে ভবিষ্যতে আর যেন না খাওয়া হয়।’  
কাদের মিয়া উত্তর দিল না। আমি ঠাণ্ডা গলায় বললাম, ‘এই সব লোকজন আমি মোটেই পছন্দ করি না।’

‘দরবেশ বাবু ভাই একজন বিশিষ্ট পীর।’

‘পীর মানুষ চায়ের দোকান দিয়ে বসে আছে, এটা কেমন কথা?’

‘আমাদের নবী এ করিম রসুলুল্লাহ্ নিজেওতো ব্যবসাপাতি করতেন ছোড ভাই।’

আমি সরু চোখে তাকানাম কাদেরের দিকে। মুখে মুখে কথা বলার এই অভ্যাসও কাদেরের নতুন হয়েছে। আমি গভীর গলায় বললাম, 'তোমার সঙ্গে আমার কথা আছে কাদের।'

কাদেরের সঙ্গে আমি তুই-তুই করে বলি। কোনো কারণে বিশেষ রোগে গেলেই শুধু তুমি সম্বোধন করি। কাদের তখন দারুণ মার্ভাস বোধ করে।

'কি কথা ছোড ভাই?'

কি কথা বলবার আগেই মিচতলার তিন নম্বর ঘর থেকে কান্নার শব্দ শোনা যেতে লাগলো। আজ এক মাস ধরে এই বাড়ির মেয়েটি কাঁদছে। এপ্রিল মাসের তিন তারিখ জলিল সাহেব বাড়ি ফেরেন নি। তাঁর স্ত্রী হয়তো রোজ আশা করে থাকে আজ ফিরবে। রাত এগারোটা থেকে কাফিউ। এগারোটা বেজে গেলে আর ফেরবার আশা থাকে না। মেয়েটি তখন কাঁদতে শুরু করে। ময়মতের শোকের প্রকাশ এত শব্দময় কেন? যে মেয়েটির কোনো কথা কোনোদিন শুনিনি, গভীর রাতে তার কান্না শুনে এমন অদ্ভুত কাঁদে!

'ছোড ভাই, জলিল সাবের এক ভাই আছে আইজ।'

'তবে যে শুনলাম, জলিল সাহেবের কোন ভাই নেই!'

'চাচাতো ভাই। মৌলানা ফরিদ। বৌ আর পুত্রাপানটিরে নিতে আইছে।'

'কবে নেবে?'

'বউটা আইতে চাইস।'

'কেন যেতে চায় না?'

'কি জানি। মাইয়া মাইনমের কি বুদ্ধি শুদ্ধি কিছু আছে?'

আমি চুপ করে রইলাম। কাদের মিয়া বললো, 'সময়টা খুব খারাপ। কেয়ামত নজদিক।'

ঘুমুতে গেলাম অনেক রাতে। বিছানায় শোবার সঙ্গে সঙ্গে অনেক দূরে কোথায়ও গুলির শব্দ শোনা গেল। গুলির শব্দ দিয়ে এখন আর ভয় দেখানোর প্রয়োজন নেই। তবু ওরা কেন রোজ গুলি ছোঁড়ে কে জানে।

কাদের আমার পাশের ঘরে শোয়। তার খুব সজাগ নিদ্রা। সামান্য খুট-খাট শব্দেও জেগে উঠে বিকট হাঁক দেয়—

'কেডা, কেডা শব্দ করে?'

আজকেও গুলির শব্দে জেগে উঠলো। ভীত স্বরে বললো, 'শুনতাহেন ছোড ভাই? কাম সাফ।'

আমি জবাব দিলাম না। আমার সাড়া পেলেই ব্যাটা উঠে এসে এমন সব গল্প ফাঁদবে যে ঘুমের দফা সারা।

'ছোড ভাই ঘুমাইছেন?'

আমি গাঢ় ঘুমের ভান করলাম। লম্বা নিঃশ্বাস ফেললাম।

'ছোড ভাই, ও ছোড ভাই।'

'কি?'

'মিত্য সন্নিকট ছোড ভাই।'

'ঘুমা কাদের। বক-বক করিস না।'

'আর ঘুম। বাঁচলে তো ঘুম। জীবনই নাই।'

'ঝামেলা করিস না কাদের। ঘুমা।'

কাদের ঘুমায় না। বিড়ি ধরায়। বিড়ির কণা খুঁজে বসি আসার যোগাড় হয়। চারদিক নীরব হয়ে যায়। জমিন চাহেবের স্ত্রীর কান্নাও আর শোনা যায় না। কিছুতেই ঘুম আসে না আমার। বিছানায় এ-পাশ ও-পাশ করি। একবার বাথরুমে গিয়ে সাঁথা ধুয়ে এলাম। মাথার নিচে তিনটি বালিশ দিয়ে উঁচু করলাম। আবার বালিশ ছাড়া ঘুমতে চেষ্টা করলাম। কিছুতেই কিছু হয় না। এক সময় কাদের মিয়া বললো, 'ঘুম আসে না ছোড ভাই?'

'না।'

'আমারো না। কিছু শুয় লাগে।'

'তয়ের কিছু টাই কাদের।'

'তাত্তিক। মিত্য হইল গিয়া কপালের লিখন। না যায় খণ্ডন।'

কাদেরের সঙ্গে আমার কিছু কিছু মিল আছে। সে আমার মতই ভীরা এবং আমার মত তারও কতিন অনিদ্রা রোগ।

সাড়ে তিনটার দিকে ঘুমের আশা বাদ দিয়ে বারান্দায় এসে বসলাম। কাদের মিয়া চায়ের জন্য কেরোসিনের চুলা ধরালো। চুলাটাও সে নিশ্চয় এসেছে বারান্দায়। আমার দিকে পিঠ দিয়ে আবার বিড়ি ধরিয়েছে।

নিচতলায়ও কে একজন যেন সিগারেট ধরিয়েছে, বসে আছে জাম পাছের নিচে—অন্ধকারে।

'গাছতলায় ওটা কে বসে আছে কাদের?'

কাদের কিছু না দেখেই বললো, 'নেজাম সাহেব।'

'বুঝলে কি করে নেজাম সাহেব?'

‘নেজাম সাহেবেরও রাইতে ঘুম হয় না।’

বসে থাকতে থাকতে ঝিমুনী ধরে গেল। ঝিমুনের মধ্যেও মনে মনে তিক করে ফেললাম, ভোরবেলা একজন ডাক্তারের কাছে যাব। রাতের পর রাত না ঘুমোটা ভাল কথা নয়। বড় আপার বাসায়ও যেতে হবে। বড় আপা এর মধ্যে তিনবার খবর পাঠিয়েছে। জলিল সাহেবের ভাইয়ের সঙ্গেও কথা বলা দরকার। তারা যদি সত্যি সত্যি চলে যায় তাহলে ভাড়াটে দেখা দরকার। ভাড়াটে পাওয়া যাবে না বলাই বাহুল্য। শহর ছেড়ে সবাই এখন যাচ্ছে গ্রামে। কিন্তু বড় আপা এই সব শুনবে না। তার ধারণা ঢাকা শহরের চার ভাগের এক ভাগ লোক থাকার জায়গা পাচ্ছে না। রাত দিন ‘টু লেট’ খুঁজে বেড়াচ্ছে।

চা হয়েছে চমৎকার। চুমুক দিয়ে বেশ লাগলো। চারদিকে সুন-সান নীরবতা। চাঁদের শ্লান আলো। শীত পড়ে হিমেল হাওয়া দিচ্ছে। হয়তো রুশিট হচ্ছে দূরে কোথায়। মনটা ততো দারুণ খারাপ হয়ে গেল।

সকালবেলা নিচে নামতেই আজিজ সাহেবের সঙ্গে দেখা।

আজিজ সাহেব শিশু কালুর বাবা। দীর্ঘদিন শয্যাশায়ী। চোখেও দেখতে পান না পায়ের শব্দে মানুষ চিনতে পারেন। আমি পা ঘষটে-ঘষটে বাড়ি ঢুকলেও তিনি চিকন সুরে ডাকবেন—‘কে যায়? শফিক না?’

আজিজ সাহেবের সঙ্গে দেখা হওয়া একটা দুর্ঘটনা বিশেষ। দেখা হওয়া মাত্র তিনি বাড়ির কোনো একটি সমস্যার কথা তুলবেন—

‘কল দিয়ে পানি লিক করছে।’

‘বসার ঘরের সুইচটা নষ্ট, হাত দিলেই শক করে।’

‘শোবার ঘরের একটা জানালার পুডিং উঠে গেছে। যে কোনো সমস্যা কাঁচ খুলে পড়বে।’

যে লোক চোখে দেখে না এবং সারাক্ষণ বিছানায় শুয়ে থাকে, সে এত সব লক্ষ্য করে কি করে সে এক রহস্য। বাড়ির প্রসঙ্গ শেষ হওয়া মাত্র তিনি রাজনীতি নিয়ে আসেন। তাঁর রাজনীতিরও কোন আগ-মাথা নেই।

একেক দিন একেক কথা বলেন। রাজনীতির পরে আসে স্বাস্থ্যবিধি। পৃথিবীর যাবতীয় ব্যাধির কোনো না কোনো টোটকা তাঁর জানা আছে। জলাতঙ্ক রোগের একমাত্র অমুখ যে রসুনের খোসা, সেটি তাঁর কাছ থেকেই আমার শোনা।

সকালবেলা তাঁকে ধরাধরি করে বারান্দার ইজিচেয়ারে শুইয়ে দেয়া হয়। দুপুর পর্যন্ত অনবরত ভ্যাজর ভ্যাজর করতে থাকেন। তিনি বারান্দায় থাকলে আমি পারতপক্ষে নিচে নামি না। আজকেও তিনি বারান্দায় ছিলেন না। পায়ের শব্দ শুনে শোবার ঘর থেকে ডাক দিয়েছেন—

‘কে শফিক না? আস তো দেখি এদিকে। বাথরুমের ফ্লাসটা থেকে থেকে ঘসর ঘসর শব্দ হয়। পানির কোনো ফ্লো নেই।’

‘আমি কাদেরকে বলব আজিজ সাহেব। সে মিস্ত্রী নিয়ে আসবে।’

‘আস তো ভেতরে, কথা আছে তোমার সঙ্গে।’

‘আমার একটা জরুরী কাজ আছে আজিজ সাহেব।’

‘এক মিনিট বসে যাও। ও নীলু চা দেবে।’

‘আজিজ সাহেব, আমার এখন না গেলেই নয়।’

‘চা খেতে আর কয় মিনিট লাগে? মীলু তাড়াতাড়ি চা দে।’

বাধ্য হয়ে ঘরে ঢুকতে হয়। আজিজ সাহেব ঘরে ঢোকা মাত্র গলার স্বর নামিয়ে বললেন, ‘কম্পিউটারে কিছু শুনলে?’

‘গুলির কথা বলছেন?’

‘আহ্ আস্তে বলো। চারদিকে স্পাই। ব্যাপারটা কিছু বুঝতে পারছ?’

‘কিসের কথা বলছেন?’

‘আরে মিলিটারি তো সব কচুকাটা হয়ে গেল। আছে কোথায় তুমি?’

‘তাই নাকি?’

‘ভিক্ষা চাই না মা কুস্তা সামলা অবস্থা এখন। হা হা হা। মিলিটারির আর বড় জোর এক মাস আছে। বিশ্বাস না হয় লিখে রাখ। ওনে গঁথে ত্রিশ দিন।’

গণ্ডগোলের দিন থেকেই তিনি মিলিটারিকে হয় এক মাস নয় পনরো দিন সময় দিচ্ছেন। তাঁর হিসেবে রোজ দু থেকে তিন হাজার মিলিটারি খতম হয়ে যাচ্ছে। চিটাগাং এবং কুমিল্লা এই দুই জায়গা থেকে টাইট দেয়া হচ্ছে।

‘জিয়া সাহেব কি সহজ লোক? বাঘের মামা টাগ। পাজ্রাবী সব কাঁচা খেয়ে ফেলবে না? তুমি ভাবছ কি?’

আজিজ সাহেব এমন মুখভঙ্গি করলেন যেন পাঞ্জাবী মিলিটারিদের আমি লেনিয়ে দিয়েছি। আমি বিরস মুখে বললাম, ‘আজিজ সাহেব আজ উঠতে হয়। চা আজকে আর খাব না।’

‘আহ্ বস দেখি। এই নীলু চা হয়েছে?’

নীলু সাড়াশব্দও করল না, চা নিয়েও এলো না। আজিজ সাহেব শুরু করলেন যুক্তফ্রন্টের রাজনীতি। ওদের ভুল থেকে আমাদের কি কি শেখা উচিত ছিল এবং না শেখাতে আমাদের কি হয়েছে এই সব। আমার বিরক্তির সীমা রইল না। প্রায় আধা ঘন্টা পর নীলু এসে বললো,—‘চা দেবি হবে। চিনি নেই। আনতে গেছে।’ তাকিয়ে দেখি নীলু মুখ টিপে হাসছে। চোখে চোখ পড়া মাত্র অস্বাভাবিক গম্ভীর হয়ে বললো, ‘সত্যি চিনি নেই। বিপ্রেস করুন।’

ছাড়া পেনাম এগারোটায়। টিপ-টিপ করে বৃষ্টি পড়ছে তখন। এই সময় মগবাজারে বড় আপার বাসায় যাবার কোন সুবিধা হয় না। প্রথমত দুলাভাই বাসায় থাকবেন না। দ্বিতীয়ত বৃষ্টিতে উজ্জসে আমার টনসিল ফুলে ওঠে। সবচে’ ভাল হয় রফিকের বাসায় গিয়ে টেলিফোন করলে। কিন্তু তারও সমস্যা আছে। টেলিফোনে রফিকদের শোবার ঘরে। টেলিফোন করতে গেলেই বাড়ির ঘরের দরজার পাশে দাঁড়িয়ে থাকে। শুনতে চেপ্টা করে কি কথাবার্তা হচ্ছে। এবং টেলিফোনের শেষে রফিকের মা প্রচুর চিনি দিয়ে বিশশীতল এক কাপ চা খেতে দেন। সেই চায়ের দুধের সর এবং কচুয়া রঙের পিপড়া ভাসতে থাকে।

‘শফিক সাহেব আমার সঙ্গে একটা কথা।’

লোকটিকে চিনতে পারলাম না। লম্বা দাড়ি। হালকা নীল রঙের একটা লম্বা পাঞ্জাবি—বুল নেমে এসেছে হাঁটু পর্যন্ত। গা থেকে আতরের গন্ধ আসছে।

‘আমি আব্দুল জলিলের বড় ভাই।’

‘ও আচ্ছা। কেমন আছেন?’

‘আলহামদুলিল্লাহ, ভাল আছি। জলিলের বৌ আর বাচ্চাটারে নিতে আসছি। আমি থাকি চাঁনপুরে। মাস্টারী করি।’

‘কিছু বলতে চান আমাকে?’

‘জি।’

‘বলুন।’

‘জনাব আমি শুনলাম আপনি জলিলের খোঁজ খবর করতেছেন।’

আমি অবাক হয়ে তাকিয়ে রইলাম। বলে কি এই লোক! আমি খোঁজ করব কি? আর খুঁজবই বা কোথায়?

‘আপনার অনেক জানাশোনা আছে। একটু যদি দয়া করেন।’

ভদ্রলোক চোখ মুছতে লাগলেন। একজন বয়স্ক লোকের কান্নার মত কুৎসিত আর কিছুই নেই। আমি ধমক দিয়ে কান্না থামাতে চাইলাম—

‘কাঁদবেন না।’

‘ঢাকা শহরে আমার চেনা জানা কেউ নাই শফিক সাব।’

‘দিন কাল খুব খারাপ এখন। চেনা জানাতে কাজ হয় না।’

‘তা ঠিক ভাই। খুব ঠিক। কি করব বলেন, মনটা পেরেশান।’

‘মন পেরেশান করে তো লাভ নেই। মন শক্ত করুন।’

‘চেপটা করি। খুব চেপটা করি। বিনাদোষে জেলখানাতে আছে মনে হইলেই মন কান্দে।’

‘জেলখানাতে আছে বললো কে?’

‘আপনার সাথে যে ছেলেরা থাকে, কাদের মিয়া—সে বললো। অতি ভাল ছেলে। বিশিষ্ট উদ্বোধনের সন্তান। দুই তিনবার খোঁজ খবর নেয়। গতকাল এক দরবেশ সাহেবের আবিষ্কার এনে দিয়েছে। দরবেশ বাচ্চু ভাই। খুব বড় আলেম। নাম শুনেই বোধ হয়।’

‘আমি সাধ্যমত খোঁজ খবর নেব। তবে সময়টা খারাপ, ইস্ছে থাকলেও কিছু করা যায় না। ও কি, আবার কাঁদেন কেন?’

‘আল্লাহ পাক আমাদের ভাল করবেন শফিক ভাই।’

আমার মন খারাপ হয়ে গেল। রাস্তায় নেমে দুটি জিনিস ঠিক করে ফেললাম। রফিকের বাসায় গিয়েই টেলিফোন করবো, আর রফিককে জিজ্ঞেস করবো লোকজন হারিয়ে গেলে কোথায় খোঁজ করতে হয়। রফিক অনেক খবরাখবর রাখে। সে কিছু একটা করবেই।

রফিক বাসায় ছিল না। তার ছোট ভাই গম্ভীর হয়ে বললো, ‘টেলিফোন করতে এসেছেন? আমাদের টেলিফোন নশট।’

রফিকের এই ভাইটিকে আমি একেবাবেই সহ্য করতে পারি না। সব সময় চালিগ্লাতী ধরনের কথাবার্তা বলে।

‘আপনি কি বসবেন? দাদা ঘন্টাখানিকের মধ্যে ফিরবে।’

‘তাহলে বসব। ওর সঙ্গে দরকার আছে আমার।’

বসার ঘরের দরজা খুলে সে আমাকে নিয়ে বসালো।

কালকে রাত্রে আপনি কি গুলির শব্দ শুনেছেন?’

আমি অস্লাম বদনে মিথ্যা বললাম, 'না, কাল খুব ভাল ঘুম হয়েছে, কিছু টের পাইনি।'

'কালকে ভীষণ গুলি হয়েছে।'

'তাই নাকি?'

'হ্যাঁ। কি জন্যে হয়েছে জানেন?'

'না, আমি কি করে জানব?'

সে এমন ভাবে তাকালো যেন আমি একটি গুরু বিশেষ।

'আপনার কি কোনো কিছুই জানতে ইচ্ছা করে না?'

'না তেমন করে না।'

'ও আচ্ছা।'

ঘণ্টাখানিক বসে থেকেও রফিকের খোঁজ পাওয়া গেল না। সরাসরি চা খেলায় পর পর দু'কাপ। রফিকের মাও যথারীতি এক ফাঁকে এসে আহাজারী করে গেলেন।

'রফিকটার পড়াশোনা হয় নি কুসঙ্গে থাকবে জন্ম। যত ছোটলোকের সাথে তার খাতির। তুমি আবার কিছু মনে করো না বাবা। তোমাকে কিছু বলছি না।'

'না খালা, মনে করার কি আছে।'

'আমি আবার মনের মধ্যে স্পষ্ট বলে ফেলি।'

'এটাই ভাল। বলে ফেলেই ভাল।'

ঘর থেকে বের হলে বড় রাস্তা পর্যন্ত এসে দেখি রফিক আসছে হন হন করে। তার দুহাতে দুটি প্রকাণ্ড বাজারের ব্যাগ। নিখোঁজ লোকদের কোথায় খুঁজতে হবে জিজ্ঞেস করা মাত্রই সে বললো, 'লোকটার সামনে দাঁড়িয়ে থাকি। আমি ব্যাগ দুটি রেখে আসছি।'

আমরা গেলাম জনাব ইজাবুদ্দীন সাহেবের বাড়ি। ইজাবুদ্দীন সাহেব শান্তি কমিটির একজন মেম্বর। হলুদ রঙের একটা দোতলা বাড়িতে থাকেন। বাড়ির নাম ভাই ভাই কুটির। নেম প্লেটে লেখা এম. এ. (পোল্ড মেডালিস্ট) এল. এল. বি.। রফিক বললো, 'লোকটার সবচে বড় গুণ হল বিরক্ত হয় না। সব সময় হাসি মুখ।'

কথা খুবই ঠিক। ইজাবুদ্দীন সাহেব মন দিয়ে আমার কথা শুনলেন। খাতা বের করে নাম ধাম লিখে রাখলেন এবং বললেন মিলিটারি জেলে আছে কি-না সে খবর তিনি দুদিনের মধ্যে এনে দেবেন। যখন বেরিয়ে আসছি তখন ইজাবুদ্দীন সাহেব হাসি মুখে বললেন,

‘আপনার বাবার সঙ্গে আমার পরিচয় ছিল। বিশিষ্ট উদ্বলোক ছিলেন তিনি। তাঁর বড় মেয়ের বিয়েতে আমি উপস্থিত ছিলাম। খাওয়া দাওয়া নিয়ে দারুণ বামেলা হয়েছিল।’

আমি বললাম, ‘আমি এসে খোঁজ নিয়ে যাব।’

‘না না আপনার আসতে হবে না, আমি খবর দেব। বাড়ি আমি চিনি, কতবার গিয়েছি। শরীফ আদমী ছিলেন আপনার বাবা।’

রফিককে ছেড়ে দিয়ে নিউ মার্কেট পর্যন্ত চলে এলাম। হাঁটা আমার পক্ষে বেশ কষ্টকর। কিন্তু কোনো এক বিচিত্র কারণে রিকশায় উঠলেই আমার দম বন্ধ হয়ে আসে। নিঃশ্বাস নিতে পারি না।

নিউ মার্কেটের সামনে একটি প্রকাণ্ড মিলিটারি ট্রাক দাঁড়িয়ে ছিল। তিন চার জন কালো পোশাক পরা মিলিটারি (না-কি মিলিশিয়া? কে যেন বলেছিল কালো পোশাকের গুলি মিলিশিয়া আরো ভয়ঙ্কর) জটলা পাকাচ্ছিল। সবার চেহারা দেখতে এক রকম। একজন একটু দূরে দাঁড়িয়ে লম্বা একটা চুরট টানছে। এর চেহারা অদ্ভুত সুন্দর। পাতলা পাতলা ঠোঁট, টানা চোখ, রাজপুত্রের মত চেহারা।

এরা দাঁড়িয়ে থাকার জন্যেই এই দিকে দিয়ে লোক চলাচল একে-বারেই নেই। একজন বড়ো বড়ো মানুষ শুধু একটি ওজনের যন্ত্র নিয়ে শুকনো মুখে বসেছিল। দুটি মিলিটারি ওকে কি সব জিজ্ঞেস করে নিজেদের মধ্যে হাস্যবোধ করছে। একজন আবার দেখি ওজনের যন্ত্রটায় উঠে দাঁড়িয়েছে। আমি বিনা ত্রিধায় ওদের দিকে এগিয়ে গেলাম। মিলিটারি আমাকে কখনো কিছু জিজ্ঞেস করে না। আই-ডেনটিটি কার্ড দেখতে চায় না। ছাত্র না চাকরি করি তাও জানতে চায় না। কারণ আমার ডান পাটি বাঁকা। আমি ডান দিকে ঝুঁকে বিচিত্র ভঙ্গিতে হাঁটি। লাঠি দিয়ে শরীরের ভার অনেকটা সামলাতে হয়। আমার দিকে ওদের কোনো আগ্রহ নেই।

শারীরিক অক্ষমতা যে এমন একটি সুখকর ব্যাপার হতে পারে তা আমার জানা ছিল না। আমাকে দেখে রাজপুত্রের মত সেই মিলিটারিটি পরিষ্কার বাংলায় বললো, ‘ভাল আছেন?’

ওজন মাপা লোকটি অবাক হয়ে তাকাচ্ছে আমার দিকে। আমি হাসিমুখে রাজপুত্রটিকে বললাম, ‘আমি ভাল আছি। আপনি ভাল আছেন তো ভাই?’

বড় আপা আমাকে দেখেই বললো, 'তোরা কথাই ভাবছিলাম।'

কথাটা পুরোপুরি মিথ্যে। কারো সঙ্গে দেখা হলোই সে এরকম বলে। তার ধারণা এ ধরনের কথাবার্তায় খুব আন্তরিকতা প্রকাশ পায়। তার আন্তরিকতা প্রকাশের আরেকটি কায়দা হচ্ছে ভাত খাওয়ার জন্যে সাধা-সাধি করা। বিকেল চারটার সময় গেলোও সে গলা সুরু করে বলবে, 'আজরফ মিয়া টেবিলে ভাত দাও তো। তরকারি গরম কর। লেবু কাট। আর দেখ কাঁচামরিচ আছে কি-না।'

আজকে অবশ্য সে রকম হল না। সে দেখলাম গম্ভীর হয়ে আছে। চোখ মুখ ফোলা-ফোলা। বানাই বহুল্য দুলাভাইয়ের সঙ্গে ঝগড়া হয়েছে। আমি সহজ ভাবে বললাম, 'ব্যাপার কি।'

'ব্যাপার ট্যাপার কিছু না।'

'ঝগড়া হয়েছে না-কি?'

'নাহ্।'

'তুমি গম্ভীর হয়ে আছ।'

'শীলার জ্বর। তোরা দুলাভাইকে বললাম ডাক্তারের কাছে নিয়ে যেতে। সে নেবে না। তার ধারণা একটা খণ্ডেরম হলোই ডাক্তারের কাছে দৌড় দেয়ার কোনো দরকার নেই।'

'জ্বর কি খুব বেশি?'

'সকালবেলা ১০২ পম্পেট পিষ্ট ছিল। এখন ৯৯।'

'ডাক্তারের কাছে যাওয়া নিয়েই কি ঝগড়া?'

'বললাম তো ঝগড়া-টগড়া কিছুই হয় নি। এক কথা বার বার জিজ্ঞেস করিস।'

বড় আপা কাঁদতে শুরু করলো। কান্না তার একটি রোগ বিশেষ। যে কোন তুচ্ছ বিষয় নিয়ে সে কেঁদে বুক ভাসাতে পারে। আমরা তার কান্নায় কখনো কোনো গুরুত্ব দিই না।

'আপা কাঁদছে কেন?'

'তোরা দুলাভাই আমাদের গ্রামের বাড়িতে পাঠিয়ে দেবে। শহরের অবস্থা নাকি খুব খারাপ।'

'তোমার কাছে খারাপ মনে হচ্ছে না?'

'মনে হবে না কেন? তবে তোরা আমার জন্যে তো কিছু না। আমরা হিন্দুও না, আমরা আওয়ামী লীগও করি না। আমাদের আবার কিসের অসুবিধা?'

আমি চুপ করে রইলাম। বড় আপা খেমে খেমে বলতে লাগলো, 'অবস্থাতো অনেক ভাল হয়েছে এখন। পরশুদিন আমি একা একা নিউমার্কেট থেকে বাজার করে আনলাম। আগে কাফু' ছিল নয়টা থেকে, এখন দশটা থেকে। ঠিক না, তুই বল ?'

'তা ঠিক।'

'তোর দুলাভাইয়ের ধারণা গ্রামে গেলে আর কোনো ভয় নেই। এইখানে ভয়টা কিসের? পত্রিকায় দিয়েছে চাকলা ইউনিভার্সিটিতে অনার্স পরীক্ষার ডেট দিয়েছে। অবস্থা খারাপ হলে দিত ?'

'পরীক্ষার ডেট দিয়েছে নাকি ?'

'হঁ, দৈনিক পাকিস্তানে আছে। দাঁড়া নিয়ে আসছি, নিজের চোখে দেখ।'

'থাক আপা আনতে হবে না।'

'না তুই দেখে যা।'

সারাটা দিন বড় আপার বাসায় কাটাতে হল। দুলাভাইয়ের সঙ্গে দেখা না করে আসা ভাল দেখায় না। তিনি ফিরবেন ছটার দিকে। এতো দীর্ঘ সময় বড় আপার সঙ্গে কাটানো একটি ক্লাস্তিকর ব্যাপার। এক গল্পই তার কাছে অনেকবার শুনতে হয়। আজরফ কি করে কাপড় ধোয়া সাবান দিয়ে ধোয়োর একটি বেনারসী শাড়ি নষ্ট করেছে, সে গল্প আমাকে চতুর্থ বারের মত শুনতে হল। তারপর শুরু করল দুলাভাইয়ের এক বোনের গল্প। সেই বোনটি বিয়ের পর তার স্বামীর এক বন্ধুর সঙ্গে কি সব নটমট করতে শুরু করেছে। এই গল্পটিও আগে শিলা।

আমি হাই তুলে বজলাম, 'শীলা কোথায় আপা ?'

'ওর বাক্ববী এসেছে।'

'যাই দেখা দিয়ে আসি।'

'দরজা বন্ধ করে রেখেছে ওরা।'

'তাই নাকি ?'

'হঁ।'

দরজা বন্ধ করার ব্যাপার নিয়েও বড় আপা গুজ গুজ করতে লাগলো।

'দরজা বন্ধ করে কথা বলার দরকারটা কি ? এই সব আমি পছন্দ করি না। মেয়েরা দরজা বন্ধ করলেই তাদের মাথায় আজো বাজে সব খেয়াল আসে।'

শীলার বয়স এমন কিছু নয়। তের হয়েছে। বড় আপা বলেন সাড়ে এগারো। অবশ্য শীলাকে বেশ বড় সড় দেখায়। এই তের বছর বয়সেই সে গোটা চারেক প্রেমপত্র পেয়েছে। এর মধ্যে একটি সে আমাকে দেখিয়েছে। (আমার সঙ্গে তার বেশ ভাব আছে।) সেই চিঠিটি এতই কুৎসিত যে পড়া শেষ করে হাত সাবান দিয়ে ধুয়ে ফেলতে হয়। আমি যখন বললাম, ‘এই চিঠি তুই জমা করে রেখেছিস? ছিঁড়ে ফেলে দিস না কেন?’

শীলা অবাক হয়ে বলেছে, ‘আমার কাছে লেখা চিঠি আমি ফেলব কেন? জান, লুনা একুশটা চিঠি পেয়েছে। এর মধ্যে একটা আছে ষোল পাতার।’

‘কি আছে সেই ষোল পাতার চিঠিতে?’

‘তোমাকে বলা যাবে না।

লুনা চোখ গোল করে হাসতে লাগলো।

লুনা মেয়েটিই আজকে এসেছে। বড় আপা একে দুচক্ষে দেখতে পারে না। প্রধান কারণ হচ্ছে মেয়েটি অসামান্য রূপসী। আমার ধারণা এই মেয়েটির দিকে তাকালে যে কোন পুরুষের মনে তীব্র ব্যথা বোধ হয়। বড় আপা মুখ লম্বা করে বললো, ‘লুনার সঙ্গে অল্পবয়সী মেয়েদের মিশতে দেয়া উচিত নয়।’

আমি বলব না বলব না বললো, ‘লুনাও তো অল্পবয়সী।’

বড় আপা আকাশ থেকে পড়লো, ‘অল্প বয়স কোথায় দেখলি তুই! দুই বছর আগে থেকেই পরে এই মেয়ে।’

বিকলে চা দিতে এসে আজরফ গম্ভীর মুখে বললো, ‘বড় রাস্তার মোড়ে একটা মিনিটারি জীপ।’ আপা এটা শুনেই রেগে গেল।

‘মিনিটারি জীপ হয়েছে তো কি হয়েছে? মিনিটারি তোকে খেয়ে ফেলেছে? গরু কোথাকার!’ যা আমার সামনে থেকে।’

আজরফ সামনে থেকে নড়ল না। মুখ আগের চেয়েও গম্ভীর করে চা ঢালতে লাগলো।

আপা খমখমে গলায় বললো, ‘মিনিটারি জীপ দেখেছিস, দেখেছিস। এর মধ্যে গল্প করার কি আছে? খবরদার, এই সব নিয়ে গুল্ল গুল্লব করবিনা। আমি পছন্দ করি না।’

‘আম্মা জীপটার লক্ষণ বালা না। এক জায়গার মধ্যে ঘুরাঘুরি করত আছে।’

‘করুক। তারা তাদের কাজ করবে, তুই করবি তোর।’

‘আইচ্ছা।’

‘খবরদার, মিলিটারি নিয়ে আর কোন কথা বলবি না।’

‘আইচ্ছা।’

আপার বক্তৃতা আজরফের মনে তেমন কোন প্রভাব বিস্তার করতে পারল না। কারণ খানিকক্ষণ পর শীলা এসে বললো, ‘আজরফ ভাই বললো, রাস্তার মোড়ে একটা জীপ ঘোরাঘুরি করছে।’

‘করুক, তাতে তোমার কি?’

‘ওরা অল্পবয়সী মেয়েদের ধরে নিয়ে নেংটা করে একটা ঘরের মধ্যে রেখে দেয়।’

বড় আপা স্তম্ভিত হয়ে বললো, ‘কে বলেছে এই সব?’

‘লুনা। লুনা বললো।’

‘যাও, নিজের ঘরে যাও। যত আজগুবি কথা বলা, বলতে লজ্জাও করে না।’

‘লজ্জা করবে কি জন্যে? আমাকে তো আর নেংটা করে রাখেনি।’

শীলা ফিক করে হেসে ফেললো।

‘যাও ঘরে যাও। তোমার বন্ধু থাকবে কখন?’

‘ও আজ থাকবে আমার সঙ্গে।’ বাসায় টেলিফোন করে দিয়েছি। মা, তুমি কিন্তু খিচুড়ি করবে রান্না। আমার এখন জ্বর নেই।’

‘ঠিক আছে তুমি যাও। আজরফকে পাতিয়ে দিও।’

আপা দীর্ঘ সময় চিন্তনো কথা বলতে পারল না। আজরফ যখন দ্বিতীয়বার চা দিতে এলো, তখন শুধু গম্ভীর হয়ে বললো, ‘আজরফ তোমার চাকরি শেষ। কাল সকাল ন’টায় বেতন-টেতন বুঝে নিয়ে বাড়ি যাবে।’

‘ছি আচ্ছা আশ্শা।’

আজরফকে মোটেই বিচলিত মনে হল না। দিনের মধ্যে কয়েকবার যার চাকরি চলে যায়, তাকে চাকরি নিয়ে বিচলিত হলে চলে না।

দুলাভাই তিক ছটার সময় এলেন। তাঁর সব কাজ ঘড়ি ধরা, সময় নিয়ে খানিকটা বাতিকে মত আছে। পাঁচটায় কোথায়ও যাওয়ার কথা থাকলে চারটা পঞ্চাশে গিয়ে বাইরে দাঁড়িয়ে থাকবেন এবং তিক পাঁচটায় ঢুকবেন। অফিসের লোকরা তাকে ঘড়ি বাবু বলে।

দুলাভাই আমাকে দেখেই বললেন, ‘তিন ঠাণ্ড-এর শালাবাবু যে! কি হেতু আগমন?’

পা নিয়ে ঠাট্টা আমার ভাল লাগে না। কিন্তু দুলাভাইয়ের ওপর আমি কখনো রাগ করতে পারি না। এই লোকটিকে আমি খুবই পছন্দ করি।

‘আচ্ছ কেমন শালাবাবু?’

আমি হাসি মুখে বললাম, ‘ভাল আছি দুলাভাই।’

‘তোমার তিন নম্বর ঠ্যাংটা সাবধানে রাখছ তো? খানায় পড়ার সম্ভাবনা। হা হা হা।’

‘সাবধানেই রাখছি।’

আমাকেও হাসির ভান করতে হয়।

‘শুনেছ নাকি, ওদের নীলগঞ্জ পাঠিয়ে দিচ্ছি।’

‘শুনেছি।’

‘তোমার আপার ধারণা সে বনবাসে যাচ্ছে। তবে যে পরিমাণে পদাঙ্গুলি করছে, সীতাও তার বনবাসে এত কাঁদেনি।’

‘সীতার সঙ্গে তো রাম ছিল। কিন্তু আপনি তো যাচ্ছেন না।’

‘আমিও খাব। ব্যাক টু দা ফরেস্ট। তবে কিছুদিন পর। তুমিও চল।’

‘না দুলাভাই। এখানে আমার কোনো ব্যবস্থা নেই।’

‘তা ঠিক। ঢাকা শহরে কানা খোঁজা এক ঘরা বর্তমানে খুব নিরাপদ। হা হা হা।’

আমি চুপ করে রইলাম।

‘রাগ করলে নাকি শফিক?’

‘জি না।’

‘ঠাট্টা করে বলি।’

‘ঠিক আছে।’

বড় আপা এসে আমাকে জিজ্ঞেস করল, ‘চা খাবি আরেক বার?’

দুলাভাই বললেন, ‘আমি খাব। আমাকে এক কাপ লেবু চা দাও।’

বড় আপা কথা না বলে চলে গেল। দুলাভাই ক্লান্ত স্বরে বললেন,

‘তোমার একজন ভাড়াটে যে নিখোঁজ হয়েছিল কি নাম যেন তার?’

‘আব্দুল জলিল।’

‘ও হ্যাঁ জলিল। কোন খোঁজ হয়েছে?’

‘এখনো হয় নি। রফিককে নিয়ে চেষ্টা করছি।’

‘তুমি খোঁজাখুঁজির মধ্যে যাবে না। কোনোক্রমেই না। সময় ভাল না এখন। প্রায়ই লোকজন ধরে নিয়ে যাচ্ছে।’

‘করছে কি ওদের?’

‘কিছুদিন রেখে ছেড়ে দিচ্ছে সম্ভবত। মানুষ মারাতো খুব কঠিন ব্যাপার।’

‘ধরাধরিটাই বা করছে কি জন্যে?’

‘মানুষের মনে ভয় ঢুকিয়ে দেবার জন্যে। ভয় ধরানোর এটা খুব ইফেকটিভ ব্যবস্থা। একজন নিখোঁজ হলে পাঁচ হাজার লোক সেটা জানে। সবাই খোঁজাখুঁজি করে।’

বড় আপা থমথমে মুখে চা নিয়ে চুকলো। ওর বুদ্ধি শুদ্ধি সত্যি কম। চা এনেছে শুধু আমার জন্যে, দুলাভাইয়ের জন্যে নয়। তিনি একটু হাসলেন এবং হাসিমুখেই বললেন, ‘শীলার জ্বর কমেছে? লুনাকে দেখলাম ওর ঘরে।’

আপা জবাব দিল না।

‘ও কি আজকে থাকবে? এই সময় কেউ মেয়েদের বাইরে পাঠায়? কি আশ্চর্য!’

আপা তারও জবাব দিল না। আমি বললাম, ‘মেয়েটি আজকে থাকবে দুলাভাই। শীলা ওর বাসায় টেলিফোন করে দিয়েছে।’

‘মেয়েটিকে তুমি দেখেছ শফিক?’

‘দেখেছি।’

‘ওরচে সুন্দর মেয়ে তুমি দেখেছ?’

‘আমি ইতস্ততঃ করে বললাম, ‘না।’

‘আমি কিন্তু দেখেছি! চাখার কলেজে তখন পড়ি। বাহাদুরাবাদ এক্সপ্রেসে করে যাচ্ছি দিনাজপুরে। ময়ামনসিংহ স্টেশনে গাড়ি দাঁড়িয়ে আছে। হঠাৎ জানালার দিকে দেখি একটি স্মোল সতেরো বছরের মেয়ে প্লাটফরমে টিনের একটি ট্র্যাঙ্কে বসে আছে। খুবই গরিব ঘরের মেয়ে। পায়ে স্পঞ্জের স্যান্ডেল।’

আপা রাগি গলায় বলে উঠলো, ‘লুনার মধ্যে তুমি সুন্দরের কি দেখলে? সমস্ত মুখ ভর্তি নাক।’

‘লুনার কথা তো আমি বলছি না। যার কথা আমি বলছি তার নাম ধাম কিছুই জানি না।’

আপা ঘর ছেড়ে চলে গেল। দুলাভাই হাসতে লাগলেন ঘর ফাটিয়ে। আমি বললাম, ‘ওদের কবে পাঠাচ্ছেন?’

‘এই মাসেই পাঠাব। আমি নিজেও চলে যেতে পারি। রাত্রি আমার ভাল ঘুম হয় না। আরাম করে ঘুমতে ইচ্ছে করে।’

দুলাভাই গাড়ি করে আমাকে পৌঁছে দিতে রওনা হলেন। সাতটা মাত্র বাজে, এর মধ্যেই দোকান পাট সব বন্ধ হয়ে গেছে। রাস্তাঘাটে লোক চলাচল নেই। কেমন খাঁ-খাঁ করছে চারদিক। এত বড় একটা

শহর বিম মেরে গিয়েছে। দুলাভাই বললেন, 'সন্ধ্যার পর আর চলাফেরা করা ঠিক না।

'দুলাভাই, আপনার কি ভয় লাগছে?'

'না, ভয় লাগে না। অন্যরকম লাগে। আমার কাছে টিক্কা খানের সহী করা পাশ আছে। আমাকে কেউ ধরবে না।'

গাড়ি সায়েন্স ল্যাবরেটরির কাছাকাছি আসতেই দেখি রোড শলক দিয়ে তিন চার জন সেপাই দাঁড়িয়ে। ওরা গাড়ি থামিয়ে থামিয়ে কি সব দেখছে। একটি কানো ডক্স ওয়াগনকে দেখলাম রাস্তার পাশে। রোগামত একটি লোক দাঁড়িয়ে আছে গাড়ির পাশে। একজন সেপাই কি সব যেন জিজ্ঞেস করছে। দুলাভাই শুকনো গলায় বললেন, 'তুমি চুপচাপ থাকবে। কথাবার্তা যা বলবার আমি বলব।'

ওরা আমাদের গাড়ি থামাল না। হাত ইশারা করে চলে যেতে বললো। তাকিয়ে দেখি দুলাভাইয়ের কপালে বিন্দু বিন্দু ঘাম জমছে।

গেটের সামনে গাড়ি থামতেই জলিল সাহেবের স্ত্রীর কান্না শোনা গেল। আজ সকাল সকাল কান্না শুরু হয়েছে। দুলাভাই ভীত স্বরে বললেন, 'কাঁদে কে?'

'জলিল সাহেবের বৌ।'

'রোজ এ রকম কাঁদে?'

'হ্যাঁ।'

'শফিক।'

'জি।'

'তুমি খোঁজখবরের মধ্যে যাবে না। সময়টা খারাপ।'

দুলাভাই কুল কুল করে ঘামতে লাগলেন।

'আসেন ওপরে যাই। চা খেয়ে যান।'

'না থাক। দেরি হয়ে যাবে।'

'দেরি হবে না।'

'না থাক।'

দুলাভাই 'না' বলেও গাড়ি থেকে নেমে আমার সঙ্গে ওপরে উঠতে লাগলেন।

'শফিক, আমিও নীলগঞ্জে চলে যাব।'

'ভালই হবে।'

'আমার ভাল লাগছে না। বড়ই দুঃসময়।'

বিকেলবেলা চুপচাপ ঘরে বসে আছি, কিছুই ভাল লাগছে না। সম্ভবত জ্বর আসছে। নিঃসন্দেহ হবার উপায় হচ্ছে সিগারেট ধরানো। দুটি টান দিয়ে যদি ছুঁড়ে ফেলতে ইচ্ছে হয়, তাহলে নির্ধাৎ জ্বর আসছে। পরীক্ষাটা করবার উপায় নেই, সিগারেট ফুরিয়েছে। কাদের মিয়া আনতে গিয়েছে। কখন ফিরবে কে জানে।

আমি একটি চাদর গায়ে দিয়ে বারান্দায় বসলাম। বিলু আসলো সেই সময়। এই মেয়েটি নিঃশব্দে চলাফেরা করে। সিঁড়ি দিয়ে ওপরে উঠে আসার কোন শব্দ আমি শুনিনি।

‘কি ব্যাপার বিলু?’

‘আপনাকে বাবা ডাকছেন।’

‘আমি তো যেতে পারবো না, আমার জ্বর।’

আমাকে স্তম্ভিত করে দিয়ে বিলু বললো—‘সহ্যে দেখি?’ বলেই সে হাত রাখলো আমার কপালে। আমি কাঁচ হয়ে বসে রইলাম।

‘জ্বর কোথায়, আপনার শরীর নদীর মতো ঠাণ্ডা।’

নিজেকে সামলে নিয়ে সহজ ভাবে বলতে চেষ্টা করলাম, ‘কি জন্যে ডাকছেন আমাকে?’

‘কি জন্যে তা আমি কি বলব বলব?’

বিলু রহস্যময় ভঙ্গিতে হাসতে লাগলো। এই মেয়েটি খুব অদ্ভুত। এশ্বিনতে আমার সঙ্গে বিশেষ কথাবার্তা বলে না। কিছু জিজ্ঞেস করলে হাঁ হাঁ বলে জবাব দেয়। আবার কখনো আপনাতাই অনেক কথা বলে।

‘আজকে আমাদের ক্লাসে কি হয়েছে জানেন? নাজমা নামের একটা মেয়ে ক্লাসকে করে দুধ নিয়ে এসেছে, টিফিনের সময় খাবে। সেই দুধ আমরা ক্লাসের মধ্যে ভেলে ফেললাম। তারপর কি হয়েছে জানেন?’

‘না’

‘আমাদের কেমিস্ট্রির স্যার এসে বললেন—এই.....’

বিলুর বৈশিষ্ট্যই হচ্ছে সে কোন কথা শেষ করবে না। হঠাৎ কথা খামিয়ে বলবে, ‘সর্বনাশ চুলায় গরম পানি দিয়ে এসেছি, মনেই ছিল না। আমি যাই।’

‘তোমাদের সেই কেমিষ্টিট্রি স্যার দুধ দেখে কি বললেন?’  
সে চোখ কপালে তুলে বলবে, ‘দূর এই সব শুনে কি করবেন?’  
বেশ লাগে আমার বিলুকে।

একটি গরম সুয়েটার গায়ে দিয়ে নামছি, হঠাৎ বিলু নিচু গলায়  
বললো, ‘আমাদের বাসায় দেখবেন একটি লোক বসে আছে। ওর সঙ্গে  
নীলু আপার বিয়ে হবে।’

আমি অবাক হয়ে বললাম, ‘তাই নাকি?’

‘হঁ।’

‘কবে হচ্ছে বিয়েটা?’

‘খুব শিগগীর।’

বিলু দেখলাম বেশ গম্ভীর। যেন এই বিয়ের ব্যাপারটি তার ভাল  
লাগছে না। আমি বললাম, ‘তোমার মনে হচ্ছে মন খারাপ?’

‘না, মন খারাপ হবে কেন? আপনি কি যে খবরের মত কথা  
বলেন। খুব রাগ লাগে।’

আমি ঘরে ঢুকে দেখি আজিজ সাহেবের সম্মানে একজন মোটাসোটা  
ভদ্রলোক বসে আছেন। ভদ্রলোকের নাক ওঁতি টাক। একটা রুমাল  
দিয়ে তিনি ক্রমাগত মাথার টাক মুছছেন। আজিজ সাহেব বললেন,  
‘এই যে শফিক, আসো আসো। তোমার সঙ্গে পরিচয় করিয়ে দেই।  
এ হচ্ছে মতিনউদ্দিন। আমাদের দূর সম্পর্কের আত্মীয়। আমেরিকার  
নর্থ ডাকোটাতে ছিল অনেক দিন। গত সপ্তাহে হঠাৎ এসে হাজির।  
দেখনা কাণ্ড। মতিনউদ্দিন—এ হচ্ছে আমাদের বাড়িওয়ালা, তবে  
আত্মীয়ের চেয়েও বেশি।’

ভদ্রলোক মিহি সুরে বললেন, ‘আপনার কথা অনেক শুনেছি।’

আমি বড়ই অবাক হলাম। আমার কথা অনেক শোনার কোনো  
কারণ নেই। ভদ্রলোক বিদেশ থেকে ফিরে আজই হয়ত প্রথম এখানে  
এসেছেন। এই সময়ের মধ্যে আমার কথা শুনে ফেলবেন সেটা ঠিক  
বিশ্বাস্য নয়। আমি হাসি মুখে বললাম, ‘কার কাছ থেকে শুনলেন?’

‘নীলু বললো।’

আমি অবাক হয়ে তাকালাম নীলুর দিকে। নীলুর এমন একজন  
বয়স্ক মোটাসোটা লোকের সঙ্গে ঘনিষ্ঠ পরিচয় থাকবে, তা ঠিক কল্পনা  
করা যায়না। নীলু রূপসী এবং অহংকারী। এই জাতীয় মেয়েরা  
মোটাসোটা টাকওয়ালা লোকদের সঙ্গে ঘনিষ্ঠতা করে না। ভদ্রলোক

কৌতূহলী হয়ে বললেন, ‘আপনি নাকি একবার একটা কাক পুষেছিলেন ? কাকটার নাম ছিল সম্রাট কনিষ্ক।’

আমাকে মানতেই হল উদ্রলোক আমার কথা আগেই শুনেছেন। প্রথম দিনই কেউ আমার কাক পোষার কথা জানবে, তা বিশ্বাস করা কষ্টকর।

‘নীলু আমাকে সব কিছু লিখতো চিত্রিতে।’

আমি ভালভাবে তাকালাম উদ্রলোকের দিকে। তাঁর চোখে মুখে এমন একটি ছেলেমানুষী ভাব আছে, যা ছেলেমানুষদের মধ্যেও সচরাচর দেখা যায় না। উদ্রলোক চোখ বড় বড় করে বললেন, ‘কাকটা না কি রাত দিন আপনার পেছনে পেছনে ঘুরঘুর করতো। সত্যি?’

আমার কাক পোষার ব্যাপারটির মধ্যে এতটা অতিরঞ্জন আছে তা জানা ছিল না। ঘটনাটি খুলে বলা যাক।

কাকটির সঙ্গে আমার পরিচয় খুবই আকস্মিক। একদিন সকালে নাশতা খাবার সময় সে রেলিংয়ের ওপর এসে বসলো। আমি যথারীতি একটি রুটির টুকরো ছুঁড়ে দিলাম। সে রুটির টুকরোটি স্পর্শও করলো না। মাড় বাঁকিয়ে অত্যন্ত গম্ভীর গলায় ডাকলো কা কা। খাবার স্পর্শ করে না, এই জাতীয় কাক আমি আগে দেখিনি—কাজেই অবাক হয়ে আরো কয়েক টুকরো রুটি ছুঁড়ে দিলাম। সে যেন আমাকে খুশি করবার জন্যেই একটি টুকরো উত্তিরে আমার সম্মুখীন মত বসে থাকলো বারান্দায়। সেই তার সঙ্গে আমার পরিচয়। শেষের দিকে সকাল থেকে সন্ধ্যা পর্যন্ত বসে থাকতো সে রেলিং-এ। আমাকে দেখতে গেলেই গম্ভীর গলায় ডাকতো কা কা। আমাদের মধ্যে কথাবার্তাও হত। যেমন আমি যদি বলতাম, ‘কি হে কনিষ্ক, শরীর ভাল তো?’

‘কা কা।’

‘তার মানে ভাল নেই। হুঁ। হয়েছেটা কি?’

‘কা কা কা’ (গম্ভীর আওয়াজ)

কাদের মিল্লার এই কাক নিয়ে দুঃশ্চিত্তার অন্ত ছিল না। তার ধারণা এটা একটা অলঙ্কার। সে খাঁটা নিয়ে অনেক বার তাড়াতে চেষ্টা করেছে। লাভ হয়নি। ছাব্বিশে মার্চের পর এই কাকটিকে আর দেখা যায়নি। কোথায় গিয়েছে কে জানে?

মতিনউদ্দিন সাহেব বললেন, ‘কাকটির নাম কনিষ্ক রাখলেন কেন? কনিষ্ক মানে কি?’

‘কনিষ্ক হচ্ছেন কুম্বান বংশের একজন সম্রাট। ভারতে রাজত্ব করে গেছেন আনুমানিক ১০০ খ্রীষ্টাব্দে।’

মতিনউদ্দিন সাহেব থেমে থেমে বললেন, ‘নীলু ঠিকই বলেছে, আপনি ভাই অশুভ লোক।’

নীলু রেগে গিয়ে বললো, ‘আমি আবার কখন এই সব বললাম?’

মতিনউদ্দিন সাহেবের সঙ্গে দুপুরে আমাকে ভাত খেতে হল। অন্যের বাড়িতে ভাত খেতে ভাল লাগে না। বড়ই অস্বস্তি বোধ হয়। সেখানে ভাত মাখাতে হয় উদ্রভাবে। লক্ষ্য রাখতে হয় চৌঁটে ভাত লেগে আছে কি না। হাত দিয়ে লবণ না নিয়ে চামচ দিয়ে নিতে হয়। সেই চামচটি আবার ধরতে হয় বাঁ হাতে। আমি নিতান্ত প্রয়োজন না হলে অন্যের বাড়িতে খেতে বসি না। এখানেও নিতান্ত বাধ্য হয়ে বসতেই হল। যখন নীলুর মত একটা মেয়ে নরক স্বপ্ন বলে, ‘আপনি না খেলে আমার খুব খারাপ লাগবে। আমি সন্ন্যাসী করেছি আপনার জন্যেই।’ তখন অবাক হয়েই খেতে বসতে হয়।

নীলু আমার সঙ্গে কথা-টথা বিতর্ক করে না। মাসের প্রথম দিকে বাড়ি ভাড়ার টাকাটা খামে ভরে দিই। এসে টেনে টেনে বলে—

‘টাকাটা গুনে নিন।’

আমি সব সময়ই বলি, ‘গুনতে হবে না, ঠিক আছে।’

সে ঠাণ্ডা স্বরে বলে, ‘গুনে নিন।’

আমাকে চোখ মুছানোর জন্যে টাকা গুনতে হয়। রূপসী একটা মেয়ের সামনে দাঁড়িয়ে টাকা গণনা বিড়ম্বনা বিশেষ। এক সময় সে বলে, ‘ঠিক আছে তো?’

‘ঠিক আছে।’

মতিনউদ্দিন সাহেবের সঙ্গে ভাত খেতে খেতে মনে পড়ল—এবার নীলু ভাড়া দিতে এসে টাকা গুনে নেবার কথা বলেনি। আমি যখন নিজ থেকে গুনতে যাচ্ছি তখন বলেছে—

‘শফিক সাহেব, আপনার যদি অস্বস্তি লাগে, তাহলে থাক গুনতে হবে না। আমি গুনে এনেছি।’

অন্যবারের মত টাকাটা দিয়েই নিচে নেমে যায়নি, হঠাৎ করে বলেছে—

‘আপনার বন্ধু কনিষ্কের কোনো স্বর্জ পেলেন?’

‘না, এখনো পাইনি।’

‘আমার মনে হয় সে মনের দুঃখে বিবাহী হয়েছে।’

নীলু খিল খিল করে হেসে উঠেই গভীর হয়ে বললো, ‘আপনি খুব সুখে আছেন শফিক সাহেব। কাজ টাজ কিছু করতে হয় না। বাড়ি ভাড়া নেন আর ঘরে বেড়ান।’

আমি উত্তর দিলাম না। সে দেখলাম খানিকক্ষণ ইতস্তত করে বললো, ‘বাবা আপনাকে খুব পছন্দ করেন।’

‘তাই নাকি?’

‘তাঁর ধারণা আপনার মত ভাল ছেলে খুব কম জন্মায়।’

আমি হঠাৎ বলে বসলাম, ‘উনি আমার পা দেখতে পান না তো, তাই বলেন।’

এরপর কথা আর এগোয়নি। নীলু মুখ কালো করে নিচে নেমে গেছে। আমি নিজেও ভেবে পাইনি হঠাৎ এই মুহূর্ত কেন তুললাম। না ভেবে চিন্তে মানুষ অনেক কিছুই বলে। আমি বলে বসেই আমরা ভাল মানুষ আর মন্দ মানুষকে আলাদা করতে পারি। এই যেমন আজ মতিনউদ্দিন সাহেব ভাত মাখতে মাখতে বললেন, ‘মিলিটারিগুলো দেখতে বেশ লাগে। কেমন স্মার্ট।’

ভদ্রলোকের এই কথা থেকেই শাব্বা যায়, এর মনে কোন ঘোরপ্যাচ নেই। এখনো মিলিটারি থেকে যে মুগ্ধ হয়, সে কিছু পরিমাণে ছেলেমানুষ। স্বামী হিসেবে প্রদর্শনের মানুষ পাওয়া ভাগ্যের ব্যাপার।

খাওয়া শেষ করে হাত ধুতে যাচ্ছি, তখন কাদের এসে উপস্থিত। সে আমাকে এক কক্ষণ নিয়ে চোখ ছোট করে বললো, ‘ছোট ভাই রোজ কেয়ামত।’

‘কি হয়েছে?’

‘রফিক সাহেবের ছোট ভাইয়ের খেল খতম।’

‘কি বলিস?’

‘কোন খোঁজ নাই। তাঁর মা ফিট হয় আর উঠে, আবার ফিট হয়।’

‘আমি ভালমত বিদায় না নিয়েই গেলাম রফিকের বাসায়। বাসায় দেখি অনেক লোকজনের ভিড়। একটি ছোটমত নীল রঙের গাড়িও দাঁড়িয়ে আছে।’

ভেতরে ঢুকে দেখি রফিকের ছোট ভাই বসার ঘরে গভীর হয়ে বসে আছে। তাকে ঘিরে বহু লোকজন। রফিক আমাকে দেখতে পেয়ে হাসি মুখে এগিয়ে এলো, ‘খবর পেজি কার কাছে?’

‘হয়েছেটা কি ? আমি তো কিছুই বুঝতে পারছি না।’

‘শুনিসনি কিছু ?’

‘না।’

‘কাল বিকেলে বাইরে গিয়েছিল। সারা রাত আর ফেরে নি। আমাদের অবস্থাটা তো বুঝতেই পারছিস। মা রাতে তিনবার ফিট হয়েছে।’

‘গিয়েছিল কোথায় ?’

‘ওর এক বন্ধুর বাড়ি। দেরি হয়েছিল বলে ওরা আর আসতে দেয়নি। বুঝে দেখ আমাদের অবস্থা।’

রফিকের বাড়ি থেকে বেরুবার সময় দেখি আরো লোকজন আসছে। ঢাকা শহরের সব লোকজন কি জেনে গেছে নাকি—রফিকের ছোট ভাই কাল রাতে বাড়ি ফেরেনি ?

ঘরে ফিরে দেখি মতিনউদ্দিন সাহেব দোতলায় বারান্দায় বসে সিগারেট টানছেন। জুতো-টুতো খুলে পা তুলে বসেছেন। আমাকে দেখে হাসি মুখে বললেন, ‘সিগারেট খাবার তুমি এলাম। মুরব্বীদের সামনে তো আর খাওয়া যায় না। কি বসে প’

‘তা তো ঠিকই। চা খাবেন ?’

‘তা বেশ তো। চা খেলে তো ভালই হয়। অসুবিধা তো কিছু দেখছি না।’

লোকটির মাথায় কি ভিট আছে ? আমি আড়চোখে তাকালাম তাঁর দিকে। কেমন নিবিট প’ তুলে বসে আছেন। কোন ভাবনা চিন্তা নেই।

‘শফিক ভাই, আমি বসে বসে এতক্ষণ আপনার কাকটার কথা ভাবছিলাম, যার নাম রেখেছিলেন কনিষ্ঠক।’

‘কি ভাবছিলেন ?’

‘না, বলা ঠিক হবে না আপনাকে।’

আমি আচমকা বললাম, ‘আমেরিকায় কি করতেন আপনি ?’

‘পড়াশোনা। পি. এইচ. ডি করেছি এগ্রনমিতে।’

আমি অবাক হয়েই তাকালাম। কে বলবে এই লোকটির একটি পি. এইচ. ডি ডিগ্রী আছে ! কেমন নিবোধ চোখ। তিনেচাল ভাব-ভঙ্গি। মতিনউদ্দিন সাহেব বিকেল পর্যন্ত আমার বারান্দায় বসে রইলেন। সন্ধ্যার আগে আগে তাঁকে নিতে তাঁর বড় ভাই আসবেন গাড়ি নিয়ে। তিনি গাড়ির জন্যে অপেক্ষা করতে লাগলেন। আমার বিরজির

সীমা রইল না। বিলু একবার এসে বললো নিচে যেতে। তিনি গম্ভীর হয়ে বললেন, বারান্দায় বেশ বাতাস, তিনি বাতাস ছেড়ে নিচে যেতে চান না। বিলুকে এইটুকু বলতেই তাঁর কান টান লাল হয়ে একাকার হল।

সন্ধ্যাবেলা কোনো গাড়ি এল না। শোনা গেল ঝিকাতলা এলাকায় কি একটা ঝামেলা হয়েছে। ঝিকাতলা থেকে ধানমণ্ডি পনেরো নম্বর পর্যন্ত প্রতিটি বাড়ি নাকি সার্চ করা হবে। সন্ধ্যা সাড়ে সাতটার দিকে একটা জীপে মাইক লাগিয়ে বলা হল, এই অঞ্চলে পরবর্তি নির্দেশ না দেয়া পর্যন্ত কাফু' ঘোষণা করা হয়েছে। তার কিছুক্ষণ পরই কারেন্ট চলে গেল। কাদের হারিকেন জ্বালিয়ে আবার নিভিয়ে ফেললো। মিলিটারি সার্চের সময় অন্ধকার থাকাই নাকি ভাল। এতে তারা মনে করে বাড়িতে লোকজন নেই। মতিনউদ্দিন সাহেব একেবারেই চুপ হয়ে গেলেন। বিলু যখন এসে বললো, খাবার দেয়া হয়েছে—তিনি বললেন, তাঁর একেবারেই খিদে নেই।

গভীর রাত পর্যন্ত আমি এবং মতিনউদ্দিন সাহেব অন্ধকার বারান্দায় চুপচাপ বসে রইলাম। রাত একটায় বাসার সামনে দিয়ে একটি খোলা জীপ গেল। সেই জীপটিই আবার রাত দেড়টার দিকে ফিরে গেল। আমি বললাম, 'মতিনউদ্দিন নাকি মতিন সাহেব? কাদের জায়গা করেছে।'

মতিন সাহেব শুকনো স্বরে বললেন, 'না ঘুম আসছে না?'

আমি বললাম, 'ভয় লাগছে না?'

'জ্বি-না। বড়ই শশা।'

মতিন সাহেব সিগারেট ধরিয়ে হঠাৎ বললেন, 'এটা বাংলা কোন মাস?'

তাঁর কথার জবাব দেবার আগেই জলিল সাহেবের স্ত্রীর কান্না শোনা গেল।'

'কে কাঁদে?'

'জলিল সাহেবের স্ত্রী। ওর স্বামীর কোন খোঁজ পাওয়া যাচ্ছে না।'

'কি সর্বনাশ, বলেন কি আপনি!'

মতিন সাহেব এমন ভাবে চোঁচিয়ে উঠলেন, যেন এরকম শুয়াবহ কথা এর আগে শোনেননি। সেই খোলা জীপটা এসে থামলো বাসার গেটের কাছে। কাদের ফিস ফিস করে বললো, 'দোয়া ইউনুস পড়েন ছোড ভাই। ভয়ের কিছু নাই।'

দোয়া ইউনুস কিছুতেই মনে করতে পারলাম না। কাদের মতিন সাহেবের সার্ট টেনে চাপা স্বরে বললো, 'সিগারেট ফেলেন। আগুন দূর থাইক্যা দেখা যায়।'

গাড়িটি এখানে অনন্তকাল দাঁড়িয়ে থাকবে নাকি? না, চলতে শুরু করেছে। এইতো যাচ্ছে বড় রাস্তার দিকে। আমার দোয়া ইউনুস মনে পড়ল। লাইলাহা ইল্লা আন্তা সোবাহানকা ইনি কুন্ত মিনায যোন্নালেমিন।

জলিল সাহেবের ভাই এখনো দেশে ফেরেননি।

সমগ্র ঢাকা শহর চড়ে বেড়াচ্ছেন। কিভাবে-কিভাবে যেন একজন কর্ণেলের সঙ্গে দেখা করে দরখাস্ত দিয়ে এসেছেন। সৈনিক পাকিস্তানে 'সন্ধান চাই' এই শিরোনামে একটি বিজ্ঞাপন দিয়েছেন এবং সন্ধান-দাতাকে নগদ পাঁচশ টাকা পুরস্কারের কথা ঘোষণা করেছেন।

পুরস্কার ঘোষণা কাজে দিয়েছে বলা যেতে পারে। কালো মত লম্বা এক লোক এসে হাজির। তাঁর চোখে নিকেলের চশমা, নিচের পাটির একটি দাঁত সোনা দিয়ে বাঁধানো। জলিল সাহেবের ভাই লোকটিকে আমার কাছে এনে হাজির করলেন। লোকটির বক্তব্য বিজ্ঞাপনের বর্ণনা মত একজন লোক মীরপুর বারো নম্বরে আটক আছে। তাকে ছাড়িয়ে অন্য জায়গায় থাকবে না, তবে এক হাজার টাকা দিলে সে দেখা করিয়ে দিতে পারে। আমি সন্তুষ্ট হয়ে গেলাম। যথাসম্ভব শান্ত স্বরে বললাম, 'আপনি নিজে দেখেছেন?'

'জি জনাব। নিজে না দেখলে বলি কেন? তবে আগের মত নাই, অনেক রোগা হয়ে গেছেন।'

'আপনি দেখলেন কি ভাবে? মীরপুর বারো নম্বরে আপনি কি করেন?'

'আমার চেনাজানা লোক আছে।'

'বাড়ি কোথায় আপনার?'

'বাড়ি দিয়ে আপনার দরকার কি? দেখা করিয়ে দিলেই তো হয়।'

'কখন দেখা করাবেন?'

'এখন বলতে পারব না। খোঁজ খবর নিয়ে বলতে হবে।'

আমি গম্ভীর গলায় বললাম, ‘আপনার সঙ্গে যখন দেখা হয়, তখন এক কাজ করেন না কেন, জলিল সাহেবকে দিয়ে এক লাইনের একটা লেখা লেখিয়ে আনেন, আপনাকে সঙ্গে সঙ্গে এক হাজার টাকা দেয়া হবে।’

লোকটি সঙ্গে সঙ্গে রেগে উঠলো।

‘আপনে আমার কথা বিশ্বাস করেন নাই। আপনার সাথে ভাই আমি নাই। আমার এক কথা, আমি দেখা করিয়ে দেব। কিন্তু টাকাটা আমাকে এখন দিতে হবে।’

‘এখন দিতে হবে?’

‘জি জনাব। অর্ধেক এখন দেন আর বাকি অর্ধেক দেখা হওয়ার দিন দেন। ব্যাস সাক্ষ কথা।’

আমি ঠাণ্ডা গলায় কাদেরকে বললাম, ‘এই লোকটাকে ঘাড় ধরে বের করে দে কাদের।’

জলিল সাহেবের ভাই দারুণ অবাক হয়ে বললেন, ‘আরে না না। এই সব কি বলছেন। আসেন তো ভাই আসি আমার সাথে। চা পানি খান। আসেন দেখি। অবিশ্বাস করার কি আছে? মাবুদে এলাহী অবিশ্বাস করবো কেন? আপনি কি আর খামাখা মিথ্যা কথা বলবেন?’

সন্ধ্যাবেলা খবর পেলাম লোকটিকে পাঁচশ টাকা দেয়া হয়েছে এবং একটা টিফিন কেরিয়ারে খবর গোপনত পারাটা দেয়া হয়েছে পৌছে দেবার জন্যে। লোকটি বলে গিয়ে সে বৃহস্পতিবার বিকেলে এসে জলিল সাহেবের ভাইকে মীরপুর বাস স্টপে নিয়ে যাবে। লোকটি যে আর আসবে না সেই সম্পর্কে আমি খোল আনা নিশ্চিত ছিলাম।

কিন্তু সে সত্যি সত্যি বৃহস্পতিবার বেলা দুটার সময় এসে হাজির। খালি টিফিন কেরিয়ারটিও সঙ্গে নিয়ে এসেছে। সে অবশ্যি দেখা করানোর জন্যে জলিল সাহেবের ভাইকে মীরপুরে নিয়ে গেল না। তার জন্যে নাকি অন্য এক বিহারী ব্যক্তির (সুলায়মান খাঁ) সঙ্গে যোগাযোগ হওয়া প্রয়োজন। সেই লোক রোববার আসবে। রোববারে অবশ্যি দেখা হবে। এবারও লোকটি একটি কল্ল, একটি বালিশ এবং দুশ টাকা নিয়ে গেল।

জলিল সাহেবের ভাইয়ের ধৈর্য সীমাহীন। তিনি রোববার ভোরে গেলেন, মঙ্গলবার দুপুরে গেলেন এবং আবার বৃহস্পতিবার সকালে গিয়ে সন্ধ্যাবেলা গায়ে জ্বর নিয়ে ফিরে এলেন। আমি দেখতে গেলাম রাতে।

বেশ জ্বর। ভদ্রলোক ভেপ গায়ে দিয়ে কুণ্ডলী পাকিয়ে শুষে ছিলেন।  
আমাকে দেখে উঠে বসতে চেষ্টা করলেন।

‘শুষে থাকেন, উঠতে হবে না। আজকেও দেখা হয়নি?’

‘জি না। সামনের মাসের দুই তারিখ যাইতে বলে।’

‘যাবেন?’

‘জি না। ওরা কোন খোঁজ জানে না। শুধু পেরেশানী করে।’

‘এতদিনে বুঝলেন?’

‘বুঝছি আগেই ভাই, কিন্তু কি করব—মিখাটাই বিশ্বাস করতে  
ইচ্ছা হয়।’

‘আরো খোঁজখবর করবেন?’

‘জি না, আগামী মঙ্গলবার ইনশাআল্লাহ দেশের বাড়ি রওনা হবে।’

‘ঠিক আছে আপনি বিশ্রাম করেন। পরে কথা বলব।’

‘না ভাই একটু বসেন। এক কাপ চা খান। আমিনা ও আমি।’

আমিনা সম্ভবত জলিল সাহেবের স্ত্রী। কস্তুরী পর্দা এঁদের। তিনি  
এলেন না। দরজার ওপাশে খট খট শব্দে জানান দিলেন। জলিল  
সাহেবের ভাই শান্ত স্বরে বললেন, ‘আমিনা আজ কেয়ামতের দিন কোনো  
পর্দা থাকে না। মেয়ে পুরুষ তখন সব সমান। এখন সময়টা  
কেয়ামতের মত। এখন কোন পর্দা পিশাদা নাই। তুমি আস চা নিয়া।’

জলিল সাহেবের স্ত্রীকে বিশেষ আমি বড়ই অবাক হলাম। নিতান্ত  
বাচ্চা একটি মেয়ে। শ্যামলা ছিপি ছিপে গড়ন। খুব লম্বা ঘন কালো চুল।  
এই বয়সের মেয়েরা ‘বনী’ দুলিয়ে স্কুলে যায়। হাত ভরতি আচার নিয়ে  
বারান্দায় বসে চোখ মুটে খায়। মেয়েটি নিজে থেকেই বললো, ‘আপনার  
কি মনে হয় তাকে মেরে ফেলেছে?’

আমি সঙ্গে সঙ্গে জবাব দিতে পারলাম না। মেয়েটি খেমে খেমে  
বললো, ‘তাকে কেন মারবে বলেন? সে তো কিছুই করে নাই। সে তো  
মানুষকে একটা কড়া কথা পর্যন্ত বলতে পারে না। সাত বৎসর বয়স  
থেকে কোন নামাজ কাঙ্গা করে নাই। কেন আল্লাহ এমন করবেন?’

জলিল সাহেবের ভাই গম্ভীর হয়ে বললেন, ‘আল্লাহর কাজের কোন  
সমালোচনা নাই আমিনা। গাফুরুর রাহিম যা জানেন আমরা সেইটা  
জানি না।’

মঙ্গলবার দুপুরে জলিল সাহেবের ভাই সবাইকে নিয়ে চাঁদপুর চলে  
গেলেন। একটি ঠিকানা দিয়ে গেলেন কোন খবর থাকলে জানাবার  
জন্যে। ভদ্রলোক রুমাল দিয়ে চোখ মুছতে থাকলেন। আমার কিছু

একটা বলা উচিত। কোন একটা আশার কথা। অর্থহীন কোন সান্ত্বনার বাণী। কিছুই বলতে পারলাম না।

রাত্রে অনেকদিন পর কোনো কান্না শোনা গেল না। তাদের তাল্লা দেয়া বাড়ির সামনে একটা কুকুর এসে শুয়ে থাকলো। রাত দশটার দিকে দেখি সেই বাড়ির বারান্দায় বসে নেজাম সাহেব সিগারেট টানছেন। জলিল সাহেবের ভাইয়ের সঙ্গে তাঁর বেশ খাতির হয়েছিল। প্রায়ই দেখতাম দুজন এক সঙ্গে বেরুচ্ছেন।

মতিনউদ্দিন সাহেব আজকাল খুব ঘন ঘন আসেন। আজিজ সাহেবের ঘরে না গিয়ে সরাসরি উঠে আসেন দোতলায়। আমার খোঁজ করেন না, ডিকন সূরে কাদেরকে ডাকেন, 'ও কাদের মিয়া। কাদের 'আছ নাকি?'

কাদের সাড়া দিলেই তিনি অসকোচে বলেন, 'কাদের মিয়া, রাতে এখানে থাকো।'

বড়ই আশ্চর্য লাগে আমার কাছে। একদিন একেলে এসে দেখি ভদ্রলোক আমার বিছানায় চাদর মুড়ি দিয়ে মিথ্যা ঘুমচ্ছেন। কাদের আমাকে ফিস ফিস করে বললো, 'ইনার শুলজা খারাপ। গায়ে জ্বর।' 'কাদের, রাতে আমি ভাত খাব না। কচি করবে।'

আমাকে বললেন, 'জ্বর গায়ে ছাতি খাওয়াটা ঠিক হবে না। কি বলেন শফিক ভাই।'

'আমি আশ্চর্য হয়ে বললাম, 'আপনি কি এখানেই থাকবেন নাকি?'

ভদ্রলোক আমার কাছেও আশ্চর্য হয়ে বললেন, 'জ্বরজ্বারি নিয়ে যাব কোথায়? কাজের লোক যে ছেলে রেখেছিলাম সেটাও চলে গেছে। একা একা থাকি কি করে?'

তাকিয়ে দেখি ভদ্রলোক দুটি প্রকাণ্ড কালো রঙের সুটকেস সাথে করে নিয়ে এসেছেন।

বিলু ভদ্রলোকের কাণ্ড দেখে টেনে টেনে খুব হাসতে লাগলো। আমার সামনেই নীলকে বললো, 'আমি তোমাকে কতবার বলেছি, ভদ্রলোকের মাথা পুরোপুরি খারাপ। তুমি তো বিশ্বাস কর না।'

নীলু খুবই রাগ করলো। একেবারে কেঁদে ফেলার মত অবস্থা। চোখ মুখ লাল করে বললো, 'কি মনে করে ঘরবাড়ি নিয়ে আপনি অন্যের বাড়িতে উঠে আসলেন?'

'একলা থাকতে পারি না নীলু। ভয় লাগে।'

'ভয় লাগে! আপনি কচি খোকা নাকি?'

নীলু সত্যি সত্যি কেঁদে ফেললো। আমি অবস্থা সামলাবার জন্যে বললাম, 'এই সময় একা একা থাকটা ভয়েরই কথা।'

নিচ থেকে নেজাম সাহেব হৈ চৈ শুনে এসেছিলেন। তিনি মহা উৎসাহে বললেন, 'কোনো অসুবিধা নাই। আপনি ভাই আমার সঙ্গে থাকেন। ভুতের উপদ্রব এই বাড়িতে। একা একা থাকতে আমাদেরো ভয় লাগে।'

মতিনউদ্দিন সাহেব পরদিন কাদেরকে নিয়ে বাড়ি থেকে সব জিনিসপত্র নিয়ে এলেন। মোহাম্মদপুরের বাবর রোডে বিরাট এক একতলা বাড়ি ভাড়া করে থাকতেন। কাদেরের ভাষায় ঐ বাড়িতে একা একা জ্বীনও থাকতে পারে না। আশপাশে কোনো বাড়িতে কোনো লোক নেই। এই কদিন ভদ্রলোক কি করে একা একা ছিলেন তাই না-কি এক রহস্য।

কাদেরের কাছ থেকে আরো জানা গেল যে মতিনউদ্দিন সাহেব এই দেশে থাকবেন না, আবার চলে যাবেন। তাঁর জন্যে দরখাস্ত করেছেন। নতুন ব্যবস্থায় আজিজ সাহেব মহা খুশি। তার মতে এটি একটি উত্তম ব্যবস্থা। সব দিক থেকেই ভাল। নীলুর মনোভাব ঠিক বোঝা যায় না। তাকে মতিনউদ্দিন সাহেবের সঙ্গে গল্প টক্কর করতে দেখি না, তবে একদিন পেয়েছিলাম জামগাছের নিচে দুজনে কথা বলতে বলতে হাঁটছে। আমাকে দেখতে পেয়ে নীলু চট করে আড়ালে সরে গেল। কি জন্যে লুক্কানো।

আজিজ সাহেব আজকাল আর আগের মত আমাদের ডেকে পাঠান না। তাঁর ব্যস্ততা হঠাৎ করে খুব বেড়েছে। তিনি স্থির করেছেন ছাব্বিশে মার্চের পর থেকে কোথায় কি হচ্ছে সব লিখে রাখবেন। লেখার কাজটা করবে বিলু। তিনটি আলাদা আলাদা খাতা করা হয়েছে। একটিতে লেখা হচ্ছে পাকিস্তান রেডিওর খবর, অন্যটিতে আকাশবাণী কলকাতার। তৃতীয়টি হচ্ছে স্বাধীন বাংলা, বি বি সি এবং ভয়েস অব আমেরিকার জন্যে।

জুন মাসে ঢাকার অবস্থা অনেক ভাল হয়ে গেল। কাফু' সমন্বয়সীমা কমিয়ে রাত বারোটা থেকে সকাল ছটা করা হল। রাস্তার বিভিন্ন জায়গায় যে সব মিলিটারি চেকপোস্ট ছিল, সেখান থেকে মিলিটারি সরিয়ে পুলিশ বসানো হল। ঢাকার সমস্ত পুলিশ মিলিটারির সঙ্গে যুদ্ধে মারা গেছে বলে যে খবর পেয়েছিলাম সেটি বোধ হয় পুরোপুরি সত্যি নয়। চারদিকে প্রচুর পুলিশ দেখা যেতে লাগলো।

সেন্ট্রাল শান্তি কমিটি থেকে বলা হল, সমগ্র দেশের অবস্থা সম্পূর্ণ স্বাভাবিক। একজন ফরাসী সাংবাদিক পত্রিকায় বিবৃতি দিলেন। দেশের শান্তি শৃঙ্খলার সার্বিক উন্নতি হয়েছে। তেমন কোন অস্বাভাবিকতা তাঁর চোখে পড়েনি। জনগণের মধ্যে আস্থার ভাব পুরোপুরি ফিরে এসেছে।

নীলক্ষেতের রাস্তা দিয়ে আসবার সময় দেখি মহাসিন হলের অনেকগুলো জানালা খোলা। ছেলেরা দড়িতে সার্চ গুণ্ডাতে দিয়েছে। সত্যি সত্যি হল খুলে দেয়া হয়েছে না-কি? হতেও পারে। পত্রিকায় দেখলাম আসন্ন রমজান উপলক্ষ্যে রেশনে খি এবং সুজি দেয়া হবে।

ঠিক এই সময় রফিকের ছোট ভাইটির বিয়ে হয়ে গেল। হঠাৎ করেই নাকি সব তিন হয়েছিল। দুপুরবেলায় বিয়ে। আমাকে বরযাত্রী যেতে হল। রফিককে মনে হল বেশ সঙ্কুচিত। তাকে বাদ দিয়ে ছোট ভাইয়ের বিয়ে হয়ে যাচ্ছে, এই কারণেই কি-না কে জানে।

বিয়েবাড়িতে গিরে দেখি হলস্থল কারবার। গাটের সামনে ব্যাঙ পাটি। ছোট ছোট মেয়েরা পরীর মত ঘুরে বেড়াচ্ছে। বড় ভাল লাগলো দেখে। গেটধরনীরা হাজার টাকার ফিস পেটে ছাড়বে না। শুধু টাকা দিলেই হবে না, তিনটি ধাঁধা আছে। তিনটি চুকতে হলে সেগুলোও ভাঙতে হবে। একটি ধাঁধা হচ্ছে, কাটতে কোন জিনিস বড় হয়। বরযাত্রী যারা ছিলাম কারোর বুদ্ধি শুদ্ধি বোধ করি সে রকম নয়। আমরা কেউই একটি ধাঁধারও উত্তর দিতে পারিনি না। বাচ্চা মেয়েগুলো খুব হাসাহাসি করতে লাগলো। হাসাহাসি করলে কি হবে, সবগুলো বিচ্ছু—গেট খুলবে না। শেষ পর্যন্ত মেয়েরা এসে ধমক দিলেন, 'গেট খোল। সব সময় ফাজলানী।'

বিয়ে পড়ানো হয়ে গেল নিমিষের মধ্যেই। 'দেন মোহরান'—খা নিয়ে দু পক্ষই ঘন্টাদুয়েক দড়ি টানাটানি করেন, তাও দেখি আগেই ঠিক করা। শুধু কবুল বলে নাম সহ। বিয়ে বলতে এইটুকুই।

খেতে গিয়েও দেখি এলাহী ব্যবস্থা। জনপ্রতি ফুল রোস্ট, কাবাব রেজালা। আমার পাশে রোগামত একটি লোক বসেছিলো। সে আমার পেটে খোঁচা মেরে ফিস ফিস করে বললো, 'ব্রিগেডিয়ার বখতিয়ার এসেছে দেখেছেন?'

'কোথায় ব্রিগেডিয়ার বখতিয়ার?'

'ঐ যে দেখছেন না সানগ্লাস পরা। খাস পাজাব রেজিমেন্ট। আর্মড কোরের লোক। বডি দেখেছেন?'

আমি দেখলাম লম্বা করে রোগামত একটি লোক। বেশ কিছু লোক ঘুর-ঘুর করছে তার সঙ্গে।

‘কতবড় দালাল দেখেছেন? পাঞ্জাবীর সাথে পিতলা খাতির।’

খাওয়া দাওয়া শেষ হতেই রফিক আমাকে বউ দেখাতে নিয়ে গেল। মেয়েটি দেখে আমি স্তম্ভিত। খেন সত্যা সত্যা একটি জলপরী বসে আছে। এমন সুন্দর মেয়েও পৃথিবীতে আছে।

দুপুর বেলা হঠাৎ চারদিক অন্ধকার করে ঝড় এলো।

‘জামগাছ থেকে শন শন শব্দ উঠতে লাগলো, একতলার কলঘরের টিনের চাল উড়ে চলে গেল। ঝড় একটু কমতেই শুরু হল বর্ষণ। তুমুল বর্ষণ। দরজা জানালা সব বন্ধ, তবু ফাঁক দিয়ে পানি এসে ঘর ভাসিয়ে দিল। কাদের মহা উৎসাহে ছোট্টাছুটি করছে। একবার নিচে যাচ্ছে, আবার ওপরে উঠে আসছে। তার ব্যস্ততা সীমাহীন ব্যস্ততা। আমি চা করতে বনেছিলাম, সে তার ধার দিয়েও যাচ্ছে না। একবার এসে হাসি মুখে বললো, ‘বিলু আফার ঘরের একটি জানালার কাম সাফ। উইড়া গেছে।’

উল্লসিত হওয়ার মত কোনো ঘটনা নয়। কিন্তু কাদেরের মনস্তত্ত্ব বোঝার সাধ্য আমার নেই। আমি গম্ভীর হয়ে বললাম, ‘হাসি তা’মাশার কি আছে এর মধ্যে?’

ঠিক এই সময়ে একতলা থেকে নেজাম সাহেব ভীত স্বরে ডাকতে লাগলেন,—‘শফিক ভাই শফিক ভাই’। আমার উত্তর দেবার আগেই কাদের মিয়া বিদ্যুৎগতিতে নিচে নেমে গেল। সেখান থেকে সেও চেষ্টাতে লাগলো, ‘ও ছোড মিয়া, ও ছোড মিয়া।’ আমি গিয়ে দেখি জলিল সাহেব। মাথার চুল কামানো। গায়ে একটি গেঞ্জি এবং ফুল প্যান্ট। আমাকে দেখে বললেন, ‘ভাল আছেন শফিক ভাই?’

নেজাম সাহেব বললেন, ‘হাতটার অবস্থা দেখেছেন?’

হাতের দিকে তাকিয়ে আমি শিউরে উঠলাম। তাঁর বাঁ হাতটি কনুইয়ের নিচ থেকে শুকিয়ে গেছে। আমি বললাম, ‘আপনার বৌ আর মেয়ে ভাল আছে। আপনার ভাই এসে তাদের নিয়ে গেছে চাঁদপুর।’

জলিল সাহেবের কোন ভাবান্তর হল না। থেমে থেমে বললেন, ‘খিদে লাগছে, ভাত খাব।’

ভাত খেয়ে প্রায় সঙ্গে সঙ্গেই ঘুমিয়ে পড়লেন। সন্ধ্যাবেলা দেখা গেল তাঁর প্রচণ্ড জ্বর। চোখ রক্তবর্ণ। মনে হল কাউকে চিনতে পারছেন না। নেজাম সাহেব বললেন, ‘জলিল ভাই আমাকে চিনতে পারছেন? আমি নেজাম।’

জলিল সাহেব উত্তর দেন না।

‘কি চিনতে পারছেন না?’

জলিল সাহেব বললেন, ‘পানি দেন ভাইসাব, তির্যাস লাগে।’

কাদের দৌড়ে গিয়ে ডাক্তার আনলো। আর আমাদের সবাইকে স্তম্ভিত করে জলিল সাহেব রাত একটার সময় মারা গেলেন। মারা যাবার আগ মুহূর্তে খুব সুস্থ ও স্বাভাবিক মানুষের মত কথাবার্তা বললেন। বউ কোথায়? মেয়েটি কেমন আছে জিজ্ঞেস করলেন খুঁটিয়ে খুঁটিয়ে। নেজাম সাহেব বললেন, ‘হাতটা এ রকম হল কেন?’

জলিল সাহেব তার উত্তর দিলেন না। আমি জিজ্ঞেস করলাম, ‘আপনি এতদিন কোথায় ছিলেন?’

‘মিলিটারিরা ধরে নিয়ে গিয়েছিল। খুঁটিয়াবের কাছ থেকে।’

‘কবে ছেড়েছে?’

‘গত পরশু।’

‘বলেন কি! এই দুই দিন কোথায় ছিলেন?’

জলিল সাহেব তার উত্তর দিলেন না। এর কিছুক্ষণ পরই তাঁর মৃত্যু হল। আমি চলে এলাম ওপরে। এসে দেখি মতিনউদ্দিন সাহেব ইজি চেয়ারে শুয়ে কাউ মাউ করে কাঁদছেন।

ঝড় বৃষ্টি খেটে গিয়ে মধ্যরাতে আকাশ কাঁচের মত পরিষ্কার হয়ে গেল। প্রকাশে একটি চাঁদ স্বাক্ষর করতে লাগলো সেখানে। সেই অসহ্য জোৎস্নার দিকে তাকিয়ে থেকে শুনলাম অনেক দিন পর জলিল সাহেবের বউ কাঁদছে। সরু মেয়েলী গলায় গাঢ় বিষাদের কান্না—‘কেন কাঁদছে?’ কাদের মিয়া বললো, ‘বিলু আফা কানতাকে।’

বিলু নিলু দুই বোন সমস্ত রাত জলিল সাহেবের মাথার পাশে বসে রইল।

মৌজবী ইজাবুদ্দিন সাহেব এম. এ. (এল. এল. বি.) খবর পাঠিয়েছেন—আমি যেন অবশ্যি তাঁর সঙ্গে দেখা করি, বিশেষ প্রয়োজন।

দুবার গিয়ে তাঁকে পেলাম না। তিনি আজকাল ভীষণ ব্যস্ত। বাসায় টেলিফোন এসেছে। সন্ধ্যার পর দুজন আনসার তাঁর বাড়ি পাহারা দেয়। আগে তাঁর বাড়ির বারান্দায় কোনো আলো ছিল না। এখন তিন দিকে একশ পাওয়ারের তিনটি বাতি জ্বলে।

কোন মানুষকে দু'বার গিয়ে না পাওয়া গেলে তৃতীয়বার যাওয়ার উৎসাহ থাকে না। তা ছাড়া আমি ভেবে দেখলাম, আমাকে তাঁর বিশেষ প্রয়োজন হওয়ার কোনোই কারণ নেই। আমি আর না যাওয়াই ঠিক করলাম। তৃতীয় দিন ইজাবুদ্দিন সাহেব আমাকে নেয়ার জন্যে গাড়ি পাঠালেন। গাড়িতে অসম্ভব রোগা এবং অসম্ভব লম্বা একটি লোক বসেছিল। সে কড়া গলায় বললো, 'আপনাকে ডাকা হয়েছে তবু আপনি আসেননি কেন ?

আমার সঙ্গে কেউ কড়া গলায় কথা বললে আমি সাধারণত কড়া গলায় জবাব দিই। কিন্তু দিন কাল ইজাবুদ্দিন সাহেবের সঙ্গে কাজ করলে কাজেই সহজ ভঙ্গিতে বললাম, 'আপনি কে ?'

'তা' দিয়ে আপনার দরকার কি ?'

'আপনি কি ইজাবুদ্দিন সাহেবের সঙ্গে কাজ করেন ? আপনাকে এঁতে দেখিনি।'

'আপনি বেশি কথা বলেন। বেশি কথা বলা ঠিক না।'

'ঠিক না কেন বলুন যোগ্য।'

লোকটি কঠিন মুখে মুগ্ধ করে রইল।

ইজাবুদ্দিন সাহেব কিন্তু এমন ভাব করলেন কেন আমি একজন মহা সম্মানিত ব্যক্তি। গাড়ি থামা মাত্র ঘর থেকে বেরিয়ে এসে নরম স্বরে বললেন, 'আগতে কোন তকলিফ হয় নাই তো ?'

'না কোন তকলিফ হয়নি। ব্যাপারটা কি ?'

'আরে না ভাই কিছু না। কথা-বার্তা বলার জন্যে ডাকলাম। আসেন ভেতরে গিয়ে বসি।'

ভেতরে অনেক লোকজন বসে ছিল। এঁদের মধ্যে একজনের মাথায় একটি বলমলে খুঁটিওয়ালা টুপি। লোকজন এখনো এই জাতীয় টুপি পরে, আমার জানা ছিল না। গাড়ির সেই ওকনো লোকটিকে দেখলাম আলাদা একটা টেবিলে। টেবিলে ফাইলপত্রও আছে। ইজাবুদ্দিন সাহেব বললেন, 'আপনার এইখানে একজন লোক মারা গেছে শুনলাম। কিভাবে মারা গেল, কি সমাচার ?'

আমি বেশ স্পষ্ট স্বরেই বললাম, 'মিলিটারিরা পিটিয়ে মেরে ফেনেছে।'

'বলেন কি সাহেব!'

ইজাবুদ্দিন সাহেব এমন ভাব করলেন, যেন অবস্বনীয় একটা ঘটনা ওললেন। সেই শুকনো লোকটি সরু দৃষ্টিতে আমার দিকে তাকিয়ে রইল। তুর্কি টুপি পরা ভদ্রলোক বিড় বিড় করে কি যেন বললেন। তিনি এক সময় গলার স্বর উঁচু করে বললেন, 'লোকটি কে?'

'আমার একজন ভাড়াটে। পরহেজগার লোক। সাত বছর বয়স থেকে নামাজ কাঁজা করেনি।'

ইজাবুদ্দিন সাহেব খেমে খেমে বললেন, 'বড়ই আফসোসের কথা। সিপাইদের হাতে দু'একটা এই রকম ঘটনা ঘটেছে। দশজন মন্দের সাথে একজন ভালও শান্তি পায়। দুনিয়ার নিয়মই এই। আমি ব্রিগেডিয়ার সাহেবকে নিজে বলব ব্যাপারটা। ছবিম্যতে এই রকম যেন না হয়।'

আমি চুপ করে রইলাম। তুর্কি টুপি পরা ভদ্রলোক বললেন, 'নৃত্য স্বয়ং আল্লাহপাকের হাতে। আল্লাহপাক যদি ঐ লোকের নৃত্য মিলিটারির হাতে নিখে থাকেন তাহলে হবেই। আপনি আমি কিছুই করতে পারব না। কি বলবে ইজাবুদ্দিন সাহেব?'

ইজাবুদ্দিন সাহেব বেশ দীর্ঘশ্বাসে বললেন না। আমি বললাম—'আপনি কি এটার জন্যেই ডেকেছেন?'

'হুঁ না, আমি ডেকেছি অন্য ব্যাপারে। স্থানীয় কিছু গণ্য-মান্য লোকদের নিয়ে একটা শান্তি সভা হবে। যাতে মানুষের মন থেকে ভয়-ভীতি দূর হয়। সবারই এখন মিলেমিশে থাকা দরকার। আপনার বাবা ছিলেন এই অঞ্চলের একজন বিশিষ্ট ভদ্রলোক। পাকিস্তান হাসেলের জন্যে তিনি যে কি করেছেন তা তো আপনি জানেন না, জানি আমি। জিন্নাহ সাহেবের সাথে তাঁর চিঠিপত্রের যোগাযোগ ছিল। তাঁর ছেলে হিসাবে আপনার শান্তি সভাতে থাকা দরকার।'

'আমি থাকবো।'

'তা তো থাকবেনই। না থাকলে কি আর আমি ডাকতাম আপনাকে? মানুষ চিনি তো। আপনার দুলাভাইয়ের সঙ্গে দেখা হল সেদিন। তিনি আবার ব্রিগেডিয়ার তোফাজ্জল সাহেবের বিশিষ্ট বন্ধু।'

ইংল্যান্ডে উনার সঙ্গে ব্রিগেডিয়ার সাহেবের পরিচয়। জানি তো সব, হা হা হা।’

ইজাবুদ্দিন সাহেব আমাকে গাড়িতে করে ফেরত পাঠানেন। সেই শুকনো লোকটা এবারো যাচ্ছে আমার সঙ্গে। তার ভাবভঙ্গি এখন আর আগের মত নয়। খুব বিনীত অবস্থা। গাড়ি ছাড়া মাত্র বললো, ‘কোনো রকম অসুবিধা হলে বলবেন আমাকে।’

‘আপনাকে বলব কেন?’

‘না, আমি মানে খোঁজ খবর রাখি। অনেক রকম কানেকশন আছে, ইয়ে কি যেন বলে.....’

লোকটি খতমত খেয়ে চুপ করে গেল।

বাসায় এসে দেখি বড় আপা চিঠি পাঠিয়েছে। তাতে লেখা—‘আগামী কাল দুপুরে আমরা নীলগঞ্জে চলে যাচ্ছি। তুমি অবশ্যই তোমার জিনিসপত্র নিয়ে চলে আসবে। তোমার দুলালুইয়ের ধারণা, অবস্থা খুব খারাপ।’

আমি অবস্থা খারাপের তেমন কোনো কল্পনা দেখলাম না। সব কিছুই বেশ স্বাভাবিক। মুক্তিবাহিনী টাঙ্কি বলে কিছু নেই বলেই মনে হচ্ছে। বড় আপার ধারণা মুক্তিবাহিনীর সমস্ত ব্যাপারটাই আকাশ-বাণী কোলকাতার দেবদুলাল সাবুর কল্পনা। বড় আপাকে ঠিক দোষও দেয়া যায় না। শিলকাতার খবরগুলোর প্রায় বারআনাই মিথ্যা। তাদের খবর অনুসারে যেদিন মুক্তিবাহিনীর বোম্বার্ড মগ-বাজার বিদ্যুৎ ট্রান্সমিশন কেন্দ্র সম্পূর্ণ বিকল বলা হয়, তার পরদিনই বড় আপার বাসায় খাবার সময় দেখি সব ঠিক ঠাক আছে। আরেক দিন বলা হয়—মুক্তিবাহিনীর সঙ্গে সন্মুখ সমরের ফল হিসেবে ঢাকার রাজপথ আজ জনশূন্য। আমি দেখলাম দিবা লোকজন চলাচল করছে।

আমার জানামতে দুজন লোককেই পাওয়া গেল, যাদের স্বাধীন বাংলা বেতার এবং কোলকাতা বেতারের খবরের উপর পূর্ণ আস্থা। একজন আমাদের আজিজ সাহেব, অন্যজন কাদের মিয়া। কাদের মিয়া আবার যা শোনে তার তিন গুণ বলে। রাতে শোবার আগে সে ইদানীং নিচু গলায় বলছে, ‘ছোড ভাই, মিলিটারির পাতলা পায়খানা শুরু হইছে।’

আমি এই জাতীয় আলোচনায় বিশেষ উৎসাহ দেখাই না, কিন্তু কাদেরের কোন উৎসাহের প্রয়োজন হয় না।

‘বিবিসির খবর ছোড ভাই, চিটাগাং-এ পুরা ফাইট। ঢাকা শহরেও শুরু হইছে। খেইল জমতাছে ছোড ভাই।’

‘কই আমিতো কোন খেইল দেখি না।’

‘ছোড ভাই এইসব তো দেখনের জিনিস না। ভিতরের ব্যাপার। ইসকুরু টাইট হইতাছে ছোড ভাই।’

‘টাইট দেয়া হলে তো ভালই।’

কাদেরের আগের ভাব এখন নেই। আগে সে বাড়ি ঘর ছেড়ে বড় আপার বাসায় গিয়ে ওঠার জন্যে ব্যস্ত ছিল, এখন সে ব্যস্ততা নেই। তবে তার কাজ অনেক বেড়েছে। প্রতিদিনই একবার মতিনউদ্দিন সাহেবের সঙ্গে তার বৈঠক বসে। সেই বৈঠক রাত দশটা এগারোটা পর্যন্ত চলে। একদিন দেখি সে মতিনউদ্দিন সাহেবের প্যাকেট থেকে সিগারেট নিচ্ছে। মতিনউদ্দিন সাহেব নাইটার এগিয়ে দিলেন। সকালবেলা নীলু যখন খবরের কাগজ পড়ে তার বাবাকে শোনায়, কাদের মিয়া সেখানেও হাজির থাকে। এবং পড়া শেষ হলে গভীর হয়ে বলে, ‘একটাও সত্যি খবর নাই।’ এ ব্যাপারে আজ জ সাহেবও তার সঙ্গে পুরোপুরি একমত।

মগবাজারে বড় আপার বাসায় গিয়ে দেখি তাদের যাওয়া বাতিল হয়ে গেছে। বড় আপা মহা খুশি। কাপড় চোপড় সুটকেস থেকে নামানো হচ্ছে। বেশ একটা খুশি খুশি ব্যস্ততা।

‘তোমাদের যাওয়ার ঠিক হল?’

‘তোর দুলাভাইকে জিজ্ঞেস কর, আমি কিছু জানি না।’

দুলাভাই ঠিক পরিষ্কার করে কিছু বলেন না। তাঁর হাবভাবে মনে হল অবস্থা যতটা খারাপ মনে করেছিলেন ততটা খারাপ না। একদিনে অবস্থা হঠাৎ করে কি ভাবে ভাল হয়ে গেল তা ঠিক বুঝতে পারলাম না।

এক ফাঁকে বড় আপা বললেন, তাঁরা তাজমহল রোডের বিজলী মহল্লায় একটা চারতলা বাড়ি কিনবেন। পাঁচানব্বই হাজার টাকা দিলেই পাওয়া যায়। যে অবাঙালীর বাড়ি, সে পাকিস্তান চলে যাবে, কাজেই জলের দরে সব কিছু বিক্রি করে দিচ্ছে। দেশের অবস্থা ভাল হলে ঐ নোককে জলের দরে সব কিছু বিক্রি করে চলে যেতে হচ্ছে কেন, তাও পরিষ্কার বোঝা গেল না।

দুলাভাই আনাকে গাড়ি করে পৌঁছে দিলেন। অপ্রাসঙ্গিক ভাবেই বললেন, ‘এখানকার একজন ব্রিগেডিয়ারের সঙ্গে আমার খুব জানাশোনা

আছে। তোফাজ্জল নাম। বেলুচ রেজিমেন্টের লোক। খুবই ভাল মানুষ।’

‘আমি জানি। ইজাবুদ্দিন সাহেব বলেছেন।’

দুলাভাই হঠাৎ গম্ভীর হয়ে বললেন, ‘আর কি বলেছে ইজাবুদ্দিন?’

‘নাহ, আর কিছু বলে নি।’

দুলাভাই খুব ঠাণ্ডা গলায় বললেন, ‘আমি এদের সঙ্গে মেলামেশা করি না। তোফাজ্জলকে বাসার পর্যন্ত আসতে বলি না। আমাকে প্রায়ই টেলিফোন করে। কয়েকদিন আগে রাজশাহীর এক ঝড়ি আম পাতিয়েছে।’

আমি চুপ করে রইলাম। দুলাভাই ক্রান্ত স্বরে বললেন, ‘এদের সাথে বেশি মাথামাখি করা ঠিক না। শীলার বন্ধু লুনাকে তো চেন? ঐ যে খুব সুন্দর দেখতে?’

‘হ্যাঁ চিনেছি।’

‘ওদের বাড়িতে খুব যাতায়াত ছিল মিলিটারিদের। লুনার বাবা প্রায়ই পার্টি ফার্টি দিতেন। এখন শুনলাম এক মেজের নাকি লুনাকে বিয়ের প্রস্তাব দিয়েছে। ক্লাস নাইনে পড়ে মেজের বিয়া করে দেখ অবস্থাটা।’

‘বিয়ে হচ্ছে?’

দুলাভাই দীর্ঘ সময় চুপ থেকে বসলেন, ‘না হয়ে উপায় আছে? তবে আমি লুনার বাবাকে বলেছি পুত্রটিকে নিয়ে সরে পড়তে। লোকটা ঘাবড়ে গেছে।’

নীলুর সঙ্গে মতিনউদ্দিন সাহেবের বিয়ে সম্পর্কে যা শুনেছিলাম তা বোধ হয় ঠিক নয়। বিষয়টি একদিন জিজ্ঞেস করেছিলাম, সে কাঁধ ঝাঁকিয়ে বলেছে—‘দুলাভাইকে বলুন! আপনিও কি মতিন ভাইয়ের মত পাগলা নাকি?’ বিলুর কথা অবশ্যি খর্তব্য নয়। সে কখন কি বলে তার ঠিক নেই। কখন সে রেগে আছে, আর কখন শরিফ মেজাজে আছে— তাও বোঝা মুশকিল। একদিন জিজ্ঞেস করলাম, ‘বিলু, মতিন সাহেব শুনলাম আমেরিকা ফিরে যাবেন, সত্যি নাকি?’

বিলু সঙ্গে সঙ্গে রেগে গেল। চোখ বড় বড় করে বললো, ‘যেতে চাইলে যাক, আমরা কি তাকে ধরে রেখেছি।’

আমি বিব্রত হয়ে বললাম, ‘রাগ করছ কেন বিলু?’

‘রাগ করলাম কোথায়? রাগের কি দেখলেন? আমি কি আপনাকে বকেছি না কিছু বলেছি?’

বিলু মেয়েটিকে আমার বড়ই দুর্বোধ্য মনে হয়। পনেরো ষোল বছরের একটি মেয়ের মধ্যে এতটা দুর্বোধ্যতার কারণ আমি ঠিক বুঝতে পারি না।

একদিন দুপুরবেলা আমাকে এসে বললো, 'শফিক ভাই, 'নীপ' শব্দের অর্থ জানা আছে আপনার?'

আমি অবাক হয়ে বললাম, 'না তো? কি জন্যে?'

'জানবার জন্যে। 'এসো নীপ বনে এসো ছায়াবিহীন তলে' এই গানটি শোনেননি আপনি?'

'শুনেছি।'

'ঐ জায়গায় তো 'নীপ' শব্দটি আছে—এর মানে কি? নীলু আপা জানতে চাচ্ছে।'

'জানি না আমি। চলন্তিকা দেখে বলতে হবে।'

'কখন বলবেন?'

'আমার কাছে চলন্তিকা নেই, খুঁজে দেখতে হবে। রফিকের হয়ত আছে। তার ছোট ভাই বইপত্রের পোকা।'

'বেশ, তাহলে আজকে সন্ধ্যার আগে বলবেন, খুব জরুরী।'

সন্ধ্যাবেলা নীপ শব্দের মানে জেনে ঘরে ফিরছি গেটের কাছে দেখা নীলুর সঙ্গে। আমি বেশ উৎসাহের সঙ্গে বললাম, 'নীপ শব্দের মানে হচ্ছে কদম্ব। নীপ বন হচ্ছে কদম্ব বন।' নীলু মনে হল খুবই অবাক হল। আমি বললাম, 'বিলু বলছিল কদম্ব এর মানে জানতে চাও?'

নীলু ইতস্তত করে বললো, 'বিলু প্রায়ই আসে আপনার কাছে, তাই না?'

'তা আসে।'

'শফিক ভাই ওকে আপনি প্রশ্ন দেবেন না। বিলুর বয়স কম। এই বয়সে মেয়েরা অনেক মন-গড়া জিনিসকে সত্যি মনে করে।'

আমি অবাক হয়ে বেশ খানিকক্ষণ তাকিয়ে রইলাম নীলুর দিকে। নীলু হঠাৎ প্রসঙ্গ পাল্টে বললো, 'জলিল সাহেবের স্ত্রীকে কি আপনি খবর পাঠিয়েছেন?'

'না। তার ভাইকে চিঠি দিয়েছি।'

'উত্তর এসেছে কেমনা?'

'না।'

'এলে আমাকে জানাবেন।'

সকালে কাদেরকে সিগারেট জানতে পাঠিয়েছি, সে সিগারেট না নিয়ে ফিরে এলো। তার মুখ অত্যন্ত গম্ভীর।

‘ছোড ভাই কাম সাফ! খেল খতম পয়সা হজম!!’

সে খবর এনেছে জেনারেল টিক্কা খানকে মেরে ফেলা হয়েছে। এত বড় খবরের পর সিগারেটের মত নগণ্য জিনিসের কথা তার আর মনে নেই। দু’দিন পর পর কাদের এই জাতীয় খবর নিয়ে আসে। একবার খবর আনলো বেলুচী এবং পাজাবী এই দুই দলের মধ্যে গণ্ডগোল লেগে ঢাকা কেন্টনমেন্টে দুদলই শেষ। একদম পরিষ্কার।

যারেকবার দরবেশ বাচ্চু ভাইয়ের দোকান থেকে পাকা খবর আনলো মেজর জিয়া চিটাগাং এবং কুমিল্লা দখল করে ঢাকার দিকে রওনা হয়েছে। দাউদকান্দিতে তুমুল ‘ফাইট’ হচ্ছে। রাত গভীর হলেই নাকি কামানের শব্দ শোনা যাবে।

বরাই বাহন্য টিক্কা খানের মৃত্যুসংবাদটিও বাচ্চু ভাইয়ের দোকান থেকেই এসেছে। আমি প্রচণ্ড ধমক দিয়ে কাদেরকে দোকানে ফেরত পাঠালাম। সিগারেট ছাড়া আমি সকালের চা খেতে পারি না। কাদের ফিরলো না। তিনক দু’ঘন্টা অপেক্ষা করে মিটিং নেমে দেখি আজিজ সাহেবের ঘরে মিটিং বসেছে। নেজাম সাহেব এবং মতিনউদ্দিন সাহেব দু’জনেই মুখ লম্বা করে বসে আছেন।

আজিজ সাহেব পায়ের শব্দ শুনেই আমাকে ডাকলেন, ‘শফিক, কি সর্বনাশ! আজকে বেরুবে না দেখা যায়ও। খবর শোন নি?’

‘কি খবর?’

‘টিক্কা মারা গেছে।’

‘কে খবর দিয়েছে? আমাদের কাদের মিয়া তো?’

‘খবর দেওয়া দেওয়ার কিছু নেই শফিক। সবাই জানে। আমরা জানলাম সবার শেষে।’

আজিজ সাহেব ‘আকাশবাণী’ ধরে বসে আছেন। এরা খবরদিতে এত দেরি করছে কেন বুঝতে পারছি না। তারা শুধু বলেছে—‘ঢাকা শহরে প্রচণ্ড গণ্ডগোলের খবর নির্ভরযোগ্য সূত্রে পাওয়া গেছে।’ বিবিসি দিনের বেলা পরিষ্কার ধরা যায় না, রাত না হওয়া পর্যন্ত সঠিক কি ঘটেছে তা জানা যাবে না। নেজাম সাহেব বললেন, তিনি অফিসে যাওয়ার জন্যে বেরিয়েছিলেন, অবস্থা বেগতিক দেখে চলে এসেছেন। দোকান পাট যেগুলো খুলেছিল সেসব বন্ধ করে লোকজন বাড়ি চলে গেছে। রাস্তাঘাটে রিকশার সংখ্যাও নগণ্য। মীরপুর রোডে চেকপোস্ট বসেছে। রিক্সা গাড়ি সব কিছুই থামানো হচ্ছে। আজিজ সাহেব বললেন, ‘কলিজা

শুকায় শুকনা কাঠ হয়ে গেছে সফিক। বাঙালী তো চিনে নাই। এখন চিনবে। ঘুঘু দেখেছে ফাঁদ দেখে নাই।’

আমাকে তারা কিছুতেই বের হতে দিল না। আজিজ সাহেব বললেন, ‘আজকের দিনটা খুব সাবধানে থাকা দরকার। ওরা পাগলা কুস্তার মত হয়ে আছে তো, কি করে না করে কিছুই তিক নাই।’

দুপুরের আগেই কি করে এত বড় একটা ঘটনা ঘটলো তা জানা গেল। জেনারেল টিক্কাখান ফাইলপত্র সই করছিলেন। এমন সময় তাঁর ইউনিটের একজন বাঙালী অফিসার (সেই একমাত্র বাঙালী যে এখনো টিকে আছে এবং পাক আর্মীর কথা মত সমানে বাঙালী মারছে) জেনারেল টিক্কার ঘরে ঢুকলো। তাদের মধ্যে ইংরেজীতে নিম্নলিখিত কথা-বার্তা হল।

টিক্কা : কি ব্যাপার কর্ণেল মঈন ? এত রাত্রে কোনো প্রয়োজন আছে ?

মঈন : জি স্যার আছে।

টিক্কা : বেশ বলে ফেল। আমার হাতে সময় কম। আমি খুবই ব্যস্ত।

মঈন : আপনার সময় কম কথাটি স্মরণ সত্যি।

এক পর্যায়ে কর্ণেল মঈন (নামের ব্যাপারে খানিকটা সন্দেহ আছে, কেউ কেউ বলছে মেজর সঈদ) কয়েকবার বের করে পর পর তিনটি গুলি ফরলেন।

মতিনউদ্দিন সাহেবের পক্ষে মনে হল তিনি কিছুটা দিশেহারা, যেন বুঝতে পারছেন না কি হচ্ছে। আমাকে বারান্দায় ডেকে নিয়ে নিচু স্বরে বললেন, ‘টিক্কা সাহেবকে অন্যায় ভাবে মারাটা তিক হল না।’

আমার বন্ধমূল ধারণা মতিনউদ্দিন সাহেবের মথায় ছিট আছে। এখন তিনি নেজাম সাহেবের সঙ্গে ছায়ার মত ঘুরে বেড়ান। যেখানে তিনি আছেন সেখানেই মতিন সাহেব আছেন। কাদেরের কাছে গুনজাম নেজাম সাহেবের সঙ্গে সঙ্গে তিনিও নাকি ভূত দেখেছেন। সন্ধ্যাবেলা বারান্দায় বসেছিলেন, সড় সড় শব্দ শুনে তাকিয়ে দেখেন জামগাছের ডালে কে যেন বসে আছে। কোনো দিকে কোনো বাতাস নেই, শুধু জামগাছের ডালাটি নড়ছে। মতিন সাহেবকে দেখি সব সময় ঘরেই থাকেন। চাকরি বাকরি কিছুই করবেন না নাকি ? জিজ্ঞেস করলেই হুঁ হুঁ করেন, পরিষ্কার কিছু বলেন না।

টিক্কা খানের মৃত্যু প্রসঙ্গে আমার যা কিছু অবিশ্বাস ছিল, বিকেলের দিকে তা ধুয়ে-মুছে গেল। বড় আপার বাসায় যাবার জন্যে

বেরিয়েছি, দেখি সত্যি সত্যি খুব খমখমে অবস্থা। দোকানপাট বেশির ভাগই বন্ধ, লোকজন এখানে ওখানে জটলা পাকাচ্ছে। ই পি আর হেড কোয়ার্টারের গেটের সামনে বালির বস্তা ফেলে দুর্গের মত করা। বালির বস্তা আগেও ছিল, কিন্তু এখন মনে হচ্ছে যুদ্ধের সাজসজ্জা। সায়েন্স ল্যাবরেটরির কাছে মেশিনগান বসানো দুটি কালো রঙের জীপ। সায়েন্স ল্যাবরেটরি থেকে রিকশা নিয়ে চলে গেলাম মগবাজারে। রিকশাওয়ানাটি বন্ধ। টানতে পারে না। পাক মটরস পর্যন্ত যেতেই তাকে তিনবার থামতে হলো। যতক্ষণ থেমে থাকে ততক্ষণ সে আমাকে খুশি রাখবার জন্যেই হয়তো গল্পগুজব করে। তার কাছ থেকেই জানলাম—জেনারেল টিক্কা একা মারা যায়নি। তার বউ এবং ছেলেটাও মারা গেছে।

‘জুটিট নিকশা হইছে স্যার। নিকশা হইছে।’

আমি বললাম, ‘খবর কোথায় পেলেন চাচামিয়া?’

সে গম্ভীর হয়ে বললো, ‘এই সব খবর কি সার গোপন থাকে? মুক্তিবাহিনীর লোক শহরে ঢুকছে। লাড়াচড়া শুরু হইছে।’

‘কি লাড়াচড়া?’

‘যাত্রাবাড়িতে দুইটা ট্রাক উড়াইয়া দিছে। হেই রাস্তায় দুই দিন ধইরা লোক চলাচল বন্ধ।’

‘যাত্রাবাড়ির দিকে গেছিব কি শাকি?’

‘কি যে কন, ওদিকে বউ যায়!’

আমাকে দেশে বউ আপা বললেন, ‘তুই আবার এলি কি জন্যে? এই বৎসর আর জন্মদিন টিন কিছু করছি না।’

আমি কিছুই বুঝতে পারলাম না। দুলাভাই বললেন, ‘তুমিও আবার জন্মদিন টিন মনে রাখ নাকি শফিক? আমার নিজেরও কিন্তু মনে নেই। হা হা হা। গিফট টিফট কিছু আছে সঙ্গে, না খালি হাতে এসেছো?’

তখন আমার মনে পড়লো আজ জুলাইয়ের ৬ তারিখ, শীলার জন্মদিন। বড় একটা উৎসবের তারিখ।

‘তোর জন্যে সকালেই গাড়ি পাঠাতাম। তোর দুলাভাই বললো অবস্থা খমখমে, তাই পাঠাইনি। তুই আবার জন্মদিনের জন্যে চলে এলি? ঘর থেকে বের হওয়াই তো এখন ঠিক না।’

আমি ইতস্তত করে বললাম, ‘জন্মদিন ভেবে আসিনি। জন্মদিন টিন আমার মনে থাকে না।’

আপা তার স্বভাবমত সঙ্গে সঙ্গে গম্ভীর হয়ে গেলো। দুলাভাই ঘর কাটিয়ে হাসতে লাগলেন।

‘দিলে তো তোমার আপাকে রাগিয়ে। জন্মদিন ভেবে আসনি এটা বড় গলা করে বলার দরকার কি? তুমি দেখি ডিপ্লোমাসি কিছুই শিখলে না। হা হা হা।’

জন্মদিনের কোনো আয়োজন হয়নি কথাটা ঠিক নয়। কিছুক্ষণ পরই দেখলাম শীলার বান্ধবীরা আসতে শুরু করেছে। এরা আশপাশেই থাকে। এদেরকে বলা হয়েছে। লুনা মেয়েটি একটি গাঢ় নীল রঙের শাড়ি পরে এসেছে। তুলিতে আঁকা ছবির মত লাগছে মেয়েটিকে। আমি আপাকে বললাম, ‘এই মেয়েটির যে এক মেজরের সঙ্গে বিয়ে হওয়ার কথা ছিল, হয়েছে?’

আপা সরু গলায় বললো, ‘তোকে কে বলেছে?’

‘দুলাভাইয়ের কাছে শুনলাম।’

‘তোর দুলাভাইকে নিয়ে মুশকিল। পেটে কষ্ট থাকে না। শুধু লোক জানাজানি করা আর মানুষকে বিপদে ফেলা।’

আপা রাগে গজগজ করতে লাগলো। আমি জানলে কি রকম বিপদ হতে পারে তা বুঝতে পারলাম না। আপনার কথাবার্তার কোন ঠিক ঠিকানা নেই। যখন যা মনে আসে বলে। সব মেয়েরাই এরকম নাকি? আপা ব্রুক চকে বসেছে। জন্মদিন ভেবে আসিসনি তো কি ভেবে এসেছিস? তোর তো দেখা হি পাওয়া যায় না।’

‘টিক্কা খান মারা যাওয়ার পর দুলাভাইয়ের পরিকল্পনা কিছু বদলেছে কি-না জানবার জন্যে এলাম।’

‘টিক্কা খান মারা গেছে তোকে বললো কে?’

‘মারা যায়নি?’

‘টিক্কা খান কি মাছি যে খাবা দিয়ে মেরে ফেলবে?’

আপা কোন এক বিচিত্র কারণে পাকিস্তানী মিলিটারি মারা পড়ছে এই জাতীয় খবর সহ্য করতে পারে না। আমি আপনার রাগী মুখের দিকে তাকিয়ে ভয়ে ভয়ে বললাম, ‘দুলা ভাইকে জিজ্ঞেস করলে সঠিক জানা যেত।’

‘আমি যে বললাম পেটা বিশ্বাস হল না?’

রাত্রে আমাকে থেকে যেতে হল। দুলাভাই আমাকে গাড়ি দিয়ে পৌঁছে দিতে রাজি হলেন না, আবার একা একা ছাড়তেও চাইলেন না। বড় আপনার বাসায় আমার রাত কাটাতে ভাল লাগে না। এখানে রাত

কাটানোর মানেই হচ্ছে সারা রাত বসার ঘরে বসে বড় আপা যে কি পরিমাণ অসুখী সেই গল্প শোনা। দুলাভাই ঠিক দশটা গ্রিন্স মিনিটে 'তুমি তোমার দুঃখের কাহিনী এখন শুরু করতে পার' এই বলে দাঁত মাজতে যান এবং দশটা পঁয়ত্রিশে বাতি নিবিয়ে শুয়ে পড়েন। আপনার দুঃখের কাহিনী অবশ্য সঙ্গে সঙ্গে শুরু হয় না। দুলাভাই ঘুমিয়ে পড়েছেন কি-না নেই সম্পর্কে পুরোপুরি নিশ্চিত হওয়ার জন্যে ঘণ্টা-খানিক অপেক্ষা করে আকবরের মাকে চা আনতে বলে।

তারপর গলার স্বর যথাসম্ভব নিচে নামিয়ে বলে, 'শফিক জীবনটা আমার নষ্ট হয়ে গেছে। তুইতো বিশ্বাস করবি না, তোর দুলাভাই একটা অমানুষ।'

'কি যে তুমি বল আপা!'

'কি বলি মানে? তুই কি ভেতরের কিছু জানিস? তুই তো দেখিস বাইরেরটা।'

'বাদ দাও আপা।'

'বাদ দেব কি? বাদ দেওয়ার কিছু কি আছে? তুই কি ভাবছিস আমি ছেড়ে দেব? নীপু যদি না ছাড়ে আমিও ছাড়ব না।'

নীপু আমার মেজো বোন। গত পঁয়ত্রিশ বছর ধরে সে আমেরিকার সিগার্টলে থাকে। গত বৎসর খুবই মসেছে সে সেপারেশন নিয়ে আলাদা থাকে। আমি আপাকে বললাম, 'নীপু সপ্তে তুলনা করছ কেন?'

'কেন তুলনা করব না? নীপু কি আমার চেয়ে বেশি জানে, না নীপুর বুদ্ধি আমার চেয়ে বেশি? সে যদি সেপারেশন নিতে পারে— আমিও পারি। তুই কি ভাবছিস আমি গ্রিন্স ছেড়ে দেব? ওর বাপের নাম তুলিয়ে দেব না?'

যেহেতু নীপু সেপারেশন নিয়েছে, কাজেই আপনার ধারণা হয়েছে সেপারেশন নেয়ার মধ্যে বেশ খানিকটা বাহাদুরী আছে।

আজ রাতে বড় আপা তার দুঃখের কাহিনী শুরু করবার সুযোগ পেলো না। ঘড়িতে এগারোটা বাজলো, তবু দুলাভাই উঠবার নাম করলেন না। 'আপা বললো, 'ঘুমবে না?'

'নাহ্।'

'শরীর খারাপ?'

'নাহ্ শরীর ঠিক আছে।'

'শরীর ঠিক থাকলে ঘুমাতে যাচ্ছ না কেন? তোমার তো সব কিছু ঘড়ির কাঁটার মত চলে।'

‘এই নিয়েও তুমি একটা ঝগড়া শুরু করতে চাও?’

‘আমি বুঝি সবকিছু নিয়ে ঝগড়া করি?’

‘তা কর। আমি যদি এখন একটা হাঁচি দিই এই নিয়েও তুমি একটা ঝগড়া শুরু করবে।’

‘তুমি হাঁচি দিলেই ঝগড়া শুরু করবো?’

‘প্রথমে ঝগড়া তারপর কান্নাকাটি তারপর খাওয়া বন্ধ।’

বড় আপা মুখ কালো করে উঠে চলে গেল। দুলাভাই হো হো করে হেসে উঠলেন।

‘কফি খাওয়া যাক। শফিক খাবে?’

‘না কফি ভাল লাগে না। চা হলে খেতে পারি।’

‘আমি নিজে বানাচ্ছি, খেয়ে দেখো। খুব সাবধানে লিকার বের করব। সবাই পারে না। খেলেই বুঝবে।’

দুলাভাইয়ের কথা শেষ হবার আগেই দক্ষিণ দিকের প্রচণ্ড একটা আওয়াজ হলো। সমস্ত অঞ্চল অন্ধকার হয়ে পড়লো। দুলাভাই থেমে থেমে বললেন, ‘খুব সম্ভব ট্রান্সমিশন স্টেশনটি শেষ করে দিয়েছে।’

শীলা ঘুম থেকে উঠে চিৎকার করতে লাগলো। ঘন্টা বাজিয়ে কয়েকটা দমকলের গাড়ি ছুটে গেলো। গুলির আওয়াজ হলো বেশ কয়েকবার। অত্যন্ত দ্রুত গাড়ি কয়েকটি ভারী ট্রাক জাতীয় গাড়ি গেল।

আমরা সবাই শোহায়েদের দরজা বন্ধ করে চুপচাপ বসে রইলাম। আমার জানা মতে শোহায়েদ ছিল ঢাকা শহরে মুক্তিবাহিনীর প্রথম সফল আক্রমণ।

দরবেশ বাচ্চু ভাইকে ধরে নিয়ে গেছে। বাচ্চু ভাই একা নয়, তার চায়ের দোকানে রাত নটার সময় যে কজন ছিল সবাইকে। আমাদের কাদের মিয়া তাদের একজন। এত রাত পর্যন্ত সে বাইরে থাকে না। রাত আটটায় বিবিসির খবর। এর আগেই সে আজিজ সাহেবের ঘরে উপস্থিত হয়। সেদিনই শুধু দেরি হল।

যে ছেলেটি খবর দিতে এলো, সে দরবেশ বাচ্চু ভাইয়ের দোকানের বয়। দশ এগারো বছর বয়স। তাকেই শুধু ওরা ছেড়ে দিয়েছে। তার

কাছে জানা গেল রাত নটার কিছু আগে দু তিনজন লোক এসেছিল দোকানে। লোকগুলো বাঙালী। এদের মধ্যে একজন বেঁটে মত—মাথার চুল কঁকড়ানো। সে বললো, 'বাচ্চু ভাই এখানে কার নাম?'

বাচ্চু ভাই কাউন্টার থেকে উঠে এলেন।

'আমার নাম। কি দরকার?'

'একটু বাইরে আসেন।'

ওরা বাচ্চু ভাইকে বাইরে নিয়ে একটা গাড়িতে তুললো। তারপর এসে বাকি সবাইকে বললো, 'জিজ্ঞাসাবাদ করবার জন্যে থানায় নিয়ে যাচ্ছি। ভয়ের কিছু নাই।'

আমি ছেলোটিকে বললাম, 'দোকানে তালা দিয়ে এসেছিস?'

'হ স্যার। ক্যাশবাক্সের টেকাও আমার কাছে।'

'কত টাকা?'

'মোট তেরিশ টাকা বার আনা।'

'তুই আর এত রাত্রে যাবি কোথায়? থাক এখানে।'

'দরবেশ সাবের বাসাত একটা খবর দেবে দরকার।'

'সফালে দিবি, এখন আর যাবি কিম্বা? কাফু' না?'

ছেলোটি মাথা চুলকোতে লাগলো। আমি বললাম, 'দরবেশ সাবের বাড়িতে আছে কে?'

'তার পরিবার আছে। আর একটা পুলা আছে—নান্টু মিয়া নাম। খালি কান্দে।'

'তুই খাওয়া দাওয়া করেছিস?'

'জি না।'

'ভাত খা। এখন ঘর থেকে বার হওয়া ঠিক না।'

কাদের মিয়াকে ধরে নিয়ে গেছে, এই খবরে আমি বিশেষ বিচলিত বোধ করলাম না। সহজ স্বাভাবিক ভাবেই চা বানালাম। রাতের জন্যে কাদের কিছু রান্না করে গেছে কি না তা দেখলাম হাঁড়ি পাতিল উল্টে। ছেলোটোর শোবার জায়গা দেখিয়ে দিয়ে তার সঙ্গে কিছু গল্প গুজবও করলাম।

'বাড়ি কোথায়?'

'বিরাম ছরি ময়মনসিং।'

'বাড়িতে আছে কে?'

'মা আছে, ভাইন আছে, দুইটা ভাই আছে। চাইর জন খানেওয়াল।'

'বোনের বিয়ে হয়েছে?'

‘হুঁইছিল, এখন পৃথাক।’

এক সময় বিলু এসে আমাকে নিচে ডেকে নিয়ে গেল। আজিজ সাহেবের জ্বর। তিনি কম্বল গায়ে দিয়ে বিছানায় শুয়ে আছেন। তাঁর সামনের চেয়ারে নেজাম সাহেব বসে আছেন। আমাকে দেখেই নেজাম সাহেব শুকনো গলায় বললেন, ‘কাদের মিয়াকে গুনলাম শুট করেছে।’

‘ধরে নিয়ে গেছে। শুট করেছে কিনা জানি না।’

‘কি সর্বনাশের কথা ভাই!’

আজিজ সাহেব একটি দীর্ঘ নিঃশ্বাস ফেললেন। থেমে থেমে বললেন, ‘মনটা খুব খারাপ আজকে।’

আমি চুপ করে রইলাম। বিলু বললো, ‘আপনার খাওয়া হয়েছে?’

‘না।’

‘আপনার জন্য ভাত বাড়ছি। আমি এখনো খাইনি। নীলু আপাও খায়নি।’

‘না আমি খাব না। কাদের রোধে গিয়েছে।’

‘তবু খেতে হবে।’

নীলু বললো, ‘ইনি খেতে চাচ্ছেন না। তবু জোর করছ কেন?’

‘না খেতেই হবে।’

আজিজ সাহেব বললেন, ‘কাদেরর ব্যাপারে কি করবে?’

‘করার তো তেমন কিছু নেই।’

‘তা ঠিক।’

‘সকালবেলা ইজবাসিম সাহেবের কাছে যাব।’

আর কোনো কথাবার্তা হল না। বিলু এসে বললো, ‘আসুন ভাত দিয়েছি।’

আমি অস্বস্তির সঙ্গে উঠে দাঁড়লাম। ভাত খেতে গিয়ে দেখি নীলু খেতে আসেনি। তার না-কি মাথা ধরেছে। বিলু বললো, ‘মাথা ধরেছে না হাতি, আমার সঙ্গে রাগ। আপনাকে খেতে বলছি তো, তাই তার রাগ উঠে গেছে। তার রাগ করবার কি?’

আমি চুপ করে রইলাম। বিলু বললো, ‘সে অনেক কিছুই করে যা আমার ভাল লাগে না। কিন্তু আমি কি রাগ করি?’

‘রাগ কর না?’

‘মাঝে মাঝে করি কিন্তু কাউকে বুঝতে দিই না। আমার মুখ দেখে কেউ কিচ্ছু বুঝতে পারবে না। এই যে কাদের বেচারার মারা গেল.....’

‘কাদের মারা গেছে বলছ কেন?’

‘মিলিটারি ধরলে কি আর কেউ ফেরে? কেউ ফেরে না।’

ওপরে এসে দেখি ছেনেটি তখনো ঘুমায়নি। বারান্দায় চুপচাপ বসে আছে।

‘কি রে ঘুমাস নি?’

‘দরবেশ সাবের লাগি পেট পুড়ে।’

‘পেট পুড়বার কিছু নেই। দেখবি সকালে ছেড়ে দেবে। মিলিটারির হাতে তো ধরা পড়ে নি। মিলিটারির হাতে ধরা পড়লে একটা চিন্তার কারণ ছিল।’

ছেলেটা গভীর হয়ে বললো, ‘না স্যার, দরবেশ সাবেরে আইজ রাইতেই গুলি করব।’

‘দূর ব্যাটা, বলেছে কে তোকে?’

‘আমার মনে অইতাছে স্যার। যেড়া আমার মনে অয় হেইড়া অয়।’ বলে কি এই ছেনে! আমি সিগারেট ধরিয়ে তীক্ষ্ণ দৃষ্টিতে তাকালাম তার দিকে।

‘দরবেশ সাবেরে খাওন দিছে, না দিছে নই। শেষ খানাটা বালা হওয়া দরকার। কি কন স্যার।’

‘কি বলছিস এইসব?’

‘দরবেশ সাব আর জিন্দা বাই স্যার?’

আমি একটা কড়া ধমক দিলাম। রাগী গলায় বললাম, ‘দেখবি ডোরবেলা চলে এসেছে। দরবেশ মানুষ, তাকে খামোখা গুলি করবে কেন?’

ইজাবুদ্দিন সাহেব আগের মতই আমাকে খাতির যত্ন করলেন। প্রায় দশবার বললেন,—‘আমার সাধ্যমত খোঁজ খবর করব। সন্ধ্যার মধ্যে ইনশাআহ্ খবর বের করব।’

‘ছাড়া পাবে তো?’

‘যদি বেঁচে থাকে তাহলে ইনশাআহ্ ছাড়া পাবে।’

‘বেঁচে না থাকার সম্ভাবনা আছে নাকি?’

‘শফিক সাহেব সময় খারাপ। চারদিকে আমেলা, কারোর মাথাই তিক নেই। তা ইনশাআহ্ জানব। চিন্তা করবেন না। ফি আমানুল্লাহ।’

‘আমি সন্ধ্যার সময় এসে খোঁজ নেব।’

‘কোনো দরকার নেই। কষ্ট করবেন কেন খামোখা?’

ইজাবুদ্দিন সাহেব আমাকে রাস্তা পর্যন্ত এগিয়ে দিতে এলেন। গলার স্বর খাদে নামিয়ে বললেন, 'চীনা সৈন্যরা চলে আসছে জানেন না-কি?'

'চীনা সৈন্য!'

'জি, হাজারে হাজারে আসছে। যে সব ফুটফাট শোনে সব দেখবেন খতম।'

'চীনা সৈন্য আসছে, এই সব বললো কে আপনাকে?'

'হা হা হা। খবরাখবর কিছু কিছু পাই। ব্রিগেডিয়ারের সঙ্গে খানা খেয়েছি গত সপ্তাহে। খুব হামদদি লোক।'

আমি গম্ভীর হয়ে বললাম, 'ইজাবুদ্দিন সাহেব।'

'জি।'

'এই সব বিশ্বাস করবেন না। পাকিস্তানীদের অবস্থা খারাপ।'

'এইটা ভাইসাব আপনি কি বললেন?'

'ঠিকই বললাম। আপনি নিজেও সাবধানে থাকবেন।'

'মাবুদে এলাহী, আমি সাবধানে থাকব কিনা? আমি কি করলাম?'

ইজাবুদ্দিন সাহেব কাজের লোক। বিকেলবেলা খবর আনলেন কাদের মিয়া পিতা বিরাম শিখা আম কুতুবপুর খানা কেন্দ্রিয়া জীবিত আছে। দু-এক দিনের মধ্যে ছাড়া পাবে। তবে দরবেশ বাচ্চু ভাই নামের কেউ ওদের কাছাকাছি নেই। এই নামে কোন লোককে আটক করা হয়নি।

দু দিনের জরুগায় এক সপ্তাহ হয়ে গেল, কাদের ফিরলো না। আমি রোজই একবার যাই ইজাবুদ্দিন সাহেবের কাছে। উদ্রলোকের ধৈর্য সীমাহীন, একটুও বিরক্ত হন না। রোজই বলেন, 'বলছি তো ছাড়া পাবে। সবুর করেন। আল্লাহ দুই কিসিমের লোক পছন্দ করে—এক যারা নেক কাজ করে, দুই যারা সবুর করে। সবুরের মত কিছু নাই।'

কাদেরের অনুপস্থিতিতে আমার খাওয়া দাওয়া হয় নিচতলায় নেজাম সাহেবদের ওখানে। ওদের একটি কাজের মেয়ে রান্না করে দিয়ে যেত। এখন আর আসছে না। এখন রান্না করছেন মতিনউদ্দিন সাহেব। চমৎকার রান্না। দৈনন্দিন খাবারের ব্যাপারটি যে এত সুখকর হতে পারে তা আমার ধারণার বাইরে ছিল। অবশ্য নেজাম সাহেব প্রতিটি খাবারের কিছু না কিছু ত্রুটি বের করেন।

‘গরুর গোসতে কেউ টমেটো সস দেয়! করেছেন কি আপনি? খেতে ভাল হলেই তো হয় না। একটা নিয়ম নীতি আছে। গোসতের সঙ্গে আলু ছাড়া আর কিছু দেয়া যায় না।’

‘কেন? দেয়া যায় না কেন?’

‘আরে ভাই যাম্ম না, যায় না। কেন তা জানি না। টেস্টের চেয়ে দরকার ফুড ড্যালু। বুঝলেন?’

নেজাম সাহেবের আরেকটি দিক হচ্ছে নিত্যন্ত আজগুबी সব কুৎসা খুব বিশ্বাসযোগ্য ভঙ্গিতে বলা। এগুলো হয় সাধারণত ভাত খাবার সময়। সেদিন যেমন জলিল সাহেবের প্রসঙ্গ তুললেন—

‘জলিল সাহেবের স্ত্রীর ভাবভঙ্গি লক্ষ্য করেছেন?’

‘কি ভাবভঙ্গি?’

‘না তেমন কিছু না।’

‘তেমন কিছু না হলে লক্ষ্য করব কিভাবে?’

‘জলিল সাহেবের ভাইয়ের সঙ্গে তাঁর সম্পর্কটা যেন কেমন কেমন।’

আমি গভীর হয়ে বললাম, ‘কেমন কেমন মানে?’

নেজাম সাহেব প্রসঙ্গ পালেট বললেন, ‘জলিল সাহেবের ভাই বিনে শাদী করেন নি জানেন তো?’

‘না জানি না। তাতে কি?’

নেজাম সাহেব আর কক্ষ বললেন না। একদিন চোখ ছোট করে বিলুর প্রসঙ্গ তুললেন—

‘মেয়েটাকে দেখে কি মনে হয় আপনার শফিক ভাই?’

‘কি মনে হবে? কিছুই মনে হয় না।’

‘তাই বুঝি?’

নেজাম সাহেব মাথা হেলিয়ে হে হে করে হাসতে লাগলেন যা শুনে গা রি রি করে। আমার অনুপস্থিতিতে এই লোকটি আমাকে নিয়ে কি বলে কে জানে?

চাঁদপুর থেকে জলিল সাহেবের ভাইয়ের একটি চিঠি এসেছে। তিনি গোটা গোটা হরফে লিখেছেন—

পরম শ্রদ্ধায় বড় ভাই সাহেব,

সালাম পর সমাচার এই যে আপনার পত্রখানি যথাসময়ে হস্তগত হইয়াছে। জলিল যে শেষ সময়ে আপনাদের মতো দরদী মানুষের সঙ্গে ছিলো ইহার জন্য আল্লাহর কাছে আমার হাজার গুরুর। সমগ্র জীবন আমি

আল্লাহ্‌পাকের নিয়ামত স্বীকার করিয়াছি। গাফুরুর রাহিমের কোনো কাজের জন্য মন বেজার করি নাই। কিন্তু আজকে আমার মনটায় বড় কষ্ট। আপনি লিখিয়াছেন জন্মিলের মাথার কাছে দাঁড়ায়ে বোন নীলু ও বোন বিলু কাঁদতে ছিলো। আল্লাহ্‌ তাদের বেহেশ্ত নসিব করুক হায়াত দরাজ করুক। জন্মিলের পরম সৌভাগ্যে আপনাদের মতো মানুষের সহিত তাহার দেখা হইল। আপনি লিখিয়াছেন তাহার মৃত্যু সংবাদ যেন এখন আর তাহার স্ত্রী ও কন্যার নিকট না দেই। আপনার কথাটি রাখিতে না পারার জন্য আমি বড়ই শরমিন্দা। হাদিসে জন্ম ও মৃত্যু সংবাদ গোপন না করার নির্দেশ আছে। আল্লাহ্‌পাক যাহাকে দুঃখ দেন তাহাকে দুঃখ সহ্য করার ক্ষমতাও দেন। গাফুরুর রাহিমের কাছে আপনার জন্য দোয়া করি। আল্লাহ্‌পাক আপনার হায়াত দরাজ করুক, আমিন।

ইতি

আপনার স্নেহধন্য  
আব্দুর রহমান

চিঠি পড়ে কেন জানি খেঁচা মন খারাপ হয়ে গেল। আমি চিঠিটি হাতে নিয়ে আজিজ সাহেবের সঙ্গে কথা বলতে গেলাম। ঘরে ঢুকেই অপ্রস্তুত হয়ে দেখি বিলু মাথা নিচু করে কাঁদছে। আজিজ সাহেব এবং নীলু গভীর স্বপ্নে বসে আছে। আমাকে চুকেতে দেখেই নীলু বিলু উঠে চলে গেল। আজিজ সাহেব এই প্রথমবারের মত শব্দ শুনে আমাকে চিনতে পারলেন না। থেমে থেমে বললেন, ‘কে, মতিনউদ্দিন?’

‘জ্বি না আমি। আমি শফিক।’

‘ও শফিক। বস। বস তুমি। মনটাতে খুব অশান্তি।’

আমি বেশ খানিকক্ষণ বসে রইলাম। আজিজ সাহেব কোনো কথা বললেন না। অন্যদিনের মত বিলুকে ডেকে চায়ের ফরমাশ করলেন না। আমি যখন চলে আসবার জন্যে উঠে দাঁড়িয়েছি তখন তিনি ক্লান্ত স্বরে ‘বললেন, ‘আমি আমার মেয়ে দুটিকে নিয়ে গ্রামের বাড়িতে চলে যাব।’

আমি অবাক হয়ে বললাম, ‘কখন ঠিক করলেন?’

‘অনেক দিন ধরেই চিন্তা করছিলাম। এখন মনস্থির করেছি। নেজাম সাহেবকে বলেছি আমাদের নিয়ে যেতে।’

‘কবে নাগাদ যাবেন?’

‘জানি না এখনো, নেজাম সাহেব অফিস থেকে ছুটি নেবেন, তারপর।’

আজিজ সাহেবরা শুক্রবার দুটোর সময় সত্যি সত্যি চলে গেলেন। যাবার আগে বিলু দেখা করতে এলো আমার সঙ্গে। খুব হাসি শূণি ঝলমলে মুখ। এসেই জিজ্ঞেস করলো, ‘চট করে বলুন তো সব প্রাণীর লেজ হয়, আর মানুষের হয় না কেন? চট করে বলুন।’

আমি চুপ করে রইলাম। বিলু হাসতে হাসতে বললো, ‘কি পরলেন না তো? না আপনার বুদ্ধিগুদ্ধি একেবারেই নেই।’

আমি বললাম, ‘তোমাদের সঙ্গে আবার কবে দেখা হবে কে জানে?’

বিলু গম্ভীর হয়ে বললো, ‘আর দেখা টেখা হবে না। কিছু বলবার থাকলে বলে ফেলুন। কি, আছে কিছু বলবার?’

আমি অবাক হয়ে তাকিয়ে থাকি, কিছু বলতে পারি না। নিচ থেকে নীলু তীক্ষ্ণ স্বরে ডাকে, ‘এত দেরি করা কিস কেন, এই বিলু এই?’

মতিনউদ্দিন সাহেব জিনিসপত্র নিয়ে উঠে আসেন দোতলায়। একা একা নিচতলায় থাকতে ভয় লাগে যায়। তার ওপর কদিন আগেই না-কি ভয়াবহ একটি স্বপ্ন দেখেছেন। একটি কালো রঙের জীপে করে তাঁকে ঘেন কারা নিয়ে যাচ্ছে। মাঝে নিয়ে যাচ্ছে তাদের মুখ দেখা যাচ্ছে না। তবে বোঝা যাচ্ছে লোকগুলো অসম্ভব বুড়ো। অনেকদূর গিয়ে জীপটি থামলো। তিনি জীপ থেকে নামলেন। কিন্তু বুড়ো লোকগুলো নামলো না। যে জায়গাটিতে তিনি নেমেছেন সেটি পাহাড়ি জায়গা। খুব বাতাস বইছে। তিনি ভয় পেয়ে বললেন, ‘এই তোমরা আমাকে কোথায় নামালে?’

বুড়ো লোকগুলো এই কথায় খুব মজা পেয়ে হো হো করে হাসতে লাগলো। তিনি দেখলেন জীপটি চলে যাচ্ছে। তিনি প্রাণপণে ডাকতে লাগলেন, ‘এই এই।’

গত চারদিন ধরে মতিন সাহেব দোতলায় আমার সঙ্গে আছেন। এই চারদিন সারাক্ষণই তিনি আমার সঙ্গে ছায়ার মত লেগে আছেন।

আমি বাজারে যাচ্ছি—তিনি সঙ্গে যাচ্ছেন। আমি ইজাবুদ্দিন সাহেবের কাছে কাদেরের খোঁজে যাচ্ছি, তিনি আছেন। আজকেও বেরুবার জন্যে কাপড় পরছি, দেখি তিনিও কাপড় পরছেন। আমি থমথমে স্বরে বললাম, ‘কোথায় যাচ্ছেন আপনি?’

‘আপনার সঙ্গে যাচ্ছি।’

‘আজ আমি একটা বিশেষ কাজে যাচ্ছি। আপনি আমার সঙ্গে যাচ্ছেন না।’

মতিনউদ্দিন সাহেব অত্যন্ত অবাক হলেন, ‘সেকি, আমি একা একা থাকব কি ভাবে!’

‘যে ভাবেই থাকেন থাকবেন।’

তাকে রেখেই আমি বের হয়ে এলাম। এই লোকটি দিনে দিনে অসহ্য হয়ে উঠছে। এখন মনে হচ্ছে সঙ্গে টাকা পয়সাও নেই। আমার কাছে সেদিন একটি মিনোলটা এস এল ক্যামেরা বিক্রি করতে চাইলেন। আমি বললাম, ‘আপনার টাকা খসেসা নেই না-কি?’

‘কিছু আছে। যা নিয়ে এসেছিলাম খসেচ হয়ে যাচ্ছে।’

‘কাজ টাজ কিছু দেখেন।’

‘কি দেখব বলেন? ইউনিভার্সিটিতে কোন পোশট এডভার্টাইজ করছে না। মাস্টারী ছাড়া আর কিছু তো করতেও পারব না আমি।’

‘আত্মীয়-স্বজন কে কে আছে আপনার?’

‘আত্মীয়-স্বজন কেউ নেই।’

‘কেউ নেই মাঝে একজন বড় ভাই তো আছেন জানি। গাড়ি করে আপনাকে মিলি বাওয়ার কথা ছিল যার।’

‘ও রকিব ভাই, সে অনেক দূর সম্পর্কের আত্মীয়। তাছাড়া আমাকে সে পছন্দও করে না।’

‘নীলুরাও তো শুনেছি আপনার আত্মীয়, ওদের সঙ্গে চলে গেলেন না কেন?’

মতিনউদ্দিন সাহেব ইতস্তত করে বললেন, ‘ওরা আমাকে এখন আর পছন্দ করে না। বিলুর খরগা আমার মাথা খারাপ। দেখেন তো অবস্থা। তবু আমি যেতে চেয়েছিলাম, কিন্তু নীলু খুব রাগ করলো।’

মতিনউদ্দিন সাহেবকে একা ঘরে রেখেই আমি চলে এলাম। সারান্ধণ কাউকে গাদা বোটের মত টেনে বেড়ানোর কোনো অর্থ হয় না। বাইরে বেরিয়ে আবার আমার খারাপ লাগতে লাগলো। সঙ্গে নিয়ে এলেই হত। রাস্তার মোড় পর্যন্ত এসে থমকে দাঁড়লাম,

ফিরে গিয়ে ডেকে নিয়ে আসব? ঠিক তখনই কে যেন ডাকলো, 'ও ছোড ভাই। ও ছোড ভাই।'

চমকে তাকিয়ে দেখি কাদের মিয়া। রিকশা করে আসছে।  
চোখ কোটিরগত, কণ্ঠার হাড় বেরিয়ে আছে।

'এই কাদের এই!'

'রিকশা ভাড়া দেন ছোড ভাই!'

'কখন ছাড়া পেলি?'

'এক ঘন্টার মত হইব। বালা আছেন ছোড ভাই?' আজিজ  
সাব আর নেজাম সাব বালা?'

'তুই ভাল?'

'মতিনউদ্দিন সাবের শইলডা কেমন?'

বলতে বলতে কাদের মিয়া হাউ মাউ করে কেঁদে উঠলো। সেই  
রিকশায় করেই কাদেরকে ঘরে নিয়ে এলাম।

'ছোড ভাই পেটে ভুখ লাগছে, চাইরডা ভাত কত দরকার!'

'তুই চুপচাপ বসে থাক। আমি ভাত শস্যছি। শুয়ে থাকবি?'

'জ্বি না!'

'ঘরে ঘি আছে। গরম গরম ভুতি খাবি ঘি দিয়ে। রাগে মতিন-  
উদ্দিন সাহেব রান্না করবে। শইলডা রাধে।'

কাদের বসে বিমুতে বাসলো। সে কোথায় ছিল, কেমন ছিল,  
আমি কিছুই জিজ্ঞেস করিনি না।

'ছোড ভাই নিচতলাটা দেখলাম খালি।'

'ওরা দেশের বাস্তুতে চলে গেছে।'

'বাল্য করছে, খুব বাল্য কাম করছে।'

ভাত খেতে পারলো না কাদের। খানিকক্ষণ নাড়াচাড়া করে উঠে  
পড়লো।

'কিছুইতো মুখে দিলি না, এই কাদের।'

'শইলডা জ্বিত নাই ছোড ভাই।'

'শুয়ে থাক, আরাম করে শুয়ে থাক। ভয়ের কিছু নেই।'

সন্ধ্যার পর থেকে বাড়ি রুশ্টি গুরু হল। এবং যথারীতি কারেন্ট  
চলে গিয়ে চারদিক অন্ধকার হয়ে পড়লো। তাকিয়ে দেখি হারিকেন  
ঝালিয়ে মতিনউদ্দিন সাহেব নেজাম সাহেবের ঘর থেকে বেরুচ্ছেন।

এতক্ষণ সেখানেই বসেছিলেন। আমার তাঁর কথা মনেই হয়নি। আমাকে দেখেই এক গাল হেসে বললেন, 'ঝড় বৃষ্টির রাতে মিলিটারি বের হবে না। আরাম করে ঘুমানো যাবে। ঠিক না শফিক সাহেব?'

এই বলেই কাদেরের দিকে তাঁর চোখ পড়লো। ভীত স্বরে বললেন, 'মরে গেছে না-কি?'

'না মরেনি।'

'এসেছে কখন?'

'বিকলে।'

'আপনি আমাকে খবর দেননি কেন? কেন আমাকে খবর দেননি?'

মতিন সাহেব বড়ই রেগে গেলেন। আমি অবাক হয়ে দেখলাম তাঁর চোখ মুখ লাল হয়ে উঠেছে।

'আমাকে কেউ মানুষ বলে মনে করে না। খবর কাদেরকে ধরে নিয়ে গেছে তখনো কেউ আমাকে বলে নি। আমি জেনেছি এক দিন পরে। কেন আপনারা আমার সঙ্গে এককম করেন? আমি কি করেছি?'

হে চৈ শুনে কাদের জেগে উঠলো। মতিনউদ্দিন সাহেব হঠাৎ অত্যন্ত নরম স্বরে বললেন, 'তোমার জন্যে আমি খুব চিন্তা করেছি কাদের। হযরত শাহ জাওয়াদ সাহেবের দরগাতে সিন্ধি মানত করেছি।'

'আপনের শইলডা বাঁধা?'

'আমার শরীর বেশ ভাল না কাদের। রাত্রে ঘুম হয় না। কিন্তু তোমার পায়ে কি হয়েছে? ভেঙে ফেলেছে না-কি?'

'না ভাঙ্গে নাই।'

'বললেই হয় ভাঙেনি। নিশ্চয়ই ভেঙেছে। পায়ে কোন সেন্স আছে? চিমটি দিলে বুঝতে পার?'

'জি পারি।'

মতিনউদ্দিন সাহেব খানিকক্ষণ চুপ করে থেকে বললেন, 'তুমি রাজাকারে ভর্তি হয়ে যাও কাদের মিয়া। তাহলে মিলিটারি তোমাকে কিছু বলবে না। ভয় উর থাকবে না, আরাম করে ঘুমাতে পারবে। যেখানে ইচ্ছা সেখানে যেতে পারবে। নব্বই টাকা বেতন পাবে তার সঙ্গে খোরাকী। ভাল ব্যবস্থা। ভর্তি হয়ে যাও। কালকেই যাও।'

আমি অনেকক্ষণ তাকিয়ে তাকিয়ে দেখলাম মতিন সাহেবকে। লোকটির বয়স হঠাৎ করে যেন অনেক বেড়ে গেছে। অনিদ্রার জন্যে চোখের নিচে গাঢ় হয়ে কালি পড়েছে। মোটা সোটা থাকায় আগে যেমন সুখী সুখী লাগতো এখন লাগে না। কেমন উদভ্রান্ত চোখের দৃষ্টি। সমস্ত চেহারাটাই কেমন যেন রুক্ষ।

মতিন সাহেব সেই রাত্রে আমাকে খুবই বিরক্ত করলেন। একটা চিঠি লিখছিলাম। তিনি পেছন থেকে বার বার সেই চিঠি পড়ার চেষ্টা করতে লাগলেন। আমি রাগী গলায় বললাম, 'কি করছেন এই সব ?'

'দেখছি মিলিটারির বিরুদ্ধে কিছু লিখেছেন কিনা। চিঠি এখন সেনসার হয়। আপনার লেখার জন্যে শেষে আমাকে ধরে নিয়ে যাবে।'

'আপনার ভয় নেই, মিলিটারির বিরুদ্ধে কিছু লিখছি না।'

'কি লিখছেন পড়ে শোনান।'

'আপনি ঘুমাতে চেষ্টা করেন মতিন সাহেব।'

'রাত্রে তো আমি ঘুমাই না। তার ওপর আমার আবার ইলেকট্রি-সিটি নেই। মিলিটারির জন্যে খুব সুবিধা।'

'মতিন সাহেব।'

'জি ?'

'আপনি দয়া করে আপনার ঘুম যান তো।'

'কেন, আমি থাকলে কি ক্ষতি ? আমি তো আর আপনাকে বিরক্ত করছি না। বসে আছি দুপুর।'

বহু কণ্ঠে রাগ প্রকাশ করলাম আমি। নেভম সাহেব কবে যে ফিরবেন আর কবে যে এই গুলির হাত থেকে বাঁচবো কে জানে। মতিন সাহেব হঠাৎ উঠে জানালা বন্ধ করতে লাগলেন।

'জানালা খোলা থাকলে অনেক দূর থেকে আলো দেখা যায়। এতো রাত পর্যন্ত আলো জ্বালা খুব সন্দেহজনক।'

'গরমে সের্ব হয়ে মরব মতিন সাহেব।'

'গরম কোথায়, হারিকেনটা নিবিয়ে দেন। দেখবেন শীত শীত লাগবে।'

গলা ব্যথার জন্যে অমুখ কিনতে গিয়েছি, দেখি অমুখের দোকানে রফিকের ছোট ভাই। এ্যাসপিরিন কিনছে। আমাকে দেখে তার মুখ

ফ্যাকাসে হয়ে গেল। আমি অত্যন্ত পরিত্রিত ভঙ্গিতে বললাম, 'এই যে কি ব্যাপার?'

সে ফ্যাল ফ্যাল করে তাকালো। খেন আমাকে তিক চিনতে পারছে না। আমি হাসি হাসি মুখে বললাম, 'তারপর সব খবর ভালো তো? হানিমুন কোথায় করলে?'

সে তারও উত্তর দিল না। গ্র্যাসপিরিনের দাম দিয়ে লম্বা মুখ করে বেরিয়ে গেল।

এই ছেনেটিকে আমি দুচোখে দেখতে পারি না। তবু রাস্তায় দেখা হলে কথা বলি। সেই সবজাতার ভঙ্গিতে দু একটা জ্ঞানগর্ভ কথা বলেই গম্ভীর হয়ে থাকে। কিন্তু আজকে এ রকম করলো কেন? ছেনেটির সঙ্গে আমার মোটামুটি খাতির আছে। আমার নিজের ধারণা, আমি বোকা সেজে থাকি বলে ছেনেটা আমাকে খানিকটা পছন্দও করে।

আমি অশুধ কিনে বাড়ি না ফিরে চলে গেলাম রফিকের ওখানে। রফিক বাসায় ছিল না। তার ছোট ভাই খানির এসে পাথরের মত মুখ করে বললো, 'আমাদের টেলিফোন নম্বর।'

'টেলিফোন করতে আসিনি, রফিকের সঙ্গে কথা ছিল।'

'দাদাতো সন্ধ্যার আগে আছেন না।'

রফিক এসে পড়লো সন্ধ্যার শেষের মধ্যেই।'

'কোনো কাজে এসেছিলাম।'

'না, দেখা করতে এলাম। কাদের ছাড়া পেয়েছে জানিস নাকি?'

'জানবো না খেন, তুই তো টেলিফোন করলি। আছে কেমন এখন?'

'ভালোই আছে। তোদের খবর কি?'

রফিক মুখ কালো করে বললো, 'তুই জানিস না কিছু?'

'না। কি জানব?'

'সারা ঢাকার লোক জানে, আর তুই জানিস না? আয় আমার সাথে চায়ের দোকানটাতে গিয়ে বসি। সিগারেট আছে?'

চায়ের দোকানে রফিক খুব গম্ভীর হয়ে বসে রইল। আমি বললাম, 'বল কি হয়েছে?'

'আমার ছোট ভাই ফিরোজ, সে এখন আর তার বৌকে দেখতে পারে না। মেয়েটা থাকে বাপের বাড়ি। সে যায় না ওখানে। খুবই অশান্তি।'

‘কারণটা কি?’

‘কোনই কারণ নেই। একটা গুজব উঠেছে বুঝলি—দু’ একজন লোক বলাবলি করছে মেয়েটাকে নাকি একবার মিলিটারিরা উত্তিয়ে নিয়ে গিয়েছিল। দু’রাত না-কি রেখেছিল।’

আমি স্তম্ভিত হয়ে গেলাম।

‘গুজব ছাড়া আর কিছুই না। এই সিগারেটের আগুন হাতে নিয়ে বলছি। কিন্তু ফিরোজের ধারণা এটা গুজব না। ঐটা তো আসলে একটা গরু, চিলে কান নিয়ে গেছে শুনলে চিলের গিছে দৌড়ায়।’

রফিক আরেক কাপ চায়ের অর্ডার দিয়ে নিচু গলায় বললো, ‘ফিরোজকে দোষ দিয়ে কি হবে বল। আমার মায়েরও সেই রকম ধারণা। মা ঐদিন বলছিলেন—কোন দোষ না থাকলে ঐই রকম একটা সুন্দরী মেয়েকে ফিরোজের কাছে বিয়ে দেয় কেন? ফিরোজের আছে কি?’

রফিক আরেকটি সিগারেট ধরিয়ে আরেক কাপ চায়ের অর্ডার দিল। আমি বললাম, ‘আর চা নিস না। দুপুরবেলা গাদাখানিক চা খাওয়া ঠিক না। রফিক বললো, ‘কাউকে বলিস না, তোকে একটা কথা বলছি—আমি ঠিক করেছি মুক্তিবাহিনীতে চলে যাব। আমার জীবনের কোন দাম আছে না-কি?’ বঁচে থাকলেই কি আর মরলেই কি। আমার আর সহ্য হচ্ছে মরি

‘মুক্তিবাহিনীতে যাবি কিভাবে?’

প্রথম মেঘালয়ে যাব। সেখানে গেলেই ব্যবস্থা হবে। সোর্স পাওয়া গেছে।’

‘কবে যাবি?’

‘দুয়েক দিনের মধ্যে যাব।’

‘কাউকে বলেছিস বাড়িতে?’

‘বাবাকে বলেছি।’

‘চাচা কি বলেন?’

‘কি বলেন শুনে লাভ নেই। দে আরেকটা সিগারেট দে।’

উঠে আসবার সময় রফিক ইতস্তত করে বললো, ‘একটা কথা রফিক, আমার ডাইয়ের ব্যাপারটা একটু গোপন রাখিস। বড় লজ্জার ব্যাপার হয়েছেরে ডাই। সে আবার গত সোমবার নয়টা ফেনোবারবিটল খেয়েছে। চিন্তা করে দেখ।’

‘কে খেয়েছে?’

‘ফিরোজ, আর কে! কি লজ্জা ভেবে দেখ। শটমাক ওয়াস  
টোয়াস করাতে হয়েছে।’

ঘরে ফিরে দেখি বাচ্চু ভাই দরবেশের দোকানের সেই ছেলেটা  
(বাদশা মিয়া) এসে বসে আছে। কাদের বাচ্চু ভাই দরবেশের কোন  
খবর পেয়েছে কি-না তাই জানতে এসেছে। কাদের গম্ভীর হয়ে বলছে,  
‘বাইচা আছে এই খবর পাইছি।’

‘কে কইছে?’

‘ইজাবুদ্দিন সাব।’

‘এইটা কেমন কথা কাদের ভাই। ইজাবুদ্দিন সাব তো কইছে  
উল্টা কথা।’

‘আমি কি তর সাথে মিছা কইছি?’

‘না তুমি মিছা কইবা ক্যান?’

‘দরবেশ সাবের পরিবারেরে কইছে চিন্তার কোমো কারণ নাই।’

‘দেখা করনের কোন উপায় আছে কাদের?’

‘দেখা করনের চিন্তা বাদ দে বাদশা। বাইচা আছে। এইটাই বড়  
কথা। কয় জন বাচে ক দেখি?’

‘তা ঠিক।’

বাদশা মিয়ার ছেলেটি খুব বড়জের, সে একাই বাচ্চু ভাই দরবেশের  
দোকান চালু করে দিয়েছে। কাদের মত বিক্রি নেই, তবু বাজার খরচ  
উঠে যায়। বাচ্চু ভাইয়ের পরিবারকে পথে বসতে হয়নি।

একদিন গেলার ঠাণ্ডা ওখানে চা খেতে। লোকজন নেই, খালি  
দোকান সাজিয়ে বাদশা মিয়া বসে আছে।

‘কিরে লোক জনতো কিছু নেই।’

‘সকালের দিকে কিছু কিছু হয়।’

‘চা তুই একাই বানাস না অন্য কেউ আছে?’

‘জি না আমি একলাই আছি, অন্য কেউ নাই।’

কিছুতেই তাকে চায়ের দাম দেয়া গেল না। চোখ কপালে তুলে  
বললো, ‘আপনার কাছ থাইক্যা দাম নেই ক্যামনে! কন কি স্যার।’

আমার প্রতি তার এই প্রগাঢ় ভক্তির কারণ কি, কে জানে? বাড়িতে  
ফিরে এসে দেখি আজিজ সাহেবের কাছ থেকে লম্বা একটি চিঠি এসেছে।  
চিঠিটি লিখে দিয়েছে নীলু। দুটি খবর জানা গেল সে চিঠিতে।  
আজিজ সাহেব তাঁর মেয়েদের জন্যে বিয়ে ঠিক করেছেন। বিলুর  
বিয়ে হচ্ছে যে ছেলেটির সঙ্গে সে ঢাকা মেডিকেল কলেজে ফিফথ

ইয়ারে পড়ে। দেখতে ভাল। বংশও ভাল। ছেলের বাবা স্কুলের হেড মাস্টার। আজিজ সাহেব লিখেছেন—বর্তমান পরিস্থিতিতে মেয়েদের বিয়ে দিয়ে দেয়াই সবচে ভাল। সমগ্র চিন্তিতে নীলুর বিয়ে কোথায় হচ্ছে, কার সঙ্গে হচ্ছে—কিছুই লেখা নেই। নেজাম সাহেবের কথাও নেই। সেটিও বেশ রহস্যময়।

চিঠির সঙ্গে বিলুর একটি চিরকুটও আছে। আমি অসংখ্যবার পড়লাম সেটি।

‘সফিক ভাই,

মতিন ভাইয়ের কাছে একটি চিঠি দিয়েছিলাম আপনাকে দেবার জন্যে। লিখেছিলাম এক মাসের মধ্যে অবশ্যি যেন তার জবাব দেন।

আপনি দেননি। এমন কেন আপনি ?

বিলু।

মতিন সাহেবকে জিজ্ঞেস করলাম, ‘বিলু কি যাবার আগে আপনাকে কোন চিঠি দিয়েছিল ?’

মতিন সাহেব অনেক ভেবে চিন্তে বললেন, ‘হ্যাঁ আপনাকে দিতে বলেছিল। খুব না-কি জরুরী।’

‘কোথায় সে চিঠি ?’

মতিন সাহেব চোখ কপালে তুলে বললেন, ‘আমি কি করে বলব কোথায় ?’

সেই চিঠিটি আর কোথাও পাওয়া গেল না।

মানুষ যে-কোনো অবস্থাতেই নিজেকে মানিয়ে নিতে পারে। ফাঁসির আসামীও শুনেছি এক সময় মৃত্যুভয়ে অভ্যস্ত হয়ে যায়। নিয়মিত খাওয়া-দাওয়া করে। তরকারিতে লবণ কম হলে মেটকে চৌদ্দপুরুষ তুলে গাল দেয়। সেই হিসেবে আমাদের দীর্ঘ ছ’মাসে মোটামুটি অভ্যস্ত হয়ে যাওয়া উচিত ছিলো। কিন্তু তা হওয়া গেল না। তার মূল কারণ সম্ভবত অনিশ্চয়তা। রাস্তায় রিকশা নিয়ে বের হলে দুটি সম্ভাবনা—মিলিটারিরা রিকশা থামাতে পারে, না-ও থামাতে পারে। থামালে ধরে নিয়ে যেতে পারে, না-ও ধরতে পারে। ধরে নিয়ে গেলে আবার ফিরে আসতে পারে, আবার না-ও ফিরে আসতে পারে। এই ধরনের অনিশ্চয়তায় বেঁচে থাকা যায় না।

যদি নিশ্চিতভাবে জানা যেতো এর বেশি আর কিছু হবে না। স্বাধীনতা-টাধীনতার কথা চিন্তা করে লাভ নেই, তাহলে হয়তো সময় এতো দুঃসহ হতো না। কিন্তু একটি আশার ব্যাপার আছে। একদিন হয়তো আবার আগের মতো রাস্তায় ইচ্ছেমতো হাঁটা যাবে। রাত বারোটার চায়ের দোকানে বসে সিঙ্গেল চায়ের অর্ডার দেয়া যাবে। স্বাধীনতা একেকজনের কাছে একেক রকম। এই মুহূর্তে আমার কাছে স্বাধীনতা মানে হচ্ছে রাত এগারোটার রাস্তায় হাঁটতে-হাঁটতে গম্ভীর হয়ে পানের পিব ফেলা। মতিনউদ্দিন সাহেবের কাছে স্বাধীনতার মানে খুব সম্ভব রাতের বেলায় জানালা খোলা রেখে (এবং বাতি জ্বালিয়ে রেখে) ঘুমনোর অধিকার।

আজকাল আমি রাস্তায় দীর্ঘসময় হেঁটে বেড়াই। আগে কেউ আমাকে কিছু জিজ্ঞেস করতো না। এখন মাঝে-মাঝে দাঁড় করিয়ে জিজ্ঞাসাবাদ করে। বাসা কোথায়? কোথায় যাচ্ছি? মুসলমান, না হিন্দু (হিন্দু বলতে পারে না, বলে ইন্দু)। একবার শুধু-শুধু কুহাটা দাঁড় করিয়ে রাখলো। আমার ধারণা নিছক ভয় দেখিয়ে বজা করবার জন্যেই। আমার সঙ্গে আরেকটি ছেলে ছিলো। সে বাজার করে ফিরছে। বাজারের ব্যাগ থেকে ইলিশ মাছের লেজ বের করে নিয়ে আছে। ছেলেটি কুল কুল করে ঘামতে শুরু করলো। নেহায়েত পুষ্টি ছিলো। হয়তো কাজের ছেলেটা আসেনি, মা জোর করে পাঠিয়েছে। আমি বললাম, 'ভয়ের কিছু নেই। চুপচাপ দাঁড়িয়ে থাকো। একটা ছেড়ে দেবে।'

যে সেপাইটি তুমি দাঁড় করিয়ে রেখেছে, সে একবার এসে জিজ্ঞেস করলো, 'কেন ডর লাগতা?'

ছেলেটি কোনো কথা বলতে পারলো না। আমি বললাম, 'ইলিশ মাছ কতো দিয়ে কিনেছো?'

বেচারা ফ্যাল ফ্যাল করে তাকিয়ে রইলো। প্রচণ্ড ঘামছে সে। আমি বললাম, 'এক্ষনি ছাড়বে, ভয়ের কিছু নেই।'

'যদি না ছাড়ে?'

'কি যে বল। ছাড়বেই। তোমার নাম কি?'

লম্বামত একটি মিলিটারি এগিয়ে এলো এই সময় এবং আমি কিছু বোঝবার আগেই প্রচণ্ড এক চড় মারলো ছেলেটির গালে। আমি হাত বাড়িয়ে ছেলেটিকে টেনে তুললাম। তার ব্যাগ ছিটকে পড়েছে দূরে। সেখান থেকে আলুগুলো বেরিয়ে চারদিকে ছড়িয়ে পড়েছে। মিলিটারিটি আমাদের হাত নেড়ে চলে যেতে বললো। ছেলেটির গা কাঁপছিলো,

ঠিকমত হাঁটতে পারছিল না। সে ফিস ফিস করে বললো, 'আমাদের একটু বাসায় পৌঁছে দেবেন?'

আমরা একটা রিকশা নিলাম। ছেলেটি রিকশায় উঠে ক্রমাগত চোখ মুছতে লাগলো। আমার খুব ইচ্ছে হল বলি—আজ তুমি যে লজ্জা পেয়েছ, সে শুধু তোমার একার লজ্জা নয়। আমাদের সবার লজ্জা। কিন্তু কিছুই বললাম না। এই সব বড় বড় কথা'র আসলে তেমন কোনো অর্থ নেই।

আমি তাকে বাসা পর্যন্ত এগিয়ে দিলাম। ছেলেটির মা এমন ভাব করতে লাগলো যেন আমি তাকে মিলিটারির হাত থেকে ছাড়িয়ে এনেছি। আমার জন্যে হালুয়া এবং পরোটা তৈরি হলো। হালুয়া খাবার সময় ভদ্রমহিলা একটা তালপাখা নিয়ে বাতাস করতে লাগলো। আমি বললাম, 'রোজার সময় দেখবেন এরা বেশি ঝামেলা করবে না। আর কয়েকটা দিন।'

আমাদের কাদের মিয়াও খবর আনলো প্রথম রোজার দিন সব আটক লোককে ছেড়ে দেয়া হবে। ইয়াহিয়া খান চোখ মুজিবের সঙ্গে বৈঠকে বসবে। সব ঠিকঠাক। আমেরিকা থেকে শত ধমক দিয়েছে ইয়াহিয়া খানকে। ইয়াহিয়া মিটমাটের জন্যে একটা পথ খুঁজছে।

'বুলেনে ছোড ভাই, সাপ গিলার জমতা হইছে। না পারে গিলতে, না পারে রাখতে।'

কাদের পহেলা রমজানের জন্যে খুব উৎসাহ নিয়ে অপেক্ষা করতে লাগলো। তার উৎসাহের প্রধান কারণ দরবেশ বাচ্চু ভাই ছাড়া পাবে।

দরবেশ বাচ্চু ভাই ছাড়া পেলেন না। রমজানের সময় অবস্থা অনেক বেশি খারাপ হলো। আলী বদর বাহিনী তৈরি হল। প্রথমবারের মতো অনুভব করলাম কিছু কিছু যুদ্ধ সত্যি সত্যি হচ্ছে। নয় তো এতোটা খারাপ অবস্থা হওয়ার কোনো কারণ নেই। ইজাবুদ্দিন সাহেবও অনেকখানি মিইয়ে গেলেন। বারান্দায় এখন আর তিনি একশ পাওয়ারের বাতি দুটি জ্বালান না। ছয় রোজার দিন রাতে তারাবীর নামাজ শেষে ফেরবার পথে তিনি মারা পড়লেন। হাসিমুখে খবর আনলো কাদের মিয়া। প্রচণ্ড ধমক লাগলাম কাদেরকে, 'এই লোকটার জন্যেই বেঁচে এসেছিস তুই কাদের। আর যেই হাসে হাসুক, তুই হাসিস না।'

কাদেরের হাসি বন্ধ হলো না। চোখ ছোট-ছোট করে বললো, 'খেইল গুরু হইছে ছোড ভাই। বিসমিল্লাহ্ দিয়া গুরু।'

মতিনউদ্দিন সাহেব শুধু বললেন, 'মানুষ মারাটা ঠিক না। মানুষ মারাটা কোনো হাসির জিনিস না কাদের মিয়া। ইজাবুদ্দিন সাহেব মানুষের অনেক উপকার করেছেন।'

দুলাভাই খবর পাঠিয়েছেন একফুণি যেতে হবে। দুলাভাইয়ের গাড়ির এই ড্রাইভারটি নতুন রাখা হয়েছে। লোকটি বিহারী। মিলিটারির গাড়ি খামলেই সে গলা বের করে এক গাদা কথা হড় হড় করে বলে। ফলস্বরূপ গাড়ি থেকে নামতে হয় না।

দুলাভাইয়ের বাসায় গিয়ে দেখি জিনিসপত্র গোছগাছ হচ্ছে। আপার মুখে আঘাতের ঘনঘটা। দুলাভাই বললেন, ‘ইণ্ডিয়া মুক্ত না হবে, বুঝলে নাকি শফিক? শহর ছাড়ার সময় হয়ে গেছে।’

‘কখন ছাড়ছেন শহর?’

‘আন্দাজ কর দেখি?’

‘আজকেই যাচ্ছেন নাকি?’

‘ঠিক। এক ঘণ্টার মধ্যে। গাড়িতে করে যাবো ময়মনসিংহ। ময়মনসিংহে খবর দেয়া আছে।’

‘হঠাৎ করে যাচ্ছেন দুলাভাই। আজকেই ঠিক করলেন নাকি?’

‘হ্যাঁ।’

‘আজকে ঠিক করার পেছনে কোনো কারণ আছে?’

‘আছে। সিরিয়াস কারণ আছে।’

‘বলেন শুনি।’

‘তার আগে বলো তুমি একটা কাজ করতে পারবে কিনা?’

‘কি কাজ?’

‘লুনাকে তো চেন, শাকিব খান্নবী—এক মেজর বিয়ে করতে চায় তাকে।’

‘চিনি।’

‘সেই মেয়েটিকে তোমার ওখানে নিয়ে রাখবে। শুধু আজকের রাতটা। কাজ ভোরে মেয়ের এক চাচা এসে মেয়েকে নিয়ে যাবে। খবর দেয়া হয়েছে, তাঁকে তোমার ঠিকানা দিয়ে দিয়েছি।’

‘কিছুই বুঝতে পারছি না দুলাভাই। মেয়েটা কোথায়?’

‘এখানেই আছে। শীলার ঘরে আছে।’

ব্যাপার মোটামুটি এই রকম, গত দশদিন ধরে লুনা এই বাড়িতে আছে। মেয়ের বাবা-মা মেজর উদ্রলোককে বলেছেন, মেয়ে চিটাগাং তার নানার বাড়িতে আছে। ঈদের পর আসলে বিয়ের পাকা কথা-বার্তা হবে তখন। মেজর সাহেব কিছুই বলেননি। আজ সকালে কিছু লোকজন এসে মেয়ের বাবা-মাকে তুলে নিয়ে গেছে। দুলাভাইয়ের ধারণা তাঁকে ধরতে আসবে আজকালের মধ্যে। বড় আপা অত্যন্ত

বিরক্ত হয়ে বললো, ‘মেয়েকে আমার এখানে রাখার কথা তো আমি বলি নি, তোর দুলাভাই গলা বাড়িয়ে গিয়ে বলেছে। এখন দেখ না ঝামেলা।’

‘ঝামেলা তো সবারই আপা। তুমি ঝামেলায় পড়লে দেখবে সাহায্যের জন্যে লোক আসছে।’

‘রাখ-রাখ। লম্বা লম্বা কথা ভালো লাগে না। লম্বা কথা অনেক শুনেছি।’

বড় আপার ঢাকা ছাড়ার ইচ্ছে মোটেই নেই। সে আমার সামনেই একবার দুলাভাইকে বোঝাতে চেষ্টা করল যে সবচে ভালো হয় এই বাসা ছেড়ে দিয়ে অন্য কোথাও ওঠা।

‘শফিকের ওখানে উঠতে দোষ কি? ঘর তো খালি পড়ে আছে?’ দুলাভাই অত্যন্ত গম্ভীর হয়ে বললেন, ‘ঢাকা শহরে এক ঘণ্টার বেশি আমি থাকবো না। ওরা আমাকে খুঁজছে।’

‘তুমি তো শেখ মুজিব। তোমাকে না হলে ওদের ঘুম হচ্ছে না।’ দুলাভাই শান্ত স্বরে ড্রাইভারকে বললেন গাড়ি বের করতে। আমাকে বললেন, ‘লুনাকে সবকিছু বলিয়েছে। খুব শক্ত মেয়ে। একটুও ঘাবড়ায় নি।’

আমি বললাম, ‘যদি ওর খাতি না আসে?’

‘আসবেই। আর যদি না আসে তাহলে তুমি বুদ্ধি খাটিয়ে যা করার করবে। মেয়েকে এক দূর সম্পর্কের খালা আছে ঢাকায়। লুনার কাছে ঠিকানা আছে।’

‘ওর বাবা-মার খবর ওকে বলেছেন?’

‘হ্যাঁ।’

‘কান্নাকাটি করছে না?’

‘আমাদের সামনে না। মেয়ে বড় শক্ত, মচকাবার মেয়ে না। আমি খুবই ইমপ্রেসড।’

দুলাভাই খানিকক্ষণ চুপ করে থেকে বললেন, ‘একটা টেলিফোন নাম্বার দিচ্ছি, সেই টেলিফোন নাম্বারে ফোন করে বলবে যে আমি চলে গেছি।’

‘কাকে বলবো?’

‘যে টেলিফোন রিসিভ করবে তাকেই বলবে। বলবে মেসেজ রাখতে।’

‘এইটি কি আপনার ব্রিগেডিয়ার বন্ধুর নাম্বার?’

‘হ্যাঁ, তোমার ওর কাছে যাওয়ার দরকার নেই।’

লুনাকে সঙ্গে নিয়ে ফিরছি। রাস্তায় নেমেই প্রচণ্ড ভয় লাগলো। মনে হলো রাস্তাঘাটগুলো যেন বড় নির্জন। যেন আজকেই ভয়ংকর একটা কিছুর ঘটবে। শাহবাগের পাশে প্রকাণ্ড একটা ট্রাক দাঁড়িয়ে ছিল। তার পাশ দিয়ে যাবার সময় আমার বুক কাঁপতে লাগলো। মনে হলো ওরা আজ অবশ্যই আমাদের গাড়ি খামাবে। তাঁগা স্বরে বলবে—‘তোমার সঙ্গে ঐ মেয়েটিকে জিজ্ঞাসাবাদ করবার জন্যে আমরা নিয়ে যাব।’ আমি বলব, ‘জনাব, ও একটি নিতান্ত বাচ্চা মেয়ে। ক্লাস নাইনে পড়ে।’ ওরা দাঁত বের করে হাসবে। এবং হাসতে হাসতে বলবে, ‘জিজ্ঞাসাবাদ করবার জন্যে বাচ্চা মেয়েরাই ভালো।’

আমি নিজেকে সাহস দেবার জন্যেই বললাম, ‘লুনা, ভয়ের কিছু নেই। তুমি শান্তভাবে চুপচাপ বসে থাক।’

‘চুপচাপই তো বসে আছি।’

‘জানালা দিয়ে বারবার এদিক-ওদিক তাকাচ্ছ কেন? মাথাটা নিচু করে বস না।’

‘আহ, আপনি কেন এত তরু পাচ্ছেন? মাথা নিচু করে বসব কেন শুধু শুধু?’

ড্রাইভার গাড়ি ছোটাকছি আড়ের মতো। এত জোরে গাড়ি চালানোর দরকারটা কি? শুধু শুধু মানুষের মধ্যে সন্দেহ সৃষ্টি করা। আমি বললাম, ‘ড্রাইভার সাহেব একটু আস্তে চালান।’

ড্রাইভার সঙ্গে সঙ্গে গাড়ি ফাস্ট গিয়ারে নিয়ে এলো—যা আরো সন্দেহজনক। যেই দেখবে তারই মনে হবে বদ মতলব নিয়ে গাড়ির স্তের কেউ বসে আছে। সম্ভবত একটি লুকোনো স্টেটনগান আছে, সুবিধে মত টার্গেট পেলেই বের হয়ে আসবে।

বাড়ির সামনে এসেও আমার বুকের ধক-ধকানি কমে না। এত খাঁ-খাঁ করছে কেন চারদিক? আগে তো কখনো এরকম লাগেনি। আমি গলা উঁচিয়ে ডাকলাম, ‘এই কাদের। কাদের।’

কাদেরের সাড়া পাওয়া গেল না। মতিনউদ্দিন সাহেব জানালা দিয়ে মাথা বের করে আবার কচ্ছপের মত থামা টেনে নিলেন।

তারপরই ঝাপাং করে জানালা বন্ধ করে ফেললেন। উদ্রলোকের মাথা কি পুরোপুরিই খারাপ হয়ে গেছে ?

‘মতিন সাহেব, আপনি নিচে এসে স্যুটকেসটা নিয়ে যান দয়া করে।’

মতিন সাহেব নিচে নামলেন না। শব্দ শুনে বুঝলাম উদ্রলোক অন্য জানালাগুলো বন্ধ করছেন। লুনা বললো, ‘আমি নিতে পারবো।’

‘তোমার নিতে হবে না। রাখ তুমি। মতিন সাহেব। ও মতিন সাহেব।’

কোনোই সাড়া নেই। লুনা বললো, ‘ঐ লোকটিরই কি মাথা খারাপ ?’

‘কে বললো তোমাকে ?’

‘শীলা। শীলা বলেছে।’

শীলা দেখলাম অনেক কিছুই বলেছে। এই বাড়িতে যে একটা তক্ষক আছে তাও তারা জানা। দোতলায় উঠেই বিষলো, ‘এ বাড়িতে নাকি কুমীরের মত বড় একটা তক্ষক আছে ?’

‘তা আছে।’

‘কোথায় দেখান তো।’

এই মেয়ে যে অবস্থায় আছে সেই অবস্থায় কেউ যে তক্ষকের খোঁজ করতে পারে তা আমার ধারণা ছিল না। আমি গভীর মুখে লুনাকে বসিয়ে রেখে মতিন সাহেবের খোঁজ করতে গেলাম। তিনি কাদেরের ঘরে। দরজা উল্লস থেকে বন্ধ।

‘দরজা খোলেন মতিন সাহেব।’

‘ঐ মেয়েটা কে ?’

‘আমার ভাগ্নি। আপনি দরজা বন্ধ করে বসে আছেন কেন ?’

মতিন সাহেব দরজা খুলে ফিস ফিস করে বললেন, ‘আপন ভাগ্নি ?’

‘তা দিলে দরকার কি আপনার ?’

মতিন সাহেব দীর্ঘ সময় চুপচাপ থেকে বললেন, ‘মেয়েটাকে আমি চিনি শফিক সাহেব। আপনাকে আমি আগে বলিনি, একদিন সন্ধ্যাবেলা ঘুমিয়ে পড়েছিলাম। হঠাৎ ঘুম ভেঙে গেল। ঘরের মধ্যে কেমন যেন একটা মিষ্টি গন্ধ। তাকিয়ে দেখি মাথার কাছে একটি মেয়ে বসে আছে। মেয়েটার নাকের দাগে একটা তিল। এইটি সেই মেয়ে। দেখেই চিনেছি।’

আমি উদ্রলোকের কথা শুনে স্তম্ভিত হয়ে গেলাম। এই লোক তো বন্ধ উন্মাদ। মতিন সাহেব ফিস ফিস করে বললেন, ‘আপনার বিশ্বাস হয় না ?’

‘না। অন্ধকারের মধ্যে আপনি একটা মেয়ের নাকের তিল দেখবেন কি করে?’

‘তাও তো ঠিক।’

‘মেয়েটার নাকে কোন তিন-টিল নেই, বিপদে পড়ে এসেছে। কাল সকালে চলে যাবে।’

‘কি সর্বনাশ, রাত্রে থাকবে। আগে বলেননি কেন?’

‘আগে বললে কি করতেন?’

‘না মানে করার তো কিছু নেই।’

‘যান নিচ থেকে স্যুটকেসটা নিয়ে আসুন। কাদের গেছে কোথায়?’

‘জানি না। আমাকে কিছু বলে যায় নি।’

‘কখন আসবে তাও বলেনি?’

‘নাহ্।’

লুনা অল্পক্ষণের মধ্যেই বেশ সহজ হয়ে গেলো। কথাবার্তা বলতে শুরু করলো। ভাবখানা এরকম যেন এ জাতীয় ব্যাপার প্রতিদিন ঘটছে। অপরিচিত জায়গায় অপরিচিত পুরুষদের মধ্যে রাত কাটানোটা তেমন কিছু বড় ব্যাপার নয়। নিজের বাবা-মার কথা একবারই শুধু বললো। তফস্বরূপে কি খায় সেই খবর বলতে বলতে হঠাৎ বলে ফেললো, ‘আপনার কি মনে হয় আমি আশমা ছাড়া পেয়ে আমাকে খুঁজে বেড়াচ্ছে? আমার তিকানাটা তারা জানে না।’

প্রশ্নটি এত আচম্ভক্য এমনিতেই যে আমার জবাব দিতে দেরি হল। আমি থেমে থেমে বললাম, খুবই সম্ভব। তবে তারা নিশ্চয়ই তোমার চাচার সঙ্গে যোগাযোগ করবেন, আর তোমার চাচা তো আমার ঠিকানা জানেন।’

‘তা ঠিক। এটি আমার মনেই হয়নি।’

তার মুখ দেখে মনে হল বড় একটি সমস্যার খুব সহজ সমাধান পাওয়া গেছে। এ নিয়ে আর চিন্তার কিছু নেই। আমি বললাম, ‘তুমি হাত মুখ ধুয়ে বিশ্রাম কর। কাদের এসে এই ঘর তোমার জন্যে ঠিকঠাক করে। চা খাবে? ক্লিথে লেগেছে? ঘরে অবশ্য কিছু নেই। শুধু শুধু চা, এক কাপ খাও।’

‘কে বানাবে চা, আপনি?’

‘হ্যাঁ, কেন?’

‘শীলা বলেছে আপনি কিছুই করতে পারেন না। চা পর্যন্ত বানাতে জানেন না। এই জন্যেই চাকরি-টাকরি কিছুই করেন না। শুধু ঘরে বসে থাকেন।’

‘আর কি বলেছে?’

‘আর বলেছে আপনি কাক পোষেন। আপনি যে দিকেই যান, দশ বারোটা কাক কা কা করতে করতে আপনার পেছনে পেছনে যায়।’

লুনা খিল খিল করে হেসে উঠলো। বহুদিন আমার এই আগে-ছালো নোংরা ঘরে এমন মন খুলে কেউ হেসে ওঠেনি। আমার মনে হলো সব যেন আগের মত হয়ে গেছে। আর ভয়ে ভয়ে রাস্তায় বের হতে হবে না। রাতের বেলা জীপের শব্দ শুনে কাঠ হয়ে বিছানায় বসে থাকতে হবে না। লুনা বললো, ‘আপনি আবার রাগ করলেন না-কি?’

কাদের এসে নিমিষের মধ্যে ঘর-দোর গুছিয়ে ফেললো। চাল ডালের টিন দুটি কোথায় যেন সরিয়ে ফেললো। নতুন টেবিল রুথ বের হলো। বিছানার চাদর নিয়ে রমিজের দোকান থেকে ইস্ত্রী করিয়ে আনলো। বইয়ের শেল্ফ গুছিয়ে, মতিন সাহেবের চিত্র নিয়ে ধরাধরি করে বড় ট্রান্সটা সরানো হলো। এতে না-কি হাঁটুটা জায়গা বেশি হবে। এক ফাঁকে আমাকে এসে ফিস ফিস করে বল গেল, ‘মেয়েছেলে না থাকলে ঘরের কোন ‘সুন্দর্য’ নাহি। এই কথাটা ছোট ভাই খুব খ্যাটি। লাখ কথার এক কথা।’

লুনার থাকার ব্যবস্থা হলো আমার ঘরে। আমি গেলাম কাদেরের ঘরে। মতিন সাহেব বললেন তিনি বারান্দায় বসে থাকবেন। ঘরে একটি মহিলা আছে, সবাই ঘুমিয়ে পড়াটা ঠিক হবে না। তাঁর যখন এমনতেই ঘুম হয় না কাজেই অসুবিধে কিছু নেই। আদি লুনাকে বেশ কয়েক বার বললাম, ‘ভয়ের কিছু নেই, একটা রাত দেখতে দেখতে কেটে যাবে। আর যদি ভয় উয় লাগে ডাকবে। আমার খুব সজাগ ঘুম।’

‘না আমার ভয় লাগছে না।’

কাদের বললো, ‘চিন্তার কিছু নাই আফা। কোনো বেচাল দেখলেই আমার কাছে খবর আসবে। লোক আছে আমার। আফা আগের দিন আর নাই।’

কাদের যেন একজন বিশিষ্ট ব্যক্তি হয়ে উঠেছে। বেচাল দেখলেই তার কাছে খবর চলে আসবে তা জানা ছিল না। সে কয়েক দিন আগে ঘোষণা করেছে—‘এই ভাবে থাকা ঠিক না। কিছু করা বিশেষ প্রয়োজন।’

মতিন সাহেবের কাছে শুনলাম কাদের নাকি কার কার সঙ্গে যোগাযোগ করেছে, তারা তাকে নিয়ে যাবে। কখন নেবে কি তা গোপন। হঠাৎ একদিন হয়ত চলে যেতে হবে। এই ব্যাপারে আমার সঙ্গে তার কোনো কথা হয়নি। সরাসরি আমার সঙ্গে কথা বলার বোধ হয় তার ইচ্ছেও নেই।

লুনা রাত দশটা বাজতেই ঘরের বাতি নিভিয়ে দিল। আমি ওতে গেলাম রাত বারটার দিকে। শোয়া মাত্রই আমার ঘুম আসে না। দীর্ঘ সময় জেগে থাকতে হয়। এপাশ-ওপাশ করতে হয়। দু তিনবার বাথরুমে গিয়ে ঘাড়ে পানি দিতে হয়। বিচিত্র কারণে আজ শোয়া মাত্রই ঘুম এলো। গাঢ় ঘুম। ঘুম ভাঙলো অনেক রাতে। দেখি অন্ধকারে উবু হয়ে বসে কাদের বিড়ি টানছে। আমাকে দেখে হাতের আড়ালে বিড়ি লুকিয়ে ফেলে নিচু গলায় বললো, 'মেয়েটা খুব কানতেছে ছোড ডাই। মনটার মইদ্যে বড় কণ্ট লাগতাছে।'

প্রথম কিছুক্ষণ কিছুই শুনতে পেলাম না। তারপর অস্পষ্ট ফোঁপানির আওয়াজ শুনলাম। মেয়েটি কিছুই বালিশে মুখ গুঁজে কান্নার শব্দ ঢাকার চেষ্টা করছে। আমি উঠে দরজার কাছে যেতেই কান্না অনেক স্পষ্ট হলো। মাঝে মাঝে আবার ফুঁপিয়ে ফুঁপিয়ে বলছে—'আশ্মি আশ্মি।' আমি কিছুই বললাম না। কিছু কিছু ব্যক্তিগত দুঃখ আছে যা স্পষ্ট করার অধিকার কারোরই নেই। মতিন সাহেব অনেকটা দূরে ইজিচেয়ারে মূর্তির মত বসেছিলেন। আমাকে বেরিয়ে আসতে দেখে মনো গলায় বললেন, 'মেয়েটা খুব কাঁদছে। কি করা যায় বলুন তো।'

'কিছুই করার নেই।'

'তা ঠিক, কিছুই করার নেই। বড় কণ্ট লাগছে। আমিও কাঁদছিলাম।'

বলতে বলতে মতিন সাহেব চোখ মুছলেন। দু'জন চুপচাপ বারান্দায় বসে রইলাম। এক সময় কাদেরও এসে যোগ দিল। শেষ রাতের দিকে রুটি পড়তে লাগলো। জাম গাছের পাতায় সড় সড় শব্দ উঠলো। লুনা ফোঁপাতে ফোঁপাতে ডাকলো, 'আশ্মি আশ্মি।' পরদিন লুনার চাচা লুনাকে নিতে এলেন না।

সন্ধ্যার পর মডার্ন ফার্নেসী থেকে টেলিফোন করতে চেষ্টা করলাম। অপারেটর বললো ঢাকা-নারায়ণগঞ্জ টেলিফোন এক্সচেঞ্জ নষ্ট। কখন ঠিক হবে তা জানে না। আমি বাসায় ফিরে দেখি লুনা মুখ কালো

করে বসে আছে। আমি বললাম, 'নিশ্চয়ই কোনো কাজে আটকা পড়েছেন। কাল নিশ্চয়ই আসবেন।'

লুনা কোনো কথা-টথা বললো না।

'কালকে আমি তোমার খালার বাসা খুঁজে বের করব। চা খেয়েই চলে যাব। তোমার কাছে ঠিকানা আছে না?'

'জি আছে।'

'আমি খুব ভোরেই যাব। যদি এর মধ্যে তোমার চাচা চলে আসেন তাহলে তুমি তাঁর সঙ্গে চলে যাবে। অবশ্যই যাবে। আমার জন্যে অপেক্ষা করবে না।'

লুনা শান্ত স্বরে বললো, 'না। আমি আপনার জন্যে অপেক্ষা করব।'

'আমার ফিরতে কত দেরি হবে কে জানে। হয়তো আটকা পড়ে যাব রাস্তায়। তুমি অপেক্ষা করবে না। যত তাড়াতাড়ি পৌঁছোনো যাক ততই ভালো।'

রাত্রি ভাত খাওয়ার জন্যে ডাকতে গিয়ে দেহের চামড়ার মুড়ি দিয়ে গুয়ে আছে।

'আমি ভাত খাব না।'

'তোমার কি শরীর খারাপ লুনা?'

'জি না।'

'জ্বর না তো? চোখ মুখের কোন যেন ফোলা ফোলা লাগছে।'

'জ্বর-টর না। কিছু পেকে হচ্ছে হচ্ছে না।'

'দুধ খাবে? ঘরে আছে।'

'জি না। আমি কিছুই খাব না।'

আমি ফিরে আসছি, হঠাৎ লুনা খুব শান্ত স্বরে বললো, 'আমার মনে হয় কেউ আমাকে নিতে আসবে না।'

কথা শেষ হবার সঙ্গে সঙ্গেই একটি টিকটিকি ডাকলো। লুনা বললো, 'দেখলেন তো টিকটিকি বলছে "ঠিক ঠিক"। তার মানে কেউ আসবে না।'

ঠিকানা নিয়ে যে বাড়িতে উপস্থিত হলাম সেটি তালাবদ্ধ। গেটে 'টু লেট' ঝুলছে। বাড়িওয়ালার আশপাশেই ছিলেন, আমাকে দেখে হাসি মুখে এগিয়ে এলেন, 'বাড়ি ভাড়া করবেন? খুব সম্ভাব্য পাবেন।'

সারভেষ্টার জন্য আলাদা বাথরুম আছে এখানে। গত বছর দেওয়াল ডিসটেন্সপার করলাম।’

বাড়ি ভাড়ার জন্যে আসি নি। খোরশেদ আলি সাহেবের খোঁজ করছি শুনে ভদ্রলোক খুব হতাশ হলেন।

‘এরা থাকে না এখানে—জুন মাসে বাড়ি ছেড়ে গেছে। অঞ্চলটা নাকি নিরাপদ না। বলেন দেখি কোন অঞ্চলটা নিরাপদ? আমি তো এখানেই আছি। আমার কিছু হয়েছে? বলেন দেখি?’

‘খোরশেদ আলি সাহেবরা এখন থাকেন কোথায় জানেন?’

‘ঠিকানা আছে। গিয়ে দেখবেন সেখানেও নেই। নিরাপদ জায়গা যারা খোঁজে তারা এক জায়গায় থাকে না। বোরাধুরি করে।’

ভদ্রলোক ঠিকানা বের করতে এক ঘন্টা লাগালেন। শেষ পর্যন্ত ঠিকানা যেটা পাওয়া গেলো সেটায় বাড়ির নম্বর দেয়া নেই। লেখা আছে মসজিদের সামনের হলুদ রঙের দোতলা বাড়ি। বাড়িওয়ারা ভদ্রলোক গম্ভীর হয়ে বললেন, ‘মসজিদের সামনেই বাড়ি চাই মনে করেছে খুব নিরাপদ। বুদ্ধি নেই, লোক তো গাছে হয় না মানুষের পেটেই হয়।’

বহু বামেলা করে মসজিদের সামনের হলুদ রঙের দোতলা বাড়ি খুঁজে বের করলাম। বাড়িওয়ারা ভদ্রলোকের কথাই ঠিক। খোরশেদ আলি সাহেব এখানেও নেই। পুস্যায় গেছেন তাও কেউ জানে না। বাসায় ফেরার পথে মনে হলো সানার চাচা ভদ্রলোক হয়তো আমার ঠিকানা হারিয়ে ফেলেছেন। মানুষের স্বভাবই হচ্ছে সবচে’ জরুরী কাগজটা হারিয়ে ফেলা। ঠিকানা হারিয়ে ভদ্রলোক নিশ্চয়ই বড় আপার বাসায় খোঁজাখুঁজি করেছেন। অবশি এ যুক্তি তেমন জোরালো নয়। বড় আপার বাসায় দারোগান শমসের মিয়া আমার ঠিকানা খুব ভালো করে জানে। তবে এটা অসম্ভব নয় যে শমসের মিয়াকে বিদায় দিয়ে নতুন লোক রাখা হয়েছে। খুব সম্ভব বিহারী কেউ। গাড়ির ড্রাইভার যেমন বিহারী রাখা হয়েছে সে রকম। এ যুক্তি যথেষ্ট বিশ্বাসযোগ্য মনে হওয়ায় আমি ক্ষুধায় তৃষ্ণায় ক্লান্ত-হয়ে বড় আপার বাসায় দুপুর দুটোর দিকে উপস্থিত হলাম। না, শমশের মিয়াই আছে। এবং কেউ এ-বাড়িতে আসেনি। আসবার মধ্যে পিয়ন এসেছে।

‘খাওয়ার কিছু আছে শমসের মিয়া?’

‘ঘর তো ভালো দেওয়া ছোট ভাই। চাবি মেমসাবেব কাছে।’

‘তোমার কাছে কিছু নেই?’

‘মুড়ি আছে।’

‘দেও দেখি তেল মরিচ দিয়ে মেখে। চিঠিপত্র কি আছে দেখি।’

চিঠি এসেছে অণুর কাছ থেকে। বড় আপার কাছে লেখা দীর্ঘ চিঠি (অণু আমাকে কখনো চিঠি লেখে না, নববর্ষের সময় কার্ড পাঠায়)। বড় আপার কাছে লেখা চিঠি আমার পড়তে কোনো দোষ নেই, এই চিন্তা করে চিঠি খুলে ফেললাম। চিঠি পড়ে বড়ই কষ্ট লাগলো। এই যে এতোবড় একটা দুঃসময় যাচ্ছে আমাদের সেই সম্পর্কে শুধু একটি লাইন লেখা, ‘দেশের খবর শুনে খুব চিন্তা লাগছে, সাবধানে থাকবি।’ তার পরপরই তিন পৃষ্ঠা জুড়ে মনটানা যাওয়ার পথে কি বামেলা হয়েছিলো সেটা লেখা। ‘আই-ডাহো ছাড়ার পাঁচ ঘণ্টা পর গাড়ির ট্রান্সমিশন গেলো বন্ধ হয়ে। হাইওয়েতে দুঘন্টা বসে থাকতে হলো। শেষ পর্যন্ত হাইওয়ে পেট্রল পুলিশ এসে রাত তিনটার একটা অতি বাজে মেরুে নিয়ে তুললো। পেটে প্রচণ্ড দিড়ে। ভেন্ডিৎ মেশিন আপেল আর মিল্ক চকোলেট ছাড়া কিছু নেই। বাধ্য হয়ে আপেল আর চকোলেট খেয়ে ঘুমতে যেতে হলো সবাইকে। আর ঘুম কি আসে? এয়ারকুলারটা দিয়ে বড় বড় শব্দ।’

শমসের মিয়া এক গামলা মুড়ি নিয়ে এলো। কাঁচামরিচ যে কটা ঘরে ছিলো সবই বোঝা দিয়ে দিয়েছে। ঝালের চোটে চোখে পানি আসার জোগাড়। শমসের মিয়া গলা নিচু করে বললো, ‘জায়গার জায়গায় নাকি যুদ্ধ শুরু হয়েছে, কথাডা সত্যি ছোট ভাই?’

‘সত্যি।’

‘দেশ স্বাধীন হইলে গরিব দুঃখীর কোনো চিন্তা থাকতো না, কি কন ছোট ভাই?’

‘না থাকারই কথা।’

‘খাওয়া খাদ্য থাকবে বেসুনার।’

‘তা থাকবে।’

‘খারাপের পরে বালা দিন আয়—এইটা বিধির বিধান।’

‘খুবই খাঁটি কথা শমসের মিয়া।’

‘চিন্তা করলে মনটার মইদ্যে শান্তি হয়।’

বাড়ি ফিরে শুনি লুনার চাচা আজকেও আসেননি। লুনার জ্বরও বেড়েছে। কাদের একজন ডাক্তার নিয়ে এসেছিলো। ওষুধপত্র দিয়েছে, আর বলেছে রক্ত পরীক্ষা করতে।

লুনা আমাকে দেখে বললো, ‘কাউকে পান নি?’

‘কাল ঠিক পাবো। সকালেই গুলিস্তান থেকে বাস নিয়ে চলে যাবো নারায়ণগঞ্জ।’

‘আপনি যে সারাদিন ঘোরাঘুরি করেন, আপনার ভয় লাগে না?’

‘নাহ্। আমার অচল পা দেখেই মিলিটারিরা মনে করে একে নিয়ে কোনো ঝামেলা হবে না।’

লুনা গম্ভীর হয়ে বললো, ‘আপনি ভাবছেন আপনার কথা শুনে আমি হাসবো? আমাকে যতোটা ছোট আপনি ভাবছেন, তত ছোট আমি না। আমি অনেক কিছু বুঝি।’

আমি অবাক হয়ে তাকিয়ে রইলাম। লুনা শান্ত স্বরে বললো, ‘এই যে আমার কাল রাত থেকে জ্বর, আপনি কি আমার গায়ে হাত দিয়ে দেখেছেন কতোটা জ্বর? আপনি কি মনে করেন আমি জানি না, কেন আপনি এ-রকম করছেন? আমি ঠিকই জানি।’

‘কি জানো?’

লুনা থেমে থেমে বললো, ‘গায়ে হাত দিয়ে আমি অন্য কিছু ভাববো, বলেন ভাবছেন না? আমি সব বুঝতে পারি। আমি যদি কালো, কুৎসিত একটা মেয়ে হতাম, আপনি কি আমায় গায়ে হাত দিয়ে জ্বর দেখতেন! দেখেন টিকটিকি টিকটিকি করছে, তার মানে সত্যি।’

আমি লুনার কপালে হাত দিয়ে দেখি বেশ জ্বর গায়ে। স্বাভাবিক সুরে বললাম, ‘লুনা তুমি গুয়ে থাকো, আমি ভাত খেয়ে আসছি। আর তুমি যা বলছেন তা ঠিক। খুবই ঠিক।’

রান্নাঘরে ঢুকতেই মতিনউদ্দিন সাহেব বললেন, ‘খতমে জালালীটা গুরু করা দরকার। লুনার চাচা আসছে না। এদিকে আবার জ্বর-জ্বর। এক লাখ পঁচিশ হাজার বার ‘দোয়া ইউনুস’ পড়লেই সব ঠিক হয়ে যাবে। খুব শক্ত খতম এটা।’

ভাত খেতে বসে গুনলাম দুই কোথায় যেন গোলাগুলি হচ্ছে। থেমে থেমে বন্দুকের আওয়াজ। মতিন সাহেব মাথা ভাত রেখে উঠে পড়লেন। তাকিয়ে দেখি তাঁর পা ঠক ঠক করে কাঁপছে। কাদের বললো, ‘ভয়ের কিছু নাই। নিশ্চিত মনে ভাত খান।’

‘আমার খিদে নেই। বমি বমি লাগছে।’

খানিকক্ষণ পর ভারি ভারি দুটি ট্রাক গেলো। মতিন সাহেব ভীত স্বরে বললেন, ‘সব বাতি টাতি নিভিয়ে ফেলা দরকার।’

তিনি দিশেহার মত জানালা বন্ধ করতে ছুটলেন। কাদের বললো, 'লক্ষণ খারাপ ছোড ভাই।'

রাত দশটার হঠাৎ বাদশা মিয়া এসে হাজির। সে খুব একটা খারাপ খবর নিয়ে এসেছে। বিহারীরা দল বেঁধে লুটপাট শুরু করেছে। মানুষও মারছে। শুরু হয়েছে তাজমহল রোড, নুরজাহান রোড অঞ্চল থেকে। খবর সত্যি হলে খুবই চিন্তার ব্যাপার।

কাদেরের মুখ শুকিয়ে গেলো। আমি বললাম, 'কোথেকে খবর পেয়েছিস?'

'ঠিক খবর স্যার। এক চুল মিথ্যা না।'

লুনার ঘরে গিয়ে দেখি সে জেগে আছে। আমাকে দেখেই বললো, 'ঐ ছেলোট কি বলছে?'

'না কিছু না।'

'বলুন আমাকে, কি বলছে?'

'বিহারীরা নাকি লুটপাট করা শুরু করেছে।'

'কোন্ জায়গায়?'

'শুরু হয়েছে মোহাম্মদপুরে।'

'মোহাম্মদপুর কতো দূর এখান থেকে?'

'দূর আছে।'

'আপনি ঠিক করে বলুন, কেন আমাকে লুকোচ্ছেন?'

'বেশি দূর না।'

বাদশা মিয়া শীকারী না। কাফু হবে দশটা থেকে। তার আগেই দরবেশ বাচ্চু ভাইয়ের ঘরে পৌছান দরকার। সেখানে পুরুষ মানুষ কেউ নেই। বাচ্চু ভাইয়ের ছেলের বয়স মাত্র চার বছর।

আমরা বাতি-টাতি নিভিয়ে সমস্ত রাত জেগে বসে রইলাম। মাঝ-রাতের দিকে সোবাহানবাগের দিক থেকে খুব হৈ-চৈ ও চিংকার শোনা গেল। এর কিছুক্ষণ পর একনাগাড়ে দীর্ঘ সময় গুলির শব্দ হতে লাগলো। আমি দিশেহারা হয়ে গেলাম।

'কাদের, কি করা যায়?'

'আল্লাহর নাম নেন ছোড ভাই। আল্লাহ্ হাফেজ।'

লুনা কিছুতেই বিছানায় শুয়ে থাকতে রাজি হলো না। অন্ধকার বারান্দায় আমাদের সঙ্গে সারারাত বসে রইলো। ভোর রাতে মাইকে বলা হলো এই অঞ্চলে বিকেল তিনটা পর্যন্ত কাফু বজবৎ থাকবে।

দিনটি মেঘলা। দুপুর থেকে টিপ টিপ করে বৃষ্টি পড়তে লাগলো। আমি নিচতলায় আজিজ সাহেবের ঘরের সামনে চুপচাপ বসে রইলাম। আজিজ সাহেব বা নেজাম সাহেব—কারোর কোন খোঁজ খবর নেই। নেজাম সাহেবের নামে একটি রেজিষ্ট্রি চিঠি অনেক দিন থেকে পড়ে আছে। লোকটি কোথায় আছে কে জানে।

‘ছোড ভাই, আপনার চা।’

কাদের শুধু চা নয়, একটি পিরিচে দুটি বিসকিটও নিয়ে এসেছে।

‘কি ব্যাপার, চা কেন?’

‘ছোড ভাই, এই শেষ কাপ চা বানাইলাম।’

আমি অবাক হয়ে তাকালাম।

‘আর দেখা হয় কি না হয়।’

‘ব্যাপার কি?’

‘আমি রফিক ভাইয়ের সাথে মেঘালার খাইতেছি ছোড ভাই।’

‘কবে?’

‘আইজই যাওয়ার কথা। কাফু তুলেই রওনা দেওয়ার কথা।’

‘আগে বলিসনি কেন?’

কাদের চুপ করে রইলো। এক সময় মৃদু স্বরে বললো, ‘কাফু ডাঙলেই আমি লুনা আফার জন্যে ডাক্তারের বাবস্থা কইরা রফিক ভাইয়ের বাসায় যাইয়াম। এখন ডাক্তার পাইলে হয়।’

তাকিয়ে দেখি কাদের সার্ভের হাতায় চোখ মুছছে।

বেলা সাড়ে তিনটার কাদের সত্যি চলে গেল। মতিনউদ্দিন সাহেব কিছুই জানেনা বলে মনে হল। আমাকে বললেন, ‘কাদেরের কাণ্ড দেখেছেন। তিন ঘণ্টার জন্যে কাফু রিলাক্স করেছে—এর মধ্যেই তাকে বেরুতে হবে। কথা বললে তো শোনে না। শেষে একার জন্যে সবাই মারা পড়ব।’

মতিনউদ্দিন সাহেব গম্ভীর হয়ে চায়ের চুমুক দিতে লাগলেন। তাঁর দৃষ্টি কেমন যেন উদভ্রান্ত। আমি বললাম, ‘আপনার শরীর কি ঠিক আছে?’

‘জি ঠিক আছে।’

‘দেখছেন কেমন ঢালা বর্ষণ শুরু হয়েছে?’

‘জি দেখলাম।’

‘লুনা কি ঘুমাচ্ছে?’

মতিন সাহেব হঠাৎ বললেন, ‘মেয়েটার কাছে গিয়ে বসেন। ওর শরীর খুব খারাপ।’

সহজ স্বাভাবিক ভাৱোমানুষের মতো কথাবার্তা।

লুনা জেগে ছিলো। জ্বরের আঁচে তার ফর্সা গাল লালচে হয়ে  
আছে। চোখ দুটিও ঈষৎ রক্তবর্ণ।

‘খুব বেশি খারাপ লাগছে?’

‘হ্যাঁ।’

‘কাদের এফুগি ডাক্তার পাঠাবে।’

‘আপনি একটু বসবেন আমার কাছে?’

আমি তার মাথার কাছে গিয়ে বসলাম। লুনা ছোট একটা নিঃশ্বাস  
ফেললো। আমার দিকে তাকিয়ে খেমে খেমে বললো, ‘একদিন সব  
আবার আগের মতো হবে, ঠিক না?’

‘নিশ্চয়ই হবে। খুব বেশি দেয়িও নেই।’

‘সেই সময় আপনাকে আমাদের বাসায় কয়েকদিন এসে থাকতে  
হবে। মতিন সাহেবকে আর কাদেরকেও।’

‘হ্যাঁ নিশ্চয়ই, ভালোই হবে।’

‘তখন কিন্তু হেন তেন অজুহাত দিতে পারবো না।’

‘আচ্ছা ঠিক আছে।’

‘আপনার থাকার ইচ্ছে নেই। হাসছেন মনে মনে।’

‘আরে না।’

‘আর যখন সবকিছু ঠিকঠাক হয়ে যাবে, তখন কিন্তু আমি প্রায়ই  
আপনার এখানে বেড়াতে আসিবো।’

‘তাতো আসবেই।’

‘তখন আমার সঙ্গে অনেক কথা বলতে হবে। তখন যদি আপনি  
মনে করেন যে বাচ্চা মেয়ের সঙ্গে আমি কি কথা বলবো, তাহলে খুব  
রাগ করবো।’

‘না রাগ করতে দেবো না।’

‘আমি কিন্তু মোটেই বাচ্চা মেয়ে না। আমি অনেক কিছু জানি।  
ওকি আপনি হাসছেন কেন?’

‘কই, হাসছি কোথায়?’

‘মনে মনে হাসছেন। আমি ঠিক বুঝতে পারছি। যান আপনার  
সঙ্গে কথা বলবো না আমি।’

লুনা বিম মেরে গেল। দীর্ঘ সময় কোনো কথাবার্তা বললো না।  
আমি চুপচাপ কাছে বসে রইলাম। কাদের কি ডাক্তারকে বলতে ভুলে  
গিয়েছে। ভোলবার কথা তো নয়।

লুনা সমস্ত দিন কিছুই খায়নি। আমি এক গ্লাস দুধ এনে দিলাম, সে তা স্পর্শও করলো না। এক সময় গাঢ় রক্তবর্ণ চোখ মেলে বললো, 'কাদের এবং মতিন সাহেব এদের একটু ডেকে জিজ্ঞেস করুন তো। ওরা আমাদের বাসায় থাকবে কি না।'

'নিশ্চয়ই থাকবে।'

'তবু আপনি জিজ্ঞেস করুন।'

মতিন সাহেবকে ডেকে আনলাম। লুনা জড়িত স্বরে বললো, 'আপনি কি থাকবেন আমাদের বাসায় কিছু দিন? থাকতে হবে। না বললে গুনব না।'

মতিন সাহেব মুখ কালো করে বললেন, 'জ্বর মনে হয় খুব বেশী?'

আমি বললাম, 'হ্যাঁ অনেক বেশি। কাদের ডাক্তার পাঠাবে।'

'কখন পাঠাবে?'

'কাফু' ডাক্তার আগেই পাঠাবে।'

লুনা বললো, 'কোনো ডাক্তার আসবে না। ফের আসবে না আমার জন্যে।'

ডাক্তার সত্যি সত্যি এলো না। সন্ধ্যার আগে আগে বাদশামিয়া এসে উপস্থিত। জানা গেল, কাদের দুজন ডাক্তারের কাছে গিয়েছিলো। তাদের একজন বলেছেন পরদিন সকাল বেলায় আসবেন, অন্যজন বলেছেন হাসপাতালে নিয়ে যাবেন।

সন্ধ্যা ছ'টা থেকে সন্ধ্যা কাফু'। লুনা আচ্ছন্ন মত পড়ে আছে। মাঝে মাঝে বেশি সহজ ভাবে কথা বলে পরক্ষণেই নিজের মনে বিড় বিড় করে। একবার খুব স্বভাবিক ভাবে বললো, 'ঠিক করে বলুন তো আমার চেয়েও সুন্দরী কোনো মেয়ে দেখেছেন? আমাকে খুশি করবার জন্যে বললে হবে না। আমি ঠিক বুঝে ফেলবো।'

আমি চুপ করে রইলাম। লুনার মুখে আচ্ছন্ন ভাব।

'চুপ করে থাকলে হবে না, বলতে হবে।'

'তোমার চেয়ে কোন সুন্দরী মেয়ে আমি দেখিনি লুনা।'

'সত্যি!'

'হ্যাঁ।'

'আমার গা ছুঁয়ে বলুন।'

রাত বাড়ার সঙ্গে সঙ্গে লুনার অবস্থা খুব খারাপ হলো। মনে হলো লোকজন ঠিক চিনতে পারছে না। মতিন সাহেব ঘরে ঢুকতেই বললো, 'আপনি আমার আশ্মিকে একটু ডেকে দেবেন?'

মতিন সাহেব অবাক হয়ে তাকিয়ে রইলেন।

‘ডেকে দিন না। বেশিক্ষণ কথা বলবো না, সত্যি বলছি।’

মতিন সাহেব গম্ভীর হয়ে বললেন, শফিক ভাই, আমি ডাক্তারের  
খোঁজে যাব। আপনি ওর কাছে বসে থাকুন। হাসপাতালে নিতে হবে।’

মতিন সাহেবের ভাবভঙ্গি অত্যন্ত স্বাভাবিক। সহজ সাধারণ মানুষের  
মত কাপড় পরলেন। বাদশা অবাক হয়ে বললো, ‘কাকুর মইখো  
যাইবেন?’

‘হ্যাঁ।’

আমি বললাম, ‘সত্যি সত্যি বেরচ্ছেন মতিন সাহেব?’

‘হ্যাঁ। কাদের মুক্তিবাহিনীতে গেছে শুনেছেন?’

‘শুনেছি।’

‘বাদশা বললো—খুব নাকি কাঁদছিলো। কাঁদার তো কিছু নেই,  
কি বলেন?’

মতিনউদ্দিন সাহেব জুতো পায়ে দিতে দিতে বললেন, ‘দেখবেন  
একদিন সব ঠিক হয়ে যাবে।’

আমি বসে রইলাম মেয়েটির পাশে। কান্না দিয়ে দেখছি শান্ত  
ভঙ্গিতে পা ফেলে মতিনউদ্দিন সাহেব এগুচ্ছেন। ল্যাম্পপোশেটের  
আলোয় তাঁর দীর্ঘ ছায়া পড়েছে।

একদিন এই দুঃস্বপ্ন নিশ্চয়ই কাটবে। এই অপূর্ব রূপবতী মেয়েটি  
গাঢ় নীল রঙের শাড়ি পরে হঠাৎ সত্যি সত্যি বেড়াতে আসবে এ  
বাড়িতে। বিলু নীল রঙে ফিরে আসবে একতলায়। অকারণেই বিলু  
দাতলায় উঠে এসে হঠাৎ ঘুরিয়ে বলবে ‘আচ্ছা বলুন দেখি দুই এবং  
তিন যোগ করলে কত সাত হয়?’ কনিষ্কও নিশ্চয়ই ফিরে এসে  
গর্বিত ভঙ্গিতে রেলিং-এ বসে ডাকবে ‘কা কা’। কাদের মিয়া বিরক্ত  
ভঙ্গিতে বলবে—‘কি অলক্ষণ, যা যা ভাগ।’ গম্ভীর রাগে মুম্বলধারে  
বর্ষণ হবে। সেই বর্ষণ অগ্রাহ্য করে পাড়ার বখাটে ছেলেরা সেকেণ্ড  
শো সিনেমা দেখে শিস দিতে দিতে বাড়ি ফিরবে। রুগ্নির ছাঁটে আমার  
তোষক ভিজে যাবে, তবু আমি আলস্য করে উঠবো না।

আমি বসেই রইলাম। বসেই রইলাম। লুনা ফিসফিস করে তার  
মাকে একবার ডাকলো। হঠাৎ লক্ষ্য করলাম মতিন সাহেব ঠিকই  
বলেছেন। মেয়েটির নাকের ডগায় ছোট একটি লাল রঙের তিল।  
বহু দূরে একসঙ্গে অনেকগুলো কুকুর ডাকতে লাগলো। আমার  
ঘরের প্রাচীন তক্তকটি বুক সেলফের কাছে থেকে মাথা ঘুরিয়ে গম্ভীর  
ভঙ্গিতে আমাদের দিকে তাকিয়ে রইলো।

## আগুনের পরশমণি



সারাটা সকাল উৎকণ্ঠার ভেতর কাটল। উৎকণ্ঠা এবং চাপা উদ্বেগ। মতিন সাহেব অস্থির হয়ে পড়লেন। গেটে সামান্য শব্দ হতেই কান খাড়া করে ফেলেন, সৰু গলায় বলেন—বিত্তি দেখতো কেউ এসেছে কি না।

বিত্তি এ বাড়ির নতুন কাজের মেয়ে। তার কোনো ব্যাপারে কোনো উৎসাহ নেই, কিন্তু গেট খোলায় খুব আগ্রহ। সে বার বার যাচ্ছে এবং হাসি মুখে ফিরে আসছে। মজার সংবাদ পেয়ার ডঙ্গিতে বলছে—বাতাসে গেইট লড়ে। মানুষজন নাই।

দুপুরের পর মতিন সাহেবের উদ্বেগ আরো বাড়ল। তিনি তলপেটে একটা চাপ ব্যথা অনুভব করতে লাগলেন। এই উপসর্গটি তাঁর নতুন। কোনো কিছু নিয়ে চিন্তিত হলেই তলপেটে তীক্ষ্ণ যন্ত্রণা হতে থাকে। ডাক্তার-টাক্তার দেখানো দরকার বোধ হয়। আলসার হলে কি এ রকম হয়? আলসার হয়ে গেল নাকি?

মতিন সাহেব পাঞ্জাবি গায়ে দিলেন। চুল আঁচড়ালেন। সুরমা অবাক হয়ে বললেন, 'কোথায় যাচ্ছ তুমি?'

- ঃ এই একটু রাস্তায়।
- ঃ রাস্তায় কি?
- ঃ কিছু না। একটু হাঁটব আর কি।

তিনি হাসতে চেষ্টা করলেন।

সুরমার দৃষ্টি তীক্ষ্ণ হল। গত রাতে তাঁদের বড় রকমের একটা ঝগড়া হয়েছে। সাধারণত ঝগড়ার পর তিনি কিছুদিন স্বামীর সঙ্গে কোনো কথা বলেন না। আজ তার ব্যতিক্রম হল। তিনি কঠিন গলায়

বললেন, 'তুমি সকাল থেকে এ রকম করছ কেন ? কারোর কি আসার কথা ?'

মতিন সাহেব পাংশু মুখে বললেন—আরে না, কে আসবে ? এই দিনে কেউ আসে ?

মতিন সাহেব স্ত্রীর দৃষ্টি এড়াবার জন্যে নিচু হয়ে চটি খুঁজতে লাগলেন। সুরমা বললেন—

ঃ রাস্তায় হাঁটাহাঁটির কোনো দরকার নেই। ঘরে বসে থাক।

ঃ যাচ্ছি না কোথাও। এই গেটের বাইরে দাঁড়িয়ে থাকব।

ঃ গেটের বাইরে শুধু শুধু দাঁড়িয়ে থাকবে কেন ?

তিনি জবাব দিলেন না।

স্ত্রীর কথার অবাধ্য হবার ক্ষমতা তাঁর কোনো কালেই ছিল না। কিন্তু আজ অবাধ্য হলেন। হলুদ রঙের একটা পাজাবি গায়ে গেটের বাইরে দাঁড়িয়ে রইলেন। রাস্তা ফাঁকা। চাঁদ পর পর দুটি সিগারেট শেষ করলেন, এর মধ্যে মাত্র একটা রিকশা গেল। সে রিকশাও ফাঁকা। অথচ কিছুদিন আগেও দুপুরবেলায় রিকশার যন্ত্রণায় হাঁটা যেত না। মতিন সাহেব রাস্তার মোড় পর্যন্ত গেলেন। ইদ্রিস মিয়ান পানের দোকানের পাশে গিয়ে দাঁড়ালেন। ইদ্রিস মিয়া শুকনো গলায় বলল, 'স্যার ভাল আছেন ?'

তিনি মাথা নাড়লেন। বাক্য অর্থ হ্যাঁ। কিন্তু মুখের ভাবে তা মনে হলো না। তাঁর মুখ দেখে মনে হচ্ছে তিনি ভাল নেই।

ঃ বিক্রি বাটা কেন, ইদ্রিস ?

ঃ আর বিক্রি কিসের কে কেন ? কিনার মানুষ আছে ?

ঃ দেখি একটা পান দাও।

মতিন সাহেবের এখনো দুপুরের খাওয়া হয়নি। এফুণি গিয়ে ভাত নিয়ে বসতে হবে। পান খাওয়ার কোনো মানে হয় না। কিন্তু একটা দোকানের সামনে শুধু শুধু দাঁড়িয়ে থাকা যায় না। ব্যাপারটা সন্দেহজনক। এখন সময় খারাপ। আচার আচরণে কোনো রকম সন্দেহের ছাপ থাকা ঠিক না।

ঃ জর্দা দিমু ?

ঃ দাও।

ইদ্রিস নিশ্চয় ভঙ্গিতে পান সাজাতে লাগল। তাঁর মাথায় ঝুটি-বিহীন একটা লাল ফেজ টুপি। কোণ্ঠেক জোগাড় করেছে কে জানে। চিবুকের কাছে অল্প দাড়ি মতিন। সাহেব পান মুখে নিয়ে বললেন—

দাড়ি রাখছ নাকি ইদ্রিস? ইদ্রিস জবাব দিল না।

: দাড়ি রেখে ভালই করেছ। যে দিকে বাতাস, সেই দিকেই পাল তুলতে হয়। পান কত?

: দেন যা ইচ্ছা।

ইদ্রিসের গল্পার স্বরে স্পষ্ট বৈরাগ্য। যেন পানের দাম না দিলেও তার কিছু আসে যায় না। মতিন সাহেব একটা সিকি ফেলে খানিকটা এগিয়ে গেলেন। নিউ পল্টন লাইনের এই গলিটায় বেশ কয়েকটি দোকান। কিন্তু মডার্ন সেলুন এবং পাশের ঘরটি ছাড়া সবই বন্ধ। তিনি মডার্ন সেলুনে ঢুকে পড়লেন। রাস্তায় হাঁটাইটি করার চেয়ে সেলুনে ঢুল কাটা নিয়ে বাস্ত খাকা ভাল।

সেলুনটা এক সময় মস্তান ছেলেপুলেদের আড়খানা ছিল। লম্বা ঢুলের চার পাঁচটা ছেলে সার্ভে'র বুকের বোতাম খুলে বেঞ্চির উপর বসে থাকত। সেলুনের একটা এক ব্যান্ড ট্রানজিস্টার সারাক্ষণই বাজত। ট্রানজিস্টারের ব্যাটারীর খরচ দিতে গিয়েছে সেলুন নাটে ওঠার কথা। কিন্তু তা ওঠে নি। রমরমা ব্যবসা করেছে। আজ অবশি জনশূন্য। তবে ট্রানজিস্টার বাজছে। আশের মত ফুল ভ্যালুমে নয়। দেশাত্মবোধক গান। কথা ও সুর শাজিগুল হক। মতিন সাহেব বেশ মন দিয়েই গান শুনতে লাগলেন। তবে চোখ রাখলেন রাস্তার ওপর।

: ঢুলটা একটু ছোট কয়?

নাপিত ছেলোট বিস্মিত হল। সে এর ঢুল গত বুধবারেই কেটেছে। আজ আরেক বুধবার এক সপ্তাহে ঢুল বাড়ে দুই সূতা। তার জন্যে কেউ ঢুল কাটাতে আসে না।

: স্যার ঢুল কাটবেন?

: হুঁ। পিছনের দিকে একটু ছোট কর।

নাপিতের কাঁচি যন্ত্রের মত খট খট করতে লাগল। মতিন সাহেব বললেন—দেশের হালচাল কি?

: ভালই।

ঢুল কাটাতে এসে এই ছোকরার কথার মন্ত্রণার অস্থির হতে হত। কথা শুনতে তাঁর খারাপ লাগে না। কিন্তু এই ছোকরা কথা বলার সময় খুথুর হিটে এসে লাগে। আজ সে নিশ্চুপ। খুথু গায়ে লাগার কোনো আশঙ্কাই নেই।

দাম দেবার সময় তিনি জিজ্ঞেস করলেন, 'রাত দিন ট্রানজিস্টার চালাও কিভাবে? ব্যাটারীর তো মেলা দাম।' নাপিত ছোকরা জবাব দিল না।

গজীর মুখে টাকা ফেরত দিয়ে বেঞ্চির ওপর পা তুলে বসে রইল। মতিন সাহেব বললেন, ‘আজ কাফু’ ক’টা থেকে জান নাকি?’

ঃ জানি, ছয়টায়।

ঃ এক ঘণ্টা পিছিয়ে দিল, ব্যাপারটা কি?

ঃ ঝামেলা নাই, গণ্ডগোল নাই—কাফু’ও নাই।

ঃ তা তো তিকই। এখন হয়েছে ছ’টা, তারপর হবে সাতটা। তারপর আটটা, কি বল?

তিনি কোন উত্তর পেলেন না। ছেলেটা ঠাণ্ডা চোখে তাকিয়ে আছে। আজকাল কেউ বাড়তি কথা বলতে চায় না। চেনা মানুষদের কাছেও না।

রোদ উঠেছে কড়া এবং ঝাঁঝালো। কিন্তু এই কড়া রোদেও তাঁর কেমন শীত শীত করতে লাগল। তিনি ইদ্রিস মিয়্যার দোকানের সামনে দ্বিতীয়বার এসে দাঁড়ালেন। মনে করতে চেষ্টা করলেন ঘরে যথেষ্ট সিগারেট আছে কি না। পাঁচটার পর কোথাও কিছু পাওয়া যাবে না। গত সোমবারে সিগারেটের অভাবে খুব কষ্ট করেছেন। রাত ন’টার সময় বিস্তি এসে বলল, সিগারেটের প্যাকেট খুঁজিয়া পাই না। কি সর্বনাশ, বলে কি! তাঁর মাথায় রক্ত উঠে গেল। অমানিশি কাটবে কিভাবে? এটা ফ্ল্যাট বাড়ি না। ফ্ল্যাট বাড়ি হলে অন্যদের কাছে খোঁজ করা যেত। তবু তিনি রাত দশটার সময় পাঁচিলের কাছে দাঁড়িয়ে পাশের বাড়ির উকিল সাহেবকে চিন্তন সুরে ডাকতে লাগলেন—ফরিদউদ্দিন সাহেব, ফরিদউদ্দিন সাহেব, সিগারেট আছে? সুবমা এসে তাঁকে টেনে ভেতরে নিয়ে গেলেন। রোগে আঙন হয়ে বললেন, ‘মাথা কি খারাপ হয়ে গেছে? একটা রাত সিগারেট না ফু’কলে কী হয়?’

মতিন সাহেব মানিব্যাগ খুললেন। ইদ্রিস মিয়্যার তার দোকানে আগর বাতি জ্বালিয়েছে। সব দোকানদারদের মধ্যে এই একটি নতুন অভ্যেস দেখা যাচ্ছে। আগরবাতি জ্বালানো। আগে কেউ কেউ সন্ধ্যাবেলা জ্বালাতো। এখন প্রায় সারাদিনই জ্বলে। আগরবাতির গন্ধ মৃত্যুর কথা মনে করিয়ে দেয়। মতিনউদ্দিন সাহেব অস্বস্তি বোধ করতে লাগলেন।

ঃ ইদ্রিস, দুই প্যাকেট ক্যাপস্টান দাও।

ইদ্রিস সিগারেটের বের করল। দাম এক টাকা বেশি নিল। সিগারেটের দাম চড়েছে। ছেলে ছোকরারা এখন সারাদিন ঘরে বসে থাকে এবং সিগারেট ফোঁকে। এ ছাড়া কি আর করবে?

ঃ দুটা ম্যাচও দাও।

ইন্ডিস মিয়া ম্যাচ দিতে দিতে বলল, 'আফনে কাউরে খুজতেছেন?'  
তিনি চমকে উঠলেন। বলে কি এই ব্যাটা! টের পেল কি ভাবে?  
ঃ কারে খুজেন?

ঃ আরে না, কাকে খুঁজব? চুল কাটতে গিয়েছিলাম। চুল একটু  
বড় হলেই আমার অসহ্য লাগে।

তিনি বাড়ির দিকে রওনা হলেন। গোরস্তান ঘেঁসে রাস্তা গিয়েছে।  
সে জন্যেই কি গা ছম ছম করে? না অন্য কোনো কারণ আছে? একটা  
কটু গন্ধ আসছে। নিউ পল্টন লাইনের লোকজনদের ধারণা বর্ষাকালে  
এই গন্ধ পাওয়া যায়। লাশ পচে গন্ধ ছড়ায়। এখন বর্ষাকাল। গোরস্তানের  
পাশে বাড়ি ভাড়া নেয়াটা ভুল হয়েছে। বিরাট ভুল।

বিস্তি গেটের কাছে দাঁড়িয়ে ছিল। মতিন সাহেবকে দেখে সে দাঁত  
বের করে হাসল। এই মেয়েটার হাসি-রোগ আছে। যখন তখন যার  
তার দিকে তাকিয়ে হাসবে। অভদ্রের চূড়ান্ত। কথা ধমক দিতে হয়।  
তিনি ধমক দিতে গিয়েও দিলেন না। সোজা দূর দৃশ্যে খেতে বসলেন।

সুরমাও বসেছেন। কিন্তু তিনি কিছু খাচ্ছেন না। বাগড়া-টগড়ার  
পর তিনি খাওয়া দাওয়া আলাদা করেন। মাঝে মাঝে করেনও না।  
মতিন সাহেব ভাত মাথাতে মাথাতে বসছেন, আজ কাফুর পাঁচটা থেকে।  
সুরমা তীক্ষ্ণ কণ্ঠে বললেন, 'তাহেপে?'

ঃ না কিছু না। এমন খেললাম। কথার কথা।

ঃ আজ অফিসে গেছেন কেন?

ঃ শরীরটা ভাল না।

ঃ একটা সত্য কথা বলতো, কেউ কি আসবে?

তিনি বিষম খেলেন। পানি টানি খেয়ে তাঁগা হতে তাঁর সময় লাগল।  
সুরমা তাকিয়ে আছেন। তাঁর মুখ কঠিন। মতিন সাহেব ছোট্ট একটি  
নিঃশ্বাস ফেললেন। একসময় সুরমার এই মুখ খুব কোমল ছিল। কথায়  
কথায় রাগ করে কেঁদে ভাসাতো। একবার তাঁকে এক সপ্তাহের জন্যে  
রাজশাহী যেতে হবে। সুরমা গভীর হয়ে আছে, কথা টথা বলছে না।  
রওনা হবার আগে আগে এমন কান্না! মতিন সাহেব বড় লজ্জার  
মধ্যে পড়ে গিয়েছিলেন। বাড়ি ভর্তি লোকজন। এদের মধ্যে মেজো  
ভাবীও আছেন। মেজো ভাবীর মুখ খুব আনগা। তিনি নিচু গলায়  
বাজে ধরনের একটা রসিকতা করলেন। কি অস্বস্তি। পঁচিশ বছর  
আগেকার কথা। পঁচিশ বছর খুব কি দীর্ঘ সময়? এই সময়ের মধ্যে  
একটি কোমল মুখ চিরদিনের জন্যে কঠিন হয়ে যায়।

- ঃ কি, কথা বলছ না কেন ?
- ঃ কি বলব ?
- ঃ কারোর কি আসার কথা ?
- ঃ আরে না। কে আসবে ?
- ঃ সত্যি করে বল।

মতিন সাহেব থেমে থেমে বললেন, ইয়ে—আমার এক দূর সম্পর্কের আত্মীয়।

- ঃ কে সে ?
- ঃ তুমি চিনবে না।
- ঃ তোমার আত্মীয় আর আমি চিনব না, কি বলছ এ সব ?
- ঃ দেখা সাক্ষাৎ নেই তো, আমি নিজেই ভাল করে চিনি না।
- ঃ তুমি নিজেও চেন না ?

সুরমার কপালে ভাঁজ পড়ল। মতিন সাহেব অস্বস্তি বোধ করতে লাগলেন। তিনি হৃদু স্বরে বললেন—

- ঃ দুই একদিন থাকবে, তারপর চলে যাবে। নাও আসতে পারে। তিক নেই কিছু। না আসারই সম্ভাবনা।
- ঃ সে করে কি ?
- ঃ জানি না।
- ঃ জানি না মানে ?
- ঃ বললাম তো আমি নিজেও চিনি না ভাল করে। যোগাযোগ নেই।

মতিন সাহেব উদ্বিগ্ন হইলেন। সাধারণত ছুটির দিনগুলোতে তিনি খাওয়া দাওয়ার পর গল্পের বই পড়তে পড়তে ঘুমিয়ে পড়েন। আজ ছুটির দিন নয়, কিন্তু তিনি অফিসে যান নি। কাজেই দিনটিকে ছুটির দিন হিসেবেই ধরা যেতে পারে। তাঁর উচিত একটা বই নিয়ে বিছানায় চলে যাওয়া। তিনি তা করলেন না। বই হাতে বারান্দার ইজিচেয়ারে বসলেন। চোখ রাস্তার দিকে।

দিনের আলো কমে আসছে। আকাশে মেঘ জমতে শুরু করেছে। পর পর কয়েক দিন খটখটে রোদ গিয়েছে। এখন আবার কয়েক দিন ক্রমাগত বৃষ্টি হবার কথা। বাড়ির ভেতরে সুরমা বসেছে ভার সেনাই মেশিন নিয়ে। বিশ্রী ঘট্যাং ঘট্যাং শব্দ হচ্ছে। মতিন সাহেবের ঘুন পেয়ে গেল : হাতে ধরে একা বইটির লেখাগুলো ব্যাপসা হয়ে উঠছে। ব্যাপসা এবং অস্পষ্ট। রোদ নেই একেবারেই। আকাশে মেঘের ঘনঘটা। বৃষ্টি হবে, জোর বৃষ্টি হবে। তিনি বই বন্ধ করে আকাশের দিকে তাকালেন।

বাদলা দিনে মনে পড়ে ছেলেবেলার গান। সুরমা ক্রমাগতই খট খট করে যাচ্ছে। কিসের তার এত সেলাই? আচ্ছা, ছেলেবেলায় সুরমা কেমন ছিল? প্রতিটি মানুষ একেক বয়সে একেক রকম। যৌবনে সুরমা কত মারাত্মকী ছিল। বর্ষার রাতগুলো তাঁরা গল্প করে পাল করে দিতেন। একবার খুব বর্ষা হল। খোলা জানালায় বৃষ্টির ছাঁট এসে বিছানা ভিজিয়ে একাকার করেছে, তবু তাঁরা জানালা বন্ধ করলেন না। ভেজা বিছানায় শুয়ে রইলেন। হাওয়া এসে বার বার মশারিকে নৌকার পালের মত ফুলিয়ে দিতে লাগল। কত গভীর আনন্দেই না কেটেছে তাঁদের যৌবন। মতিন সাহেব কানো আকাশের দিকে তাকিয়ে একটি দীর্ঘ নিঃশ্বাস ফেললেন এবং কিছুক্ষণের মধ্যেই ঘুমিয়ে পড়লেন।

যখন ঘুম ভাঙল তখন চারদিক অন্ধকার। টিপ টিপ বৃষ্টি পড়ছে। দমকা বাতাস দিচ্ছে। তিনি খোঁজ নিলেন---কেউ এসেছে কি না। কেউ আসে নি। কাফুর শুরু হয়ে গেছে নিশ্চয়ই। এখন আর আসার সময় নেই। কাল কি আসবে? বোধ হয় না। শুণু শুধুই অপেক্ষা করা হলো। তিনি শোবার ঘরে উঠি দিলেন। সুরমা ঘুমচ্ছে। একটা সাদা চাদরে তার শরীর ঢাকা। তাকে কেমন অসহায় দেখাচ্ছে। মতিন সাহেব কোমল গলায় ডাকলেন, 'সুরমা সুরমা।' সুরমা পাশ ফিরলেন।

ঘড়িতে সাড়ে পাঁচটা বাজে। কাফুর শুরু হতে এখনো আধ ঘণ্টা বাকি। কিন্তু এর মধ্যেই চারদিক জনশূন্য। লোকজন খার যার বাড়ি ফিরে গেছে। বাকি রাতটায় কেউ আর ঘর থেকে বের হবে না। ইদ্রিস মিয়া তার দোকান বন্ধ করার জন্যে উঠে দাঁড়াল। রোজ শেষ মুহূর্তে কিছু বিক্রিবাটা হয়। আজ হচ্ছে না। কেন হচ্ছে না কে জানে? অন্ধকার দেখে সবাই ভাবছে, বোধ হয় কাফুর সময় হয়েছে। সময় না হলেও কিছু যায় আসে না। আজকাল সবাই অন্ধকারকে ভয় পায়। ইদ্রিস মিয়া দোকানের তাল্লা লাগাবার সময় লক্ষ্য করল গলির ভেতরে লম্বা একটি ছেলে চুকছে। তার হাতে কয়েকটা পত্রিকা। হাঁটার ভঙ্গি দেখে মনে হচ্ছে বাসার নম্বর পড়তে পড়তে আসছে। ইদ্রিস মিয়ার দোকানের সামনে এসে সে ধমকে দাঁড়াল। ইদ্রিস মিয়া বলল, 'আপনে কি মতিন সাহেব বাড়ি খুজেন?

ছেলেটি তাকাল বিস্মিত হয়ে। কিছু বলল না। ইদ্রিস বাড়ি দেখিয়ে দিল। নিচু গলায় বলল--

ঃ লোহার গেইট আছে। গেইটের কাছে একটা নাইরকল গাছ। তাড়া-  
তাড়ি যান। ছয়টার সময় কাফু'।

ইদ্রিস মিয়া হন হন করে হাঁটতে লাগল। একবারও পেছনে ফিরে  
তাকাল না। ছেলেটি তাকিয়ে রইল ইদ্রিস মিয়ার দিকে। লোকটি ছোট-  
খাট। প্রায় দৌড়োচ্ছে। সে নিশ্চয়ই অনেকখানি দূরে থাকে। ছ'টার  
আগে তাকে পৌঁছতে হবে।

ছেলেটি এগিয়ে গেল। লোহার গেটের বাড়িটির সামনে দাঁড়াল।  
নারকেল গাছ দুটি ঝুঁকে আছে রাস্তার দিকে। প্রচুর নারকেল হয়েছে।  
ফলের ভারেই যেন গাছ হেলে আছে। দেখতে বড় ভাল লাগে। ছেলেটি  
গেটে টোকা দিয়ে ভারী গলায় ডাকল, 'মতিন সাহেব, মতিনউদ্দিন  
সাহেব।' বয়সের তুলনায় তার গলা ভারী। ছেলেটির নাম বদিউল  
আলম। তিন মাস পর সে এই প্রথম ঢুকেছে ঢাকা শহরে।

জুলাই মাসের ছ' তারিখ। বুধবার। উনিশশ একাত্তর সন।  
একটি ভয়াবহ বৎসর। পাকিস্তানী সৈন্যবাহিনীর কঠিন মুষ্টির ভেতর  
একটি অসহায় শহর। শহরের অসহায় শিশু। চারদিকে সীমাহীন  
অন্ধকার। সীমাহীন ক্লান্তি। দীর্ঘ দিবস এবং দীর্ঘ রজনী।

বদিউল আলম গেট ধরে দাঁড়িয়ে আছে। সে এ শহরে ঢুকেছে সাত  
জনের একটি ছোট দল নিয়ে। শহরে গেরিলা অপারেশন চালানোর  
দায়িত্ব তার। ছেলেটি বোকা। চশমায় ঢাকা বড় বড় চোখ। গায়ে  
হালকা নীল রঙের হাওয়াই সার্টি। সে একটি রুমাল বের করে কপাল  
মুছে দ্বিতীয়বার ডাকল, 'মতিন সাহেব, মতিন সাহেব।'

মতিন সাহেব সর্দজা খুলে বের হলেন। দীর্ঘ সময় অবাক হয়ে  
তাকিয়ে রইলেন ছেলেটির দিকে। এ তো নিতান্তই বাচ্চা ছেলে! এরই  
কি আসার কথা?

ঃ আমার নাম বদিউল আলম।

ঃ এস বাবা, ভেতরে এস।

এই সামান্য কথা বলতে গিয়ে মতিন সহেবের গলা ধরে গেল।  
চোখ ভিজে উঠল। এত আনন্দ হচ্ছে! তিনি চাপা স্বরে বললেন, 'কেমন  
আছ তুমি?'

ঃ ভাল আছি।

ঃ সঙ্গে জিনিসপত্র কিছু নেই?

ঃ না।

ঃ বল কি।

সুরমা দরজার পাশে এসে দাঁড়িয়েছেন। পর্দা সরিয়ে তাকিয়ে  
আছেন। মতিন সাহেব বললেন, 'এস, ভেতরে এস। দাঁড়িয়ে আছ কেন?'

ঃ গেটটা বন্ধ। গেট খুলুন।

ঃ ও আচ্ছা আচ্ছা।

মতিন সাহেব সঙ্কুচিত হয়ে পড়লেন। সাড়ে পাঁচটার দিকে গেটে  
তালা দিয়ে দেয়া হয়। চাবি থাকে সুরমার কাছে। সুরমা আঁচল থেকে  
চাবি বের করলেন।

ঃ গেটে তালা দিয়ে রাখি। আগে দিতাম না। এখন দেই। অবশ্য  
চুরি ডাকাতির ভয়ে না। চুরি ডাকাতি কমে গেছে। চোর ডাকাতরা এখন  
কি ভাবে বেঁচে আছে কে জানে। বোধ হয় কল্ট আছে।

বদিউল আলম বসবার ঘরে ঢুকল। মতিন সাহেবের মনে হল এই  
ছেলেটির কোনো দিকেই কোনো উৎসাহ নেই। সোফাতে বসে আছে,  
কিন্তু কোনো কিছু দেখছে না। বসার ভঙ্গির মধ্যেও যা ছেড়ে দেয়া ভাব  
আছে। মতিন সাহেব নিজের মনে কথা বলে শোঁক লাগলেন—

ঃ কয়েকদিন ধরে আমরা স্বামী-স্ত্রী তাহি দুই বাড়িতে। আমাদের  
দুই মেয়ে আছে—রাগি আর অপাল। তারা তার ফুপুর বাড়িতে।  
সোমবার আসবে। ওদের ফুপার মনে আমার বোনের কোনো  
ছেলেপুলে নেই। মাঝেমাঝে রাগি আর অপালকে নিয়ে যায়।  
ওরাও তাদের ফুপুর খুব ভালো খুবই ভালো।

বদিউল আলম কিছু বলল না। তাকিয়ে রইল। মতিন সাহেব  
খানিকটা অস্বস্তি বোধ করতে লাগলেন। গলা পরিষ্কার করে বললেন—  
অবস্থা কি বল শুনি।

ঃ কিসের অবস্থা?

ঃ তোমরা যেখানে ছিলে সেখানকার অবস্থা।

ঃ ভালই।

ঃ আমরা তো কিছুই বুঝতে পারছি না। বাঘের পেটের ভেতর  
আছি। কাজেই বাঘটা কি করছে না করছে বোঝার উপায় নেই।  
বাঘ মারা না পড়া পর্যন্ত কিছুই বুঝব না। মারা পরার পরই পেট  
থেকে বের হবে।

মতিন সাহেবের এটা একটা ভিন্ন ডায়ালগ। সুযোগ পেলেই এটা  
ব্যবহার করেন। শ্রোতারা তখন বেশ উৎসাহী হয়ে থাকায়। কয়েকজন  
বলেই ফেলে—ভাল বলেছেন। কিন্তু এবারে যে রকম কিছু হলো না।  
মতিন সাহেবের সন্দেহ হলো ছেলেটা হয়ত গুনছেই না।

ঃ তুমি হাত মুখ ধুয়ে এস। চায়ের ব্যবস্থা করছি।  
 ঃ চা খাব না। ভাতের ব্যবস্থা করুন, যদি অসুবিধে না হয়।  
 ঃ না না, 'অসুবিধে কিসের? কোন অসুবিধে নেই। খাবার-টাবার  
 গরম করতে বলে দিই।

ঃ গরম করবার দরকার নেই। যেমন আছে দিন।  
 মতিন সাহেব অপ্রস্তুত হয়ে উঠে গেলেন। একজন ক্ষুধার্ত মানুষের  
 সঙ্গে এতক্ষণ ধরে বক বক করছিলেন। খুব অন্যায়। খুবই অন্যায়।  
 আশচর্যের ব্যাপার হচ্ছে ছেলের প্রসঙ্গে সুরমা কোনো কিছু  
 জিজ্ঞেস করলেন না। যেন দেখবার পর তাঁর সব কৌতূহল মিটে গেছে।  
 ভাত খাওয়াবার সময় নিজেই দু একটা কথা বললেন। যেমন একবার  
 বললেন, 'তুমি মনে হচ্ছে ব্যাং কম খাও?' ছেলেটি তার জবাবে অন্য এক  
 রকম ভঙ্গিতে মাথা নাড়ল। দ্বিতীয়বারে বললেন, 'ছোট মাহ তুমি খেতে  
 পারছ না দেখি। আস্তে আস্তে খাও, আমি একটা ডিম ভেজে নিয়ে  
 আসি।'

ছেলেটি এই কথায় খাওয়া বন্ধ করে উপন্যাস বসে রইল। ভাজা  
 ডিমের জন্যে প্রতীক্ষা। ব্যাপারটা মতিন সাহেবের বেশ মজার মনে হল।  
 সাধারণত এই পরিস্থিতিতে সবাই বর্ণনা না না লাগবে না। লাগবে না।  
 খাওয়া দাওয়া শেষ হতেই বসন্ত আলম বলল, 'আমাকে শোবার  
 জায়গা দেখিয়ে দিন।' মতিন সাহেব বললেন, 'এখুনি শোবে কি? বস,  
 কথাবার্তা বলি। স্বাধীন বাংলা বেতার শুনবে না?'

ঃ জি না। স্বাধীন বাংলা বেতার শোনার আমার কোন আগ্রহ নেই।  
 ঃ বল কি তুমি। কখনো শোন না?  
 ঃ শুনেছি মাঝে মাঝে।

তিনি খুবই ক্ষুধা হলেন। ছেলেটি স্বাধীন বাংলা বেতার শোনে  
 না, সে কারণে নয়। ক্ষুধা হলেন কারণ খাওয়া শেষ করেই সে একটা  
 সিগারেট ধরিয়েছে। বলতে গেলে এ তাঁর ছেলের ব্যয়সী। একজন  
 ব্যয়োজ্যেষ্ঠ মানুষের সামনে এ রকম ফট করে সিগারেট ধরানো ঠিক  
 নয়। তা ছাড়া ছেলেটি দুবার কথার মধ্যে তাঁকে বলেছে মতিন সাহেব।  
 এ কি কাণ্ড! চাচা বলবে। যদি বলতে খারাপই লাগে, কিছু বলবে না।  
 কিন্তু মতিন সাহেব বলবে কেন? তিনি কি তার ইয়ার দোসদের  
 কেউ? এ কেমন ব্যবহার!

ঘর ঠিকঠাক করলেন সুরমা। রাত্রি ও অপালায় পাশের ছোট  
 ঘরটায় ব্যবস্থা হল। বিস্তার ঘর। বিস্তি ঘুমবে বারান্দায়। এ ঘরটা

ভাঁড়ার ঘর হিসেবে ব্যবহার করা হয়। পরিষ্কার করতে সময় লাগল।  
তবু পুরোপুরি পরিষ্কার হল না। চৌকির নিচে রসুন ও পেঁয়াজ।  
বস্তায় ভুতি চাল ডাল। এ সব থেকে কেমন একটা টক টক গন্ধ ছড়াচ্ছে।  
সুরমা বললেন, 'তুমি এ ঘরে ঘুমতে পারবে তো? না পারলে বল, আমি  
বসার ঘরে ব্যবস্থা করে দিই। একটা ক্যাম্প খাট আছে, পেতে দেব?  
ঃ লাগবে না।

ঃ বাথরুম কোথায় দেখে যাও।

বদিউল আলম বাথরুম দেখে এল।

ঃ কোনো কিছুর দরকার হলে আমাকে ডাকবে।

ঃ আমার কোনো কিছুর দরকার হবে না।

সুরমা চৌকির এক প্রান্তে বসলেন। বসার ভঙ্গিটি কঠিন। বদিউল  
আলম কৌতূহলী হয়ে তাঁকে দেখল।

ঃ আপনি কি আমাকে কিছু বলতে চান?

ঃ হ্যাঁ।

ঃ বলুন।

ঃ তুমি কে আমি জানি না। কোথেকে এসেছ তাও জানি না। কিন্তু কি  
জন্যে এসেছ, তা আন্দাজ করতে পারি।

ঃ আন্দাজ করার দরকার নেই। আমি বলছি কি জন্যে এসেছি।  
আপনাকে বলতে আমার বেশী সুবিধে নেই।

ঃ তোমার কিছু করার দরকার নেই। আমি তোমাকে কি বলছি  
সেটা মন দিয়ে শোন।

ঃ বলুন।

ঃ তুমি সকালে উঠে এখান থেকে চলে যাবে।

ছেলোটি কিছু বলল না। তাঁর দিকে তাকালও না।

ঃ দুটি মেয়ে নিয়ে আমি এখানে থাকি, কোনো রকম ব্যামেলার মধ্যে  
আমি জড়াতে চাই না। রাত্রির বাবা আমাকে না নিড্রেস করে এ সব  
করেছে। তুমি কি বুঝতে পারছ আমি কি বলতে চাচ্ছি?

ঃ পারছি।

ঃ তুমি কাল সকালে চলে যাবে।

ঃ কাল সকালে যাওয়া সম্ভব নয়। সব কিছু আগে থেকে ঠিকঠাক  
করা। মাঝখান থেকে হট করে কিছু বদলানো যাবে না। আমি এক  
সপ্তাহ এখানে থাকব। আমার সঙ্গে যারা যোগাযোগ করবে তারা এই  
ঠিকানাই জানে।

সুরমা অবাক হয়ে তাকিয়ে রইলেন। কি রকম উদ্ধত ভঙ্গিতে সে কথা বলছে। এ কি কাণ্ড!

ঃ তোমার জন্যে আমি আমার মেনেগুলোকে নিয়ে বিপদে পড়ব? এ সব তুমি কি বলছ?

ঃ বিপদে পড়বেন কেন? বিপদে পড়বেন না। এই সপ্তাহের মধ্যে আমার কাজ শেষ হয়ে যাবে। এর পরের বার আমি এখানে উঠব না। আর আপনার মেয়েরা তাদের ফুপুর বাড়িতে থাকুক। এক সপ্তাহ পরে আসবে।

ঃ তুমি থাকবেই?

ঃ হ্যাঁ। অবশ্যি আপনি যদি ভয় দেখান আমাকে ধরিয়ে দেবেন সেটা অন্য কথা। তা দেবেন না সেটা বুঝতে পারছি।

সুরমা উঠে দাঁড়ালেন। যে ছেলেটিকে এতক্ষণ লাজুক এবং বিনীত মনে হচ্ছিল, এখন তাকে দুবিনীত অভদ্র একটি ছেলের মত লাগছে। কিন্তু আশ্চর্যের ব্যাপার হচ্ছে, ছেলেটির এই কপটিকার তার ভাল লাগল। কেন লাগল তিনি বুঝতে পারলেন না।

ঃ আলম।

ঃ বলুন।

ঃ ঢাকা শহরে কি তোমার কাকা-মা'রা থাকেন?

ঃ হ্যাঁ থাকেন।

ঃ কোথায় থাকেন?

ঃ শহরেই থাকেন।

ঃ বলতে কি তোমার অসুবিধে আছে?

ঃ হ্যাঁ আছে।

ঃ তুমি এক সপ্তাহ থাকবে?

ঃ হ্যাঁ।

সুরমা ঘর ছেড়ে বেরিয়ে গেলেন। তার প্রায় সঙ্গে সঙ্গেই ইলেকট্রিসিটি চলে গেল। ঘন অন্ধকারে নগরী ডুবে গেল। ঝুম ঝুন্টি নামল। সুরমা লক্ষ্য করলেন ছেলেটি বারান্দায় দাঁড়িয়ে সিগারেট টানছে। লাল আগুনের ফুলফি ওঠানামা করছে।

মতিন সাহেব শোবার ঘরে ট্রানজিস্টার কানে লাগিয়ে বসে আছেন। চরমপত্র শোনা হচ্ছে, এটি তাঁকে দেখে যে কেউ বলে দিতে পারবে। তিনি

তীব্র কণ্ঠে কিছুক্ষণ পর পরই বলছেন, 'মার লেংগী। মার লেংগী।' লেংগী শব্দটি তাঁর নিজের তৈরি করা। একমাত্র চরমপত্র শোনার সময়ই তিনি এটা বলে থাকেন।

সুরমা মোমবাতি নিয়ে ঘরে ঢুকতেই তিনি বললেন, 'কুমিল্লা সেক্টরে তো অবস্থা কেরসিন করে দিয়েছে। লেংগী মেরে দিয়েছে' বলেই খেয়াল হল এই জাতীয় কথাবার্তা সুরমা সহ্য করতে পারে না। তিনি আশঙ্কা করতে লাগলেন সুরমা কড়া কিছু বলবে। কিন্তু সে কিছু বলল না।

সুরমা যথেষ্ট সংযত আচরণ করছে বলে তাঁর ধারণা। এখনো ছেলেটিকে নিয়ে কোন হৈ চৈ করে নি। প্রথম ধাক্কাটা কেটে গেছে। কাজেই আশা করা যায় বাকিগুলোও কাটবে। অবশ্যি ছেলের আসল পরিচয় জানলে কি হবে বলা যাচ্ছে না। প্রয়োজন না হলে পরিচয় দেয়ারই বা দরকার কি? কোনো দরকার নেই।

স্বাধীন বাংলা থেকে দেশাত্মবোধক গান হচ্ছে তিনি গানের তালে তালে পা ঠুকতে লাগলেন—ধন ধান্যে পুষ্পে পুষ্পে, আমাদের এই বসুন্ধরা। তাঁর চোখ ভিজে উঠল। এইসব গান আশা কতবার শুনেছেন, কখনো এ রকম হয়নি। এখন যতবার শোনেন চোখ ভিজে ওঠে। বুক হ হ করে।

ঃ রেডিওটা কান থেকে নামাও।

মতিন সাহেব ট্রানজিস্টরটা বিছানার ওপর রাখলেন। নিজে থেকে কোনো প্রশ্ন করতে সাহসে বুলোচ্ছে না। সুরমা বললেন—

ঃ কাল তুমি কুমিল্লার বোনের বাসায় গিয়ে বলে আসবে, রাত্রি এবং অপালা যেন এক সপ্তাহ এখানে না আসে।

ঃ কেন?

ঃ তোমাকে বলতে বলছি, তুমি বলবে—ব্যাস। এই মাসটা ওরা সেখানেই থাকুক।

ঃ আচ্ছা বলব।

ঃ আরেকটা কথা।

ঃ বল।

ঃ ভবিষ্যতে কখনো আমাকে জিজ্ঞেস না করে কিছু করবে না।

ঃ আচ্ছা। এক কাপ চা খাওয়াবে?

এটা বলার উদ্দেশ্য হচ্ছে সুরমাকে সামনে থেকে সরিয়ে দেয়া। সে বসে থাকা মানেই স্বাধীন বাংলা বেতার থেকে বঞ্চিত হওয়া।

রাত দশটায় ভয়েস অব আমেরিকা থেকেও একটা ভাল খবর পাওয়া গেল। “পূর্ব রণাঙ্গনে বিদ্রোহী সৈন্য এবং পাকিস্তানী সৈন্যবাহিনীর ভেতর খণ্ড যুদ্ধ হয়েছে বলে অসমর্থিত খবরে জানা গেছে। তবে পূর্ব পাকিস্তানের সমগ্র ছোট বড় শহর পাকিস্তানী বাহিনীর পূর্ণ নিয়ন্ত্রণে আছে। আমেরিকান দু’জন সিনেটার ঐ অঞ্চলের ব্যাপক প্রাণহানীর খবরে উদ্বেগ প্রকাশ করেছেন। সংকট নিরসনের জন্যে আশু পদক্ষেপ নেয়া উচিত বলে তাঁরা মনে করেন।”

ভাল খবর হচ্ছে পূর্ব রণাঙ্গনে খণ্ড যুদ্ধ। আমেরিকানদের খবর। এরা তো আর না জেনে শুনে কিছু বলছে না। জেনে শুনেই বলছে। রাগি নেই, সে থাকলে এ সব খুঁটিনাটি বিষয়গুলো নিয়ে আলোচনা করতে পারতেন। টেলিফোনটাও নষ্ট হয়ে আছে। ঠিক থাকলে ইশারা ইঙ্গিতে জিজ্ঞেস করা যেত সে ভয়েস অব আমেরিকা শুনেছে কিনা।

মতিন সাহেব রেডিও পিকিং ধরতে চেষ্টা করতে লাগলেন। পাশা-পাশি অনেকগুলো জায়গায় “চ্যাং চ্যাং চিন মিন” শব্দ হচ্ছে। এর কোনো একটি রেডিও পিকিংয়ের এক্সটারনাল সার্ভিস কোনটি কে জানে। রাত এগারোটায় রেডিও অস্ট্রেলিয়া। মাঝে মাঝে রেডিও অস্ট্রেলিয়া খুব পরিষ্কার ধরা যায়। তারা ভাল ভাল খবর দেয়।

তিনি নব ঘোরাতে লাগলেন পূর্ব সাবধানে। তাঁর মন বেশ খারাপ। বিবিসির খবর শুনতে পারেননি। খুব ডিসটারবেন্স ছিল। একটা ভাল ট্রানজিস্টার কেনা খুবই সরকার।

রাত সাড়ে দশটায় ইন্সট্রুমেন্ট এল। সুরমা লক্ষ্য করলেন, ছেলোটী বারান্দায় রাখা চেয়ারটায় বসে আছে। সারাটা সময় কি এখানেই বসে ছিল? না ঘুমিয়ে পড়েছে বসে থাকতে থাকতে? তিনি এগিয়ে গেলেন। না ঘুময়নি, জেগে আছে। চোখে চশমা নেই বলে অন্য রকম লাগছে।

ঃ আলম, তোমার কি ঘুম আসছে না?

ঃ জ্বি না।

ঃ গরম দুধ বানিয়ে দেব এক গ্লাস? গরম দুধ খেলে ঘুম আসে।

ঃ দিন।

সুরমা দুধের গ্লাস নিয়ে এসে দেখেন ছেলোটী ঘুমিয়ে পড়েছে। তাকে ডেকে তুলতে তাঁর মায়া লাগল। তিনি বারান্দার বাতি নিভিয়ে অনেকক্ষণ দাঁড়িয়ে রইলেন সেখানে।

আকাশ পরিষ্কার হয়ে আসছে। একটি দুটি করে তারা ফুটতে শুরু করেছে।

সম্পূর্ণ নতুন পরিবেশে একটি অচেনা বাড়িতে দুদিন কেটে গেল। দুদিন এবং তিনটি দীর্ঘ রাত। আজ হচ্ছে তৃতীয় দিনের সকাল। আলম পা ঝুলিয়ে খাটে বসে আছে। কাজের মেয়েটি এক কাপ চা দিয়ে গেছে। সে চায়ে চুমুক দেয়নি। ইচ্ছে করছে না। অস্থির অস্থির লাগছে। পৈয়াজ রসুনের গন্ধটা সহ্য হচ্ছে না। সুন্দর যন্ত্রণা হচ্ছে মাথায়। এই যন্ত্রণার উৎস নিশ্চয়ই পৈয়াজ রসুনের গন্ধ নয়। সবার কাছ থেকে বিচ্ছিন্ন হয়ে যাবার জন্যেই এ রকম হচ্ছে। দম আটকে আসছে।

কথা ছিল সাদেক তার সঙ্গে যোগাযোগ করবে। যেদিন সে ঢাকা এসে পৌঁছেছে তার পরদিনই যোগাযোগটা হবার কথা, কিন্তু এখনো সাদেকের কোন খোঁজ নেই। ধরা পড়ে গেল নাকি? দলের একজন ধরা পড়ার অর্থ হচ্ছে প্রায় সবারই ধরা পড়ে যাওয়া। এ কারণেই কেউ কারোর ঠিকানা জানে না। কাজের সময়ই সবাই একত্র হবে। তারপর আবার ছড়িয়ে পড়বে। বিকাতলার একটি বাসায় কনট্যাকট পয়েন্ট। সেখানেও যাবার হুকুম নেই। মিতান্ত জরুরী না হলে কেউ সেখানে যাবে না।

সবার দায়িত্ব ভাগাভাগি করা আছে। মালমশলা জায়গা মত পৌঁছে দেয়ার দায়িত্ব রহমানের। সেগুলো নিশ্চয়ই পৌঁছে গেছে। রহমান অসাধ্য সাধন করতে পারেন। রহমানকে যদি বলা হয়—রহমান তুমি যাও তো, সিংহের লেজটা দিয়ে কান চুলকে এস—সে তা পারবে। সিংহ সেটা বুঝতেও পারবে না। অথচ মজার ব্যাপার হচ্ছে রহমান অসম্ভব ভীতু ধরনের ছেলে। এ জাতীয় দলে ভীতু ছেলেপুলে রাখাটা ঠিক না। কিন্তু রহমানকে রাখতে হয়েছে।

আলম খাট থেকে নামল, অন্যমনস্ক ভঙ্গিতে চায়ে চুমুক দিল। ঠাণ্ডা চা। সর পড়ে গিয়েছে। ঠাণ্ডার জন্যেই মিষ্টি বেশি লাগছে। বমি বমি ভাব এসে গেছে। সে আবার বিছানায় গিয়ে বসল। কিছু করার নেই। এ বাড়ির উদ্রমহিলা গতকাল বিশাল এক উপন্যাস দিয়ে গেছেন। অচিন্তকুমার সেনগুপ্তের ‘প্রথম কদম ফুল’। প্রেমের উপন্যাস। প্রেম নিয়ে কেউ এতবড় একটা উপন্যাস ফাঁদতে পারে ভাবাই যায় না। কাকলী নামের একটি মেয়ের সঙ্গে পরিচয় হচ্ছে একটি ছেলের। এ

রকমই গল্প। কোন সমস্যা নেই, কোন বামেলা নেই—সুখের গল্প পড়তে ভাল লাগেই না। তবু ছাপ্পান পৃষ্ঠা পর্যন্ত পড়া হয়েছে আবার বইটি নিয়ে বসবে কি না, আলম মনস্থির করতে পারল না।

পাশের ঘর থেকে সেলাই মেশিনের খটাং খটাং শব্দ হচ্ছে। মেশিন চলছে তো চলছেই। রাতদিন এই মহিলা কি এত সেলাই করেন কে জানে। ক্লাস্তি বলেও তো একটা জিনিস মানুষের আছে। খট খট খটাং খট খট খটাং চলছে তো চলছেই। গতকাল রাত এগারোটা পর্যন্ত এই কাণ্ড।

আলম হাত বাড়িয়ে ‘প্রথম কদম ফুল’ টেনে নিল। ছাপ্পান পৃষ্ঠা খুঁজে বের করতে হচ্ছে করছে না। যে কোনো একটা জায়গা থেকে পড়তে শুরু করলেই হয়। তার আগে একবার বাথরুমে যেতে পারলে ভাল হত। এটা একটা অস্বস্তিকর ব্যাপার। দুটি বাথরুম এ বাড়িতে, একটি অনেকটা দূরে—সার্ভেন্টস বাথরুম। অন্যটি এখন শোবার ঘরের পাশে। পুরোপুরি মেয়েলী ধরনের বাথরুম। নারী যতক ততক করছে। চুকলেই এয়ার ফ্রেশনারের নিশ্চিত গন্ধ পাওয়া যায়। বিশাল একটি আয়না। আয়নার নিচেই মেয়েলী সাজসজ্জার জিনিস। চমৎকার করে গোছানো। আয়নার ঠিক উল্টোদিকে একটি জলরঙ ছবি ফ্রেমে বাঁধানো। গামছা পরা দুটি বালিকা নদীতে নামছে। চমৎকার ছবি। আয়নার ভেতর দিয়ে এই ছবিটি দেখতে বড় ভাল লাগে। এ জাতীয় একটি বাথরুম বাইরের অজানা পটেনা একজন মানুষের জন্যে নয়।

আলম বই নামিয়ে ঘর থেকে বেরিয়ে এল। আর ঠিক তখনই সেলাই মেশিনের শব্দ থেমে গেল। সে এই ব্যাপারটি আগেও লক্ষ্য করেছে। ঘর থেকে বেরুলেই উদ্রমহিলা সেলাই খামিয়ে অপেক্ষা করেন। কি ভাবে কি ভাবে তিনি যেন টের পেয়ে যান। আলম বারান্দায় এসে দাঁড়াতেই সুরমা বেরিয়ে এলেন। তাঁর চোখে বৃড়োদের মত একটা চশমা। মাথায় ঘোমটা দেয়া। এটিও আলম লক্ষ্য করেছে—উদ্রমহিলা মাথায় সব সময় কাপড় দিয়ে রাখেন। হেড মিসট্রেস হেড মিসট্রেস মনে হয় সে কারণেই।

সুরমা বললেন, ‘তোমার কিছু লাগবে?’

ঃ না কিছু লাগবে না।

ঃ লাগলে বলবে। লজ্জা করবে না।

ঃ জ্বি আমি বলব।

ঃ আমাদের টেলিফোন ঠিক হয়েছে। তুমি যদি কাউকে ফোন করতে চাও বা তোমার বাসায় খবর দিতে চাও দিতে পার।

ঃ না, আমার কাউকে খবর দেবার দরকার নেই।

ঃ সারাক্ষণ ঐ ঘরটায় বসে থাক কেন? বসার ঘরে এসে বসতে পার। বারান্দায় যেতে পার।

আলম চুপ করে রইল। সুরমা বললেন, ‘তুমি তো কোনো কাপড় জামা নিয়ে আসনি। রাত্রির বাবাকে বলেছি তোমার জন্যে সার্ট নিয়ে আসবে। ও তোমার জন্যে কিছু টাকাও রেখে গেছে। বাইরে টাইরে যদি যেতে চাও তাহলে রিকশা ভাড়া দেবে।’

ঃ আমার কাছে টাকা আছে।

ঃ তুমি কি কোথাও বেরুব?

ঃ দুপুর পর্যন্ত অপেক্ষা করব। দুপুরের মধ্যে যদি কেউ না আসে তাহলে বেরুব।

ঃ কারোর কি আসার কথা?

ঃ হ্যাঁ!

ঃ তুমি যখন না থাক, তখন যদি সে আসে তখন কি তাকে কিছু বলতে হবে?

ঃ না, কিছু বলতে হবে না। সে আমার জন্যে অপেক্ষা করবে।

সুরমা ভেতরে চলে গেলেন। সুরমার সেলাই মেশিনের খট খট শব্দ হতে থাকল। উদ্রমহিলার শাখার ঠিক নেই বোধ হয়। কোন সুস্থ মানুষ দিনরাত একটা মেশিন খিঁসে খট খট করতে পারে না। ব্যাপারটা অস্বাভাবিক। অবশ্য এখন সময়টাই অস্বাভাবিক। সে জন্যেই বোধ হয় চমৎকার এই সকালটাকে মানাচ্ছে না। দুর্বাঘাসের ওপর সুন্দর রোদ। বাতাস সবুজ ঘাস কাঁপছে, রোদও কাঁপছে। অস্বাভাবিক এই বন্দী শহরে এটাকে কিছুতেই মানানো যাচ্ছে না। আলম সিগারেট ধরাল। বিত্তি মেয়েটি নারকেল গাছের নিচে পা ছড়িয়ে বসে আছে। তার মুখ হাসি হাসি। এই মেয়েটি কি সব সময়ই হাসে? এত সুখী কেন সে?

দুপুর তিনটায় আকাশ মেঘলা হয়ে গেল। বাতাস হল আর্দ্র। দূরে কোথাও রুষ্টি হচ্ছে বোধহয়। আলম গেটের বাইরে দাঁড়িয়ে বেশ খানিকক্ষণ তাকিয়ে রইল আকাশের দিকে। মেঘের গতি-প্রকৃতি বোঝার চেষ্টা হয়ত। কতক্ষণে রুষ্টি নামবে আঁচ করা। বিত্তি বলল, ‘কই যান?’

ঃ কাছেই।

ঃ পাঁচটার আগে আইবেন কিন্তুক। “কারপু” আছে।

ঃ আসব, পাঁচটার আগেই আসব।

পানওয়ালার ইদ্রিস মিয়াও দেখল ছেলেরা মাথা নিচু করে অন্যমনস্ক ভঙ্গিতে হেঁটে যাচ্ছে। সেও তাকিয়ে রইল তীক্ষ্ণ দৃষ্টিতে। রাস্তা-ঘাটে লোক চলাচল কম। অল্প যে ক'জনকে দেখা যায়, তাদের দিকে তাকিয়ে থাকতে ইচ্ছে করে, দু'একটা কথা বলবার জন্যে মন চায়। ইদ্রিস মিয়া কোনো কথা বলল না। সে আজ চোখে সুরমা দিয়েছে, সে জনোই বোধ হয় চোখ কড় কড় করছে। কিংবা হয়ত চোখ উঠবে। চোখ ওঠা রোগ হয়েছে। চারদিকে সবার চোখ উঠছে।

আলম হাঁটতে হাঁটতে বলাকা সিনেমা হলের সামনে এসে দাঁড়াল। ঢাকা শহরে প্রচুর আমীর চলাচল বলে যে কথাটা সে শুনেছিল সেটা ঠিক নয়। আধঘণ্টা দাঁড়িয়ে থেকে সে একটা মাত্র ট্রাক যেতে দেখেছে। সেই ট্রাকে ছাই-রঙা পোশাক পরা একদল মিলিশিয়া বসে আছে। সাধারণত ট্রাকে সবাই দাঁড়িয়ে দাঁড়িয়ে যায়। এরা বসে আছে কেন? ক্লান্ত?

চোখে পড়ার মত পরিবর্তন কি কি হয়েছে শহরে? আলম ঠিক বুঝতে পারল না। সে সম্ভবত আগে কখনো এ শহরকে ভালভাবে লক্ষ্য করেনি। প্রয়োজন মনে করেনি। এখন কেন জানি ইচ্ছে করছে আগের সঙ্গে মিলিয়ে দেখতে। চারদিক কেমন যেন পরিষ্কার পরিচ্ছন্ন মনে হচ্ছে। পুরানো বইপত্রের হকাফেরা যে জায়গাটা দখল করে থাকত, সেটা খালি। একটি অন্ধ ভিথিরী টিনের মগ নিয়ে বসে আছে। একে ছাড়া অন্য কোন ভিথিরী শহরে পড়ল না। সব ভিথিরীকে কি এরা মেরে শেষ করে দিয়েছে? দিয়েছে হয়ত।

রিকশায় কিছু রিকশা পরা মহিলা দেখা গেল। মেয়েরা কি আজ-কাল বোরকা ছাড়া সাস্তায় নামছে না? কিছু কিছু রিকশায় ছোট ছোট পাকিস্তানী ফ্লাগ। চাঁদ তারা আঁকা এই ফ্লাগের বাজার এখন নিশ্চয়ই জমজমাট। যেখানে সেখানে এই ফ্লাগ উড়ছে। এর মধ্যে একটি প্রতি-যোগিতার ভাবও আছে। কার পতাকাটি কত বড়। লাল রঙের তিনকোণা এক ধরনের পতাকাও দেখা যাচ্ছে। এর মধ্যে কি সব আরবী লেখা। লেখাগুলো তুলে ফেললেই এটা হয়ে যাবে মে দিবসের পতাকা।

আলম একটা রিকশা নিল। বুড়ো রিকশাওয়ালার। ভারী রিকশা টানতে কষ্ট হচ্ছে, তবু প্যাডেল করছে প্রাণপণে। সায়েন্স ল্যাবরেটরির মোড়ে একটা বরঘাতীর দল দেখা গেল—নতুন বর বিয়ে করে ফিরছে। বিশাল একটা সাদা গাড়ি মালা দিয়ে সাজানো। ট্রাফিক

সিগন্যালে আটকা পড়ায় গাড়ি থেমে আছে। আশপাশের সবাই কৌতূহলী হয়ে দেখতে চেপ্টা করছে বর বউকে। আলমের মনে হল— দেশ যখন স্বাধীন হবে তখন কি এই ছেলোটি একটু লজ্জিত বোধ করবে না? যখন তার যুদ্ধে যাবার কথা, তখন সে গিয়েছে বিয়ে করতে। আজ রাতে সে কি সত্যি সত্যি কোন ভালবাসার কথা এই মেয়েটিকে বলতে পারবে?

সিগন্যাল পেয়ে বরের গাড়ি চলতে শুরু করেছে। বর একটা রুমালে মুখ ঢেকে রেখেছে। বিয়ে হয়ে যাবার পর সাধারণত বররা রুমালে মুখ ঢাকে না। এই ছেলোটি ঢাকছে কেন? সে কি নিজেকে নুকোতে চেপ্টা করছে? দুঃসময়ে বিয়ে করে ফেলায় সে কি খানিকটা লজ্জিত?

জুন মাসে ইয়াদনগরে নদী পার হবার সময়ও রকম একটা বর-যাত্রীর সঙ্গে দেখা হয়েছিল। দশ বার জনের একটা বস। দু'টি নৌকায় বসে আছে। সবার চেহারাই কেমন অস্বাভাবিক। জবু খবু হয়ে বসে আছে। বর ছেলোটি গুঁটকো মত। তাকে ঘাপিয়ে উদভ্রান্তের মত। এরা লগীতে নৌকায় বেঁধে বসে আছে চুপচাপ। আলমদের দলে ছিল রহমান। সে সব সময়ই বেশি কথা বলে। বরযাত্রী দেখে হাসি মুখে বলল, কি, বিয়ে করতে যান? সাবধানে যাবেন। লঞ্চে করে মিলিটারি চলাচল করেছে। ঘন ঘন পাকিস্তানি জিন্দাবাদ বলবেন। নওশাকে পাগড়ি পরিয়ে নৌকায় গলুইয়ে বসিয়ে রাখলে কেউ কিছু বলবে না। বরযাত্রী দল থেকে কেউ একটি কথাও বলল না। একজন বুড়ো শুধু বিড় বিড় করতে লাগল। বর ছেলোটি ককর্শ গলায় তাকে ধমক দিল—চুপ করেন। অত্যন্ত রহস্যময় ব্যাপার!

কিছুক্ষণের মধ্যেই জানা গেল, এরা কনে নিয়ে ফিরছিল। বড় নদী ছেড়ে ছোট নদীতে ঢোকান সময় মিলিটারিদের একটা লঞ্চ এদের থামায়, কনে এবং কনের ছোটবোনকে উত্তিয়ে নিয়ে চলে যায়। ছোট বোনটির বয়স এগারো।

আলম বলল, 'আপনারা কিছুই বললেন না?'

কেউ কোনো উত্তর দিল না। রহমান বলল, 'খামোখা এইখানে নৌকা থামিয়ে বসে আছেন কেন? বাড়ি চলে যান, তারপর আবার ছেলের বিয়ের ব্যবস্থা করেন। বাংলাদেশে কি মেয়ের অভাব আছে? অভাব নেই।'

লোকগুলো শূন্য দৃষ্টিতে তাকিয়ে রইল। যেন কারোর কোনো কথাই তাদের মাথায় ঢুকছে না।

আলম ঝিকাতলায় পৌঁছল বিকেল চারটায়। রুশিটি পড়ছে টিপ টিপ করে। আকাশ মেঘে মেঘে কালো। অন্ধকার হয়ে এসেছে। রুশিটিতে ভিজতে ভিজতে বাড়ি খুঁজতে হবে। খুঁজে পাওয়া যাবে কি না কে জানে। সময় অন্ধ। কাফুর আগেই ফিরতে হবে।

বাড়ি খুঁজে পাওয়া গেল সহজেই। ঝিকাতলা ট্যানারীর ঠিক সামনে ৩৩ নম্বর বাড়ি। দোতলা দালানের ওপরের তলায় থাকেন নজিবুল ইসলাম আখন্দ। কনট্যাক্ট পয়েন্ট।

দোতলায় উঠে আলমের বিস্ময়ের সীমা রইল না। বিশাল এক তলা বুলছে বাড়িতে। দরজা জানালা সবই বন্ধ। আলম সাইজ দেখেই মনে হচ্ছে এ বাড়ির বাসিন্দারা দীর্ঘ দিনের জন্য বাইরে গেছে এবং সম্ভবত আর ফিরবে না।

একতলায় অনেক ধাক্কাধাক্কি কবরীর পর দরজা একটুখানি খুলল। ভয়ে সাদা হয়ে যাওয়া একটি মেরে বিজল, 'কাকে চান?'

: আখন্দ সাহেবকে। নজিবুল ইসলাম আখন্দ।

: উনি দোতলায় থাকেন। এখন নাট।

: কোথায় গেছেন?

: দেশের বাড়িতে।

: ছেলেমেয়ে পরিহিকে নিয়ে গেছেন?

: হ্যাঁ।

: কবে গেছেন?

: তিন দিন আগে। উনার ছোট ভাই মারা গেছে দেশের বাড়িতে।

: ও আচ্ছা।

মোমোটি দরজা বন্ধ করে দিল। এ তো একটা সমস্যায় পড়া গেল। আলম শুকনো মুখে বের হয়ে এল। বাসায় ফিরল হেঁটে হেঁটে। ফোঁটা ফোঁটা রুশি। এর মধ্যে হাঁটতে ভালই লাগছে। তার সারাক্ষণই মনে হতে লাগল, বাসায় পৌঁছেই দেখবে সাদেক বিরক্ত মুখে অপেক্ষা করছে। পরদিনই কাজে নেমে পড়া যাবে। কাজকর্ম ছাড়া চুপচাপ বসে থাকাটা আর সহ্য হচ্ছে না।

বারান্দায় উন্মিল মুখে মতিন সাহেব দাঁড়িয়ে ছিলেন। আলমকে দেখেই বললেন; ‘কাউকে কিছু না বলে কোথায় গিয়েছিলে? আমি চিন্তায় অস্থির। একটু পরই কাফু গুরু হয়ে যাবে।’

আলম সহজ স্বরে বলল, ‘আমার কাছে কেউ এসেছিল?’

ঃ না কেউ আসেনি। ভিজতে ভিজতে এলে কোথেকে? গিয়েছিল কোথায়?

আলম কোনো জবাব না দিয়ে বসার ঘরে ঢুকে পড়ল। বসার ঘরের সাজসজ্জার কিছু পরিবর্তন হয়েছে। সোফা এক পাশে সরিয়ে একটা ক্যাম্পখাট পাতা হয়েছে। ক্যাম্পখাটে অচিন্তকুমারের প্রথম কদম ফুল। তার মানে শোবার জায়গার বদল হয়েছে। মতিন সাহেব ইতস্তত করে বললেন, ‘আমার মেয়েরা চলে এসেছে। কাজেই তোমাকে বসার ঘরে নিয়ে এলাম। তোমার অসুবিধে হবে না তো?’

ঃ না অসুবিধে কিসের?

ঃ আমার বড় মেয়ে একটু ইয়ে ধরনের মানে...

মতিন সাহেব কথা শেষ করলেন না, মারপাখা খেমে গেলেন। আলম বলল, ‘আমার কোনো অসুবিধে নেই। আসেনি চিন্তা করবেন না।’

মতিন সাহেব নিচু গলায় বললেন ‘আলম আরেকটা কথা, ইয়ে মানে আমাদের আরেকটা বাগান আছে ওটাতে তুমি যাবে। ওটা আমি পরিষ্কার করেছি। মাঝে মাঝে মটো তোমাকে বলি.....প্রবলেমটা হল—’

ঃ আপনাকে প্রবলেম বলতে হবে না। আমার কোন অসুবিধে নেই।

আলম সিগারেট সরিয়ে ক্যাম্পখাটে বসল। মতিন সাহেব হা হা করে উঠলেন, ‘ভেজা কাপড়ে বিছানায় বসছ কেন? কাপড় জামা ছাড়। আমি তোমার জন্যে সার্ভিস আর লুঙ্গি কিনেছি।’

ঃ খ্যাংকম্বা।

বার তের বছরের শান্ত চেহারার একটি মেয়ে উঁকি দিল। এর নামই বোধ হয় অপালা। মতিন সাহেব বললেন, ‘তোমার আপাকে ডেকে আন, পরিচয় করিয়ে দিই।’

মেয়েটি ভেতরে চলে গেল এবং প্রায় সঙ্গে সঙ্গেই ফিরে এসে বলল, ‘আপা আসবে না।’

মতিন সাহেব খুব লজ্জায় পড়ে গেলেন। আলম বলল, ‘তোমার নাম অপালা?’

ঃ হ্যাঁ।

: কেমন আছ অপালা ?

: ভাল।

: বস।

: না আমি বসব না।

মেয়েটি তীক্ষ্ণ দৃষ্টিতে তাকিয়ে আছে। এ রকম বাচ্চা মেয়ের চোখ এত তীক্ষ্ণ কেন ? এদের চোখ হবে কোমল। আলম সিগারেট ধরাল। মেয়েটি এখনো তাকে মন দিয়ে লক্ষ্য করছে। কেন করছে কে জানে।

অপালা চোখ ফিরিয়ে নিল এবং শীতল গলায় বলল, ‘আপনি প্রথম কদম ফুল বইটার একটা পাতা ছিঁড়ে ফেলেছেন। বই ছিঁড়লে আমি খুব রাগ করি।’

: আর ছিঁড়ব না।

: পাতাও মুড়বেন না। এটা আমার খুব প্রিয় বই।

আলম হেসে ফেলল।

রাত্রি সারাদিন খুব গভীর ছিল। সন্ধ্যার পর আরো গভীর হয়ে পড়ল। পৌনে আটটা থেকে আটটা পর্যন্ত বিবিসি বাংলা খবর দেয়। সে খবর শোনবার জন্যেও তার কোনো আগ্রহ দেখা গেল না। সবাইকে বলল তার মাথা ধরেছে।

সুরমা অপালাকে সিজেস করলেন ওর কি হয়েছে ? অপালা গভীর হয়ে বলল—ফুপুর সঙ্গে ঝগড়া হয়েছে। সুরমা খুবই অবাক হলেন। রাত্রি কারো সঙ্গে ঝগড়া করার মেয়ে নয়। সে সব কিছুই নিজের মনে চেপে রাখে। সুরমা বললেন, ‘কি নিয়ে ঝগড়া হলো ?’

: জানি না কি নিয়ে। ফুপ ওকে আলাদা ডেকে নিল।

: এতক্ষণ এই কথা বলিসনি কেন ?

: মনে ছিল না।

: মনে ছিল না মানে ?

: আপা আমাকে কিছু বলতে মানা করেছে।

অপালা গল্পের বইয়ে মাথা ডুবিয়ে ফেলল। মা’র কোনো কথাই আসলে তার মাথায় ঢুকছে না। তার বিরক্তি লাগছে। কোনো একটা গল্পের বই শুরু করলে অন্য কিছু তার আর ভাল লাগে না। যে গল্পের

বইটি সে নিয়ে বসেছে তার নাম—‘আলোর পিপাসা’। এই বইটি সে আগেও বেশ কয়েকবার পড়েছে। প্রতিটি লাইন তার মনে আছে, তবু পড়তে ভাল লাগছে।

অপালার বয়স তের। রোগা বলে তাকে বয়সের তুলনায় ছোট মনে হয়। এটা তার খুব খারাপ লাগে। তের বছর বয়সটা তার পছন্দ নয়। যুদ্ধ শুরু হবার আগে তাদের যে প্রাইভেট মাস্টার ছিল, তাকে একদিন সে বলেছে, ‘স্যার, আমার বয়স পনেরো। বেশি বয়সে পড়ালেখা শুরু করেছি তো, এই জন্যে ক্লাস এইটে পড়ি। ছোট বেলায় খুব অসুখবিসুখে ভুগতাম। পড়াশোনা শুরু করতে এই জন্যেই দেরি হয়ে গেল।’

অপালার এ জাতীয় কথাবার্তা জানাজানি হয়ে যাওয়ায় খুব বামেলা হয়েছিল। সুরমা শুধু বকাবকি করেই চুপ করে থাকেননি, চড় বসিয়ে দিয়েছিলেন। প্রাইভেট মাস্টারটিকে বদলে দিয়ে বুড়া ধরনের একজন টিচার রাখলেন। এ জাতীয় বামেলা অপালা প্রায়ই তৈরি করে। কয়েকদিন আগেই একটা হলো। কি এক উপন্যাস পড়ে তার খুব ভাল লেগেছে। উপন্যাসের নায়িকার নাম ‘মনিকা’। সে মনিকা নাম বেলেটে সমস্ত বইতে নিজের নাম বসিয়েছে। বসিয়েও মা বামেলা করেছেন। তিনি সাধারণত বই-টাই পড়েন না। অপালা কেন নায়িকার নামের জায়গায় নিজের নাম বসিয়েছে, এটা জানবার জন্যেই বইটি পড়লেন এবং রাগে তার গা জ্বলে গেল। কারণ, উপন্যাসের নায়িকা মনিকা তিনটি ছেনেকে এক সঙ্গে ভালবাসে। ছেনেগুলো সুযোগ পেলেই তাকে জড়িয়ে ধরে। মনিকা কোনো বাধা দেয় না। এর মধ্যে একটি ছেলে বেশি রকম সাহসী। সে শুধু গায়ে হাত দিতে চায়। মনিকা তার এই স্বভাব সহ্যই করতে পারে না, তবু তাকেই সে সবচে বেশি ভালবাসে। ভয়াবহ ব্যাপার!

অপালাকে নিয়ে সুরমার দুঃশ্চিত্তার শেষ নেই। তাকে তিনি চোখে চোখে রাখতে চান। নিজে স্কুলে দিয়ে আসেন এবং নিয়ে আসেন। এখন স্কুল বন্ধ বলে এই বামেলাটা করতে হচ্ছে না। কিন্তু ওর কোনো টেলিফোন এলে তিনি আড়াল থেকে কথাবার্তা শুনতে চেষ্টা করেন।

রাত্রিকে নিয়ে এ রকম কোনো বামেলা হয়নি। রাত্রি যে বড় হয়েছে এটা সে কখনো কাউকে বুঝাতেই দেয়নি। একবার শুধু খানিকটা অস্বাভাবিক আচরণ করেছিল। ইউনিভার্সিটিতে সেকেণ্ড ইয়ারে যখন পড়ে তখনকার ঘটনা। গরমের ছুটি চলছে। সে সময় সকাল দশটার এক ছেলে এসে উপস্থিত—সে নাকি রাত্রির সঙ্গে পড়ে। সেলিম নাম।

সুরমা অবাক হয়ে লক্ষ্য করলেন রাত্রি কেমন অতিরিক্ত রকমের ব্যস্ত হয়ে পড়ল। কথাবার্তা বলতে লাগল উঁচু গলায়। শব্দ করে হাসতে লাগল। এবং এক সময় মা'কে এসে বলল, 'মা, ওকে আজ দুপুরে খেতে বলি? হলে থাকে, হলের খাবার খুব খারাপ।' সুরমা ঠাণ্ডা গলায় বললেন—'অজানা অচেনা ছেলে দুপুরবেলায় এখানে থাকে কেন? ওকে যেতে বল।' রাত্রি ঘাড় বাঁকিয়ে বলল, 'অচেনা ছেলেতো নয় মা, আমার সঙ্গে পড়ে।'

সুরমা শব্দ গলায় বললেন, 'ক্লাশের ছেলেরা মেয়েদের সঙ্গে আড্ডা দেবার জন্যে দুপুরবেলায় বাসায় আসবে, এটা আমার পছন্দ নয়। ওকে যেতে বল।'

ঃ এটা আমি কি করে বলব মা?

ঃ যেভাবে বলার সেভাবে বলবি।

রাত্রি চোখ মুখ লাল করে কথাটা বলতে গেল। এবং বলে এসে সমস্ত দিন কাঁদল। সুরমা কিছুই বললেন না। কারণ তিনি জানেন এই সাময়িক আবেগ কেটে যাবে। এখান থেকে শব্দ হতেই হবে। ছেলেটিকে তিনি যদি খেতে বলতেন, সে বার বার ঘুরে ঘুরে এ বাড়িতে আসত। রাত্রির মত একটি মেয়েকে সঙ্গে গল্প করার লোভ সামলানো কঠিন ব্যাপার। মেয়ে হয়েও সুরমা তা বুঝতে পারেন। বার বার আসা যাওয়া থেকে একটা ঘনিষ্ঠতা হত। এই বয়সের কাঁচা আবেগের ফল কখনো শুভ হয় না।

সুরমা ভেবে পেলেন না, রাত্রি তার ফুপুর সঙ্গে কি নিয়ে ঝগড়া করবে? তার ফুপুকে খুবই পছন্দ করে। তাদের যে সম্পর্ক, সেখানে ঝগড়া হবার সুযোগ কোথায়? নাসিমাকে একটা টেলিফোন করা যেতে পারে, কিন্তু তার আগে রাত্রির সঙ্গে কথা বলা দরকার। কিন্তু রাত্রি কি কিছু বলবে? সুরমা অস্বস্তি নিয়ে উঠে দাঁড়ালেন।

রাত্রি চুল আঁচড়াচ্ছিল। মা'কে দেখে অল্প হাসল। সুরমা মনে মনে ভাবলেন—এই মেয়েটি কি সত্যি আমার? এমন মায়াবতী একটা মেয়ের জন্ম দেবার মত ভাগ্য আমার কি করে হয়? সুরমা বললেন, 'আয় চুল বেঁধে দি।'

ঃ আস্তে করে বাঁধবে মা। তুমি এত শক্ত করে বাঁধ যে মাথা ব্যথা করে।

রাত্রি মাথা পেতে দিল। তিনি চিরুনী টানতে টানতে বললেন—'নাসিমার সঙ্গে তোমার নাকি ঝগড়া হয়েছে?'

ঃ ঝগড়া হবে কেন?

ঃ অপালা বলছিল।

ঃ অপালা তো কত কিছুই বলে।

ঃ ঝগড়া হয়নি তাহলে?

ঃ না। কি যে তুমি বল মা। আমি কি ঝগড়া করবার মেয়ে?

সুরমা শান্ত গলায় বললেন—‘তার মানে কি এই যে অন্যকোন মেয়ে হলে ঝগড়া করত?’

রাত্রি হেসে ফেলল, কোন উত্তর দিল না। সুরমা বললেন, ‘নাসিমা তোকে কি বলেছিল?’

ঃ তেমন কিছু না।

সুরমা আর কিছু জিজ্ঞেস করলেন না। কারণ তিনি জানেন জিজ্ঞেস করে লাভ নেই। কোনো কবাব পাওয়া যাবে না। রাত্রি বসে আছে মাথা নিচু করে। মেয়েটি প্রতিদিনই কি সুন্দর হচ্ছে? সুরমার সূক্ষ্ম একটা ব্যথা বোধ হলো। রাত্রি মৃদু স্বরে বলল, ‘এঁ ছেলোটি কে মা?’

ঃ কোন ছেলে?

ঃ আমাদের বসার ঘরে যে ছেলোটি আছে।

ঃ তোর বাবার দূর সম্পর্কের অংশীদার। আমি ঠিক জানি না।

ঃ কথাটা তো মা তুমি মিথ্যা বললে। আমি শুনেছি সে বাবাকে মতিন সাহেব, মতিন সাহেব বলেছিল।

সুরমা ঝাঁঝালো স্বরে বললেন, ‘আমি জানি না সে কে।’

ঃ এটাও তো মা ঠিক না। তুমি কিছু না জেনে-শুনে একটা ছেলেকে থাকতে দেখেছ। তোমার স্বভাবের মধ্যে এটা নেই।

সুরমা কিছু বললেন না। রাত্রি বলল, ‘আমি কারোর সঙ্গে মিথ্যা কথা বলি না। কেউ যখন আমার সঙ্গে মিথ্যা কথা বলে আমার ভাল লাগে না।’ সুরমা খেমে খেমে বললেন, ‘ছেলোটি চাকার গেরিলা অপারেশন চালানোর জন্যে এসেছে। তোর বাবা জুটিয়েছে। বুধবার পর্যন্ত থাকবে। এর বেশি আমি কিছু জানি না।’

রাত্রি কিছু বলল না। এটা একটা বড় ধরনের খবর। সম্পূর্ণ অপ্রত্যাশিত একটা ব্যাপার। কিন্তু রাত্রির কোন ভাবান্তর হল না। সে যে ভাবে বসেছিল, সে ভাবেই বসে রইল।

নাসিমাদের বাসার টেলিফোন লাইনে কোন একটা গণ্ডগোল আছে। টেলিফোন করলেই অন্য এক বাড়িতে চলে যায়। বুড়োমত এক তদ্র-লোক বলেন, ডঃ খয়ের সাহেবের বাড়ি, কাকে চান? আজ ভাগ্য ভাল।

টেলিফোনে নাসিমাকে পাওয়া গেল। সুরমা বললেন, 'রাত্রির সঙ্গে তোমার নাকি বাগড়া হয়েছে? অপালা বলছিল।'

: বাগড়া হয়নি ভাবী। যা বলার 'আমিই বলেছি, ও শুধু শুনেছে।

: কি নিয়ে কথা?

: রাত্রির বিয়ের ব্যাপারে। ছেলের মা এসেছিলেন রাত্রির সঙ্গে কথা বলতে, রাত্রি পাথরের মত মুখ করে বসে রইল।

: আমাকে তো এ সব কিছু বলনি।

: বলার মত কিছু হয়নি।

: আমার মেয়ের বিয়ে নিয়ে কথাবার্তা বলছ, আর আমি কিছু জানব না!

: সময় হলেই জানবে। সময় হোক। ভাবী, রাত্রির জন্যে আমি যে ছেলে আনব সে ছেলে তোমরা স্বপ্নেও কল্পনা করতে পারবে না। রাত্রির ব্যাপারটা তুমি আমার ওপর ছেড়ে দাও। তোমার তো আরো একটি মেয়ে আছে। ওর বিয়ে তুমি দিও।

: নাসিমা।

: বল।

: এ সময়ে মেয়ের বিয়ে-দিয়ে নিয়ে কথা হোক এটা আমি চাই না। মেয়ের আমি বিয়ে দেব পুঙ্খনিয়ে।

: সুসময়ের দেরি আছে ভাবী। ছ' সাত সাত বৎসরের থাক। তা ছাড়া...

: তা ছাড়া কি?

: এ রকম সুন্দরী অবিবাহিতা একটি মেয়ে এ সময় কেউ ঘরে রাখছে না। গণ্ডায় গণ্ডায় বিয়ে হচ্ছে রোজ। এইটো নাইনে পড়া মেয়ে-দেরও বাবা মা পার করে দিচ্ছে। আমাদের নিচের তলার রকিব সাহেব কি করেছেন শোন..

সুরমা থমথমে গলায় বললেন, 'রকিব সাহেবের কথা অন্য একদিন শুনব। আজ না। আমার মাথা ধরেছে।'

রাত এগারোটা প্রায় বাজে। মতিন সাহেব জেগে আছেন এখনো। রেডিও অস্ট্রেলিয়া শোনা হয় নি। রাত্রিও জেগে আছে। রেডিও অস্ট্রেলিয়া ধরে দেবার দায়িত্ব তার। ফাইন টিউনিং সে খুব ভাল পারে। দেশের বর্তমান পরিস্থিতি নিয়ে গভীর রাতে মতিন সাহেব মেয়ের সঙ্গে

মুদ্রা স্বরে কথা বলতে পছন্দ করেন। কথা একনাগাড়ে তিনিই বলেন।  
অবিগ্রাস্য আজগুবি সব গল্প। রাগ্নি কোনোটিতেই প্রতিবাদ করে না।  
হাসি মুখে শুনে যায়।

আজ মতিন সাহেব এক পীর সাহেবের গল্প ফাঁদলেন। পীর  
সাহেবের বাড়ি যশোহর, তিনি এখন কিছুদিনের জন্যে আছেন ঢাকায়।  
টিক্কা খানের মিলিটারি অ্যাডজুটেন্ট নাকি তাঁকে নিয়ে গিয়েছিল  
ক্যান্টনমেন্টে। টিক্কা খান খুব বিনীতভাবে পীর সাহেবকে বললেন  
দোয়া করতে। উত্তরে পীর সাহেব বললেন—তোমাদের সামনে  
মহাবিপদ। তোমাদের একজনও এই দেশ থেকে প্রাণ নিয়ে ফিরতে  
পারবে না। এক লাখ কবর উঠবে বাংলাদেশে।

রাগ্নি বলল, 'তুমি এই গল্প শুনলে কোথেকে?' মতিন সাহেব বললেন,  
'আমাদের ক্যাশিয়ার সাহেবের কাছে শুনলাম। উনি ঐ পীর সাহেবের  
মুরিদ। নিজেও খুব সুফী মানুষ। বানানো গল্প বলার লোক না।'

ঃ মিলিটারি কি আর পীর ফকিরের কাছে যাবে বাবা ?

ঃ এশ্বিনতে কি আর যাচ্ছে ? ঠেঁলায় পড়ে যাচ্ছে ? ঠেঁলায় পড়লে  
বাঘেও ধান খায়। কি রকম লেংগী যে থাকছে তুই এখানে বসে কি  
বুঝবি। বুঝতে হলে ফ্রন্টে যেতে হবে। তবে দু'একটা দিন অপেক্ষা  
কর দেখ কি হয়।

ঃ কি হবে ?

ঃ আজদহা মেমে পেছে ঢাকা শহরে। কাঁকড়া-বিচার দল।  
মিলিটারি কাঁচা খাওয়া শুরু করবে।

ঃ গেরিলারা ঢাকায় এসেছে নাকি বাবা ?

ঃ আসবে না তো কি করবে ? মা'র কোলে বসে থাকবে ? ঢাকা  
ছেয়ে ফেলেছে। দু'একদিনের মধ্যে অপারেশন শুরু হবে। একবার  
অপারেশন শুরু হলে দেখবি সব ক'টা জেনারেলের আশা হয়ে গেছে।  
বদনা নিয়ে দৌড়াদৌড়ি করছে সবাই।

রাগ্নি হেসে ফেলল। বাবা এমন ছেলেমানুষী বিশ্বাস নিয়ে কথা  
বলেন যে বড় মায়্যা লাগে। মাঝে মাঝে রাগ্নি ভাবতে চেষ্টা করে এ  
দেশে এমন কেউ কি আছে, যে এই দেশকে তার বাবার চেয়ে ভালবাসে ?

ঃ বাবা।

ঃ কি ?

ঃ শুয়ে পড় বাবা। ঘুমাও।

ঃ ঘুম ভাল হয় নারে মা। সব সময় একটা আতঙ্কের মধ্যে থাকি।

ঃ একদিন এই আতঙ্ক কেটে যাবে। আমরা সবাই নিশ্চিত্তে ঘুমব।

মতিন সাহেবের চোখ মুখ উজ্জ্বল হয়ে উঠল। তিনি গলার স্বর অনেকখানি নিচে নামিয়ে বললেন, ‘আমাদের বাসায় যে ছেলেটা আছে সে কে বলতো মা? দেখি তোর কেমন বুদ্ধি?’

রাত্রি চুপ করে রইল। মতিন সাহেব ফিস ফিস করে বললেন, ‘বলতে পারলি না? জানি পারবি না। ও হচ্ছে সাক্ষাত আজদহা, ‘আবাবিল পক্ষী। ছারছার করে দেবে। কিছু বুঝতে পারলি?’

ঃ পারছি।

ঃ দেখে মনে হয়?

ঃ আমার সঙ্গে এখনো দেখা হয়নি।

ঃ কথা বলে দেখ, মনে হবে সাধারণ বাঙালী ঘরের ছেলে।

ঃ উনি তো বাঙালী ঘরের ছেলেই বাবা।

ঃ আরে না, ছেলেতে ছেলেতে ডিফারেন্স আছে না? এরা হচ্ছে সাক্ষাত আজদহা।

ঃ আজদহাটা কি?

মতিন সাহেব জবাব দিতে পারেনি না। আজদহা কি সে সম্পর্কে তাঁর ধারণা স্পষ্ট নয়। কথাটা শুনে অফিসে শুনেছেন। গেরিলা প্রসঙ্গে কে যেন বলেছিল—তাঁর খুব মামল ধরেছে।

রাত্রি বলল, বাবা তুমি কি এঁর কথা কাউকে বলেছ?

ঃ আরে না। কি সর্বনাশ, কাউকে বলা যায় নাকি।

ঃ তুমি তো এঁতে কথা রাখতে পার না বাবা। এই তো আমাকে বলে ফেললে।

তিনি চুপ করে গেলেন। রাত্রি বলল, ‘ভাল করে মনে করে দেখ, কাউকে বলনি?’

ঃ না।

ঃ তোমাদের ক্যাশিয়ার সাহেব, তাঁকেও না?

ঃ না।

ঃ বাবা, ভাল করে ভেবে দেখ। জানাজানি হলে বিরাট বিপদ হবে।

ঃ আরে না, তুই পাগল হলি নাকি?

ঃ দুধ খাবে বাবা? শোবার আগে এক গ্লাস গরম দুধ খেয়ে শোও। ভাল ঘুম হবে।

ঃ দুধ না, চা খেতে ইচ্ছে করছে। তোর মা'কে না জাগিয়ে এক কাপ চা বানিয়ে দে।

রাগ্নি উঠে দাঁড়াল।

আলম হকচকিয়ে গেল।

প্রায় মাঝরাতে এমন একটি রূপবতী মেয়ে অসঙ্কেচে তার সামনে চায়ের কাপ নামিয়ে রাখবে, এটা ঠিক বিশ্বাসযোগ্য নয়। এই মেয়েটিই রাগ্নি এটা বোঝা যাচ্ছে, কিন্তু তার কাণ্ডকারখানা বোঝা যাচ্ছে না। রাগ্নি মৃদু স্বরে বলল, 'বাবার জন্যে চা বানাতে হল। আপনি আছেন তাই আপনার জন্যেও বানানাম।' ঠিক কি বললে ভাল হয় আলম বুঝতে পারল না। মেয়েটি চলেও যাচ্ছে না। তাকে কি বসতে বলা উচিত? কিন্তু এটা তারই বাড়ি। তার বাড়িতে তাকে বসতে বলার মানে হয় না।

ঃ আমি এ বাড়ির বড় মেয়ে, আমার নাম রাগ্নি।

ঃ আপনি কেমন আছেন?

'আপনি কেমন আছেন' বলে আলম আরো অস্বস্তিতে পড়ল। বোকোর মত একটি প্রশ্ন করা হয়েছে। এবং মেয়েটি তা পরিষ্কার বুঝতে পারছে। কারণ সে এই প্রশ্নের কোন জবাব দেয়নি। আলমের মনে হল মেয়েটি যেন একটু হাসল।

রাগ্নি বলল, 'আপনি কি আমার ওপর রাগ করেছিলেন?'

ঃ রাগ করব কেন?

ঃ বিকেলে বাবা আপনার সঙ্গে পরিচয় করিয়ে দিতে চেয়েছিল, তখন আসিনি—সে জানে।

ঃ আরে না। এ সব নিয়ে আমি ভাবিইনি।

ঃ আমার মন খারাপ ছিল তখন, তাই আসিনি। আমার ক্ষুপুর ওপর রাগ করেছিলাম।

ঃ ও আচ্ছা।

ঃ আপনি বোধহয় চা-টা খাবেন না। দিন নিয়ে যাই।

ঃ না আমি খাব।

আলম চায়ের চুমুক দিল। রাগ্নি বলল—কিছু বলবেন না?

ঃ কি বলব?

ঃ উদ্রতা করে কিছু বলা। যেমন চাটা খুব ভাল হয়েছে—এই জাতীয়।

রাগ্নি হাসছে। আলম ধাঁধায় পড়ে গেল। এই বয়েসী মেয়েদের সঙ্গে তার কথা বলে অভ্যেস নেই। খুবই অস্বস্তি লাগছে। সে বুঝতে

পারছে তার গাল এবং কান লাল হতে শুরু করেছে। ইচ্ছে করছে এ জায়গা থেকে কোনোমতে ছুটে পালিয়ে যেতে এবং একই সঙ্গে মনে হচ্ছে এই মেয়েটি এক্ষুনি যেন চলে না যায়! যেন সে থাকে আরো কিছুক্ষণ। আলমের কপালে বিন্দু বিন্দু ঘাম জমল।

রাখি বলল, 'হাই। আপনি শুয়ে পড়ুন।'

আলম অনেক রাত পর্যন্ত চুপচাপ বসে রইল। অদ্ভুত এক ধরনের কষ্ট হতে লাগল তার। এই কষ্টের জন্ম কোথায় তা তার জানা নেই।

রাত বাড়ছে। চারদিক চুপচাপ। বিদ্যুৎ চমকচ্ছে। আবারো হয়ত বাড়-রুচিট হবে। হোক, খুব হোক। সব কিছু ভাসিয়ে নিয়ে যাক।

আলম বাতি নিভিয়ে দিল। আজ রাতেও ঘুম আসবে না। জেগে কাটাতে হবে। ঢাকায় আসার পর থেকে এমন হচ্ছে। কেন হচ্ছে? আগে তো কখনো হয়নি। সে কি ভয় পাচ্ছে? আলবাসা, ভয়, ঘুনা, এসব জিনিসের জন্ম কোথায়?

তার পানির পিপাসা হলো। কিন্তু বিছানা তেঁতে উঠতে ইচ্ছে করছে না।

শরীফ সাহেব অবাক হয়ে তাকিয়ে রইলেন। নিজের চোখকে তিনি বিশ্বাস করতে পারছেন না। আলম বলল, 'কথা বলছ না কেন মামা? কেমন আছ?'

: ভাল আছি। তুই কোথেকে? বেঁচে আছিস এখনো।

: আছি। বাসা অন্ধকার কেন? মামী কোথায়?

: দেশের বাড়িতে। তুই এখন কোনো প্রশ্ন করবি না। কিছুক্ষণ সময় দে, নিজেকে সামলাই।

শরীফ সাহেব সোফায় বসে সত্যি সত্যি বড় বড় নিঃশ্বাস নিতে লাগলেন। আলম বলল, 'বাসার খবর বল, সবাই আছে কেমন?'

: তুই বাসায় হাস নি?

: না।

: সরাসরি আমার এখানে এসেছিস?

: তাও না। ঢাকাতেই আছি কয়েকদিন ধরে।

: তোর কথা কিছুই বুঝতে পারছি না।

: ঢাকায় আমি একটা কাজ নিয়ে এসেছি মামা।  
 : আই সি।  
 : এখন বল বাসার খবর।  
 : বাসার খবর তোকে কেন বলব? তোর কি কোনো আগ্রহ আছে,  
 না কোনো দায়িত্বজ্ঞান আছে? বোন আর মা'কে ফেলে চলে গেলি দেশ  
 উদ্ধারে। ওদের কথা ভাবলি না?

: তোমরা আছ, তোমরা ভাববে।  
 : প্রথম রেসপনসিবিলিটি হচ্ছে নিজের পরিবারের জন্যে। এই  
 সাধারণ কথাটা তোরা কবে বুঝবি?

আলম হেসে ফেলল। শরীফ সাহেব রেগে গেলেন। মানুষটি  
 ছোটখাট। ফাইন্যান্সের জয়েন্ট সেক্রেটারি। যতটা না বয়েস, তার  
 চেয়েও বড়ো দেখাচ্ছে। মাথার সমস্ত চুল পেকে গেছে। মুখের চামড়ায়  
 ভাঁজ পড়েছে। আলম বলল, 'মামা, বাসার খবর তো এখনো দিলে না।  
 ওরা আছে কেমন?

: জানই।  
 : মা'র শরীর কেমন?  
 : শরীর ঠিকই আছে। শরীরে একটা আশ্চর্য জিনিস, এটা ঠিকই  
 থাকে।

: তোমার তো তাও ঠিক চাই মামা, বড়ো হয়ে গেছ।  
 : তা হয়েছে। একটু থাকি। রাতে ঘুম-টুম হয় না।  
 : আমাদের বাড়িতে গিয়ে থাকলেই পার।  
 : পাগল হয়েছি! ঐ বাড়ির উপর নজর রাখছে না? তুই যুদ্ধে  
 গেছিস সবাই জানে। তোর মাকে থানায় নিয়ে জিজ্ঞাসাবাদ করেছে।

: আর কোনো ঝামেলা করেনি?  
 : করত। তোর বাবার জন্যে বেঁচে গেলি। ভাগ্যিস সে মরবার  
 আগে তুমিঘায়ে খিদমতটা পেয়েছিল।

শরীফ সাহেব সার্ট গায়ে দিলেন। জুতো পরলেন।  
 : যাচ্ছ কোথায় মামা?  
 : অফিসে। আর কোথায় যাব? তুই কি ভেবেছিলি—যুদ্ধে  
 যাচ্ছি?

: অফিস-টফিস করছ ঠিকমতই?  
 : করব না? তোর মত কয়েকজন চেংড়া ছোঁড়া দু' একটা গুলি-  
 টুলি করবে, আর এতেই দেশ স্বাধীন হয়ে যাবে? দিল্লী হনুজ দূর অন্ত।

তাছাড়া পলিটিক্যাল পলুশন হয়ে যাচ্ছে। খুব হাই লেভেলে কথাবার্তা হচ্ছে। আমেরিকা চাপ দিচ্ছে। আমেরিকার চাপ কি জিনিস, তোরা বুঝবি না। স্যাকরার চুক ঠাক কামারের এক ঘা।

আলম হাসতে লাগল। এই মামার সঙ্গে তার খুবই ভাব। একজন সৎ এবং সত্যিকার অর্থে ভালমানুষ। তাঁর একটি মাত্র দোষ—উল্টো তর্ক করা। আলমের সঙ্গে কথা বলতে গিয়ে তিনি মুক্তিযুদ্ধকে তুড়ি মেরে উড়িয়ে দিচ্ছেন। কিন্তু এই তিনিই আবার পাকিস্তানী ভাব আছে এমন কারোর সঙ্গে কথা বলবার সময় এমন মুক্তি দেবেন যাতে মনে হবে সপ্তাহখানেকের মধ্যে দেশ স্বাধীন হচ্ছে।

: আলম।

: জ্বি।

: তোর মা'র সঙ্গে দেখা করবি না?

: না।

: ভাল। লায়েক ছেলে তুই। যা ভাল মনে করিস তাই করবি। আমার এখানে থাকতে চাস?

: না।

: তোর কি ধারণা, আমার কক্ষের উঠলেই তোকে আমি মিলিটারিস হাতে ধরিয়ে দেব?

: তোমাদের কোনো ষড়যন্ত্র ফেলতে চাই না।

: এসেছিস কি উদ্দেশ্যে আমার কাছে?

: দেখতে এসেছি।

: যা দেখার ভাল করে দেখে নে। দশ মিনিট সময়। দশ মিনিটের মধ্যে বেরুও।

আলম উঠে দাঁড়াল। শরীফ সাহেব বললেন, 'তুই কোথায় আছিস ঠিকানাটা রেখে যা।'

: ঠিকানা দেয়া যাবে না মামা। মা'কে বলবে আমি ভাল আছি। এবং ভবিষ্যতেও থাকব।

: আমি বললে বিশ্বাস করবে না। তুই মরে গেছিস এটা বললে সঙ্গে সঙ্গে বিশ্বাস করবে, কিন্তু বেঁচে আছিস বললে করবে না। তুই একটা কাজ কর, একটা কাগজে লেখ—আমি ভাল আছি। তারপর নাম সই করে দে। আজকের তারিখ দিবি।

আলম নিখিল--ভাল আছি মা। তারপর কিছুক্ষণ চুপ করে থেকে  
নিখিল, 'শিগগীরই তোমাকে দেখতে আসব।' দ্বিতীয় লাইনটি লিখে  
তার একটু খারাপ লাগতে লাগল। 'শিগগীরই তোমাকে দেখতে আসব'  
এই লাইনটিতে কোথায় যেন একটু বিষাদের ভাব আছে। দেখতে আসা  
হবে না এই কথাটি যেন এর মধ্যে লুকনো।

শরীফ সাহেব গভীর গলায় বললেন, 'একটা লাইন লিখতে গিয়ে  
বুড়ো হয়ে যাচ্ছিস দেখি। তাড়াতাড়ি কর।'।

আলম কাগজটা আমার হাতে ধরিয়ে নিউ পলটনে চলে এলো।  
বসবার ঘরে সাদেক তার জন্যে অপেক্ষা করছে।

সাদেককে কেমন অচেনা লাগছে।

ফর্সা, পরিষ্কার পরিচ্ছন্ন একজন মানুষ। সে গৌফ ফেলে দিয়েছে।  
লম্বা চুল ছিল। সেগুলো কেটেছে। জুতোজোড়াও চক চক করছে।  
আলম বলল, খোলশ পাল্টে ফেলেছিস মনে হচ্ছে। চেনা যাচ্ছে না।

ঃ ঢাকা শহরে চুকলাম এতদিন পর। সেখানে চুকব না? তুই  
ছিলি কোথায়? দেড় ঘণ্টা ধরে এক জায়গায় খুঁসে আছি।

ঃ আজ আসবি বুঝব কি করে? আমি তো ভাবলাম প্রোগ্রাম  
ক্যানসেল। সব বাতিল।

ঃ ক্যানসেল হওয়ার মতই

ঃ কি বললি?

ঃ রহমানের খোঁজ নেই। নো ট্রেস।

ঃ নো ট্রেস মানে?

ঃ নো ট্রেস মানে নো ট্রেস। সে আমার সঙ্গেই ঢাকায় চুকছে।  
তারপর যেখানে যাওয়ার কথা সেখানে যায় নি। কোথায় আছে তাও কেউ  
জানে না। এক গাদা এক্সপ্লোসিভ তার সাথে।

ঃ বলিস কি?

ঃ আমার আক্কেল গুরুম হয়ে গিয়েছিল। ডুব মারলাম। তিন  
দিন ডুব দিয়ে থাকার পর গেলাম বিকাতলা। কনট্র্যাক্ট পয়েন্ট। সেখানেও  
ভৌঁ ভৌঁ। কেউ নেই।

ঃ এখন ব্যাপারটা কোন পর্যায়ে আছে?

ঃ বলছি। তার আগে বাথরুমে যাওয়া দরকার। কিডনী ফেটে  
যাওয়ার মত অবস্থা। হেভী প্রেসার।

আলম ইতস্তত করে বলল, 'এখানে বাথরুমের একটু অসুবিধে  
আছে। বাইরে চলে যা, রাস্তার পাশে কোথাও বসে পড়।' সাদেক বেরিয়ে

গেল। এ বাড়িতে এসে সে খানিকটা ধাঁধায় পড়ে গেছে। দেড় ঘন্টা একা একাই বসে ছিল। এর মধ্যে যোমটা দেয়া এক মহিলা এসে বললেন, 'আলম বাইরে গেছে। এসে পড়বে। তুমি বস।' এ রকম শীতল কণ্ঠ সাদেক এর আগে শোনেনি। যেন একজন মরা মানুষ কথা বলছে।

প্রায় আধ ঘন্টা পর বাইশ তেইশ বছর বয়েসী চকলেট-রঙা শাড়ি পরা একটি মেয়ে এসে ঢুকল এবং সরু চোখে তাকিয়ে রইল। এ রকম রূপবতী মেয়েদের সাধারণত সিনেমা পত্রিকার কাভারে দেখা যায়। বাড়িতে তাদের দেখতে পাওয়ার কথা নয়। সাদেক ঘাবড়ে গিয়ে বলল, 'কিছু বলবেন আমাকে?' মেয়েটি তার মা'র মত শীতল গলায় বলল, 'আপনি কি দুপুরে এখানে থাকেন?'

কি অদ্ভুত কথা, অচেনা, অজানা একটা মানুষকে কেউ এ ভাবে বলে নাকি! সাদেক অবশ্য নিজেকে চট করে সামলে নিয়ে বলল, 'জি খাব। দুপুরে কি রান্না হচ্ছে?'

মেয়েটি এই কথার জবাব দেয়নি, ভেতরে চট্টে গেছে। তারপরই খটাং খটাং শব্দ। সেলাই মেশিন চলতে শুরু করেছে। মেয়েটি চায়ের কাপ নিয়ে এসেছে কিছুক্ষণ পর। কাপ নামিয়ে বলেছে—'তিনি লাগবে কি না বলুন।

: না লাগবে না।

: চুমুক দিয়ে বলুন। চুমুক দিয়া দিয়েই কি ভাবে বললেন?

সাদেক চুমুক দিয়েছে। তার বাথরুমে যাওয়া দরকার ছিল। কিন্তু এ রকম রূপবতী একটা মেয়েকে নিশ্চয়ই বলা যায় না—আমি একটু ইয়েতে যাব। সাদেক বসে বসে তেতাল্লিশ পৃষ্ঠা পর্যন্ত প্রথম কদম ফুল পড়ে ফেলল। বইটা থাকায় রক্ষা। নয়ত সময় কাটানো মুশকিল হত। ফেরার সময় বইটা সঙ্গে করে নিতে হবে। কোনো কাজ আধাআধি করে রাখা ঠিক না। মরে গেলে একটা আফসোস থাকবে।

সাদেক অল্প কথায় কিছু বলতে পারে না। কিংবা বলার চেষ্টাও করে না। রহমানের খোঁজ পাওয়া গেছে, সে ভালই আছে—এই খবরটা বের করতে আলমের এক ঘন্টা লাগল। তাও পুরোপুরি বের করা গেল না। কেন রহমান যেখানে ওঠার কথা ছিল সেখানে ওঠেনি সেটা জানা গেল না।

: জিনিসপত্র সব এসেছে?

: এসেছে কিছু কিছু।

: কিছু কিছু মানে কি?

: কিছু কিছু মানে হচ্ছে কিছু কিছু ।

আলম বিরক্ত হয়ে বলল, 'যা বলার পরিষ্কার করে বল। অর্ধেক কথা পেটে রেখে দিচ্ছিস কেন ? কি কি জিনিসপত্র এসেছে ?'

: যা যা দরকার সবই এসেছে। শুধু এল এম জি আসেনি।

: আসেনি কেন ?

: আমাকে বলছিস কেন ? আর এ রকম ধমক দিয়ে কথা বলছিস কেন ? জিনিসপত্র আনার দায়িত্ব আমার ছিল না। এক্সপ্লোসিভ আনার কথা ছিল, নিয়ে এসেছি।

: কোথায় সেগুলো ?

: জায়গা মতই আছে।

: প্রোগ্রামটা কি ?

সাদেক সিগারেট ধরতে ধরতে বলল, 'সেটা তুই ঠিক কর। তুই শিফট লিডার। তুই যা বলবি তাই।'

: সবার সঙ্গে কথা বলা দরকার।

: কারো সঙ্গে কথা বলার দরকার নেই। কাহিন্যাল প্রোগ্রামটা শুধু ওদের জানাব। সেই ভাবে কাজ হবে। প্রথম দানেই ছক্কা ফেলতে হবে।

: ছক্কা ফেলতে হবে মানে ?

সাদেক বিরক্ত হয়ে বলল, 'তুই কি বাংলাও ভুলে গেছিস ? ছক্কা পাঞ্জাও তার কাছে এক্সপ্লোসিভ করতে হবে ? প্রথম দানে ছক্কা মানে প্রথম অপারেশন হবে বাস ওয়ান। ওয়ান হানড্রেড পারসেন্ট সাকসেস। বুঝতে পারছিস ?'

আলম চুপ করে রইল। সাদেক সিগারেটে লম্বা টান দিয়ে বলল, 'তুই কেমন অন্য রকম হয়ে গেছিস।'

: কি রকম ?

: কেমন যেন সুখী সুখী চেহারা হয়ে গেছে। মনে হচ্ছে তুই এ বাড়ির জামাই।

সাদেক গলা ফাটিয়ে হাসতে লাগল। অস্বস্তিকর অবস্থা। আলম বিরক্ত মুখে বলল, 'এত হাসছিস কেন ? হাসির কি হয়েছে ?'

: তুই কেমন পুতু পুতু হয়ে গেছিস, তাই দেখে হাসি আসছে। মোনালিসার প্রেমে পড়ে গেছিস নাকি ?

: চুপ কর।

ঃ ভাবগুলি তো সে রকমই। মজন্ মজন্ ভাব। অবশ্যি যে জিনিস দেখলাম, প্রেমে পড়াই উচিত।

সাদেককে আটকানো মুশকিল। যা মনে আসবে বলবে। আলম চিন্তায় পড়ে গেল। সে গম্ভীর গলায় বলল, ‘আজে বাজে কথা বন্ধ কর, কাজের কথা বল। মোটামুটি একটা প্ল্যান দাঁড় করানো যাক। আমরা বেরুব কখন?’

ঃ কাফুর আগে আগে বের হওয়াই ভাল। রাস্তাঘাটে লোক চলাচল সে সময়টায় বেশি থাকে। গাড়ি টাড়ি চলে। সময়টা ধর সাড়ে তিন থেকে চার।

কথাবার্তার এই পর্যায়ে বিত্তি এসে বলল, ‘আপনেনে খাইতে ডাকে। আহেন।’

খাবার টেবিল বারান্দায়। খাবার দেয়া হয়েছে দু’জনকেই। এ বাড়ির কেউ বসেনি। সুরমা দাঁড়িয়ে রইলেন। হাত পা গলায় বললেন, ‘নিজেরা নিয়ে খাও।’ সাদেক সঙ্গে সঙ্গে বলল, ‘কিন অসুবিধে নেই খালাশমা। আপনার থাকতে হবে না। খাবার দেওয়ার ব্যাপারে আমরা কোনো লজ্জা নেই।’

ঃ লজ্জা না থাকাই ভাল।

ঃ আমার কোনো কিছুতেই লজ্জা নেই। আলমের সঙ্গে আমার বনে না এই জন্যেই। কয়েকটা মরিচ ভেজে আনতে বলুন তো খালাশমা। স্বাল কম হয়েছে।

সুরমা নিজেই গিটলেন। সাদেক সাথা ঘুরিয়ে চারদিক দেখতে লাগল। মৃদু স্বরে বলল, ‘বেশি পরিষ্কার। ভাগিাস এ বাড়িতে আমি উত্তিনি। আমার প্রধান গুণ্ডার কথা ছিল। বাড়ির মালিক কি করেন?’

ঃ জানি না কি করেন।

ঃ বলিস কি, ভদ্রলোক কি করেন জানিস না।

ঃ না।

ঃ মেয়েটার নাম কি? না তাও জানিস না?

ঃ ওর নাম রাত্রি।

ঃ রাত্রি? বাহ্, চমৎকার তো! জোছনা রাত্রি নিশ্চয়ই। হা হা হা।

ঃ আস্তে হাস।

সুরমা কাঁচের প্লেটে ভাজা শুকনো মরিচ নিয়ে চুকতেই সাদেক বলল, ‘রাত্রি থাকে না? হোস্টদের তরফ থেকে কারোর বসা উচিত।’

সুরমা শান্ত স্বরে বললেন, ‘তোমরা খাও, ওরা পরে খাবে।’

ঃ পরে খাবে কেন? ডাকুন, গল্প করতে করতে খাই।

সুরমা অনেকক্ষণ সাদেকের দিকে তাকিয়ে থেকে সত্যি সত্যি রাত্রিকে ডাকলেন। এবং আশ্চর্য, রাত্রি একটি কথা না বলে খেতে বসল। সাদেক হাত টাট নেড়ে একটা হাসির গল্প শুরু করল। ছোটবেলায় দৈ মনে করে এক খাবলা চুন খেয়ে তার কি দশা হয়েছিল। দশ দিন মুখ বন্ধ করতে পারেনি। হাঁ করে থাকতে হত। সেই থেকে তার নাম হয়ে গেল ভেটকি মাছ। ভেটকি মাছ মুখ বন্ধ করে না, হাঁ করে থাকে। গল্প শুনে কেউ হাসল না। সাদেক একাই বারান্দা কাঁপিয়ে হাসতে লাগল।

ঃ ফাসক্লাস রান্না হয়েছে খান্নাশমা। খাওয়ার পর আমি পান খাব। পান আছে ঘরে? না থাকলে বিস্তিকে পাঠিয়ে দিন, নিয়ে আসবে।

সুরমা বিস্তিকে পান আনতে পাঠালেন। সাদেক রাত্রির দিকে তাকিয়ে হাসি মুখে বলল, ‘আপনি এত গম্ভীর হয়ে আছেন কেন?’

রাত্রি কিছু বলল না।

ঃ আপনি ইউনিভার্সিটিতে পড়েন নিশ্চয়ই। চেহারা দেখেই মনে হচ্ছে। ইউনিভার্সিটিতে পড়া মেয়েগুলো গম্ভীর হয় খুব।

ঃ আমি ইউনিভার্সিটিতেই পড়ি।

ঃ কোন সাবজেক্টে?

ঃ কেমিস্ট্রি।

ঃ সর্বনাশ! মেয়েরা এত কঠিন কঠিন সাবজেক্ট কেন পড়ে বুঝতে পারি না! মেয়েরা কিভাবে বাংলা।

রাত্রি উঠে পড়ল। আলম একটা মজার ব্যাপার লক্ষ্য করল। রাত্রি মেয়েটি বিরক্ত হয়নি। সাদেকের কথাবার্তার ধরনে যে কেউ বিরক্ত হত। হওরাটাই স্বাভাবিক। কিন্তু এই মেয়েটি হয়নি। হাত ধুয়ে এসে সে আবার চেয়ারে বসল। এবং চামচে করে ভাত তুলে দিল সাদেকের প্লেটে। তুলে দেয়ার ভঙ্গিটি সহজ ও স্বাভাবিক।

সাদেক দুপুর তিনটা পর্যন্ত থাকল। মৃদু গলায় প্ল্যান নিয়ে কথা বলল। প্রথম দিনের অপারেশনের জায়গাগুলো ঠিক করল। ‘রেকি’ করবার কি ব্যবস্থা করা যায় সে নিয়ে কথা বলল। অপারেশন চালাতে হবে অচেনা গাড়ি দিয়ে। সেই গাড়ির যোগাড় কি ভাবে করা যায় সেই নিয়েও কথা হল। আগামীকাল ভোরে আবার বসতে হবে। এ বাড়িতে নয়। পাক মটরস-এর কাছের একটি বাড়িতে। সেখানে রহমানও থাকবে। প্রোগ্রাম ফাইন্যাল করা হবে সেখানেই।

সাদেক যাবার আগে সুরমাকে পা ছুঁয়ে সালাম করল। সুরমা হকচকিয়ে গেলেন।

ঃ দোয়া করবেন খালাশমা।

ঃ নিশ্চয়ই দোয়া করব।

ঃ রাত্রিকে ডাকুন। ওর কাছে বিদায় নিয়ে যাই।

রাত্রি এল। খুব সহজ এবং স্বাভাবিক ভঙ্গিতে সাদেক বলল, 'রাত্রি চলি। আবার দেখা হবে।' যেন এ বাড়ির সঙ্গে তার দীর্ঘ দিনের চেনা-জানা। রোজই আসছে যাচ্ছে। রাত্রি হেসে ফেলে বলল, 'হ্যাঁ নিশ্চয়ই দেখা হবে। ভাল থাকবেন।'

সাদেক ঘর থেকে বেরুবামাত্র রাত্রি বলল, 'আপনার বন্ধুর সঙ্গে আপনার কোনো মিল নেই। দু'জন সম্পূর্ণ দু'রকম। ও কি আপনার খুব ভাল বন্ধু?'

ঃ হ্যাঁ ভাল বন্ধু। ও কিন্তু একটি অসম্ভব ভাল ছেলে।

ঃ তা জানি।

ঃ কি ভাবে জানেন?

ঃ কিছু কিছু জিনিস টের পাওয়া যায়। আপনার হয়ত ধারণা হয়েছে আমি ও'র ওপর বিরক্ত হয়েছি। এটা ঠিক না। আমি বিরক্ত হইনি।

অনেকদিন পর আলম ধূমপানের বেলা ঘুমিয়ে পড়ল। ঘুম ভাঙল সন্ধ্যা মেলাবার পর। বিস্তৃত চায়ের পেয়ালার হাতে তাকে ডাকছে। বাইরে প্রবল বর্ষণ। ঘোর ঝড়। যাকে বলে। মতিন সাহেব বসে আছেন সোফায়। তাকে ডেকে যেন চিন্তিত মনে হচ্ছে। আলম উঠে বসতেই তিনি বললেন, 'শরীর খারাপ করেছে নাকি?'

ঃ জি না।

ঃ হাত মুখ বুয়ে এস। একটা খারাপ খবর আছে।

ঃ কি সেটা?

ঃ আমেরিকানরা সেভেনথ্ ফ্লিট নিয়ে বঙ্গোপসাগরের দিকে রওনা হয়েছে।

আলম এই খবরে তেমন কোনো উৎসাহ দেখাল না। তার কাজ-কর্মের সঙ্গে আমেরিকার সেভেনথ্ ফ্লিটের কোনো সম্পর্ক নেই। মতিন সাহেব নিচু গলায় বললেন, 'এর চেয়েও একটা খারাপ সংবাদ আছে।'

ঃ বলুন শুনি।

ঃ ঢাকা শহরে চাইনীজ সোলজার দেখা গেছে।

: আপনি নিজে দেখেছেন ?

: না, আমি নিজে দেখিনি। কিন্তু দেখেছে অনেকেই। নাক চ্যাপটা বাঁটু সোজ্জার। দেখলেই চেনা যায়।

আলম বাসি মুখে চায়ের চুমুম দিতে লাগল। গুজবে ভতি হয়ে গেছে ঢাকা শহর। মানুষের মরাল ভেঙে পড়ছে। ঢাকা শহরের গেরিলাদের প্রথম কাজই হবে এই মরাল ঠিক করা। নতুন ধরনের গুজবের জন্ম দেয়া। যা শুনে একেকজনের বুকের ছাতি ফুলে উঠবে। এরা রাতে আশা নিয়ে ঘুমতে যাবে। মতিন সাহেবের মত প্রাণহীন মুখ করে সোফায় বসে থাকিবে না।

: আলম!

: বলুন।

: শুনলাম তোমার এক বন্ধু নাকি এসেছিল ?

: জি।

: কাজ তাহলে শুরু হচ্ছে ?

: হচ্ছে।

: অবস্থা কাহিল হয়ে যাবে ওদের, কি গুল ?

: তা হবে।

: এক লাখ নতুন কবর হবে কি বল ?

: হওয়ার তো কথা।

: যশোহরের এক পীর সাহেব কি বলেছেন শুনবে নাকি ?

: বলুন।

: খুবই কাসেম জাদুয়া। সুফী মানুষ।

মতিন সাহেব অত্যন্ত আগ্রহের সঙ্গে যশোহরের পীর সাহেবের কথা বলতে লাগলেন। আলম কোনো কথা না বলে গল্প শুনে গেল। ডুবন্ত মানুষরাই খড়কুটো আঁকড়ে ধরে। ঢাকার মানুষ কি ডুবন্ত মানুষ ? তারা কেন এ রকম করবে ? আলম একটা ছোট্ট নিঃশ্বাস চাপতে চেষ্টা করল।

রাত্রির ঘর অন্ধকার। সে বাতি নিভিয়ে চুপচাপ শুয়ে ছিল। অপালা এসে বনল, 'ফুপু টেলিফোন করেছে। তোমাকে ডাকে।' রাত্রি একবার ডাবল টেলিফোন ধরবে না। বলে পারতাবে—শরীর ভাল না। জ্বর জ্বর লাগছে। কিন্তু তাতে লাভ হবে না। ফুপু বলবেন রিসিভার এ ঘরে নিজে আসতে। তার চেয়ে টেলিফোন ধরাই ভাল।

- ঃ কেমন আছিস রাত্রি ?
- ঃ ভাল ।
- ঃ তোদের ইউনিভার্সিটি নাকি খুলেছে ? ক্লাস টলস হচ্ছে ?
- ঃ হ্যাঁ হচ্ছে ।
- ঃ তুই যাচ্ছিস না ?
- ঃ না ।
- ঃ পরীক্ষা নাকি ঠিকমত হবে গুনলাম !
- ঃ হলে হবে ।
- ঃ তোর গলাটা এত ভারী ভারী লাগছে কেন ? জ্বর নাকি ?
- ঃ না জ্বর না ।
- ঃ কাল গাড়ি পাঠাব । চলে আসবি আমার এখানে ।
- ঃ জাচ্ছা ।

ঃ আরেকটা কথা শোন, ঐ ভদ্রমহিলা আসবে তাকে দেখতে । দেখলেই যে বিয়ে হবে এমন তো কোনো কথা নয় । তোর মত মেয়েকে কি কেউ জোর করে বিয়ে দিতে পারে ? তোর সমিচ্ছায় কিছু হবে না । বুঝতে পারছিস ?

ঃ পারছি ।

ঃ কাজেই ভদ্রমহিলা এনে সঠিকভাবে কথাবার্তা বলবি ।

ঃ ঠিক আছে বলব ।

ঃ রাত্রি, আরেকটা কথা শোন—আমাদের ড্রাইভার বলল, সে দেখেছে কে একজন লোক ছোখার বসার ঘরের ক্যাম্পখাটে শুয়ে আছে । কে সে ?

ঃ আবার এক বন্ধুর ছেলে ।

ঃ এখানে সে কি করছে ?

ঃ কি একটা কাজে ঢাকায় এসেছে । থাকার জায়গা নেই । বুধবারে চলে যাবে ।

নাসিমা বিরক্ত স্বরে বললেন—থাকার জায়গা নেই মানে ? হোটেল আছে কি জন্যে ? বাড়িতে সেয়ানা মেয়ে, এর মধ্যে ছেলে ছোকরা এনে ঢোকানোর মানেটা কি ? দেখি তোর বাবাকে টেলিফোনটা দে তো ।

মতিন সাহেব টেলিফোনটা ধরতে রাজি হলেন না । কারণ তিনি বিবিসি শুনছেন । এই অবস্থায় তাঁকে হাতি দিয়ে টেনেও কোথাও নেয়া যাবে না । বিবিসি একটা বেশ মজার খবর দিল । প্রেসিডেন্ট ইয়াহিয়া আমেরিকান টিভি এনবিসিকে দেয়া এক সাক্ষাৎকারে বলে-

ছেন—‘আলোচনার দ্বার রুদ্ধ নয়।’ এর মানে কি? কি আলোচনা? কার সঙ্গে আলোচনা? হাতি কি কাদায় পড়ে গেছে নাকি? এঁটেল মাটির কাদা? মতিন সাহেব অনেক দিন পর ঢাকা রেডিও খুললেন। মাঝে মাঝে এদের কথাও শোনা দরকার। তেমন কোনো খবর নেই। দেশের সাবিক পরিস্থিতির উন্নয়নের কারণে সন্তোষ প্রকাশ করেছেন শান্তি ও কল্যাণ কমিটির সভাপতি ফরিদ আহমেদ। মুসলিম লীগের সভাপতি হাশিমুদ্দিনের বিরুদ্ধেও খুব ফলাও করে প্রচার করা হল— ছাত্রছাত্রীরা যেন দেশদ্রোহীদের দুরভিসন্ধিমূলক ও মিথ্যা প্রচারণায় বিভ্রান্ত না হয়। তারা যেন একটি মূল্যবান শিক্ষা বছর নষ্ট না করে। শান্তিপূর্ণভাবে মেট্রিক পরীক্ষা পরিচালনার জন্য সরকার যা করণীয় সবই করবেন।

পনেরোই জুলাই থেকে মেট্রিক পরীক্ষা। ঐ দিন একটা শো ডাউন হবে বলে মতিন সাহেবের ধারণা। মুক্তিবাহিনীর আজদহারা নিশ্চয়ই পরীক্ষা বানচাল করার কাজে নামবে। ঐ দিন একটা ওলট-পালট হয়ে যাবে—এটা চোখ বন্ধ করে বলে দেয়া যায়। মতিন সাহেব তাঁর রক্তের ভেতরে এক ধরনের উত্তেজনা অনুভব করলেন।

সুরমা রাতের খাবারের আয়োজন করছিলেন। তাঁর মুখ বিষণ্ণ। কোনো কারণে তিনি খুবই বিচলিত। কারণটি কি নিজেও স্পষ্ট জানেন না। মাঝে মাঝে তাঁর এ রকম হয়। রাগ্নি এসে মা’র পাশে দাঁড়াল। সুরমা বললেন, ‘কিছু বলছি?’

: হ্যাঁ। মা, ওই ভেতরের ঘরে থাকতে দেয়া উচিত।

: আলমের দীপা বলছিল?

: হ্যাঁ। বসার ঘরে থাকলেই সবার চোখে পড়বে। ফুপু টেলিফোনে জিজ্ঞেস করছিলেন। তাঁদের ড্রাইভার দেখে গেছে।

: এখন আবার ভেতরের ঘরে নিয়ে গেলে সেটা কি আরো বেশি করে চোখে পড়বে না?

রাগ্নি কিছু বলতে পারল না। বেশির ভাগ সমস্বই সুরমা চমৎকার সূক্তি দিয়ে কথা বলেন।

: রাগ্নি।

: বল না।

: ভেতরে নেয়ার আরেকটি সমস্যা কি জানিস? ছেলোট অস্বস্তি বোধ করবে। একবার ভেতরে নেয়া হচ্ছে, একবার বাইরে। আবার ভেতরে। আমি কি ঠিক বলছি রাগ্নি?

: ঠিকই বলছ।

সুরমা অস্পষ্টভাবে হাসলেন। মৃদু স্বরে বললেন, 'তোর যখন ইচ্ছে, তাকে ভেতরেই নিয়ে আয়। বিস্তিকে বল ঘর পরিষ্কার করতে। অপালা কি করছে? তাকে তো কোনো কাজেই পাওয়া যায় না। মুখের সামনে গল্পের বই ধরে বসে আছে। ওকেও লাগিয়ে দে।'

রাত্রি কাউকে লাগালো না, নিজেই পরিষ্কার করতে লাগল। সুরমা এক সময় এসে উঁকি দিলেন। চমৎকার সাজানো হয়েছে। জানালায় পর্দা দেয়া হয়েছে। একটা ছোট্ট বুক শেলফ আনা হয়েছে। বুক শেলফ ভর্তি বই। অপালায় পড়ার টেবিলটিও আনা হয়েছে ঘরে। টেবিলে চমৎকার টেবিল ক্লথ। পিরিচ দিয়ে ঢাকা পানির জগ এবং গ্লাস। সুরমা বিস্মিত হয়ে বললেন, 'ব্যাপার কি রাত্রি!'

রাত্রি লজ্জা পেয়ে গেল। তার গাল ঝুৎ লাল হল। এই ক্ষুদ্র পরিবর্তনও সুরমার চোখ এড়িয়ে গেল না। তিনি হালকা স্বরে বললেন—ছেলেটা হঠাৎ এই পরিবর্তন দেখে কি ভাবতে বলত?

: কিছুই জাববেন না। উনি অন্য ব্যাপার ভুবে আছেন। কিছুই তাঁর চোখে পড়বে না। উনি আছেন একটা খোরের মধ্যে।

: তুই যা করেছিস, চোখে না পড়ে উপায় আছে?

আলমের কিছু চোখে পড়তে পারে মনে হল না। সে সহজভাবেই ভেতরের ঘরে চলে এল। প্রথম কদম ফুলের পাতা ওলটাতে লাগল। রাত্রি দরজার পাশে দাঁড়িয়েছিল। সে হাসি মুখে বলল—বইটা কেমন লাগছে?

: ভাল।

: ছেলেটার ওপর আপনার রাগ লাগছে না?

: কোন ছেলেটার ওপর?

: কাকলীর হাজবেণ্ড।

: না, রাগ লাগবে কেন?

: আপনার কি আর কিছু লাগবে?

: না কিছু লাগবে না।

: ডুয়ানে মোমবাতি আছে, যদি বাতি নিভে যায় মোমবাতি জ্বালাবেন।

: ঠিক আছে জ্বালাব।

রাত দশটায় মতিন সাহেব আলমকে ডাকতে এলেন ডয়েস অব আমেরিকা শোনবার জন্যে। আলম বলল তার মাথা ধরেছে, সে শুয়ে

থাকবে। মতিন সাহেব তবুও খানিকক্ষণ বোলাবুলি করলেন। একা একা তাঁর কিছু শুনতে ইচ্ছে করে না। আজ রাত্রিও নেই। দরজা বন্ধ করে শুয়ে পড়েছে।

মতিন সাহেব শোবার যত্নে ঢুকলেন। সুরমা জেগে আছে এখনো। আলমায় কাপড় রাখছে। মতিন সাহেব ভয়ে ভয়ে বললেন, 'সুরমা ডয়েস অব আমেরিকা শুনবে?' সুরমা শীতল গলায় বললেন, 'না'।

ঃ আজ কিছু ইন্টারেস্টিং ডেভেলপমেন্ট শোনা যাবে বলে আমার ধারণা।

সুরমা জবাব দিলেন না।

আলমের ঘুম ভাঙলো খুব ভোরে। আঁধার এখনো কাটেনি। চারদিকে ভোর হবার আগের অন্ধুত নীরবতা। একছুফণের ভেতরই সূর্য ওঠার মত বিরাট একটা ঘটনা ঘটেবে। প্রকৃতি যেন তাঁর জন্যে প্রস্তুতি নিচ্ছে। আলম নিঃশব্দে বিছানা থেকে নামল, প্রায় সঙ্গে সঙ্গেই চারদিক থেকে আজানের শব্দ হতে লাগিল। ঢাকা শহরে এত মসজিদ আছে! আলম হকচকিয়ে গেল। সুরমার অন্ধুত অন্ধকারে চারদিক থেকে ভেসে আসা আজানের শব্দে অন্যরকম কিছু আছে। কেমন যেন উয় উয় লাগে। আলমের ঘ্রাণ সারা জীবন এই শহরেই কেটেছে, কিন্তু সকালবেলার এই ছাধির সঙ্গে তার দেখা হয়নি। সব মানুষই বোধ হয় অনেক কিছু না জেনেই শুড় হয়।

সুরমা বারান্দায় বসে অজু করছিলেন। আলমকে বেরুতে দেখে বেশ অবাক হলেন। মাথায় ঘোমটা তুলে দিয়ে পরিষ্কার গলায় বললেন, 'রাতে ঘুম হয় নি?' তাঁর গলায় খানিকটা উদ্বেগ ছিল। আলমকে তা স্পর্শ করল। সে হাসিমুখে বলল, 'ভাল ঘুম হয়েছে। খুব ভাল। আপনি কি রোজ এ সময়ে জাগেন?'

ঃ হ্যাঁ। নামাজ পড়ি। নামাজ শেষ করে আবার ঘুমিয়ে পড়ি। তারপর সাতটা সাড়ে সাতটার দিকে রাত্রি ডেকে তোলে।

সুরমা হাসতে লাগলেন। যেন খুব একটা হাসির কথা বলেছেন। ভোরবেলার বাতাসে কিছু একটা বোধ হয় থাকে। মানুষকে তরল করে ফেলে। আলম বলল, 'আজ আমাদের একটা বিশেষ দিন।'

ঃ বুঝতে পারছি। তোমার কি উয় লাগছে?

∴ উয় না। অন্য রকম লাগছে। আপনাকে ঠিক বোঝাতে পারব না। মেট্রিক পরীক্ষায় প্রথম বন্টা পড়বার সময় যে রকম লাগে সে রকম।

∴ কিন্তু এ ধরনের কাজ তো তুমি এর আগেও করেছ।

∴ তা করেছি। অবশ্যি এখানকার অবস্থাটা অন্য রকম।

∴ তুমি কি আল্লাহ্ বিশ্বাস কর? তোমার বয়েসী যুবকেরা খানিকটা নাস্তিক ধরনের হয়, সেই জন্যে বলছি।

আলম কিছু বলল না। সুরমা তাঁর প্রশ্নের জবাবের জন্যে কিছু-কিছু অপেক্ষা করলেন। জবাব পেলেন না। তিনি হালকা গলায় বললেন, 'নামাজ শেষ করে এসে আমি একটা দোয়া পড়ে তোমার মাথায় ফুঁ দিতে চাই। তোমার কোনো আপত্তি আছে?'

∴ না আপত্তি থাকবে কেন?

∴ ঠিক আছে, আমি নামাজ শেষ করে আসছি। রাত্তিকে ডেকে দিচ্ছি, সে তোমাকে চা বানিয়ে দেবে।

∴ ডাকতে হবে না। আমার এত ঘন ঘন খাবার অভ্যাস নেই।

সুরমা রাত্তিকে ডেকে তুললেন। সাধারণত ফজরের নামাজ তিনি চট করে সেরে ফেলেন, কিন্তু আজ অন্যকি সময় নিলেন। কোথায় যেন পড়েছিলেন নামাজের শেষে পাখির কিছু চাইতে নেই, তাতে নামাজ নষ্ট হয়। কিন্তু আজ তিনি পাখির কৈসই চাইলেন। অসংখ্যবার বললেন, 'এই ছেলেকে নিরাপদে মাথা ভাল রাখ। সে যেন সন্ধ্যাবেলা আবার ঘরে ফিরে আসে। শরীফে না যায়।'

বলতে বলতে এক সময় তাঁর চোখে পানি এসে গেল। একবার পানি এসে গেলে খুব মুশকিল। তখন যাবতীয় দুঃখের কথা মনে পড়ে যায়। কিছুতেই আর কান্না থামানো যায় না। সুরমার তাঁর বাবার কথা মনে পড়ল। ক্যানসার হয়ে যিনি অমানুষিক যন্ত্রণা ভোগ করে মারা গেছেন। মৃত্যুর ঠিক আগে আগে পানি খেতে চেয়েছিলেন। চামচে করে পানি খাওয়াতে হয়। কি আশ্চর্য, একটা চামচে সেই সময় খুঁজে পাওয়া গেল না! শেষ পর্যন্ত হাতে আঁজলা করে পানি নিয়ে গেলেন সুরমা। সেই পানি মুখ পর্যন্ত নিতে নিতে আঙুল গলে নিচে পড়ে গেল। অতি কষ্টের মধ্যেও এই দৃশ্য দেখে তাঁর বাবা হেসে ফেললেন। তাঁর পানি খাওয়া হল না। কত অদ্ভুত মানুষের জীবন!

রাত্তি ঘরে ঢুকে দেখল, তার মা জায়নামাজে এলোমেলো হয়ে শুয়ে আছেন। কান্নার জন্যেই শরীর বার বার কেঁপে উঠছে। সে নিঃশব্দে

বের হয়ে গেল। আলমকে চা দিয়ে আসা হয়েছে। 'আবার সেখানে যাওনাটা ভাল দেখায় না। কিন্তু যেতে ইচ্ছে করছে। মাঝে মাঝে অর্থহীন গল্পগুজব করতে ইচ্ছে করে। রাত্রি আলমের ঘরে উঁকি দিল।

: আবার এলাম আপনার ঘরে।

: আসুন।

: চিনি হয়েছে কিনা জানতে এসেছি।

: হয়েছে। খ্যাংকস।

রাত্রি খাটে গিয়ে বসল। আলমের কেমন লজ্জা করতে লাগল। রাত্রির গায়ে আলখাল্লা জাতীয় লম্বা পোশাকে, সাধারণ নাইটির মত বাহারী কোনো জিনিস নয়। এই পোশাকে তাকে অন্যরকম লাগছে। সে পা দোলাতে দোলাতে বলল, 'আপনি আজ এত ভোরে উঠেছেন কেন?'

: জানি না কেন। ঘুম ভেঙে গেল।

: টেনশান থাকলে ঘুম ভেঙে যায়।

: তা যায়।

: আমার উল্টোটা হয়, টেনশানের সময় শুধু ঘুম পায়।

: একেকজন মানুষ একেক রকম।

: তা ঠিক। আমরা সবাই আলাদা।

আলম সিগারেট ধরাল। তার সিগারেটের কোন তৃষ্ণা হয় নি। অস্বস্তি কাটানোর জন্যে ধরানোর তার অস্বস্তির ব্যাপারটা কি মেয়েটি টের পাচ্ছে? পাচ্ছে শিশুরই। এ সব সূক্ষ্ম ব্যাপারগুলো মেয়েরা সহজেই টের পায়। আলম বলল, 'আপনি খুব ভোরে ওঠেন?'

: হ্যাঁ উঠি। সন্ধ্যাকার থাকতে আমার ঘুম ভাঙে। খুব খারাপ লাগে তখন।

: খারাপ লাগে কেন?

: সবাই ঘুমচ্ছে, আর আমি জেগে আছি এই জন্যে। যখন ছোট ছিলাম তখন গেট খুলে বাইরে যেতাম। একা একা হাঁটতাম। ছোটবেলায় আমি খুব সাহসী ছিলাম।

: এখন সাহসী না?

: না। ছোটবেলায় আমি একটি কুৎসিত ঘটনা দেখি, তারপর আমার সব সাহস চলে যায়। আমি এখন একটি ভীর্ণ ধরনের মেয়ে।

রাত্রি তাকিয়ে আছে মেঝের দিকে। পা দোলাচ্ছে না। কাঠিন্য চলে এসেছে তার চোখে-মুখে। আলম অবাক হয়ে এই সূক্ষ্ম কিন্তু তীক্ষ্ণ পরিবর্তনটি লক্ষ্য করল। রাত্রি বলল, 'আমি কি দেখেছিলাম তাতো

জিঞ্জেস করলেন না।'

: জিঞ্জেস করলে আপনি বলবেন না, তাই জিঞ্জেস করিনি।

: ঠিকই করেছেন। আমি বলতাম না, কাউকেই বলিনি। মাকেও বলিনি। যাই কেমন ?

রাগ্নি উঠে দাঁড়াল। এবং দ্রুত ঘর ছেড়ে চলে গেল।

রাগ্নির ফুপু নাসিয়ার বয়স চল্লিশের ওপরে। কিন্তু তাঁকে দেখে সেটা বোঝার কোনো উপায় নেই। এখনো তাঁকে পঁচিশ ছাফিশ বছরের তরুণীর মত লাগে। ভিড়ের মধ্যে লোকজন তাঁর গায়ে হাত দিতে চেষ্টা করে। একবার এ রকম একটি ছোকরাকে তিনি হাতে নাতে ধরে ফেললেন এবং হাসিমুখে বললেন, 'তোমার বয়স কত খোকা ?' ছেলোটি এ জাতীয় দৃশ্যের জন্যে প্রস্তুত ছিল না। সে ঘেমে নেয়ে উঠল। নাসিমা ধারাল গলায় বললেন—আমার বড় মেয়ে ইউনিভার্সিটিতে পড়ে। বুঝতে পারছ ?

'তাঁর বড় মেয়ে ইউনিভার্সিটিতে পড়ে' এটা ঠিক না। নাসিয়ার কোন ছেলেপুলে নেই। বড় মেয়ে বলতে তিনি বুঝিয়েছেন রাগ্নিকে। বাইরের কেউ যদি জিঞ্জেস করে—আপনার ছেলেমেয়ে ক'টি ? তিনি সহজভাবেই বলেন, আমার কোনো ছেলে নেই দু'টি মেয়ে—রাগ্নি এবং অপালা। এটা তিনি যে শুধু বলেন তাই না, মনেপ্রাণে বিশ্বাসও করেন। তাঁর বাড়িতে এদের দু'জনের জন্যে দুটি ঘর আছে। সেই ঘর দুটি ওদের ইচ্ছেমত সাজানো। সপ্তাহে খুব কম হলেও তিনদিন এই ঘর-দুটিতে দু'বোনকে থাকতে হয়। নয়ত নাসিমা অস্থির হয়ে যান। তাঁর কিছু বিচিত্র অসুখ দেখা দেয়। হিষ্টিরিয়ার সঙ্গে যার কিছু কিছু মিল আছে।

নাসিয়ার স্বামী ইয়াদ সাহেব লোকটি রসকষহীন। চেহারা চাল-চলন সবই নির্বোধের মত, কিন্তু তিনি নির্বোধ নন। কোনো নির্বোধ লোক একা একা একটি ইনজিনীয়ারিং ফার্ম শুরু করে বার বছরের মাথায় কোটিপতি হতে পারে না। ইয়াদ সাহেব হয়েছেন। যদিও এই বিত্ত তাঁর জীবন যাপন পদ্ধতির ওপর কোনো রকম ছাপ ফেলেনি। তিনি এখনো গায়ে তেল মেখে গোসল করেন, এবং স্ত্রীকে ভয় করেন। অসম্ভব রকম বিত্তবান লোকজন স্ত্রীদের ঠিক পরোয়া করে না।

ভোর আটটায় নাসিমা ইয়াদ সাহেবকে ডেকে তুললেন। তাঁর ডাকার ভঙ্গিতে এমন কিছু ছিল যে ইয়াদ সাহেবের বুক ধড়ফড় করতে

নাগল। তিনি ভয় পাওয়া গলায় বললেন—কি হয়েছে ?

: তোমার গাড়ি পাঠালাম রাত্রিদের আনবার জন্যে।

: ও আচ্ছা।

ইয়াদ সাহেব আবার ঘুমবার আয়োজন করলেন।

: তুমি কিন্তু আজ অফিসে-টফিসে যাবে না।

: কেন ?

: আজ রাত্রিকে দেখতে আসবে। তোমার থাকা দরকার।

: আমি থেকে কি করব ?

: কিছু করবে না। থাকবে আর কি। এ সব কাজে ব্যাকগ্রাউণ্ডে একজন পুরুষ মানুষ থাকা দরকার।

: দরকার হলে থাকব। এখন একটু ঘুমাই, কি বল ?

: আচ্ছা ঘুমাও।

ইয়াদ সাহেব চোখ বন্ধ করে পাশ ফিরলেন। দুটে যাওয়া ঘুম ফিরে এলো না। কিছুদিন থেকেই তাঁর দিন কাটছে শিক্স ও দুঃশিচন্তার। মোহাম্মদপুরের তাঁদের মূল বাড়িটি বিহাঙ্গীদের দখলে। দেশ স্বাধীন না হলে এ বাড়ি ফিরে পাওয়া যাবে না। অসম্ভব। দেশ চট করে স্বাধীন হয়ে যাবে, এ রকম কোন দৃশ্যও দেখা যাচ্ছে না। চট করে পৃথিবীর কোন দেশই স্বাধীন হয়নি। ইংরেজ তাড়াতে কত দিন লেগেছে ? এখানেও তাই হবে। বছরের পর বছর লাগবে। তারপর এক সময় বাঙালীরা উৎসাহ হারিয়ে ফেলবে। এই একটা অস্তৃত জাতি। নিমিষের মধ্যে উৎসাহে পাগল হয়ে ওঠে, আবার সেই উৎসাহ নিভেও যায়।

ইয়াদ সাহেব উঠে বসলেন। কাজের ছেনেটিকে বেড-টির কথা বলে চুরুট ধরালেন। তাঁর বমি বমি ভাব হল। তিনি বিছানা থেকে নেমে হেঁটে হেঁটে বারান্দায় গেলেন। বারান্দার সামনে ঘুপসি মত গলি। মোহাম্মদপুরের বিশাল বাড়ি ছেড়ে তাঁকে থাকতে হচ্ছে ভাড়া বাড়িতে, যার সামনে ঘুপসি গলি। তিনি বেঁচে থাকতে থাকতে কি দেশ স্বাধীন হবে ? ফিরে পাওয়া যাবে নিজের বাড়ি ? ইয়াদ সাহেব খানিকটা লজ্জিত বোধ করলেন। তিনি দেশের স্বাধীনতা চাইছেন ব্যক্তিগত স্বার্থে। এটা ঠিক হচ্ছে না।

চায়ের পেয়ালানিয়ে তিনি বাসি মুখে নিজের স্টাডি রুমে ঢুকলেন। তাঁর অফিসের যাবতীয় কাগজপত্র এই ছোট্ট ঘরটিতে আছে। এখনে তিনি দীর্ঘ সময় কাটান। নিজের তৈরি ব্লু প্রিন্টগুলোর দিকে তাকিয়ে থাকতে তাঁর ভাল লাগে। কিন্তু আজ কিছুই ভাল লাগছে না। আলস্য

অনুভব করছেন। ব্যবসা বাণিজ্য এখন কিছুই নেই। সব রকম কনস্ট্রাকশনের কাজ বন্ধ হয়ে আছে। সরকারের কাছে মোটা অঙ্কের টাকা পাওনা। সেটা পাওয়া যাচ্ছে না। দাবেও না সম্ভবত। সব জলে যাবে। তাঁর মতে বাঙালীদের এই যুদ্ধে সবচেয়ে বেশি ক্ষতিগ্রস্ত হয়েছে কনস্ট্রাকশন ফার্মগুলো। এদের কোমর ভেঙে গেছে। এই কোমর আর ঠিক হবে না। দেশ স্বাধীন হলেও না। তিনি একটি নিঃশ্বাস ফেললেন। কলিং বেল বাজছে। মেয়ে দুটি এসেছে নিশ্চয়ই। এদের তাঁর ভাল লাগে না। কিন্তু তবু তিনি হাসি মুখে দরজা খুলে বের হলেন। এবং অমায়িক ভঙ্গিতে বললেন—রাগি মা, কেমন আছ?

: ভাল আছি ফুপা।

: অপালা মা, মুখটা এমন কাল কেন?

অপালা জবাব দিল না। সে তার ফুপাকে পছন্দ করে না। একে-বারেই না। ইয়াদ সাহেব বললেন, 'কি গো মা, কথা বলছ না কেন?'

: কথা বলতে ভাল লাগছে না, তাই বলছি না।

ইয়াদ সাহেব চুপ করে গেলেন।

আলম দোকানটির সামনে দাঁড়িয়ে হতস্তত করতে লাগল। এটিই কি সেই দোকান? নাম অবশিষ্ট রকমই—মডার্ন নিওন সাইনস। এখানেই সবার জড় হবার কথা। কিন্তু দোকানটি সদর রাস্তার ওপরে। তাছাড়া ভেতরে যে লোকসান বসে আছে, তার চেহারা কেমন বিহারী বিহারী। কার সঙ্গে টেলিফোনে কথা বলতে বলতে হেসে গড়িয়ে পড়ছে। কোন বাঙালী ছেলে এই সময়ে এমনভাবে হাসবে না। এটা হাসির সময় না। আলম দোকানে ঢুকে পড়ল।

চেক হাওয়াই সার্ভ পেরা ছেলেটির ঠোঁটের ওপর সুঁচালো গৌফ। গলায় সোনার চেইন বের হয়ে আছে। রোগা টিঙটিঙে, কিন্তু কথা বলার ভঙ্গি কেমন উদ্ধত। ছেলেটি টেলিফোন নামিয়ে রাগী গলায় বলল, 'কাকে চান?'

: এটা কি মডার্ন নিওন সাইন?

: হ্যাঁ।

: আমি আশফাক সাহেবকে খুঁজছি।

: আমিই আশফাক। আপনার কি দরকার?

: আমার নাম আলম।

ছেলেটির তীক্ষ্ণ দৃষ্টি আরো তীক্ষ্ণ হল, কিন্তু কথা বলল নরম গলায়—

আপনি ভেতরে ঢুকে যান। সিঁড়ি আছে। সিঁড়ি দিয়ে দোতলায় চলে যান।

ঃ আর কেউ এসেছে ?

ঃ রহমান ভাই এসেছেন। যান আপনি ভেতরে চলে যান।

ভেতরটা অন্ধকার। অসংখ্য নিওন টিউব চারদিকে ছড়ানো। একজন বুড়োমত লোক এই অন্ধকারে বসেই কি সব নকশা করছে। সে একবার চোখ তুলে আলমকে দেখল। তার কোন রকম ভাবান্তর হলো না। চোখ নামিয়ে নিজের মত কাজ করতে লাগল।

দোতলায় দুটি ঘর। একটিতে প্রকাশ্যে একটি তালি ঝুলছে। অন্যটি খোলা, রঙিন পর্দা ঝুলছে। রেলিং-এ মেয়েদের কিছু কাপড়। ঘরের ভেতর থেকে ক্যাসেটে গানের শব্দ আসছে—হাওয়ামে উড়তা যাম্মে মেরা লাল দুপাত্তা মলমল। আলম ধাঁধায় পড়ে গেল। সে মৃদু স্বরে ডাকল, ‘রহমান, রহমান।’

রহমান বেরিয়ে এলো। তার গায়ে একটা জামা জ্যাকেট। মুখ শুকনো। এশিনতেই সে ছোটখাটো মানুষ। একশ তাকে আরো ছোট দেখাচ্ছে। রহমান হাসতে চেষ্টা করল।

ঃ আসুন আলম ভাই।

ঃ তোমার এই অবস্থা কেন ? কি হয়েছে ?

ঃ শরীর খারাপ। জ্বর, সর্দি, কশি—বুড়োদের অসুখ বিসুখ।

ঃ জ্বর কি বেশি ?

ঃ একশ দুই। অসুখে হবে না। চারটা গ্র্যাসপিরিন খেয়েছি। জ্বর নেমে যাবে। সন্ধ্যায় একশ তিন ছিল। ভেতরে আসুন আলম ভাই।

ঃ ভেতরে কে কে আছে ?

ঃ কেউ এখনো এসে পৌঁছেনি। আমি ফাস্ট, আপনি সেকেন্ড। এসে পড়বে।

আলম ঘরে ঢুকল। ছোট্ট ঘর। আসবাবপত্র ঠাসা। বেমানান একটা কারুকর্ম করা বিশাল খাট। খাটের সঙ্গে লাগোয়া একটা স্টীলের আলমারি। তার এক হাত দূরে ড্রেসার। জানালার কাছে খাটের মতই বিশাল টেবিল। এত ছোট্ট একটা ঘরে এতগুলো আসবাবের জায়গা হল কিভাবে কে জানে।

আলম নিচু গলায় বলল, ‘জিনিসপত্র সব কি এখানেই ?’

ঃ সব না, কিছু আছে। বাকিগুলো সাদেকের কাছে। যাত্রাবাড়িতে।

ঃ আশফাক ছেলেরা কেমন ?

ঃ ওয়ান হানড্রেড পারসেন্ট গোল্ড। আপনার কাছে বিহারী বিহারী লাগছিল, তাই না? চুল ছোট করে কাটায় এ রকম লাগছে। গলায় আবার চেইন টেইন আছে। উর্দু বলে ফ্লুয়েন্ট।

ঃ বাড়ি কোথায়?

ঃ খুলনার সাতক্ষিরায়।

ঃ ফ্লুয়েন্ট উর্দু শিখল কার কাছে?

ঃ সিনেমা দেখে দেখে নাকি শিখেছে। নাচে নাগিন বাজে বীণ নামের একটা ছবি নাকি সে ন'বার দেখেছে। আলম ভাই, পা তুলে বসেন।

আলম তিক স্বস্তি বোধ করছিল না। সে থেমে থেমে বলল, 'জায়গাটা কেমন যেন সেফ মনে হচ্ছে না।'

ঃ প্রথম কিছুক্ষণ এ রকম মনে হয়। আমরা মনে হচ্ছিল। আশফাকের সঙ্গে কথাবার্তা বললে বুঝবেন, এটা প্রত্যয় সেফ জায়গা।

ঃ ছেলেটা একটু বেশি স্মার্ট। বেশি স্মার্ট হলেপুলে কেয়ারলেস হয়। আর জায়গাটা খুব এক্সপোজড। মেইন রোডের পাশে।

রহমান শান্ত স্বরে বলল, 'মেইন রোডের পাশে বলেই সন্দেহটা কম। আইসোলেটেড জায়গাগুলোই বেশি সন্দেহজনক।

ঃ আমার কেন জানি ভাল লাগছে না।

ঃ আপনার আসলে আশফাকের ওপর কনফিডেন্স আসছে না। ও যাচ্ছে আমাদের সাথে।

ঃ ও যাচ্ছে মানে?

ঃ গাড়ি চালাবে। ওর একটা পিক আপ আছে। সাদেককে তো আপনিই বলেছেন দুটি গাড়ি থাকবে। পেছনেরটা কভার দেবে। অবশ্য আপনি নিতে না চাইলে ওকে বাদ দেবেন।

নিচে বসে থাকা বুড়ো লোকটি চা আর ডালপুরী নিয়ে এল। রহমান শুয়ে পড়ল চোখ বন্ধ করে। তার বেশ ঘাম হচ্ছে। জ্বর ছেড়ে দিচ্ছে বোধ হয়। সে ক্ষীণ স্বরে বলল, 'চা খান আলম ভাই।'

আলম চা বা ডালপুরীতে কোন রকম আগ্রহ দেখাল না। ঘাড় ঘুরিয়ে ঘুরিয়ে চারদিক দেখতে লাগল। নায়িকাদের ছবি কেটে কেটে দেয়ালে লাগানো। এর মধ্যে বেশির ভাগ ছবিই অত্যন্ত আপত্তিকর। আলম বলল, 'মেয়েমানুষ কেউ কি থাকে এখানে?'

ঃ জি না।

ঃ রেলিং-এ মেয়েদের কিছু জামাকাপড় দেখলাম।

: আমি লক্ষ্য করিনি। আপনার মনের মধ্যে কিছু একটা ঢুকে গেছে আলম ভাই।

আলম জবাব দিল না। গুনগুন করতে করতে আশফাক এসে ঢুকল। ফুতিবাজের গলায় বলল—চা ডালপুরী কেউ খাচ্ছে না, ব্যাপারটা কি। ডালপুরী ফ্রেশ। আলম ভাই, খেয়ে দেখেন একটা। আপনার সঙ্গে পরিচয় করবার জন্যে এলাম।

: বসুন।

: ড্রাইভার হিসেবে আমাকে দলে নেন। দেখেন কি খেল দেখাই। আমার একটা পংখীরাজ আছে। দেখলে মনে হবে হন্টার দশমাইলও যাবে না, কিন্তু আমি আশি মাইল তুলে আপনাকে দেখাব।

আলম শীতল গলায় বলল, ‘আশফাক সাহেব কিছু মনে করবেন না। এ জায়গাটা আমার সেফ মনে হচ্ছে না।’

আশফাক হকচকিয়ে গেল। বিস্মিত গলায় কথকথ—সেফ মনে হচ্ছে না কেন?

: জানি না কেন। ইনট্রাশন বলতে পারেন।

: ঢাকা শহরে যে কয়টা সেফ ব্যাংক আছে, তার মধ্যে এটা একটা। আশপাশের সবাই আমাকে কড্ডা পক্ষিস্তানী বলে জানে। মাবুদ খাঁ বলে এক ইনফেনাট্রির নেজরেশন স্পি আমার খুব খাতির। সে সপ্তাহে অন্তত একদিন আমার ঘরে আসে আড্ডা দেবার জন্যে।

আলম কিছু না বলে সিগারেট ধরাল। আশফাক বলল, ‘এখনো কি আপনার এ বাড়ি ইনট্রাশন মনে হচ্ছে?’

: হ্যাঁ হচ্ছে।

: তাহলে সবাই আসুক, তারপর আমরা অন্য কোথাও চলে যাব।

সবাই ঢুপ করে গেল। আশফাককে দেখে মনে হচ্ছে সে আহত হয়েছে। হাতের সিগারেট ফেলে দিয়ে সে সঙ্গে সঙ্গে দ্বিতীয় সিগারেট ধরাল। নিষ্প্রাণ গলায় বলল—রহমান ভাই, আপনার জ্বর কি কমেছে?

: বুঝতে পারছি না। ঘরে থার্মোমিটার আছে?

: আছে।

থার্মোমিটার দিয়ে দেখা গেল জ্বর একশর অল্প কিছু ওপরে, কিন্তু রহমানের বেশ খারাপ লাগছে। বমির বেগ হচ্ছে। বমি করতে পারলে হয়ত একটু আরাম হবে। সে বিছানা থেকে নেমে বাথরুমের দিকে এগল। বাথরুমের দরজা খুলেই হড় হড় করে বমি করল। নাড়ি-ভুঁড়ি

উল্টে আসছে বলে মনে হচ্ছে। পৃথিবী দুলাচ্ছে। রহমান ক্লাস্ত স্বরে বলল, ‘মাথাটা ধুইয়ে দিন তো আশফাক সাহেব। অবস্থা কাহিল।’

আলম চিন্তিত মুখে বলল, ‘তোমার শরীর তো বেশ খারাপ। কিন্তু তোমাকে ছাড়া আমার চলবেও না। ডেটটা কি পিছিয়ে দেব?’

ঃ আরে না। আজই সেই দিন। আমাকে নিয়ে চিন্তা করবেন না। বমি করবার পর ভালই লাগছে। ঘন্টাখানিক শুয়ে থাকলেই ঠিক হয়ে যাবে।

রহমান চাদর গায়ে বিছানায় এসে শোয়ামাত্র ঘুমিয়ে পড়ল। নিচে কথাবার্তা শোনা যাচ্ছে। সাদেকের উঁচু গলায় ফুর্তির ছোঁয়া। যেন তারা সাবাই মিলে পিকনিকে যাবার মত কোনো ব্যাপার নিয়ে আলাপ করবে। রঙ-তামাশা করবে।

মতিন সাহেব আজ অফিসে যাননি। যাবার আগে তেরি হয়েছিলেন। জামা জুতো পরেছিলেন। দশবার ইয়া সফরত মু বলে ঘর থেকেও বেরিয়েছিলেন। পিলখানার তিন নম্বর পিটের কাছে এসে একটি অস্বাভাবিক দৃশ্য দেখে পাথর হয়ে গোলেন। খোলা ট্রাকে করে দুটি অল্পবয়েসী ছেলেকে নিয়ে যাচ্ছে। ছেলে দুটির হাত পেছন দিকে বাঁধা। জাবশুনা মুখ। একজনের চোখে আঘাত লেগেছে। চোখ এবং মুখের এক অংশ বীভৎস ভাবে ফুলে উঠেছে। কালো পোশাক পরা একদল মিলিশিয়া ওদের নিয়ে আছে। তাদের একজনের হাতে একটি রুমাল। সে রুমাল দিয়ে খেলার ছলে ছেলে দুটির মাথায় ব্যাপটা দিচ্ছে, বাকিরা সবাই হেসে উঠছে। ট্রাক চলছিল। কাজেই দৃশ্যটির স্থায়ীত্ব খুব বেশি হলে দেড় মিনিট। এই দেড় মিনিট মতিন সাহেবের কাছে অনন্তকাল বলে মনে হলো। সমস্ত ব্যাপারটাতে প্রচণ্ড হৃদয়হীন কিছু আছে। মতিন সাহেবের পা কাঁপতে লাগল। মাথা বিম্ব বিম্ব করতে লাগল। ব্যাপারটা যে শুধু তাঁর ক্ষেত্রেই ঘটল তা নয়। তাঁর আশেপাশে যারা ছিল সবাই যেন কেমন হয়ে গেল। মতিন সাহেবের মনে হল ছেলে দুটিকে ওরা যদি মারতে মারতে নিয়ে যেত তাহলে তাঁর এমন লাগত না। রুমাল দিয়ে ছুঁয়ে ছুঁয়ে তামাশা করছে বলেই এমন লাগছে। তিনি বাসায় ফিরে চললেন।

পানওয়াল্লা ইদ্রিস বলল, ‘অফিসে যান না?’

ঃ না। শরীরটা ভাল না। দেখি একটা পান দাও।

পান খাওয়ার তাঁর দরকার ছিল না। এ সময়ে সবাই অদরকারী জিনিসগুলো করে। অপ্রয়োজনীয় কথা বলে। ভয় কাটানোর জন্যেই করে। ভয় তবু কাটে না। যত দিন যায় ততই তা বাড়তে থাকে।

ঃ দুটো ছেলেকে ধরে নিয়ে গেল। দেখলে ইপ্রিস মিয়া ?

ঃ জি দেখলাম। নেন পান নেন।

মতিন সাহেব পান মুখে দিয়ে নিচু গলায় বললেন—এই অবস্থা বেশি দিন থাকবে না। আজদহা নেমে গেছে।

বলেই তিনি হকচকিয়ে গেলেন। একজন পানওয়ালার সঙ্গে এসব কি বলছেন? ইপ্রিস মিয়া হয়ত তাঁর কথা পরিশ্কার শোনে নি। কিংবা শুনেও অর্থ বুঝতে পারে নি। সে একটি আগরবাতি জ্বালাল। আগেরটি শেষ হয়ে গেছে।

সুরমা একবার জিজ্ঞেসও করলেন না—আজকাল যাও নি কেন? তিনি নিজের মনে কাজ করে যেতে লাগলেন। সাধান পানি দিয়ে ঘরের মেঝে নিজের হাতে মুছলেন। কাপড়ি শুকাতো দিলেন। বাথরুমে ঢুকলেন প্রচুর কাপড় নিয়ে। আজ শুধুমাত্র একদিন পর কড়া রোদ উঠেছে। রোদটা ব্যবহার করা উচিত।

মতিন সাহেব কি করবেন ভেবে পেলেন না। কিছুক্ষণ বারান্দায় বসে রইলেন, তারপরই তাঁর মনে হল অফিসে না গিয়ে তিনি বারান্দায় বসে আছেন এটা বিশিষ্টজনের চোখে পড়বে। তিনি ভেতরের ঘরে গেলেন। ঝকঝক শব্দে মাড়িয়ে যেতে খারাপ লাগে। সুরমা কিছু বলছেন না, কিন্তু তাঁকিয়ে আছেন কড়া চোখে। মতিন সাহেব বাগানে গেলেন। বাগান মানে বারান্দার কাছ ঘেঁসে এক চিলতে উঠোন। দীর্ঘ দিন ধরে তিনি এখানে শাকসব্জি ফলাবার চেষ্টা করছেন। ফলাতে পারেন নি। মরা মরা ধরনের কিছু গাছপালা হয়ে কিছুদিন পর আপনাআপনি শুকিয়ে যায়। সার-টার সব দিয়েও একই অবস্থা। নিজেই একবার মাটি নিজে জয়দেবপুর গিয়েছিলেন সয়েল টেস্টিং-এর জন্যে। তারা এক সপ্তাহ পর যেতে বলল। তিনি গেলেন এক সপ্তাহ পর। তিনি ঘন্টা বসে থাকার পর কামিজ পরা অত্যন্ত স্মার্ট একটি মেয়ে এসে বলল—আপনার স্যাম্পলতো খুঁজে পাওয়া যাচ্ছে না। আপনি কি কষ্ট করে আরেকবার খানিকটা স্যাম্পল দিয়ে যেতে পারবেন? দু'এক দিনের মধ্যে নিয়ে আসুন। তিনি নিজে যান নি।

কয়েকদিনের ক্রমাগত বৃষ্টির জন্যে বাগান কাদা হয়েছে। জুতো শুদ্ধ পা অনেকখানি কাদায় ডেবে গেল। তিনি অবশ্যি তা লক্ষ্য করলেন না, কারণ তাঁর চোখ গিয়েছে কাঁকরুল গাছের দিকে। কাঁকরুল গাছ যে লাগানো হয়েছে তা তাঁর মনে ছিল না। আজ হঠাৎ দেখলেন একটা সতেজ গাছ। চড়া সবুজ রঙের পাতা চক চক করছে। তার চেয়েও বড় কথা পাতার ফাঁকে বড় বড় কাঁকরুল ঝুলছে। কেউ লক্ষ্যই করেনি। একটি আবার পেকে হলুদ বর্ণ হয়েছে। মতিন সাহেব চোঁচিয়ে উঠলেন—রাত্রি রাত্রি। রাত্রি বাসায় নেই। ভোরবেলায় তাঁর চোখের সামনে গাড়ি এসে নিয়ে গিয়েছে, তা তাঁর মনে রইল না। উত্তেজিত স্বরে তিনি দ্বিতীয়বার ডাকলেন—রাত্রি, রাত্রি।

সুরমা ঘর মোছা বন্ধ করে বারান্দায় এসে দাঁড়ালেন। তাঁর মুখ বিষণ্ণ। খানিকটা উদ্বেগ মিশে আছে সেখানে। তিনি বললেন, 'কি হয়েছে?'

ঃ সুরমা, কাঁকরুল দেখে যাও। গাছ শুষ্ক হয়ে আছে। কেউ এটা লক্ষ্যও করে নি। কি কাণ্ড!

সুরমা সত্যি সত্যি নেমে এলেন। তাঁর যা স্বভাব তাতে নেমে আসার কথা নয়। নোংরা কাদা থেকে থিক বাগানে পা দেয়ার প্রয়াস ওঠে না।

ঃ সুরমা দেখ দেখ গাছটার দিকে দেখ। কেন এসব এতদিন কেউ দেখল না?

মতিন সাহেব তাঁর মমতায় গাছের পাতায় হাত বোলাতে লাগলেন।

শুধু পুঁই গাছ নয়। রান্নাঘরের পাশের খানিকটা জায়গায় ডাঁটা লাগিয়েছিলেন। লাল লাল পুরুশ্টু ডাঁটা সেখানে। নিশ্ফলা মাটিতে হঠাৎ করে প্রাণ সঞ্চার হ'ল নাকি? আনন্দে মতিন সাহেবের দম বন্ধ হয়ে যাবার মত হলো। রাত্রিকে খবর দিতে হবে। ওরা এলে এক সঙ্গে সঞ্জি তোলা হবে। তাছাড়া বাগান পরিষ্কার করতে হবে। বড় বড় ঘাস জন্মেছে। এদের টেনে তুলতে হবে। মাটিকোপাতে হবে। ডাঁটা ক্ষেতে পানি জমেছে, নালা কেটে পানি সরাতে হবে। অনেক কাজ। অফিসে না গিয়ে ভাল হয়েছে। রাত্রিকে খবর দেয়া দরকার। মতিন সাহেব কাদামাখা জুতো নিয়েই শোবার ঘরে ঢুকে পড়লেন। রাত্রিকে টেলিফোন করলেন। সুরমা দেখলেন তাঁর ধোয়া-মোছা মেঝের কি हाल হলো। কিন্তু তিনি কিছু বললেন না।

রাত্রিকে টেলিফোনে পাওয়া গেল না। নাসিমা বলল, 'ওর সঙ্গে এখন কথা বলা যাবে না। তুমি ঘণ্টাখানিক পরে রিং করবে।'

মতিন সাহেব বিস্মিত হয়ে বললেন, এখন সে কি করছে ?

ঃ একজন ভদ্রমহিলা তাকে দেখতে এসেছেন। সে কথা বলছে তাঁর সঙ্গে।

ঃ কেন দেখতে এসেছে রাত্রিকে ?

ঃ কেন তুমি জান না ? তোমাকে তো বলা হয়েছে।

ঃ নাসিমা ব্যাপারটা কি খুলে বল তো।

ঃ এখন বক বক করতে পারব না। রান্নাবান্না করছি। উনি থাকেন এখানে।

ঃ কে এখানে থাকেন ?

ঃ দাদা, পরে তোমাকে সব গুছিয়ে বলব। এখন রেখে দিই। তুমি বরং অপালার সঙ্গে কথা বল। ওকে ডেকে দিচ্ছি।

মতিন সাহেব রিসিভার কানে নিয়ে আশঙ্কিত করতে লাগলেন। অপালা আসছেই না। কোনো একটা গল্পের বই পড়ছে নিশ্চয়ই। গল্পের বই থেকে তাকে উত্তিয়ে আনা যাবে না। তিনি যখন টেলিফোন রেখে দেবেন বলে মন স্থির করে ফেলেছেন তখন অপালার চিকন গলা শোনা গেল।

ঃ হ্যালো বাবা।

ঃ হ'।

ঃ কি বলবে তুই বাড়ি বল।

মতিন সাহেব উৎকর্ষিত স্বরে বললেন, 'তোদের এখানে কি হচ্ছে ?'

ঃ আপার বিয়ে হচ্ছে।

ঃ কি বললি !

ঃ আপার বিয়ে হচ্ছে। বিবাহ। শুভ বিবাহ।

ঃ কি বলছিস এসব, কিছু বুঝতে পারছি না।

অপালা বিরক্ত স্বরে বলল, 'বাবা, আমি এখন রেখে দিচ্ছি।' সে সত্যি সত্যি টেলিফোন রেখে দিল।

রাত্রি পা ঝুলিয়ে খাটে বসে আছে। তার সামনে বসে আছেন মিসেস রাবেয়া করিম। রাত্রির ধারণা ছিল একজন বুদ্ধোন্নত মহিলা আসবেন। তাঁর পরনে থাকবে সাদা শাড়ি। তিনি আড়চোখে রাত্রিকে কয়েকবার দেখে ভাসা ভাসা ধরনের কিছু প্রশ্ন করবেন—বাড়ি কোথায় ?

ক'তাই বোন? কি পড়? কিন্তু তার সামনে যিনি বসে আছেন তিনি সম্পূর্ণ অন্য রকম মহিলা। রেডক্রস লাগানো কালো একটি মরিস মাইনর গাড়ি নিজে চালিয়ে নিয়ে এসেছেন। মহিলাদের গাড়ি চালানো এমন কিছু অদ্ভুত ব্যাপার নয়। অনেকেই চালাচ্ছে। নাসিনাও চালায়, কিন্তু এই সময়ে একজন একা একা গাড়ি করে যাওয়া আসা করে না।

ভদ্রমহিলা বেশ লম্বা। মাথার চুল কাঁচাপাকা। মুখটি কঠিন হলেও চোখ দুটি হাসি হাসি। অসম্ভব আত্মবিশ্বাসী একজন মহিলা। রাত্রিকে দেখে প্রথম যে কথাটি বললেন তা হচ্ছে, 'তোমার ইন্টারভ্যু নিতে এলাম মা।' রাত্রি হকচকিয়ে গেল।

ঃ প্রথমে নিজের পরিচয় দিয়ে নিই। আমি একজন ডাক্তার, মেডিকেল কলেজে গাইনির এসোসিয়েট প্রফেসর। আমার নাম রাবেয়া। তোমার ভাল নামটি কি?

ঃ ফারজানা।

ঃ তুমি বস এবং বল এত সুন্দর তুমি কি জাদু হলো? এটা আমার প্রথম প্রশ্ন। খুব কঠিন প্রশ্ন।

ভদ্রমহিলা হাসতে লাগলেন। রাত্রি কিছু বলবে ভেবে পেল না।

ঃ হঠাৎ করে কেউ সুন্দর হবু না। এর পেছনে জেনেটিক কারণ থাকে। মনের সৌন্দর্য একজন দৃষ্টি নিজে ডেভেলপ করতে পারে কিন্তু দেহের সৌন্দর্য উত্তরাধিকার থেকে পেতে হয়। বল, তোমার মা এবং বাবা এদের দু'জনের মধ্যে কে সুন্দর?

ঃ মা।

ঃ শোন রাত্রি, তোমাকে আমার পছন্দ হয়েছে। তা'কিছুই মিন করো না। তোমার পছন্দ অপছন্দ আছে। এবং আমার মনে হচ্ছে তুমি খুব খুঁতখুঁতে ধরনের মেয়ে। আমি কি ঠিক বলেছি?

ঃ ঠিকই বলেছেন।

ভদ্রমহিলা চা খেলেন। অপালার সঙ্গে খানিকক্ষণ গল্প করলেন এবং এক পর্যায়ে একটি হাসির গল্প বললেন। হাসির গল্পটি একটি ব্যাঙ নিয়ে। পরপর কয়েকদিন রুশিট হওয়ায় ব্যাঙটির সর্দি হয়ে গেছে। ব্যাঙ সমাজে ছি ছি পড়ে গেছে। বেশ লম্বা গল্প। অপালা মুগ্ধ হয়ে গেল। কিছুক্ষণ পর পর হাসিতে ভেঙে পড়তে লাগল।

ভদ্রমহিলা এসেই বলেছিলেন আধঘন্টা থাকবেন। কিন্তু তিনি পুরোপুরি তিন ঘন্টা থাকলেন। দুপুরের খাবার খেলেন। খাবার শেষ করে রাত্রিকে বারান্দায় ডেকে নিয়ে গেলেন। অস্বাভাবিক নরম গলায়

বললেন, 'মা, তোমাকে কি আমি আমার ছেলে সম্পর্কে দু'একটি কথা বলতে পারি?'

রাত্রি লজ্জিত স্বরে বলল, 'বলুন।'

ঃ তার সবচে দুর্বল দিকটির কথা আগে বলি। ওর খিংকিং প্রসেসটা একটু স্লেয়া বলে আমার মনে হয়। যখন কেউ কোনো হাসির কথা বলে তখন সে প্রায়ই বুঝতে পারে না। বোকা মানুষদের মত বলে—ঠিক বুঝতে পারলাম না।

রাত্রি অবাক হয়ে ওদ্রমহিলার দিকে তাকিয়ে বইল। তিনি এই কথাটি বলবেন, তা বোধ হয় সে ভাবে নি।

ঃ এখন বলি ওর সবচে সবল দিকটির কথা। পুরোনো দিনের গল্প উপন্যাসে এক ধরনের নায়ক আছে যারা জীবনে কোনো পরীক্ষাতে সেকেণ্ড হয় না। ও সে রকম একটি ছেলে। মা, আমি খুব খুশি হব তুমি যদি খানিকটগ ওর সঙ্গে কথা বল। আমার ধারণা কিছুকণ কথা বললেই তোমার ওকে পছন্দ হবে। অবশিা ও কথা বলবে কি না জানি না। মা লাজুক ছেলে।

ছেলেটিকে না দেখেই রাত্রির কেমন মনে পছন্দ হল। কথা বলতে ইচ্ছে হল। তার একটু লজ্জা লজ্জাও ছিল। ওদ্রমহিলা বললেন, 'মা তুমি কি ওর সঙ্গে কথা বলবে?'

ঃ হ্যাঁ বলব।

ঃ খ্যাংকম্বা। যাই কখনো?

যাই বলার পরও রাত্রি আরো কিছুকণ থাকলেন। নাসিমার সঙ্গে গল্প করলেন। অপালাকে আরো একটি হাসির গল্প বললেন। সেই গল্পটি তেমন জমল না। অপালা গম্ভীর হয়ে রইল।

ওরা মডার্ন নিউন সাইন থেকে বেরল দুপুর দুটোয়। রহমানকে রেখে যেতে হলো কারণ তার উঠে দাঁড়াবার সামর্থ্য নেই। আলম চেয়ে-ছিল রহমানকে তার আগের জায়গায় রেখে আসতে। দলের সবাই আপত্তি করল। নাড়াচাড়া করার কোনো দরকার নেই। এখানে বিশ্রাম করুক। অশফাক বলল, 'জহর মিয়া আছে—সে দেখাশোনা করবে! দরকার হলে চেনা একজন ডাক্তার আছে, তাকে নিয়ে আসবে।'

আলম গম্ভীর হয়ে রইল। রহমানকে বাদ দিয়ে আজকের অগারেশন শুরু করতে তার মন চাইছে না। এবং কেন যেন জায়গাটাকে তার নিরাপদ মনে হচ্ছে না। সারাক্ষণই মনে হচ্ছে কিছু একটা হবে।

এ রকম মনে হবার তেমন কোনো কারণ নেই। এই শহরে মিলি-টারিরা নিশ্চিত জীবন যাপন করছে। এরা এখানে শঙ্কিত নয়। আলাদাভাবে কোন বাড়ি-ঘরের দিকে নজর দেবে না। নজর দেবার কথাও নয়।

সাদেক বলল, 'আলম তুই এত গস্তীর কেন? ভয় পাচ্ছিস নাকি? আলম বলল, 'বেরিয়ে পড়া যাক।'

তারা উঠে দাঁড়াল। আশফাককে নিয়ে ছ'জনের একটি দল। আলম বলল, 'রহমান চললাম।' রহমান উত্তর দিল না। তাকিয়ে রইল। তার জ্বর নিশ্চয়ই বেড়েছে। চোখ ঘোলাটে। জ্বরের জন্যে মুখ লাল হয়ে আছে।

তারা রাস্তায় পেরুতেই একটি মিলিশিয়াদের ট্রাক চলে গেল। মিলি-শিয়ারা ভাবলেশহীন মুখে তাকিয়ে আছে। মনে হয় অল্প কিছুদিন হলো এ দেশে এসেছে। নতুন পরিবেশে নতুন ধরনের জীবনযাত্রায় এখনো অভ্যস্ত হয়ে ওঠে নি।

সাদেক বলল, 'রওনা হবার আগে পান খেলে কেমন হয়? কেউ পান খাবে?'

জবাব পাওয়া গেল না। সাদেক চম্বা লম্বা পা ফেলে পান কিনতে গেল। নুরু বলল, 'সাদেক ভারি পান খুব ফুটি লাগছে মনে হয়। হাসতে হাসতে কেমন গল জমিয়েছে মনে।'।

সাদেক সত্যি সত্যি হাত পা নেড়ে কি সব বলছে। সিগারেট কিনে শিস দিতে দিতে আসছে। এই ফুতির ভাবটা কতটুকু আন্তরিক? বোঝার উপায় নেই। ফুতির ব্যাপারটা কারো কারো চরিত্রের মধ্যেই থাকে। হয়ত সাদেকেরও আছে।

আলম আকাশের দিকে তাকাল। নির্মঘ আকাশ। ঘন নীল বর্ণ। বর্ষাকালের আকাশ এত নীল হয় না। আজ এত নীল কেন?

ভদ্রলোকের পরনে হাফ হাওয়াই সার্ট। বয়স খুব বেশি হলে পঁয়ত্রিশ হবে। কালো ফ্রেমের ভারী চশমার জন্যে বয়স কিছু বেশি মনে হচ্ছে। বেশ লম্বা, হাঁটছেন মাথা নিচু করে। তাঁর ডান হাতে একটি প্যাকেট। বাঁ হাত ধরে একটি মেয়ে হাঁটছে—তার বয়স পাঁচ ছ' বছর। ভারী

মিষ্টি চেহারা। তাকিয়ে থাকতে ইচ্ছে করে। ছোট মেয়েটি ক্রমাগত কথা বলছে। ভদ্রলোক তার কোনো কথার জবাব দিচ্ছেন না। ভদ্রলোকের কম কথা বলার স্বভাবের সঙ্গে মেয়েটি পরিচিত। তাদের গাড়িটি বেশ খানিকটা দূরে পার্ক করা। তারা ছোট ছোট পা ফেলে গাড়ির দিকে যাচ্ছে।

জায়গাটা বায়তুল মুকাররম। সময় তিনটা পাঁচ।

ভদ্রলোকের গাড়িটি নতুন। সাদা রঙের টয়োটা করোলা। ফোর ডোর। রাস্তার বাঁয়ে দৈনিক পাকিস্তানের দিকে মুখ ফিরিয়ে প্যারালাল পার্ক করা। গাড়িটির কাছে পৌঁছতে হলে রাস্তা পার হতে হয়।

তিনি সাবধানে রাস্তা পার হলেন। লক্ষ্য করলেন তাঁর সঙ্গে দুটি ছেলেও রাস্তা পার হলো। এরা বারবার তাকাচ্ছে তাঁর দিকে। ভদ্রলোক একটু অস্বস্তি বোধ করতে লাগলেন। এই ছেলে দুটি অনেকক্ষণ ধরেই আছে তাঁর সঙ্গে, ব্যাপার কি? তিনি গাড়ির হাতলে হাত রাখামাত্র চশমা পরা লম্বা ছেলেটি এগিয়ে এল।

: আপনার সঙ্গে আমার কিছু কথা আছে।

: আমার সঙ্গে কি কথা? আমি আপনাকে চিনি না।

ভদ্রলোক গাড়ির দরজা খুললেন। ছেলেটি শীতল কণ্ঠে বলল, 'গাড়িতে উঠবেন না। আপনার গাড়িটি দরকার। চিৎকার চেঁচামেচি কিছু করবেন না। যেভাবে দাঁড়িয়ে আছেন, সেভাবে দাঁড়িয়ে থাকুন।'

ভদ্রলোক দাঁড়িয়ে বসলেন। ছোট মেয়েটি অবাক হয়ে তাকিয়ে আছে। লম্বা ছেলেটি বলল, 'আমরা মুক্তিযোদ্ধার একটি গেরিলা ইউনিট, কিছুক্ষণের ভেতর ঢাকা শহরে অপারেশন চালাব। আপনার গাড়িটা দরকার। চাবি দিয়ে দিন।'

ভদ্রলোক চাবি তুলে দিলেন।

: গাড়িতে কোনো সমস্যা নেই তো? ভাল চলে?

: নতুন গাড়ি, খুবই ভাল চলে। তেল নেই। আপনাদের তেল নিতে হবে।

: নিয়ে নেব।

: তেল কেনবার টাকা আছে তো? টাকা না থাকলে আমার কাছ থেকে নিতে পারেন।

: টাকা আছে।

ভদ্রলোক হাসলেন। তিনি তাঁর মেয়ের হাতে মুদু চাপ দিয়ে মেয়েকে আশ্বস্ত করলেন। নরম স্বরে বললেন, 'মা, এঁদের সলামালিকুম দাও।'

মেয়েটি চুপ করে রইল। তার চোখে স্পষ্ট ভয়। সে অল্প অল্প কাঁপছে।

ঃ আপনি এখন থেকে ঠিক দু'ঘন্টা পর থানায় ডায়রি করাবেন যে আপনার গাড়িটি চুরি হয়েছে। এর আগে কিছুই করবেন না।

ভদ্রলোক মাথা ঝাঁকালেন এবং হাত বাড়িয়ে দিলেন। ভদ্রলোকের হাত মেয়েদের হাতের মত কোমল।

ঃ আমার নাম ফারুক চৌধুরী। আমি একজন ডাক্তার। এ তুণা, আমার বড় মেয়ে। আজ ওর জন্মদিন। আমরা কেক কিনতে এসেছিলাম।

লম্বা ছেলোটি বলল, 'আমার নাম আলম, বদিউল আলম। শুভ জন্মদিন তুণা।'

আলম গাড়িতে উঠে দরজা লাগিয়ে দিল। গাড়ি চালাবে গৌরাজ। আলম বসেছে গৌরাজের পাশে। পেছনের সীটে সাদেক এবং নুরু।

আশফাকের গাড়িতে থাকবে শুধু নাজমুল। বেশ মানুষের সেখানে থাকার দরকার নেই। এটি হচ্ছে কভার দেরার গাড়ি। একটি সেলফ লোডিং রাইফেল হাতে নাজমুল একাই যথেষ্ট। সে মহা ওস্তাদ ছেলে। উৎসাহ একটু বেশি। তবে সেই বাড়িটি উৎসাহের জন্যে এখন পর্যন্ত কাউকে বিপদে পড়তে হয়নি। আজও বিপদে পড়তে হবে না।

দুটি গাড়ি মগবাজার এলাকায় দিকে চলল। আশফাকের গাড়িটিতে অস্ত্রশস্ত্র আছে। তার কিছু কিছু সামনের টয়োটায়ে তুলতে হবে।

রহমান ও সাদেকের হাতে থাকবে গ্রেটইনগান। ক্লাজ রেজ উইপন। ঠিকমত ব্যবহার করতে পারলে এটি একটি চমৎকার অস্ত্র। গেরিলাদের জন্যে আদর্শ। ছোট এবং হালকা। নুরুর দায়িত্বে এক বাস্ক গ্রেনেড। নুরু হচ্ছে গ্রেনেড যাদুকর। নিশানা, ছোড়বার কায়দা, টাইমিং কোথাও কোন খুঁত নেই। অথচ এই ছেলে মহা বিপদ ঘটাতে যাচ্ছিল।

ইল্ট বেঙ্গল রেজিমেন্টের সার্জেন্ট মেজর, ময়না মিয়া গ্রেনেড ছোড়বার ট্রেনিং দিচ্ছেন। পরিষ্কার করে সব বুঝিয়ে দিলেন—

'পিনটা খোলবার পর হাতে সময় হচ্ছে সাত সেকেন্ড। খেয়াল রাখবেন সাত সেকেন্ড। মনে হচ্ছে খুব কম সময়। আসলে অনেক বেশি সময়। সাত সেকেন্ডে অনেক কিছু করা যায়। ব্রাদারস, খেয়াল রাখবেন সাত সেকেন্ডে অনেক সময়। পিন খুলে নেবার পর যদি শুধু চিন্তা করতে থাকেন এই বুঝি ফাটল, এই বুঝি ফাটল তাহলে মুশকিল।

মানের ভয়ে হাড়াহড়ো করবেন। নিশানা ঠিক হবে না। খেয়াল রাখবেন সাত সেকেণ্ড অনেক সময়। অনেক সময়।’

নুরুকে গ্রেনেড দিয়ে পাঠানো হল। ছোঁড়বার ট্রেনিং হবে। নুরু ঠিকমতই গ্রেনেডের পিন দাঁত দিয়ে খুলল। তারপর সে আর ছুঁড়ে মারছে না। হাতে নিয়ে মৃতির মত দাঁড়িয়ে আছে। ময়না মিয়া চৌচাল “ছুঁড়ে মারেন, ছুঁড়ে মারেন। দাঁড়িয়ে আছেন কেন?” নুরু কাঁপা গলায় বলল, ‘আমার হাত শক্ত হয়ে গেছে, ছুঁড়তে পারছি না।’ নুরুর মুখ রক্তশূন্য।

বিদ্যুতের গতিতে ছুটে গেলেন ময়না মিয়া। গ্রেনেড কেড়ে নিয়ে ছুঁড়ে মারবার প্রায় সঙ্গে সঙ্গেই প্রচণ্ড বিস্ফোরণ হল। ময়না মিয়া নুরুকে নিয়ে মাটিতে শোবারও সময় পেলেন না। সৌভাগ্যক্রমে কারো কিছু হলো না। ময়না মিয়া ঠাণ্ডা গলায় বললেন, ‘নুরু ভাই আরেকটা গ্রেনেড ছোঁড়েন। এখন আমি আছি আপনার কাছে।’ নুরু বলল, ‘আনি পারব না।’ ময়না মিয়া প্রচণ্ড একটা চড় কম্পন করে। তারপর বললেন, ‘যা বলছি করেন।’

নুরু গ্রেনেড ছুঁড়ল। সার্জেন্ট মেজর ময়না মিয়া বললেন, ‘নুরু ভাই হবেন গ্রেনেড মারায় এক নম্বর।’

ময়না মিয়ার কথা সত্যি হয়েছে। ময়না মিয়া তা দেখে যেতে পারেননি। মান্দার অপারেশনে তারা গেছেন।

আলম ছোট্ট একটি মিয়াসি ফেলল। ময়না মিয়ার কথা মনে হলেই মন দ্রবীভূত হয়ে যায়। বক হ হ করে। দেশ স্বাধীন হবার আগেই কি দেশের বীর পুত্রদের দিবাই শেষ হয়ে যাবে?

ঃ আলম।

ঃ বল।

ঃ গাড়ি কোথাও রাখতে হবে, আমার পেছাব করতে হবে। কিডনী প্রেসার দিচ্ছে। একটা নর্দমার কাছে গাড়িটা থামা তো গৌরাজ।

গৌরাজ গাড়ি থামাল।

গাড়ি এগুচ্ছে খুব ধীরে। যেন কোনো রকম তাড়া নেই। গৌরাজ পেছনের পিক আপটির দিকে লক্ষ্য রাখতে চেষ্টা করছে। ব্যাক মিররটা ভাল না। বাঁকা হয়ে আছে। পেছনে কে আসছে দেখার জন্যে ঘাড় বাঁকা করতে হয়। আলমের মনে হল গৌরাজ বেশ নার্ভাস।

গৌরঙ্গ ।

ঃ বলেন।

ঃ পেছনের দিকে লক্ষ্য রাখার তোমার কোনো দরকার নেই, তুমি চালিয়ে যাও ।

ঃ জি আচ্ছা।

ঃ এত আস্তে না। আরেকটু স্পীডে চালাও। রিকশা তোমাকে ওভারটেক করছে।

গৌরঙ্গ মুহূর্তে স্পীড বাড়িয়ে দিল। তার এতটা নার্ভাস হবার কারণ কি? আলম পরিবেশ হালকা করার জন্যে বলল 'সেন্ট মেখেছ নাকি গৌরঙ্গ? গন্ধ আসছে। কড়া গন্ধ।'

গৌরঙ্গ লজ্জিত স্বরে বলল, 'সেন্ট না। আফটার শেভ দিয়েছি।'

ঃ দাড়ি গোঁফ গজাচ্ছে না, আফটার শেভ কেন?

সবাই হেসে উঠল। গৌরঙ্গও হাসল। পরিবেশ হালকা করার একটা সচেতন প্রচেষ্টা। সবার ভাবভঙ্গি এ মুহূর্তে যে বেড়াতে যাচ্ছে। আলগা একটা ফুতির ডাব। কিন্তু বাতাসে উত্তেজনা। রক্তে কিছু একটা নাচছে। প্রচুর পরিমাণে এন্ড্রোসিন চলে এসেছে পিটুইটারী গ্লান্ড থেকে। সবার নিঃশ্বাস ভারী। চোখের মণি তীক্ষ্ণ। গৌরঙ্গের কপালে বিন্দু বিন্দু ঘাম। সে সিগারেট ধরাল। স্টিয়ারিং হুইলে হাত রেখে সিগারেট ধরানোর কৌশলটি চমৎকার। আলম তাকিয়ে তাকিয়ে দেখল। তামাকের গন্ধ উঠে লাগছে না। গা গোলাচ্ছে। আলম একবার ভাবল বলে—সিগারেট ধরলে দাও গৌরঙ্গ। বলা হলো না।

সাদেক পেছমেথ সাটে গা এলিয়ে দিয়েছে। তার চোখ বন্ধ। সে বলল, 'আমি একটু ঘুমিয়ে নিচ্ছি। সময় হলে জাগিয়ে দিও।' রসিকতার একটা চেষ্টা। স্থূল ধরনের চেষ্টা। কিন্তু কাজ দিয়েছে। নুরু এবং গৌরঙ্গ দাঁত বের করে হাসছে। সাদেক এই হাসিতে আরো উৎসাহিত হল। নাক ডাকার মত শব্দ করতে লাগল।

গাড়ি নিউ মার্কেটের সামনে দিয়ে সোজা চুকল মীরপুর রোডে। লালমাটিয়ার কাছাকাছি এসে ডানদিকে টার্ন নিয়ে চলে যাবে ফার্মগেট। সেখানে থেকে হোটেল ইন্টারকন। কাগজে কলমে কত সহজ। বাস্তব অন্য জিনিস। বাস্তবে অদ্ভুত অদ্ভুত সব সমস্যা হয়। মিশাখালিতে যে রকম হল। খবর পাওয়া গেল দশজন রাজাকার নিয়ে তিনজন মিলিটারির একটা দল সুলেমান মিয়ান ঘরে এসে বসে আছে, ডাব খাচ্ছে। মুহূর্তের মধ্যে সাদেক দলবল নিয়ে রওনা হয়ে গেল। দু' তিনটা গুলি

ছুঁড়লেই রাজাকাররা তাদের পাকিস্তানী বন্ধুদের ফেলে পালিয়ে যাবে। অতীতে সব সময়ই এ রকম হয়েছে, কিন্তু সেবার হয়নি। সুলেমান মিয়া'র ঘরে যারা বসেছিল তারা সবাই পাঞ্জাব রেজিমেন্টের একটি কমাণ্ডো ইউনিট। গ্রামে ঢুকছে গানবোট নিয়ে। সাদেক মরতে মরতে বেঁচে গিয়েছে। যাদের নিয়ে গিয়েছিল তাদের সবাইকে প্রায় রেখে আসতে হয়েছিল। ভয়াবহ অবস্থা!

নাজমুল বলল, আপনার ভয় লাগছে নাকি আশফাক সাহেব ?

আশফাক ঠাণ্ডা গলায় বলল, 'আমার এত ভয় নেই।'

ঃ এ্যাকশন কখনো দেখেন নি, এইজন্যে ভয় নেই। একবার দেখলে বুকের রক্ত পানি হয়ে যায়। খুব খারাপ জিনিস।

আশফাক ব্রেকে পা দিল। সামনে একটা বামোলা হয়েছে। এ্যাক-সিডেন্ট হয়েছে বোধ হয়। একটা ঠেলাগাড়ি ট্রাফিক পড়ে আছে। তার পাশে হেডলাইট ভাঙা একটা সবুজ রঙের জীপ। প্রচুর লোকজন এদের ঘিরে আছে। আশফাক ভিড় কমবার জন্যে অপেক্ষা করতে লাগল। ভিড় কমছে না। একজন ট্রাফিক পুলিশ মেয়েদের মত মিনমিনে গলায় কি সব বলছে, কেউ তার কথা শুনছে না। নাজমুল বিরক্ত স্বরে বলল—বামেলা হয়ে গেল দেখুন।

আশফাক নিবিকার যেন কিছুই হয়নি। সে জানালা দিয়ে মাথা বের করে ব্যাপারটা দেখার চেষ্টা করছে। মনে হচ্ছে সে এই বামেলা-টায় বেশ মজা পাচ্ছে। কত অদ্ভুত মানুষ থাকে।

ভিড় চট করে কেটে যেতে শুরু করেছে। কারণ হচ্ছে ইপিআর এক নম্বর গেট থেকে একটি সাদা রঙের জীপ বাঁশি বাজাতে বাজাতে আসছে।

গৌরঙ্গ একসিলেটরে পা দিল। নুরু বলল, 'যাত্রা শুভ না আলম ভাই। যাত্রা খারাপ।'

এ ধরনের কথাবার্তা খুবই আপত্তিজনক। মনের ওপর বাড়তি চাপ পড়ে। এই মূর্ত্তে আর কোনো বাড়তি চাপের প্রয়োজন নেই। আলম ঠাণ্ডা গলায় বলল, 'শুভ কাজের জন্যে যে যাত্রা তা সব সময়ই শুভ।' গৌরঙ্গ স্পীড বাড়িয়ে দিয়েছে। হ হ করে হাওয়া আসছে জানালা দিয়ে। লালমাটির কাছাকাছি আসতেই আবার ব্রেকে পা দিতে হলো।

গৌরাঙ্গ শুকনো গলায় বলল, 'আলম ভাই, কি করব বলেন। ছুটে বেড়িয়ে যাব ?'

ঃ না, গাড়ি থামাও।

ঃ ভাল করে ভেবে বলেন।

ঃ গাড়ি থামাও। সবাই তৈরি থাক।

গাড়ি রাস্তার পাশে এসে থামল। আশফাকও তার পিক আপ থামিয়েছে।

তাদের সামনে দুটি গাড়ি থেমে আছে। একটি ত্রিপল ঢাকা ট্রাক, অন্যটি ভোক্তাওয়াগন। মুখ কালো করে কয়েকজন লোক গাড়ির পাশে দাঁড়িয়ে আছে। দেখেই বোঝা যাচ্ছে এরা ভয়ে অস্থির।

যারা গাড়ি থামাচ্ছে তারা মিলিটারি পুলিশ। একেকটা গাড়ি আসছে—হুইসেল দিয়ে হাত ইশারা করছে। গাড়ি থামা মাত্র এগিয়ে যাচ্ছে—কাগজপত্র নিয়ে আসছে।

সংখ্যায় তারা চার জন। ভাল ব্যাপার হচ্ছে এই চারজনই দাঁড়িয়ে আছে কাছাকাছি। ছড়িয়ে ছিটিয়ে নেই। এদের একজনের সঙ্গে রিভলবার ছাড়া অন্য কিছু নেই। বাকি তিনজনের সঙ্গে আছে চাই-নৌজ রাইফেল।

আলম বলল, 'সাদেক তুই একটা আমার সঙ্গে নামবি। অন্য কেউ না।'

ঃ গৌরাঙ্গ।

ঃ বলুন।

ঃ সিগারেটটা একটা ফেলে দাও।

গৌরাঙ্গ সিগারেট ফেলে দিল। আলম জানালা দিয়ে মুখ বের করে হাত ইশারা করে ওদের ডাকল। মিলিটারি পুলিশের দলটি রুদ্ধ ও অবাক হয়ে দৃশ্যটি দেখল। হাত ইশারা করে ওদের ডাকার স্পর্ধা এখনো কারোর আছে তা তাদের কল্পনাতেও নেই। একজন এগিয়ে আসছে, অন্য তিনজন দাঁড়িয়ে আছে।

আলম নামল খুব সহজ ও স্বাভাবিক ভঙ্গিতে। তার পেছনে নামল সাদেক। সাদেকের মুখ ভর্তি হাসি।

ওরা বুঝতে পারল না, এই ছেলে দুটি ভয়াবহ অস্ত্র নিয়ে নেমেছে। এদের সনায় ইস্পাতের মত।

প্রচণ্ড শব্দ হলো গুলির। একটি গুলি নয়। এক বাঁক গুলি। ফাঁকা জায়গায় এত শব্দ হবার কথা নয়, কিন্তু হলো। চারজনই গাড়িয়ে পড়েছে। এখনো রক্ত বেরতে শুরু করেনি। ওদের মুখে আতঙ্ক ও বিস্ময়।

নাঙ্গমুল নেমে পড়েছে। তার হাতে এস এল আর। আলম বলল, গাড়িতে ওঠ নাঙ্গমুল। নেমেছ কেন ?’

দাঁড়িয়ে থাকা লোকগুলো একটা ঘোরের মধ্যে আছে, কি হয়ে গেল তারা এখনো বুঝতে পারছে না। সাদেক বলল, ‘আপনারা দাঁড়িয়ে থাকবেন না, তাড়াতাড়ি বাড়ি চলে যান।’ লোকগুলোর একজন শব্দ করে কাঁদছে। কি জন্যে কাঁদছে কে জানে। এখানে তার কাঁদবার কি হলো ?

এখানকার ঘটনা প্রচার হতে সময় লাগবে। তারা ফার্মগেটে পৌঁছে যাবে কিছুক্ষণের মধ্যেই। অবশ্যি গুলির শব্দ ওরা হয়ত পেয়েছে। এতে তেমন কোনো অসুবিধে হবার কথা নয়। এই শহরে গেরিলারা এসেছে এটা ওদের কল্পনাতেও নেই।

গাড়ি চলা শুরু করতেই সাদেক বলল, ‘আমার বাথরুম পেয়ে গেছে। কেউ কোনো উত্তর দিল না। সাদেক আবার বলল, ‘ডায়াবেটিস হয়ে গেল নাকি ?’ এই কথাও কোনো জবাব পাওয়া গেল না।

গোরাঙ্গ আবার একটি সিগারেট ধরিয়েছে। তার ফর্সা আঙুল অল্প অল্প কাঁপছে। আলম বলল, ‘ভয় লাগছে গোরাঙ্গ ?’

গোরাঙ্গ সত্যি কথা বলল।

ঃ হ্যাঁ লাগছে। বেশ ভয় লাগছে।

আলম তাকাল পেছনে। সাদেকের চোখ বন্ধ করে পড়ে আছে। স্টেইন-গামটি তার কোলে। কেমন খেঁচকার মত লাগছে। নুরু বসে আছে শক্ত মুখে। আলমের দিকে চোখ পড়তেই সে বলল, ‘কিছু বলবেন আলম ভাই ?’

ঃ না, কিছু বলব না।

ঃ সিগারেট ধরবেন একটা ?

ঃ না।

ঠিক এই মুহূর্তে কিছুই বলার নেই। কিছুই করার নেই। এটা হচ্ছে প্রতীকার সময়। আলম লক্ষ্য করল বারবার তার মুখে থু থু জমা হচ্ছে। কেন এ রকম হচ্ছে ? তার কি ভয় লাগছে ? তার সঙ্গে আছে চমৎকার একটি দল। এরা প্রথম শ্রেণীর কমান্ডো ট্রেনিং পাওয়া দল। এদের সঙ্গে নিয়ে যে কোনো পরিস্থিতি সামলে দেয়া যায়। কোনো রকম ভয় তার থাকা উচিত নয়। কিন্তু আছে। ভালই আছে। নয়ত বার বার মুখে থু থু জমতো না। সেই আদিম ভয়, যা যুক্তি মানে না। মনের কোনো এক গহীন অন্ধকার থেকে বেড়ালের মত নিঃশব্দে বের হয়ে আসে এবং দেখতে দেখতে ফুলে ফোঁপে বিশাল হয়ে ওঠে।

গাড়ির বেগ কমে আসছে। গৌরাসের চোখ-মুখ শক্ত। কপালে বিন্দু বিন্দু ঘাম। আলম ডাকল, 'সাদেক সাদেক।' সাদেক ভারী গলায় বলল, 'আমি আছি।' গৌরাস বড় বড় নিঃশ্বাস ফেলছে। আলমের কেমন বমি বমি ভাব হচ্ছে। তার জানতে ইচ্ছে করছে অন্যদেরও তার মত হচ্ছে কি না। কিন্তু জানার সময় নেই। গাড়ি থেমে আছে। মিলিটারিদের তাঁবু দশ পনেরো গজ দূরে।

দরজা খুলে তিনজনই লাফিয়ে নামল। নাজমুল তখনো নামেনি।

পাঞ্জাব রেজিমেন্টের কুড়ি জনের একটি ইউনিট ছিল ফার্মগেটে। তাদের দলপতি সুবাদার মেজর মাবুদ খাঁ। এই দলটিকে এখনো রাখার উদ্দেশ্য মাবুদ খাঁর কাছে পরিষ্কার নয়। এদের ওপর তেমন কোনো ডিউটি নেই। মাঝে মাঝে রোড ব্লক করে যে চেকিং হয়, তা করে এম পিরা। ওদের সঙ্গে ইদানীং যোগ দিয়েছে মিলিটারি।

তাঁবুর ভেতরটা বেশ গরম কিন্তু তা সত্ত্বেও বেশির ভাগ সৈন্যই ঘুমচ্ছিল বা ঘুমের ভঙ্গিতে শুয়েছিল—যদিও এটা ঘুমবার সময় নয়। কিছুক্ষণের ভেতরই বৈকালিক চা আসবে। চা আসতে আজ দেরি হচ্ছে। কেন দেরি হচ্ছে কে জানে।

মাবুদ খাঁ তাঁবুর বাইরে চেয়ারে বসে ছিল। শুধু শুধু বসে থাকা যায় না। কিন্তু তাকিয়ে খান্না ছাড়া তার কোনো কাজ নেই। তাঁবুর ভেতর হৈ চৈ হচ্ছে। মর্দ খেলা হচ্ছে সম্ভবত। এই খেলাটি তার অপছন্দ। সে মুখ্য বিষয় করল এবং ঠিক তখনই সে লক্ষ্য করল তিনটি ছেলে দৌড়ে আসছে। দীর্ঘদিনের সামরিক ট্রেনিং তার পেছনে। তার বুঝতে বিন্দুমাত্র অসুবিধে হলো না যে ছেলে তিনটি কেন ছুটে আসছে। সে মুগ্ধ হলো এদের অর্বাচীন সাহসে। কিছু একটা বলল চিৎকার করে। সেটা শোনা গেল না। কারণ আকাশ কাঁপিয়ে একটা বিস্ফোরণ হয়েছে।

চিৎকার, হৈ, চৈ, আতঙ্কগ্রস্ত মানুষদের ছোটাছুটি। সব কিছু ছাপিয়ে শোনা যাচ্ছে গুলির শব্দ। ঝাঁকে ঝাঁকে গুলি এসে পড়ছে।

নুরু শান্ত। সে দুটি গ্রেনেড পরপর ছুঁড়েছে। এখন তার করবার কিছু নেই। সে দাঁড়িয়ে আছে মূর্তির মত। চোখের সামনে যা ঘটছে তা ঠিক বিশ্বাস হচ্ছে না। আলম ভাই দ্বিতীয় ম্যাগাজিনটি ফিট করছেন। কিন্তু তার প্রয়োজন নেই। এখন উচিত দ্রুত পালিয়ে যাওয়া। যে

বিকট বিস্ফোরণ হয়েছে, অর্ধেক শহর নিশ্চয়ই কোঁপে উঠেছে।  
এয়ারপোর্ট থেকে টহলদারী জীপ নিশ্চয়ই বেরিয়ে পড়েছে।

গৌরাজ ক্রমাগত হর্ণ দিচ্ছে। তার মুখ রক্তশূন্য।

নুরু চোঁচিয়ে বলল, ‘আলম ভাই গাড়িতে ওঠেন।’

একটি সরকারী বাস যাত্রী নিয়ে হঠাৎ এসে উপস্থিত হয়েছে।  
ড্রাইভার বাস থামিয়ে হতভম্ব হয়ে তার সীটে বসে আছে। বাসটি  
এমনভাবে সে রেখেছে যে গৌরাজ তার গাড়ি বের করতে পারছে না।  
সাদেক এগিয়ে গেল, তার হাতে গ্রেটইনগান। বাস ড্রাইভারকে আশ্চর্য  
রকম নরম গলায় বলল, ‘ড্রাইভার সাহেব গাড়িটা সরিয়ে নিন। আমাদের  
আরো কাজ আছে।’

হতভম্ব ড্রাইভার মুহূর্তে তার গাড়ি নিয়ে গেল খার্ড গিয়ারে।

ঘন্টার শব্দ আসছে। দমকল নাকি?

ওরা গাড়িতে উঠে বসল। গৌরাজ গাড়ির দিক প্রায় উড়িয়ে নিয়ে  
যাচ্ছে। আলম বলল, ‘আস্তে যাও। যাচ্ছে। কোনো ভয় নেই।’

গাড়ি যাচ্ছে ইন্টারকনের দিকে। এই প্রোগ্রামটিতে কোনো বামেলা  
নেই। কেউ গাড়ি থেকে নামবে না। ছুটে যেতে যেতে কয়েকটি  
গ্নেনেড ছোঁড়া হবে। হোটেলের বিদেশী সাংবাদিকরা জানবে ঢাকার  
অবস্থা স্নানভাবিক নয়। স্বাক্ষরের মনে হলো বড় রকমের বামেলা হয়ত  
ইন্টারকনের সামনেই অপেক্ষা করছে। যেখানে কোনো বামেলা হবে না  
মনে করা হয় সেখানেই বামেলা দেখা দেয়। আলম বলল—

ঃ স্পীড কমাও গৌরাজ। করছ কি তুমি! মারবে নাকি?

গৌরাজ স্পীড কমাল। সাদেক বলল, ‘প্রচণ্ড বাথরুম পেয়ে গেছে,  
কি করা যায় বল তো আলম?’

আলম জবাব দিল না। ইন্টারকন এসে পড়েছে। আলমের নিঃশ্বাস  
ভারী হয়ে এল। আবার মুখে খুঁখু জমেছে। গা গোলাচ্ছে।

ছ’টায় কাফু’ শুরু হবে।

রাত্রি সাড়ে পাঁচটায় উদ্ভিগ্ন হয়ে ফোন করল। ফোন ধরলেন  
সুরমা। তিনি বুঝতে পারছেন রাত্রির গলা কাঁপছে। অনেক চেষ্টা  
করেও সে তার উদ্বেগ চেপে রাখতে পারছে না।

তিনি নরম গলায় বললেন, কি হয়েছে রাত্রি?’

ঃ কিছু হয়নি মা। তুমি কি খবর শুনেছ?’

ঃ না। কি খবর?’

ঃ টেলিফোনে বলা যাবে না। দারুণ সব কাণ্ড হয়েছে মীরপুর রোডে। ফার্মগেটে। কিচ্ছু জান না?’

ঃ না। জানি না।

ঃ আমরা বাড়ি আসবার জন্যে গাড়ি বের করেছিলাম। ওরা আসতে দেয়নি। রোড ব্লক করেছে। মা শোন—

ঃ শুনছি।

ঃ উনি কি এসেছেন?’

ঃ না।

ঃ বল কি মা!

সুরমা চুপ করে রইলেন। রাত্রি টেলিফোন ধরে বসেছে। যেন সে আরো কিছু শুনতে চায়। সুরমা বললেন, ‘তোর বাবার সঙ্গে কথা বলবি?’

ঃ না। মা শোন, উনি এলেই তুমি টেলিফোন করবে।

সুরমা জবাব দিলেন না।

ঃ মা।

ঃ বল শুনছি।

ঃ উনি এলেই টেলিফোন করবে। আমার খুব খারাপ লাগছে মা। আমার কাঁদতে ইচ্ছে করছে।

সুরমার মনে হল উনি কান্নার শব্দ শুনলেন। তাঁর হাত-পা ঠাণ্ডা হয়ে এল। কেন রাত্রি কাঁদছে? এই বয়েসী একটি মেয়ে যদি কোনো পুরুষের কথা ভেবে কাঁদে তার ফল শুভ হয় না।

বিয়ের আগে তিনি নিজেও একটি ছেলের জন্যে কাঁদতেন। তার ফল শুভ হয়নি। যদিও সেই ছেলেটির কথা তিনি একবারও ভাবেন না। তবু কোথাও যেন একটা শূন্যতা অনুভব করেন। ছেলেটি তাঁর হৃদয়ের একটি অংশ খালি করে গেছে। সেখানে কোন স্মৃতি নেই। স্বপ্ন নেই। প্রগাঢ় শূন্যতা।

সুরমা টেলিফোন নামিয়ে বসার ঘরে ঢোকবার প্রায় সঙ্গে সঙ্গেই আলম এল। তার চোখ লাল। দৃষ্টি এলোমেলো। সে সুরমার দিকে তাকিয়ে অল্প হাসল। সুরমা বললেন, ‘তুমি ভাল আছ তো?’

ঃ দ্বি।

ঃ সবাই ভাল আছে ?

ঃ হ্যাঁ। আপনি কি আমাকে একটু গরম পানি করে দিতে পারবেন ?  
গরম পানি দিয়ে গোসল করব।

আলম, ক্লান্ত পায়ে নিজের ঘরের দিকে এগিয়ে গেল। থমকে দাঁড়াল  
বারান্দায়। মতিন সাহেব বাগানে কাজ করছেন। আগাছা পরিষ্কার  
করে বাগানটিকে এত সুন্দর করে ফেলেছেন—শুধু তাকিয়ে থাকতে  
ইচ্ছে করে।

সুরমা গরম পানি বাথরুমে দিয়ে আলমকে খবর দিতে গেলেন।  
আলম হাত-পা ছড়িয়ে গভীর ঘুমে অচেতন। কাপড় ছাড়েনি। পা  
থেকে জুতো পর্যন্ত খোলেনি।

ঘুমের মধ্যেই আলম একটি অফুট শব্দ করছে। প্রচণ্ড জ্বর হলে  
মানুষ এমন করে। ওর কি জ্বর? ঘরে চোকবার সময় দেখেছেন চোখ  
টকটকে লাল। সুরমা আলমের কপালে হাত রাখতেই আলম উঠে  
বসল।

ঃ তোমার পানি গরম হয়েছে।

ঃ খ্যাংকম্বু।

ঃ কিন্তু তোমার গা তো পুড়ে যাচ্ছে জ্বরে।

ঃ আমার এরকম হয়। গরম শাওয়ার নিয়ে শুয়ে থাকলে জ্বর  
নেমে যাবে।

আলম তোয়ালে টেনে নিয়ে মাতালের ভঙ্গিতে বাথরুমের দিকে  
এগিয়ে গেল।

রাত্রি সন্ধ্যা সন্ধ্যায় আবার টেলিফোন করল। কাঁদো কাঁদো গলায়  
বলল, 'মা উনি আসেননি। তাই না?'

ঃ এসেছে।

ঃ এসেছেন, তাহলে আমাকে টেলিফোন করনি কেন? আমি তখন  
থেকে টেলিফোনের সামনে বসে আছি।

রাত্রি ফুঁপিয়ে ফুঁপিয়ে কাঁদতে লাগল। সুরমা টেলিফোনে সেই  
কান্না শুনলেন। তাঁর নিজেরো চোখ ভিজে উঠতে শুরু করল। তিনি  
নিজেও কিশোরী বয়সে এভাবে কেঁদেছেন। কেউ তার কান্না শোনেনি।  
তিনি টেলিফোন নামিয়ে রেখে আলমের ঘরে এলেন। আলম খাটে পা  
ঝুলিয়ে বসে আছে। তার মুখে সিগারেট। সে সুরমাকে দেখে সিগারেট  
নামাল না। সুরমা তীক্ষ্ণ দৃষ্টিতে তাকিয়ে আছেন তার দিকে।

আলম বলল, 'আপনি কি কিছু বলবেন?'

সুরমা থেমে থেমে বললেন, 'তুমি বলেছিলে এ বাড়িতে সাত দিন থাকবে। আজ সাতদিন শেষ হয়েছে।'

ঃ আমি আগামী কাল চলে যাব। আগামী কাল সন্ধ্যায়।

ঃ তোমাকে কি এক কাপ চা বানিয়ে দেব?

ঃ দিন। আপনার কাছে এ্যাসপিরিন আছে?

ঃ আছে। দিচ্ছি।

বলেও সুরমা গেলেন না। দরজা ধরে দাঁড়িয়ে রইলেন। আলম বলল, 'আপনি কি আরো কিছু বলবেন?'

ঃ না।

মতিন সাহেবের নাক ফুলে উঠছে বার বার। হাত মুঠি বন্ধ হচ্ছে। কারণ বিবিসি ঢাকায় গেরিলা অপারেশনের খবর ফলাও করে বলেছে। এত তাড়াতাড়ি খবর পৌঁছল কি ভাবে? সাহেবদের কর্মদক্ষতার ওপর তাঁর আস্থা সব সময়ই ছিল, এখন সেটা বহুগুণ বেড়ে গেছে।

সুরমাকে ঢুকতে দেখেই তিনি বললেন, 'রুটশদের মত একটা জাত আর হবে না।'

সুরমা তাঁর কথা বুঝতে পারলেন না। হঠাৎ ব্রিটিশ প্রসঙ্গ এল কেন কে জানে।

ঃ সুরমা আজদহার ছবি আর করে দিয়েছে। অর্ধেক টাকা শহর বার্ন করে দিয়েছে। এক্ষেত্রে ছাতু। হ্যাডক।

সুরমা কিছুই বললেন না। মতিন সাহেব ট্রানজিস্টার নিয়ে শোবার ঘরে চলে গেলেন। রাত্রিকে টেলিফোন করে জানতে হবে, সে বিবিসি শুনেছে কি না।

টেলিফোন ধরল অপালা। সে হাই তুলে বলল, 'বাবা আপাকে টেলিফোন দেয়া যাবে না। তার কি জানি হয়েছে, দরজা বন্ধ করে কাঁদছে।'

মতিন সাহেব অবাক হয়ে বললেন, 'এ রকম খুশির দিনে কাঁদছে কেন?'

রাত্রি ভোরবেলাতেই চলে এসেছে

সুরমা রান্নাঘরে ছিলেন। সে চলে গেল রান্নাঘরে। সুরমা মেয়েকে দেখে বিস্মিত হলেন। এ কি চেহারা হয়েছে মেয়ের! মুখ

শুকিয়ে কেমন অন্য রকম দেখাচ্ছে। চোখ লাল।

ঃ তোর কি হয়েছে ?

ঃ কিছু হয়নি।

ঃ ঠিক করে বল কি হয়েছে ?

ঃ রাতে ঘুম হয়নি মা। সারারাত জেগে ছিলাম।

সুরমা আর কিছু জিজ্ঞেস করলেন না। রুটি বেলতে লাগলেন।  
বিত্তি রুটি সেকছে এবং নিজের মনেই হাসছে। রাগ্নি হালকা গলায়  
বলল, ‘আজ কি নাশ্তা মা?’

সুরমা কঠিন গলায় বললেন—দেখতেই পাচ্ছিস কি। জিজ্ঞেস কর-  
ছিস কেন?

রাগ্নি মৃদু স্বরে বলল, ‘আমার ওপর কেন তুমি রেগে যাচ্ছ মা?  
আমি কি কখনো তোমাকে রাগানোর জন্যে কিছু করেছি?’

সুরমা উত্তর দিলেন না। রাগ্নি আবার বলল, ‘চপ করে থাকবে না।  
বল তুমি, কখনো কি আমি তোমাকে রাগানোর মত কোনো কারণ  
ঘটিয়েছি?’

সুরমা দেখলেন রাগ্নির চোখে জন নিশ্বাস করছে। যেন এফুণি  
সে কেঁদে ফেলবে। তাঁর নিজেরো কান পেয়ে গেল। তিনি মনে মনে  
বললেন, কেউ যেন আমার এই শব্দটির মনে কণ্ট না দেয়। বড় ভাল  
মেয়ে। বড় ভাল।

ঃ রাগ্নি।

ঃ কি মা?

ঃ আলমের ঘুম ভঙেছে কিনা দেখে আয়।

বলেই সুরমা পাংশুবর্ণ হয়ে গেলেন। কেন রাগ্নিকে এই কথা  
বললেন? তিনি ভালই জানেন আলম জেগে আছে। কিছুক্ষণ আগেই  
তিনি তাকে চা দিয়ে এসেছেন। রাগ্নিকে এই কথা বলার উদ্দেশ্য কি  
এই যে তিনি তাকে খুশি করতে চেয়েছেন? কি ভয়ানক কথা। রাগ্নি  
কি তার এই উদ্দেশ্য ধরতে পেরেছে? নিশ্চয়ই পেরেছে। সে বোকা  
মেয়ে নয়। নিজেকে সামলানোর জন্যে তিনি থেমে থেমে বললেন—

ঃ আজ চলে যাবে, একটু যত্ন-টত্ন করা দরকার।

ঃ আজ চলে যাবেন নাকি?

ঃ হ্যাঁ। এক সপ্তাহ থাকার জন্যে এসেছিল। এক সপ্তাহ তো  
হয়ে গেল।

ঃ তিনি কি বলেছেন আজ চলে যাবেন?

ঃ হ্যা বলেছে।

রাত্রি হালকা পায়ে ঘর ছেড়ে গেল। তার গায়ে একটা ধবধবে সাদা সিল্কের শাড়ি। শাড়িতে বেগুনি ফুল। কি চমৎকার লাগছে রাত্রিকে। তাঁর মনে হল শুধুমাত্র মেয়েরাই মেয়েদের সৌন্দর্য বুঝতে পারে, পুরুষরা না। ওদের নজর থাকে শরীরের দিকে। সৌন্দর্য দেখবার সময় কোথায় ওদের?

আলম পা ঝুলিয়ে খাটে বসে আছে। তার কোলের ওপর একটি বই। সে পা দোলাচ্ছে। রাত্রিকে তু কতে দেখে সে অল্প হাসল।

ঃ কখন এসেছেন?

ঃ এই তো কিছুক্ষণ আগে। কি বই পড়ছেন এত মন দিয়ে?

আলম বইটি উঁচু করে দেখাল 'দত্তা'। রাত্রি হাসিমুখে বলল, 'অপালা এই বইটা মুখস্থ বলতে পারে। পাঁচ ছ'দিশ পরপর এই বইটা সে একবার পড়ে ফেলে।'

আলম বলল, 'আপনি কি অসুস্থ? কেমন যেন অন্য রকম লাগছে।'

ঃ না, অসুস্থ না। আমি বেশ ভাল। দেখতে এসেছি আপনি কেমন আছেন। কাল সন্ধ্যাবেলা গা শুষ্ক পেয়েছিলাম। কেন জানি মনে হচ্ছিল কিছু একটা হয়েছে আপনার। কি যে কণ্ট হচ্ছিল, আপনি কোনোদিন কল্পনাও করতে পারবেন না।

আলমের অস্থির না আছে। এ সব কি বলছে এই মেয়ে! কিন্তু এত সহজ স্বাভাবিক উদ্বেগে বলছে। আলম কথা ঘোরাবার জন্যে বলল, 'কাল কি হয়েছে শুধতে চান?'

ঃ না শুনতে চাই না। যুদ্ধ-টুক্ক আমার ভাল লাগে না।

ঃ কারোরই ভাল লাগে না।

রাত্রি খাটে আলমের মত পা ঝুলিয়ে বসল। মিষ্টি একটা গন্ধ বাতাসে ভাসছে। সৌরভ কি মানুষের মনে বিষাদ জাগিয়ে তোলে? তোলে বোধ হয়। আলমের কেমন জানি মন খারাপ হয়ে যাচ্ছে।

রাত্রি বলল, 'আপনি নাকি আজ চলে যাচ্ছেন?'

ঃ হ্যাঁ।

ঃ কখন যাবেন?

ঃ বিকেলে।

ঃ আপনি কি টাকাতাই থাকবেন, না চলে যাবেন অন্য কোথাও?

- ঃ ঢাকাতেই থাকব।
- ঃ আর আসবেন না আমাদের এখানে?
- ঃ আসব না কেন, আসব।
- ঃ আমার মনে হচ্ছে আপনি আর আসবেন না।
- ঃ এ রকম মনে হচ্ছে কেন?
- ঃ কেউ কথা রাখে না।

রাত্রি হঠাৎ উঠে চলে গেল। কারণ তার চোখ জলে ভরে আসছে। এই জল একান্তই নিজের, লুকিয়ে রাখার জিনিস। সে চলে গেল তার নিজের ঘরে।

অপালা সেখানে বসে আছে। তার হাতে একটা গল্পের বই। সে বই নামিয়ে বলল, ‘কীদছ কেন আপা?’

- ঃ মাথা ধরেছে।

অপালা চোখ নামিয়ে নিল বইয়ে। সে নিজেও কীদছে, কারণ এই মুহূর্তে সে খুবই দুঃখের একটা ব্যাপার পড়েছে। নায়িকা সিঁড়ি থেকে পিছলে পড়েছে এবং চোখে কিছু দেখতে পাচ্ছে না। সে আত্মত্যাগে চিকিৎকার করছে—অরণ্য! অরণ্য! দুঃখ সে ডাক শনেও নির্বিকার ভঙ্গিতে নেমে যাচ্ছে।

সুরমা নাশতা টেবিলে দিয়ে আলমকে ডাকতে এলেন। আলম জুতো পরছে।

- ঃ কোথাও বেরুচ্ছে?
- ঃ জি।
- ঃ কখন ফিরবে?
- ঃ বিকেলে এসে বিদেয় নিয়ে যাব।

সুরমা একবার ভাবলেন বলেন, মাঝে মাঝে এসো। কিন্তু বলতে পারলেন না। যে-সব কথা আমরা বলতে চাই তার বেশির ভাগই বলতে পারি না।

- ঃ নাশতা খেও এস বাবা।
- ঃ আসছি।

মতিন সাহেব ঢাকা রেডিও খুলে বসেছিলেন। বাচ্চাদের একটি অনুষ্ঠান হচ্ছে। কিচির মিচির করছে একদল বাচ্চা।

ঃ আপা, আমি একটা ছড়া বলব। আমার নাম রুমানা—ময়না  
ময়না কোনো কথা কয়না....

ঃ বাহ্ বাহ্ বেষ হয়েছ। এবার তুমি এস। পরিষ্কার করে নাম  
বল।

ঃ আপা, আমার নাম সুমন। আমি একটা গান গাইব। রচনা  
বিদ্রোহী কবি নজরুল—কাবেরী নদীজলে কেগো বালিকা....

ঃ চমৎকার হয়েছে। এবার তুমি এস।

মতিন সাহেব বিড় বিড় করে বললেন—এদের ধরে চাবকানো  
উচিত। এ সময়ে গান গাচ্ছে, ছড়া বলছে। কতবড় স্পর্ধা!

সুরমা এসে বললেন, 'নাশ্তাদেয়া হয়েছে। খেতে এস।'

মতিন সাহেব শিশুর মত রেগে গেলেন।

ঃ যাও আমি খাব না কিছু। যত ইন্ডিয়টের দল গান গাইছে ছড়া  
বলছে। চড় দিয়ে দাঁত ফেলে দিতে হয়।

শরীফ সাহেব আলমাক দেখে মোটেই লজ্জিত হলেন না। তাঁর ভূঙ্গি  
দেখে মনে হলো তিনি যেন মনে মনে ভাব জন্মেই অপেক্ষা করছিলেন।

ঃ মামা, কি খবর তোমার?

ঃ ভাল। তুই এখনো বেঁচে আছিস?

ঃ আছি।

ঃ কাল রাতে স্বপ্ন দেখলাম গুলি খেয়েছিস। তখনি বুঝলাম তুই  
ভালই আছিস। আমার স্বপ্ন সব সময় উল্টো হয়।

শরীফ সাহেব কেমরের লুঙ্গি আঁটি করতে করতে উঠে দাঁড়ালেন।  
নাটা বাজে। অফিসে যাবার জন্যে তৈরি হতে হয়। কিন্তু কেন  
জানি অফিসে যেতে ইচ্ছে করছে না। লুঙ্গি বদলে প্যান্ট পরতে হবে  
ভাবতেই খারাপ লাগছে।

ঃ চা খাবি?

ঃ না।

ঃ কফি, কফি খাবি? একটা ইনস্টেট কফি কিনেছি। চা  
বানানোর মহা হাঙ্গাম। কাজের ছেলেটা আমার একটা স্যুটকেস  
নিয়ে পালিয়ে গেছে।

বলতে বলতে তাঁর হাসি পেয়ে গেল। কারণ স্যুটকেসটিতে কিছু  
পুরোনো ম্যাগাজিন ছাড়া কিছু ছিল না। ছাত্রজীবনে কিছু গল্প-কবিতা

লিখতেন। তার কয়েকটি ছাপাও হয়েছিল। স্যুটকেস বোঝাই সেইসব ম্যাগাজিনে।

ঃ হাসছ কেন ?

ঃ ব্যাটা খুব 'ঠক' খেয়েছে। স্যুটকেস খুলে হাউ-মাউ করে কাঁদবে।

আলমের মনে হল, তার মামার হাসির ভঙ্গিটি কেমন যেন অস্বাভা-  
বিক। সুস্থ মানুষের হাসি নয়। অসুস্থ মানুষের হাসি।

ঃ আলম !

ঃ বল।

ঃ তোর চিঠি তোর মা'কে পৌছে দিয়েছি।

ঃ মা ভাল আছেন ?

ঃ জানি না।

ঃ জান না মানে ?

ঃ দেশের বাড়িতে পাঠিয়ে দিয়েছি।

ঃ ভাল করেছে।

ঃ ভাবছি নিজেও চলে যাব। রাতে ঘুম হয় না।

ঃ যাও, চলে যাও।

ঃ কিন্তু ওরা খুঁজে বের করে ফেলেবে। ফকরুদ্দিন সাহেব পালিয়ে  
গিয়েছিলেন। মানিকগঞ্জে তাঁর খুঁজার বাড়ি থেকে তাঁকে ধরে নিয়ে  
এসেছে। এখন বোধ হয় শিগগিরই ফেলছে। খাবি তুই কফি ?

ঃ দাও।

ঃ ফার্মগেটের জায়গায় তুই ছিলি ?

ঃ হ'।

ঃ ভালই দেখিয়েছিস।

আলম হাসল। হাসি মুখে বলল, 'তোমার সামনে সিগারেট খেলে  
তুমি রাগ করবে ?'

ঃ খেতে ইচ্ছে হলে খা। লায়েক হয়ে গেছিস, এখন তো খাবিই।

কফি ভাল হলো না। অতিরিক্ত কড়া হয়ে গেল। হালকা করার  
জন্যে দুধ এবং পরম পানি বেশানোর পর তার স্বাদ হল আরো কুৎসিত।  
শরীফ সাহেব মুখ বিকৃত করে বললেন, 'পেচ্ছাবের মত লাগছে।  
ফেলে দে। আবার বানাব।'

ঃ আর বানাতে হবে না। মামা একটা কথা শোন।

ঃ বল, শুনছি।

: আমি যদি তোমার এখানে থাকি কয়েকদিন, তোমার অসুবিধা হবে ?

: না। আগে যেখানে ছিলি সেখানে কি অবস্থা? জানাজানি হয়ে গেছে ?

: তা না। ভদ্রমহিলা একটু ভয় পাচ্ছেন। তাছাড়া আমি বলেছিলাম এক সপ্তাহ থাকব। এক সপ্তাহ হয়ে গেছে।

: কখন আসবি ?

: বিকেনে। আমাকে একটা চাবি দাও।

শরীফ সাহেব চাবি বের করে দিলেন। এবং দ্রুত কাপড় পরতে শুরু করলেন। আলম এখানে থাকলে অফিস মিস করা উচিত হবে না।

: আলম।

: বল মামা।

: একটা সাকসেসফুল অপারেশনের পর ওস্তাদ কনফিডেন্ট হবার একটা সম্ভাবনা থাকে। খুব সাবধান। এরা এখন পাগলা কুত্তার মত। দারুণ সতর্ক। পাগলা কুত্তারা খুব সতর্ক হয় জানিস তো?

: আমরাও সতর্ক।

: স্বপ্ন দেখে মনটা একটু ইয়ে হয়ে গেল। যদিও জানি আমার স্বপ্ন সব সময় উল্টো হয়। সুপিশন পাওয়ার একটা স্বপ্ন দেখলাম একবার, হয়ে গেল ডিমেশন। অফিসার অন স্পেশাল ডিউটি বানিয়ে বেইজ্ঞত করল।

শরীফ সাহেব আমার হাসতে শুরু করলেন। অন্য রকম হাসি, অসুস্থ মানুষের হাসি।

: বুঝি আলম, এই মুহূর্ত দীর্ঘদিন চলবে। মে বি ফর ইয়ারস। চায়না কেমন চুপ মেরে আছে দেখছিস না? অন্য দেশগুলো চুপ করে আছে আমি নাইও করছি না, কিন্তু চায়না পাকিস্তান সমর্থন করবে কেন? হোয়াই? মানুষের জন্যে মমতা নেই চায়নার, এটা ভাবতেই মনটা খারাপ হয়ে যায়। হোয়াই চায়না? হোয়াই?

: অফিসে যাবে না মামা?

: না ইচ্ছে করছে না। শুয়ে থাকব। সিক রিপোর্ট করব। আসলেই সিক সিক লাগছে। দেখ তো কপালে হাত দিয়ে জ্বর আছে কি না?

: জ্বর নেই।

: না থাকলেও হবে। ভুল হবে, সদি হবে, কাশি হবে। ডায়রিয়া হবে।

শরীফ সাহেব শব্দ করে হাসতে লাগলেন। গা দুলিলে হাসি।

বিকাতলার একটি বাসায় সবাই একত্র হয়েছে। রহমানও আছে। সে এখন মোটামুটি সুস্থ। জ্বর নেমে গেছে। দাড়ি গোঁফ কামানোয় তাকে বালক বালক লাগছে। পরবর্তী অপারেশন নিয়ে কথাবার্তা হচ্ছে। নতুন মানুষের ভেতর মিনহাজউদ্দিনকে দেখা যাচ্ছে। তার কাছ থেকেই জানা গেল, আরো কিছু ছোট ছোট গ্রুপ শহরে ঢুকেছে। এরা পাওয়ার স্টেশন নষ্ট করতে চেষ্টা করবে। ট্রান্সফরমার উড়িয়ে দেয়ার কাজটা বাইরে থেকে বোমা মেরে করা যাবে না। সাহায্য আসতে হবে ভেতর থেকে। প্লাস্টিক এক্সপ্রোসিভ লাগিয়ে বিস্ফোরণ ঘটাতে হবে।

সাহায্য করতে সবাই আগ্রহী, কিন্তু সবাইকে দিয়ে এ কাজ হবে না। ঠিক লোকটিকে বেছে নিতে হবে। সাহসী এবং বুদ্ধিমান একজন মানুষ। মুশকিল হচ্ছে এই দুটি জিনিস খুব কম সময়ই! একত্রে পাওয়া যায়। সাধারণত সাহসী মানুষদের বুদ্ধি কম থাকে। মিনহাজ সাহেব বললেন, 'আলম সাহেব আপনারা যা করছেন এটা হচ্ছে হিরোইজম। ঠিক এই মুহুর্তে আমাদের বীরত্বের দরকার নেই। আমরা এখন চাই ওদের বিরুদ্ধে করতে। বোমা ফাটিয়ে, গ্রেনেড ফাটিয়ে নার্ভাস করে ফেলতে। খুবতে পারছেন?'

: পারছি।

: কথাগুলো কিন্তু আমার না। কমান্ড কাউন্সিলের।

: তাও জানি।

: এমন সব জায়গায় যান যেখানে মিলিটারি নেই। সরাসরি সংঘর্ষের সম্ভাবনা নেই। যেমন ধরুন, পেট্রল পাম্প। পেট্রল পাম্প উড়িয়ে দিন। দর্শনীয় ব্যাপার হবে।

আলম হাই তুলল। মিনহাজ সাহেব একজন বিরক্তিকর মানুষ। কথা বলে মাথার পোকা নড়িতে দেয়। একই কথা একশবার বলে।

: আলম সাহেব।

: বলুন সুনজি।

: আজ আপনাদের কি প্রোগ্রাম?

- ঃ আছে কিছু।
- ঃ বলুন শুনি।
- ঃ বলার মত কিছু নয়।

মিনহাজ সাহেব মুখ কালো করে ফেললেন। এত অল্পতেই মানুষ এমন আহত হয় কেন আলম ভেবে পেল না। মিনহাজ সাহেবের অন্য দল। তাদের সঙ্গে এ দলের কাজকর্মের আলোচনার কি তেমন কোনো দরকার আছে? কোনো দরকার নেই।

আশফাক তার পিক আপ নিয়ে উপস্থিত হল দুটোর সময়। তার সঙ্গে সাদেক।

আশফাক দাঁত বের করে বলল, 'নিজের গাড়িই আনলাম। নিজের জিনিস ছাড়া কনফিডেন্স পাওয়া যায় না।

আলম বিরক্ত হয়ে বলল, 'একই গাড়ি নিয়ে দিওয়ানার বের হতে চাই না।'

সাদেক নির্বিকার ভঙ্গিতে বলল, 'ঢাকা শহরে এ রকম পিক আপ পাঁচ হাজার আছে। তুই ভ্যাজর ভাঙিয়ে করিস না, উঠে আয়। রোজ একটা করে নতুন গাড়ি পাব কেমন? ছোট কাজ, চট করে সেরে চলে আসব। সবাই যাওয়ার দরকার নেই।

গাড়িতে উঠল হিন্দু জন। ড্রাইভারের পাশে আলম। পেছনের সীটে নুরু এবং সাদেক। তারা চলে গেল মগবাজারের একটা পেট্রোল পাম্পে। জায়গাটা পরিচিন্তা না। ওয়ারলেস স্টেশনের কাছে। ঠিকমত বিস্ফোরণ ঘটাতে পারলে পাকিস্তানীদের বড় ধরনের একটা চমক দেয়া যাবে।

সবাই বসে রইল পিক আপে। লম্বা লম্বা পা ফেলে নেমে গেল সাদেক। যেতে যেতে শিস দিচ্ছে।

কাঁচের ঘরের ভেতর যে গোলগাল লোকটি বসেছিল, তাকে হাসি-মুখে বলল—

ঃ মন দিয়ে শোনেন কি বলছি। আমরা আপনার এই পেট্রোল পাম্পটা উড়িয়ে দেব। আপনি লোকজন নিয়ে সরে পড়ুন। কুইক।

লোকটি চোখের পাতা পর্যন্ত ফেলতে ভুলে গেল। তাকিয়ে রইল মাছের মত। সাদেক বলল, 'আমার কথা বুঝতে পারছেন তো?'

- ঃ জি পারছি।

- : তাহলে দেরি করছেন কেন ?
- : আপনারা মুক্তিবাহিনী ?
- : হ্যাঁ।

লোকটি হাসের মত ফ্যাসফ্যাসে গলায় ডাকতে লাগল—হিসামুদ্দিন, হিসামুদ্দিন। ও হিসামুদ্দিন।

বিস্ফোরণ হল ভয়াবহ। বিশাল আগুন দাউ দাউ করে আকাশ স্পর্শ করল। বিকট শব্দ হতে থাকল। কুণ্ডলী পাকিয়ে উঠছে কালো ধোঁয়া। অসংখ্য লোকজন ছোঁটাছুটি করছে। চিৎকার। হেঁচ। হিস হিস শব্দ হচ্ছে। ভয়াবহ ব্যাপার !

আশফাকের পিক আপ ছুটে চলছে। নুরু ফিস ফিস করে বলল, 'পেট্রল পাম্পে গ্রেনেড না ছোঁড়াই ভাল। এই অবস্থায় কে জানত !'

ঘন্টা বাজিয়ে চারদিক থেকে ফায়ার ব্রিগেড এসেছে। বিস্ফোরণে যারা ভয় পায়নি, তারা এবার ভয় পাবে। ফায়ার ব্রিগেডের ঘন্টা অতি সাহসী মানুষের মনেও আতঙ্ক ধরিয়ে দেয়।

আলম হঠাৎ লক্ষ্য করল পেছন থেকে দৈত্যাকৃতি একটি ট্রাক ছুটে আসছে। অনুসন্ধানী ট্রাক। বিস্ফোরণের রহস্যের সন্ধান করছে নিশ্চয়ই। ট্রাকের মাথায় দুটি কমিশনগান নিয়ে দাঁড়িয়ে আছে দু'জন গানার। এরা কি তাদের পিক আপ থামাবে এবং বলবে—তোমরা কারা? কোথায় যাচ্ছে? বের করে এস। হাত মাথার ওপর তোলা।

আলমের মাথা ঝিম ঝিম করছে। পেটের ভেতর কি জানি পাক খাচ্ছে। এই ট্রাক ওদের থামাবে। নিশ্চয়ই থামাবে। বোঝা যায়। কিছু কিছু জিনিস টের পাওয়া যায়। বিশেষ বিশেষ সময়ে সিঙ্কথ সেন্স কাজ করে। আলম ফিস ফিস করে বলল, 'আশফাক সাইড দাও। মাথা ঠাণ্ডা রাখ সবাই।'

আশফাক গাড়ি প্রায় ফুটপাথের ওপর তুলে ফেলল। ট্রাক থামল না। গানার দু'জন পলকের জন্যে তাকাল তাদের দিকে। ওদের চোখ কাঁচের মত ঠাণ্ডা।

সাদেক কপালের ঘাম মুছে বলল, 'একটা বড় ফাঁড়া কেটে গেছে। আমার কেন জানি মনে হচ্ছিল, এরা আমাদের জন্যেই এসেছে। আলম, তোমার কি এ রকম মনে হয়েছে ?'

আলম জবাব দিল না। সাদেক বলল, ‘কেন জানি দারুণ একটা ভয় লেগে গেল। আমার কখনো এ রকম হয় না। মরার ভয় আমার নেই।’  
 আশফাক সিগারেট ধরিয়েছে। সে বেশ সহজ স্বাভাবিক। সিগারেটে টান দিয়ে একসিলেটরে চাপ দিয়ে হালকা গলায় বলল—চলেন ঘরে ফিরে যাই।

নিউ ইন্স্কাটনের কাছে এসে তাদের বিস্ময়ের সীমা রইল না। সেই ট্রাকটি দাঁড়িয়ে আছে। দাঁড়িয়ে আছে তাদের দিকে মুখ করে। গানার দু’জন মেশিনগান তাক করে আছে। কিছু সৈন্যনেমে এসেছে রাস্তায়। তাদের একজন মাঝরাস্তায় চলে এসেছে। বাঁশি বাজাচ্ছে এবং গাড়ি থামাতে বলছে। এর মানে কি ?

আলম ফিস ফিস করে বলল—আশফাক, কেটে বেরিয়ে যেতে চেষ্টা কর। নুরু, দেখ কিছু করতে পার কি না।

ওরা বন্দুক তাক করছে। বুঝে ফেলেছে এ গাড়ি থামবে না। সাদেক স্টেনগানের মুখ গাড়ির জানালায় রাখল। নুরু দুটি গ্রেনেডের পিন খুলে হাতে নিয়ে বসে আছে। সাত চমকেও সময় আছে। সাত সেকেণ্ড অনেক সময়। কিছুক্ষণ হাতে নিয়ে বসে থাকা যায়।

আশফাকের গাড়ি লাফিয়ে উঠেছে। মনে হচ্ছে উড়ে চলে যাবে। নুরু দুটি গ্রেনেডই ছুঁড়েছে। বিস্ফোরণের শব্দ পাওয়ার আগেই ওদের ওপর ঝাঁকে ঝাঁকে পড়বে পড়বে। আলম নিজের স্টেইন-গানের উপর ঝুঁকে পড়ে ফিস ফিস করে বলল—মাথা ঠাণ্ডা রাখ। মাথা ঠাণ্ডা।

শরীফ সাহেব বাড়ি ফেরবার জন্যে তৈরি হচ্ছিলেন, তখন খবরটা পেলেন। মিলিটারিদের সঙ্গে সরাসরি সংঘর্ষ হয়েছে গেরিলাদের। গেরিলাদের কিছুই হয়নি, কিন্তু মিলিটারিদের একটা ট্রাক উড়ে গেছে। এ জাতীয় খবর কখনো পুরোপুরি সত্যি হয় না। উইসফুল থিংকিংয়ের একটা ব্যাপার আছে। বাস্তবে নিশ্চয়ই অন্যরকম কিছু হয়েছে। গেরিলাদের গায়ে আঁচড়ও পড়বে না, তা কি হয়।

শরীফ সাহেব খুব আশা করতে লাগলেন যেন সংঘর্ষের খবরটা সত্যি না হয়। সত্যি না হবারই কথা। দিনে দুপুরে ওরা কি আর মিলিটারিদের ওপর ঝাঁপিয়ে পড়বে? অবশ্যি পড়তেও পারে। রোমান্টিসিজম! ওদের যা বয়স তাতে রোমান্টিসিজমই প্রাধান্য পাবে। এ জাতীয় অপারেশনে আসা উচিত মধ্যবয়স্কদের। যারা সাবধানী।

তিনি বাড়ি ফিরে কাপড় না ছেড়েই বারান্দার ইজিচেয়ারে বসে রইলেন। আলমের জন্যে অপেক্ষা। সে আসছে না। দেরি করছে কেন? খোঁজ নেবারও কোনো উপায় নেই। সে কোথায় থাকে তাঁর জানা নেই। সাবধানতা। যেখানে ওদের সাবধানী হওয়া উচিত সেখানে না হয়ে অন্য জায়গায়। কোনো মানে হয়?

দুপুর তিনটায় নিয়ামত সাহেব টেলিফোন করলেন।

: খবর শুনেছেন? ভেরী অথেনটিক।

: কি খবর?

: গেরিলাদের একটা পিক আপ ধরা পড়েছে। দু'জনের ডেড বডি পাওয়া গেছে।

: কে বলেছে আপনাকে? যত উড়ো খবর। এইসব খবরে কান দেবেন না। এবং টেলিফোনে এসব ডিসকাসও করবেন না।

শরীফ সাহেব টেলিফোন নামিয়ে আবার বারান্দায় এসে বসলেন।

মতিন সাহেব অবাক হয়ে দেখলেন একটা বেবীটেক্সি এসে তাঁর বাড়ির সামনে থেমেছে। বেবীটেক্সির ড্রাইভার এবং একটি অচেনা লোক আলমকে ধরাধরি করে নামাচ্ছে। তিনি অস্ফুট স্বরে বললেন, 'কি হয়েছে?' অপরিচিত লম্বা ছোট্ট বলল, 'গুলি লেগেছে। আপনারা রক্ত বন্ধ করার চেষ্টা করুন। আমি ডাক্তার নিয়ে আসব। আমার নাম আশফাক। এভাবে দাঁড়িয়ে থাকবেন না, এসে ধরুন।'

তারা বসার পরে উঠল। আলমের জ্ঞান আছে। সে হাত দিয়ে বাঁ কাঁধ চেপে ধরে আঁচা ফোঁটা ফোঁটা রক্ত গড়িয়ে পড়ছে সেখান থেকে।

রাত্রি এসে দাঁড়িয়ে দরজার পাশে। তার মুখ রক্তশূন্য। সে একটি কথাও বলছে না। মতিন সাহেব ভাঙা গলায় বললেন, 'মা একে ধর।' রাত্রি নড়ল না। যেভাবে দাঁড়িয়ে ছিল সেভাবেই দাঁড়িয়ে রইল।

ভেতর থেকে সেলাই মেশিনের শব্দ হচ্ছে। আশফাক শান্ত স্বরে বলল, 'আলম ভাই, আপনি কোনো রকম চিন্তা করবেন না। কারফি-উয়ের আগেই আমি ডাক্তারের ব্যবস্থা করব। যে ভাবেই হোক।'

বেবীটেক্সির বুড়ো ড্রাইভারটির মুখ ভাবলেশহীন। যেন এ জাতীয় ঘটনা সে জীবনে বহু দেখেছে।

আশফাক তার ঘরে পৌঁছল পাচটায়। এখান থেকে সে মাঝে বিকাতলা। ওদের খবর দিয়ে ডাক্তারের ব্যবস্থা করতে হবে। কাফু গুরু হবে সাড়ে ছ'টায়। হাতে অনেকখানি সময়।

সে গেজি বদলে একটা সার্টি পবল। অভ্যাস বসে চুল আঁচড়াল, নিচে নামল। গালে ব্রীম দিল। মুখের চামড়া টানছে। এসব শীত-কালে হয়। চামড়া শুকিয়ে যায়। কিন্তু তার এখন হচ্ছে কেন! বডড ক্লান্ত লাগছে। নিচে নামতে গিয়ে পা কাঁপছে। কেন এ রকম হচ্ছে? সে এখনো বেঁচে আছে। বিরাট ঘটনা। আনন্দে চিৎকার করা উচিত। কিন্তু আনন্দ হচ্ছে না। কেমন যেন ঘুম পাচ্ছে।

তার জন্যে কালো রঙের জীপ নিয়ে আর্মি ইন্টেলিজেন্সের লোকজন অপেক্ষা করছে।

: আশফাক তোমার নাম?

: হ্যাঁ।

: চল আমাদের সঙ্গে। তোমার জন্যে গত এক ঘন্টা ধরে অপেক্ষা করছি।

রাত্রি পাথরের মূর্তির মত একটা একা বসার ঘরে বসে আছে। দুপুর থেকেই আকাশ মেঘে মেঘে লুকনো হয়েছিল। এখন রুগ্টি নামল। প্রবল বর্ষণ। বিদ্যুৎ চমকায়। ঘন ঘন বাজ পড়ছে।

রস্তায় লোক চলাচল একেবারেই নেই। দু' একটা রিকশা বা বেবী-টেক্সির শব্দ শোনামার রাত্রি বের হয়ে আসছে। বোধ হয় ডাক্তার নিয়ে কেউ এসেছে। না কেউ না। কাফুর সময় দ্রুত এগিয়ে আসছে। কিছুক্ষণ পর হয়ত আর একটিও রিকশা বা বেবীটেক্সির শব্দ কানে আসবে না। দ্রুতগামী জীপ কিংবা ভারী ট্রাকের শব্দ কানে আসবে। রাত্রি ঘড়ি দেখে বাইরের বারান্দায় এসে দাঁড়াল। সামনের পুকুরে এই অবেলায় একজন লোক গোসল করছে। কোথাও কেউ নেই। এমন ঘোর বর্ষণ-এর ভেতর নিজের মনে লোকটা সাঁতার কাটছে। দেখে মনে হচ্ছে এই লোকটির মনে কত আনন্দ।

জামগাছওয়ালার বাড়ির উকিল সাহেব বাজার নিয়ে ফিরছিলেন। তাঁর এক হাতে ছাতা, তবু তিনি পুরোপুরি ভিজ়ে গেছেন। তিনি ঘাড় ঘুরিয়ে রাত্রিকে দেখলেন, অবাক হয়ে বললেন—একা একা বারান্দায় দাঁড়িয়ে আছ কেন মা? ভেতরে যাও। কখনো বারান্দায় থাকবে না। যাও যাও ভেতরে যাও। দরজা বন্ধ করে দাও।

রাগ্নি বলল, 'কাফু' 'কি শুরু হয়েছে চাচা ?'

: না. এখনো ঘন্টাখানিক আছে। যাও মা ভেতরে যাও।

উকিল সাহেব লম্বা লম্বা পা ফেলে এগলেন। তাঁর এক মেয়ে, যুথী রাগ্নির সঙ্গে পড়ত। মেট্রিক পাশ করবার পরই তার বিয়ে হয়ে গেল। বিয়ের এক বছরের মাথায় বাচ্চা হতে গিয়ে যুথী মারা গেল। বিয়ে না হলে মেয়েটা বেঁচে থাকত। মেয়েদের জীবন বড় কষ্টের।

লোকটা পুকুরে এখনো সাঁতার কাটছে। চিৎ হয়ে কাত হয়ে নানান রকম ভঙ্গি করছে। পাগল নাকি ?

ভেতর থেকে সুরমা ডাকলেন—রাগ্নি।

রাগ্নি জবাব দিল না। সুরমা বারান্দায় এসে তাঁর মেয়ের মতই অবাক হয়ে সাঁতার কাটা লোকটিকে দেখতে লাগলেন। রাগ্নি মৃদু স্বরে বলল, 'কেউ তো এখনো এল না মা।'

সুরমা শান্ত গলায় বললেন, 'এসে পড়বে। এখন এসে পড়বে। তুই ভেতরে আয়। আলমের কাছে গিয়ে বস।'

রাগ্নি বসার ঘরে এসে সোফায় বসল। ভেতরে গেল না। ভেতরে যেতে তার ইচ্ছে করছে না।

মতিন সাহেব একটা পরিষ্কার পুরোনো শাড়ি ভাঁজ করে আলমের কাঁধে দিয়েছেন। তিনি দু'হাতে সেই শাড়ি চেপে ধরে আছেন। একটু পর পর ফিস ফিস করে বলছেন—তোমার কোনো ভয় নাই। এক্ষুণি ডাক্তার চলে আসবে। তাছাড়া রক্ত বন্ধ হওয়াটাই বড় কথা। রক্ত বন্ধ হয়েছে।

মতিন সাহেবের কথা সত্য নয়। কাঁধের শাড়ি ভিজে উঠছে। রক্ত জমাট বাঁধছে না। আলম নিঃশ্বাস নিচ্ছে হাঁ করে। মাঝে মাঝে খুব অস্পষ্ট ভাবে আহ্ উহ্ করছে। কিন্তু জ্ঞান আছে পরিষ্কার। কেউ কিছু বললে জবাব দিচ্ছে। সে একটু পর পর পানি খেতে চাইছে। চামচে করে মুখে পানি দিয়ে দিচ্ছে বিস্তি। এই প্রথম বিস্তির মুখে কোনো হাসি দেখা যাচ্ছে না। সে পানির গ্লাস এবং চামচ হাতে নিয়ে দাঁড়িয়ে আছে দরজার পাশে। তার সঙ্গে গায়ে গা লাগিয়ে দাঁড়িয়ে আছে অপালা। সে দারুণ ভয় পেয়েছে। একটু পর পর কেঁপে কেঁপে উঠছে। এক সময় আলম গোঙাতে শুরু করল। অপালা চমকে উঠল, তারপরই কেঁদে উঠে ছুটে বের হয়ে গেল।

রাত্রি এসে দাঁড়িয়েছে দরজার ওপাশে। তার মুখ ভাবলেশহীন। সে তাকিয়ে আছে মেঝের দিকে।

আলম কাৎরাতে কাৎরাতে বলল, 'ব্যথাটা সহ্য করতে পারছি না। একেবারেই সহ্য করতে পারছি না।'

মতিন সাহেব তাকিয়ে আছেন। তিনি বিড় বিড় করে বললেন, 'ডাক্তার এসে পড়বে। একটু ধৈর্য ধর। একটু। রাত্রি, তুই দাঁড়িয়ে আছিস কেন? কিছু একটা কর।'

: কি করব বল?

মতিন সাহেব কিছু বলতে পারলেন না।

রুগ্নির বেগ বাড়ছে। খোলা জানালা দিয়ে প্রচুর হাওয়া আসছে। রুগ্নি-ভেজা হাওয়া।

: জানালা বন্ধ করে দে।

রাত্রি জানালা বন্ধ করবার জন্যে এগিয়ে যেতেই আলম বলল—বন্ধ করবেন না। প্লীজ বন্ধ করবেন না। সে পাশ কাটতে চেষ্টা করতেই তাঁর ব্যথার সমস্ত চেতনা আচ্ছন্ন হয়ে গেল। মা'কে ডাকতে ইচ্ছে করছে। ব্যথার সময় মা মা বলে চিৎকার করলেই ব্যথা কমে যায়। এটা কি সত্যি, না এটা সুন্দর একটা কল্পনা?

খোলা জানালার পাশে রাত্রি দাঁড়িয়ে আছে। হাওয়ায় তার চুল উড়ছে। আহ্ কি সুন্দর দেখাচ্ছে মেয়েটাকে। বেঁচে থাকার মত আনন্দ আর কিছুই নেই। কত অপূর্ব সব দৃশ্য চারিদিকে। মন দিনে আমরা কখনো তা দেখি না। যখন সময় শেষ হয়ে যায়, তখন শুধু হাহাকারে হৃদয় পূর্ণ হয়। রাত্রি কি যেন বলছে। কি বলছে সে? আলম তার ইন্ড্রিয়গুলো সজাগ করতে চেষ্টা করল।

: আপনি রুগ্নিতে ভিজ়ে যাচ্ছেন। জানালা বন্ধ করে দি?

: না না, খোলা থাকুক। প্লীজ।

এই জানালা বন্ধ করা নিয়ে কত কাণ্ড হত বাড়তে। শীতের সময়ও জানালা খোলা না রেখে সে ঘুমতে পারত না। মা গভীর রাতে চুপিচুপি এসে জানালা বন্ধ করে দিতেন। এই নিয়ে তাঁর কত ঝগড়া।

: নিউমোনিয়া হয়ে মরে থাকবি একদিন।

: জানালা বন্ধ থাকলে নিউমোনিয়া ছাড়াই মরে যাব মা। অস্বিজেনের অভাবে মরে যাব।

: অন্য কারোর তো অস্বিজেনের অভাব হচ্ছে না।

: আমার হয়। আমি খুব স্পেশাল মানুষ তো, তাই।

সেই খোলা জানালা দিয়ে চোর এল এক রাতে। আলমের টেবিলের ওপর থেকে মানিব্যাগ, ঘড়ি এবং একটা ক্যামেরা নিয়ে পাইপ বেয়ে নেমে গেল। সকালবেলা দেখা গেল—চোর তার স্পঞ্জের স্যাণ্ডেল বাগানে ফেলে গেছে। আলম সেই স্যাণ্ডেল জোড়া নিয়ে এল। হাসি মুখে মাকে বলল—শোধ বোধ হয়ে গেল মা। চোর নিয়েছে আমার জিনিস আমি নিলাম চোরের। এখন থেকে এই স্যাণ্ডেল আমি ব্যবহার করব।

এই নিয়ে মা বড় ব্যামেলা করতে লাগলেন। চিৎকার চেঁচামেচি। চোরের স্যাণ্ডেল ঘরে থাকবে কেন? এইসব কি কাণ্ড! আলম হেসে হেসে বলত—বড় সফট স্যাণ্ডেল মা। পরতে খুব আরাম।

স্যাণ্ডেল জোড়া কি আছে এখনো? মানুষের মন এত অদ্ভুত কেন? এত জিনিস থাকতে আজ মনে পড়ছে চোরের স্যাণ্ডেল জোড়ার কথা?

মতিন সাহেব ঘড়ি দেখলেন। কারফিউয়ের সময় দ্রুত শেষ হয়ে আসছে। ছেলোটী কি ডাক্তার নিয়ে আসবে মা? তার নিজেরই কি যাওয়া উচিত? আশেপাশে ডাক্তার কে আছেন? একজন লেডি ডাক্তার এই পাড়াতেই থাকেন। তাঁর বাড়ি তিনি চেনেন না। কিন্তু খুঁজে বের করা যাবে। সেটা কি ঠিক হবে? গুলি খেয়ে একটি ছেলে পড়ে আছে। এটা জানাজানি করলে বিষয় নয়। কিন্তু ছেলোটীর যদি কিছু হয়? রুশিট বাদলার জন্যে অসময়ে চারদিক অন্ধকার হয়ে গেছে। ইলেকট্রিসিটি নেই। এ অন্ধকারে অল্প হাওয়া দিলেই ইলেকট্রিসিটি চলে যায়। মতিন সাহেব বললেন, 'একটা হারিকেন নিয়ে আসতো মা।'

রাত্রি ঘর থেকে বেরবামাত্র আলম দু'বার ফিস ফিস করে তার মা'কে ডাকল—আশিম, আশিম। শিশুদের ডাক। যেন একটি ন'দশ বছরের শিশু অন্ধকারে ভয় পেয়ে তার মা'কে ডাকছে। রাত্রি নিঃশব্দে এগুচ্ছে রান্নাঘরের দিকে। শোবার ঘর থেকে অপালা ডাকল—আপা, একটু শুনে যাও।

অপালা বিছানায় চাদর গায়ে দিয়ে শুয়ে আছে। অসম্ভব ভয় লাগছে তার। সে চাদরের নিচে বার বার কেঁপে কেঁপে উঠছে। রাত্রি ঘরে ঢোকামাত্র সে উঠে বসল।

: কি হয়েছে অপালা?

: খুব ভয় লাগছে।

: মা'র কাছে গিয়ে বসে থাক।

: না।

অপালা আবার চাদর গায়ে দিয়ে শুয়ে পড়ল। রাত্রি এসে হাত রাখল তার মাথায়। গা গরম। জ্বর এসেছে।

অপালা ফিস ফিস করে বলল, ‘আপা উনি কি মারা গেছেন?’

ঃ না। মারা যাবেন কেন? ভাল আছেন।

ঃ তাহলে কোনো কথাবার্তা শুনছি না কেন?

রাত্রি কোনো জবাব দিল না। অপালা কাঁপা কাঁপা গলায় বলল, ‘তুমি একটু আমার পাশে বসে থাক আপা।’ রাত্রি বসল। তিক তখনি শুনতে পেল আলম আবার তার মা’কে ডাকছে। আশ্মিম। আশ্মিম।

রাত্রি উঠে দাঁড়াল।

সুরমা হারিকেন জ্বালিয়ে রান্নাঘরেই বসে আছেন। রাত্রি ছায়ার মত রান্নাঘরে এসে ঢুকল। কাঁপা গলায় বলল—

ঃ মা, তুমি ও’র হাত ধরে একটু বসে থাক। উনি বার বার তাঁর মা’কে ডাকছেন।

সুরমা নড়লেন না। হারিকেনের দিকে তাকিয়ে বসেই রইলেন। রাত্রি বলল, ‘মা এখন আমরা কি করব?’

সুরমা ফিস ফিস করে বললেন, ‘কিছু করতে পারছি না।’

হাওয়ার ঝাপটায় হারিকেনের জ্বলন্ত কাঁপছে। বিচিত্র সব নকশা তৈরি হচ্ছে দেয়ালে। প্রচণ্ড শব্দে শব্দেই কোথাও যেন বাজ পড়ল। মতিন সাহেব ও ঘর থেকে বেরিয়েছেন—আলো দিয়ে যাচ্ছে না কেন? হয়েছে কি সবার? ভয় পামে অপালা তার ঘরে কাঁদতে শুরু করেছে। কি ভয়ংকর একটি রাত্রি। কি ভয়ংকর!

গত দেড় ঘণ্টা যাবত আশফাক একটা চেয়ারে জড়সড় হয়ে বসে আছে। তাকে দেখে মনে হচ্ছে তার কোনো বোধশক্তি নেই। চারপাশে কোথায় কি ঘটছে সে সম্পর্কেও কোনো আগ্রহ নেই। তার সামনে একজন মিলিটারি অফিসার বসে আছে। অফিসারটির গায়ে কোনো ইউনিফর্ম নেই। লম্বা কোর্তার মত একটা পোশাক। ইউনিফর্ম না থাকায় তার র্যাংক বোঝা যাচ্ছে না। বয়স দেখে মনে হয় মেজর কিংবা ল্যান্সনেট কর্নেল। জুলপির কাছে কিছু তুল পাকা।

চেহারা রাজপুত্রের মত। কথা বলে নিচু গলায়। খুব কফি খাওয়ার অভ্যাস। আশফাক লক্ষ্য করেছে, এই এক ঘণ্টায় সে ছয় কাপের মত কফি খেয়েছে। কফি খাওয়ার ধরনটিও বিচিত্র। কয়েক চুমুক দিয়ে রেখে দিচ্ছে এবং নতুন আরেক কাপ দিতে বলছে। এখন পর্যন্ত

আশফাকের সঙ্গে তার কথা হয়নি। আশফাক বসে আছে। অফিসারটি কফিকে চুমুক দিচ্ছে এবং নিজের মনে কি সব লেখালেখি করছে। মনে হচ্ছে আশফাক সম্পর্কে তার কোনো উৎসাহ নেই।

ঘরটি খুবই ছোট। তবে মেঝেতে কার্পেট আছে। দরজায় ফুল তোলা পর্দা। অফিস ঘরের জন্যে পর্দাগুলো মানাচ্ছে না। কার্পেটের রঙের সঙ্গেও মিল খাচ্ছে না। কার্পেট লাল রঙের, পর্দা দুটি নীল। আশফাক বসে বসে পর্দায় কতগুলো ফুল আছে তা গোনান চেষ্টা করছে। তার প্রচণ্ড সিগারেটের তৃষ্ণা হচ্ছে। সিগারেট আছে সঙ্গে, তবে ধরাবার সাহস হচ্ছে না।

মিনিটারি অফিসারটির কাজ মনে হয় শেষ হয়েছে। সে ফাইল-পত্র একপাশে সরিয়ে রেখে আশফাকের দিকে তাকিয়ে চমৎকার ইংরেজীতে বলল, 'কফি খাবে? বাড়ি রুগ্নিতে কফি ভালই লাগবে।'

আশফাক কোন উত্তর দিল না।

: আশফাক তোমার নাম?

: হ্যাঁ।

: তোমার পাড়িতে যে দুটি ডেড বন্ডি পাওয়া গেছে ওদের নাম কি?

আশফাক নাম বলল। অফিসারটির মনে হলো নামের প্রতি কোনো আগ্রহ নেই। সে হাই তুলে হাত গলায় দু'কাপ কফি দিতে বলল। কফি চলে এল সঙ্গে সঙ্গেই।

: খাও, কফি খাও। আমার নাম রাকিব। মেজর রাকিব। আমি কফিতে দুধ চিনি খাই না। তোমারটাতেও দুধ চিনি নেই। লাগলে বলবে। তুমি সিগারেট খাও?

: হ্যাঁ।

: তাহলে সিগারেট ধরাও। স্ফেকাররা সিগারেট ছাড়া কফি খেতে পারে না।

আশফাক কফিতে চুমুক দিল। চমৎকার কফি। সিগারেট ধরাল। ভাল লাগছে সিগারেট টানতে। মেজর রাকিব তাকিয়ে আছে এক-দৃষ্টিতে। তার চোখ দুটি হাসি হাসি।

: আশফাক।

: বলুন।

: আমরা দু'জনে পনেরো মিনিটের মধ্যে এখান থেকে বের হবে। ঝড়টা কমানোর জন্যে অপেক্ষা করছি। তুমি আমার সঙ্গে থাকবে এবং

সহকর্মীরা যেন সব জায়গায় থাকে সে সব আমাকে দেখিয়ে দেবে। আমরা আজ রাতের মধ্যেই সবাইকে ধরে ফেলব।

আশফাক তাবিয়ে রইল।

: তোমার সাহায্য আমি মনে রাখব, এইটুকু শুধু তোমাকে বলছি।

আশফাক নিচু গলায় বলল, 'ওরা কোথায় থাকে আমি জানি না।'

মেজর রাফিক এমন ভাব করল যে সে এই কথাটি শুনতে পায়নি। হাসি হাসি মুখে বলল—কেউ কথা না বলতে চাইলে আমাদের বেশ কিছু পদ্ধতি আছে। কিছু কিছু পদ্ধতি বেশ মজার। একটা তোমাকে বলি। এক বুড়াকে আমরা ধরলাম গত সপ্তাহে। আমার ধারণা হল সে কিছু খবরাখবর জানে। ভাব দেখে মনে হলো কিছু বলবে না। আমি তখন ওর মেয়েটিকে ধরে আনলাম এবং বললাম—মুখ না খুললে আমার একজন জোয়ান তোমার সামনে মেয়েটিকে রেপ করবে। পাঁচ মিনিট সময়, এর মধ্যে ঠিক কর বলবে কি বলবে না। বুড়ো এক মিনিটের মাথায় বলতে শুরু করল।

আশফাক বলল, 'স্যার আমি এদের কার্যক্রমই তিকানা জানি না।'

: এটা কি বিশ্বাসযোগ্য?

: এরা আমার কাছে এসেছে, আমি ওদের গাড়ি করে নিয়ে গিয়েছি। আমি নিজেও মুক্তিযোদ্ধা না।

: ওরা তোমাকে জোর করে নিয়ে গেছে, তাই না? গানপয়েন্টে না গেলে তোমাকে ওরা গুলি করে মেরে ফেলত?

: জি।

: নিজের প্রাণ বাঁচাবার জন্যে তুমি এই কাজটি করেছ।

: জি স্যার।

: তা তো করবেই। গানপয়েন্টে কেউ কিছু বললে না শুনে উপায় নেই। শুনতেই হয়।

মেজর রাফিক আরেক কাপ কফির কথা বলল। কপি নিয়ে যে লোকটি ঢুকল তাকে বলল, 'তুমি একে নিয়ে যাও। ওর দুটি আঙুল ভেঙে আবার আমার কাছে নিয়ে এস। বেশি ব্যথা দিও না।'

রাফিক হাসি মুখে তাকাল আশফাকের দিকে এবং নরম গলায় বলল—তুমি ওর সঙ্গে যাও। এবং শুনে রাখ এখন বাজে নটা কুড়ি, তুমি নটা পঁয়ত্রিশ মিনিটে প্রচুর কথা বলবে। সবার বাড়ি দেখিয়ে দেবে। ধরিয়ে দেবে। আমি এই নিয়ে তোমার সঙ্গে দশ হাজার টাকা বাজি রাখতে পারি।

যে লোকটি আশফাকের ডান হাত নিজের মুঠোয় ধরে রেখেছে তার মুখ গোলাকার। এ রকম গোল মানুষের মুখ হয়। যেন কম্পাস দিয়ে মুখটি আঁকা। তার হাতটিও মেয়েদের হাতের মত তুলতুলে নরম। লোকটি পেনসিলের মত সাইজের একটি কাস্টি আশফাকের দু' আঙুলের ফাঁকে রাখল। আশফাকের মনে হচ্ছে এটা একটা স্বপ্নদৃশ্য। বাস্তবে এ রকম কিছু ঘটছে না। গোলাকার মুখের এই লোকটি তার হাত নিয়ে খেলা করছে। আশফাক নিজেই বুঝতে পারল না যে সে পশুর মত আঁ আঁ করে চিৎকার করে উঠেছে। কেউ কি টেনে তার হাতটি ছিঁড়ে ফেলেছে? কি করছে এরা, কি করছে? তীব্র ভীষ্ম যন্ত্রণা। দ্বিতীয়বারের মত চিৎকার করেই সে জ্ঞান হারাল।

মেজর রাকিব তাকিয়ে আছে তার দিকে। কি সুন্দর চেহারা এই লোকটির, নাদিমের সঙ্গে মিল আছে। নাকটা কক্ষ

: আশফাক তোমার জ্ঞান ফিরেছে মনে হচ্ছে। ভালই হয়েছে। গাড়ি এসে গেছে। চল, যাওয়া যাক। নাকি সবার আগে আরেক কাপ কফি খাবে?

আশফাক তাকিয়ে আছে। লোকটির নাদিমের মত লম্বা নয়। একটু খাটো। বড়জোর পাঁচ ফুট দাঁড় করবে।

- : আশফাক তুমি ওদের কিস্তি জানা নিশ্চয়ই। জান না?
- : কয়েকজনের জানি। সবার জানি না।
- : ওতেই হচ্ছে। ব্যাপারটা হচ্ছে মাকড়শার জালের মত। একটা সূতার সন্ধান পাওয়া গেলে গোটা জালটা খুঁজে পাওয়া যায়। আশফাক।
- : বলুন।
- : চল রওনা হওয়া যাক।
- : আমি আপনাকে কিছুই বলব না।
- : কিছুই বলবে না?
- : না।
- : মাত্র দু'টি আঙুল তোমার ভাঙা হয়েছে। তোমার হাতে আরো আটটি আঙুল আছে।
- : আমি কিছুই বলব না।
- : তোমার মাথা গরম হয়ে গেছে। অনেক সনয় ব্যথার পরিমাণ বেশি হলে মাথা গরম হয়ে যায়। তুমি মাথা ঠাণ্ডা কর। কফি খাও,

সিগারেট খাও। তারপর আমরা কথা বলব। নাকি সলিড কিছু খাবে? গোস্‌ত পারাটা?

আশফাক কিছু বলল না। সে তাকিয়ে আছে তার বাঁ হাতের দিকে। মূহূর্তের মধ্যে কেমন ফুলে উঠেছে। এটি কি সত্যি তার হাত?

আশফাক গোস্‌ত পারাটা খুব আগ্রহ করে খেল। তার এতটা খিদে পেয়েছিল সে নিজেও বুঝতে পারেনি। ঝাল দিয়ে রান্না করা গোস্‌ত। চমৎকার লাগছে। পশ্চিমারা এতটা ঝাল খায় তার জানা ছিল না।

: আশফাক।

: জি।

: আরো লাগবে?

: জি না।

: কফি চলবে?

: একটা পান খাব।

: পান পাওয়া যাবে না। দোকানপাট বন্ধ। এখন কাফু' চলছে। সিগারেট আছে তো? না থাকলে বল।

: জি আছে।

: চল তাহলে রওনা দেওয়া যাক।

: কোথায়?

: তুমি তোমার বন্ধুদের সাথে নিয়ে দেবে। বাড়ি চিনিয়ে দেবে।

আশফাক অনেক কষ্টে এক হাতে দেয়াশলাই জ্বালিয়ে সিগারেট ধরাল। অনেকখানি সময় নিয়ে ধোঁয়া ছাড়ল। বেশ লাগছে সিগারেট।

: মেজর সাহেব।

: বল।

: আমি কিছুই বলব না।

: কিছুই বলবে না?

: জি না। আপনি তো আমাকে মেরেই ফেলবেন। মারেন। কষ্ট দেবেন না। কষ্ট দেয়া ঠিক না।

: মরতে ভয় পাও না?

: জি পাই। কিন্তু কি করব বলেন? উপায় কি?

: উপায় আছে। ধরিয়ে দাও ওদের। আমি তোমাকে ছেড়ে দেবার ব্যবস্থা করব। আমি ব্যক্তিগতভাবে এই গ্যারান্টি তোমাকে দিচ্ছি।

: মেজর সাহেব, এটা সম্ভব না।

: সম্ভব না?

: জ্বি না। আমি তো মানুষের বাচ্চা। কুকুর বেড়ালের বাচ্চাতো না।

: তুমি মানুষের বাচ্চা ?

: জ্বি। আমাকে কণ্ট দেবেন না মেজর সাহেব। মেরে ফেলতে বলেন। কণ্ট সহ্য করতে পারি না।

মেজর রাকিব দীর্ঘ সময় তাকিয়ে রইল। এই ছেলটির যাবতীয় যন্ত্রণার অবসান করবার জন্যে তার ইচ্ছা করছে। কিন্তু তা সম্ভব নয়। খবর বের করতেই হবে। এটা একটা মাকড়শার জাল। একটা সুতা পাওয়া গেছে। জালটিও পাওয়া যাবে। পেতেই হবে। মানুষ আসলে একটি দুর্বল প্রাণী। মেজর রাকিব আশফাকের আরো দুটি আঙুল ভেঙে ফেলার হুকুম দিয়ে নিজের ঘরে এসে বসল।

বাইরে আকাশ ভেঙে বৃষ্টি নেমেছে।

রাত এগারোটায় টেলিফোন। নাসিমা ভয়ে ভয়ে টেলিফোন ধরলেন।

: কে ?

: ফুপু আমি।

: কি ব্যাপার রাত্রি ? গলা এরকম শেঁকোচ্ছে কেন, কি হয়েছে ?

: কিছু হয়নি। ফুপু, তোমার কাছে যে একজন উদ্রমহিলা এসে-ছিলেন, মেডিকেল কলেজের হাউসসিয়েট প্রফেসর মিসেস রাবেয়া করিম, ওনার টেলিফোন নাম্বারটা দাও।

: কেন ?

: খুব দরকার ফুপু। তুমি দাও।

: কি হয়েছে বল ?

: বলছি। নাম্বারটা দাও আগে। তোমার পায়ে পড়ি ফুপু।

নাসিমা অবাক হয়ে শুনলেন, রাত্রি ফুঁপিয়ে ফুঁপিয়ে কাঁদছে। তিনি নাম্বার এনে দিলেন।

সেই নাম্বারে বার বার টেলিফোন করেও কাউকে পাওয়া গেল না। রিং হচ্ছে, কেউ ধরছে না।

মতিন সাহেব তিক একই ভঙ্গিতে কাঁধ চেপে ধরে আছেন। তাঁর ধারণা রক্ত বন্ধ হয়েছে। তিনি মনে মনে সারাক্ষণ সূরা এখলাস পড়ছেন।

আলম এখন আর পানি খেতে চাচ্ছে না। খানিকটা আচ্ছন্নের মত হয়ে পড়েছে। সুরমা, এক কাপ গরম দুধ খাওয়াতে চেষ্টা করলেন। এটা সে খেতে পারল বলে মনে হল।

তার জ্ঞান আছে। ডাকলে সাড়া দেয়। চোখ মেলে তাকায়। সেই চোখ টকটকে লাল।

মতিন সাহেব বললেন—মাথায় জলপট্টা দেয়া দরকার। জ্বরে গা পুড়ে যাচ্ছে। সুরমা, ভেজা তোয়ালে নিয়ে এসো।

ভেজা তোয়ালে দিয়ে কপাল স্পর্শ করতেই আলম কোঁপে উঠল। সুরমা মৃদু স্বরে বললেন, ‘বাবা এখন রাত দুটো বাজে। ভোর হতে বেশি বাকি নেই। ভোর হলেই যে ভাবেই হোক তোমার চিকিৎসার ব্যবস্থা করব। তুমি শক্ত থাক।’

আশফাক তাকিয়ে আছে শূন্য দৃষ্টিতে। মেজর রাকিবের মুখ এমন গোলকার লাগছে কেন? তার মুখ তো এমন ছিল না। গোল মুখ ছিল ঐ লোকটির, যে আঙুল ভাঙে। ভাঙার সমস্ত কেমন টুক করে শব্দ হয়।

ঃ আশফাক।

ঃ জ্বি।

ঃ চিনতে পারছ আমাকে ?

ঃ জ্বি। আপনি মেজর রাকিব।

ঃ তুমি কি এখন বলবে ?

ঃ জ্বি না। মেজর সাহেব, আপনি আমাকে মেরে ফেলেন, কণ্ঠ দেবেন না।

মেজর রাকিব তাকিয়ে রইল। এই ছেলেটি কোনো কথা বলবে না, এ বিষয়ে সে এখন নিঃসন্দেহ। তার প্রচণ্ড রাগ হওয়া উচিত। কিন্তু কেন জানি হতে পারছে না। সে ঠাণ্ডা গলায় বলল, ‘তুমি কি কিছু খেতে চাও? কফি কিংবা সিগারেট? খেতে চাইলে খেতে পার। চাও কিছু?’

ঃ জ্বি না। ধন্যবাদ মেজর সাহেব। বহুত শুকরিয়া।

ঃ আশফাক।

ঃ জ্বি।

ঃ তুমি কি বিবাহিত ?

ঃ জ্বি স্যার ?

ঃ ছেলেমেয়ে আছে ?

ঃ জ্বি না।

ঃ নতুন বিয়ে ?

ঃ জ্বি।

ঃ স্ত্রীকে ভালবাস ?

আশফাক জবাব দিল না। মাথা নিচু করে দাঁড়িয়ে রইল। মেজর রাবির সহজ ভঙ্গিতে বলল, ‘জবাব দাও। ভালবাস?’

: জি স্যার।

: তাহলে তো ওর জন্যেই তোমার বেঁচে থাকা উচিত। উচিত নয় কি?

: জি উচিত।

: তাহলে বোকামী করছ কেন? তোমার কি ধারণা কয়েকটি ছেলে ধরা পড়লে যুদ্ধ বন্ধ হয়ে যাবে? তা তো না। নতুন নতুন ছেলে আসবে। এবং কে জানে এক সময় যুদ্ধে তোমরা জিতেও যেতে পার। পার না?

: জি স্যার পারি।

: নিজের জীবনের চেয়ে মূল্যবান আর কিছুই নেই। এটা একটা সহজ সত্য। তুমি নেই—তার মানে তোমার কাছে পৃথিবীর কোনো অস্তিত্ব নেই—দেশ তো অনেক দূরের কথা। আমি কি ঠিক বলছি?

: জি স্যার ঠিক।

: বেশ, এখন তুমি কথা বল। চল আমার সঙ্গে শুধুমাত্র একজনকে ধরিয়ে দাও। আমি কথা দিচ্ছি, ভোরবেলা তোমাকে ছেড়ে দেবার ব্যবস্থা করব।

আশফাক অনেকক্ষণ মেজর রাবির দিকে তাকিয়ে রইল। ছোট্ট একটা নিঃশ্বাস ফেলল। তাকাল তার ফুলে ওঠা হাতের দিকে। আহ্ কি অসম্ভব যন্ত্রণা! যন্ত্রণা থেকে মুক্তি পেতে ইচ্ছে করে। খুবই ইচ্ছে করে।

: চল আশফাক, চল সেরি হয়ে যাচ্ছে।

: স্যার, আমি ফিট করব না।

: বলবে না?

: জি না।

দু’জন দীর্ঘসময় দু’জনের দিকে তাকিয়ে রইল। মেজর রাবির বেল টিপে কাকে যেন ডাকল। শীতল গলায় আশফাককে মেরে ফেলবার নির্দেশ দিল। আশফাক বিড় বিড় করে বলল, ‘স্যার যাই। স্লামালিকুম।’

আলম কোনো সাড়াশব্দ করছে না। তার পা আঙনের মত গরম। কিছুক্ষণ আগেও ছটফট করছিল। এখন সে ছটফটানি নেই। একবার শুধু বলল, ‘পানি খাব। পানি দিন।’

মতিন সাহেব চামচে করে পানি দিলেন। সেই পানি সে খেল না। মুখ ফিরিয়ে নিল।

: পানি চেয়েছিলে তুমি। একটু হাঁ কর।

ঃ না।

ঃ ব্যথা কি খুব বেশি ?

ঃ না বেশি না।

মতিন সাহেব চিন্তিত বোধ করলেন। হঠাৎ করে ব্যথা কমে যাবে কেন ? এর মানে কি ?

ঃ আলম, আলম।

ঃ জ্বি।

ঃ ভোর হতে খুব দেরি নেই। তোমার আত্মীয়স্বজন কাকে খবর দেব বল তো।

আলম জবাব দিল না। মতিন সাহেব এই প্রশ্নটি দ্বিতীয়বার করলেন। আলম বলল, 'কাউকে বলতে হবে না।'

ঃ কেন বলতে হবে না ? নিশ্চয়ই বলতে হবে।

ঃ কেন বিরক্ত করছেন ?

মতিন সাহেব চুপ করে গেলেন।

আলম বিড় বিড় করে বলল, 'আমার মাথার নিচে আরেকটা বালিশ দিন।'

তার কাছে মনে হচ্ছে তার মাথার নিচে নেমে যাচ্ছে। টেনে কেউ তাকে নিয়ে যাচ্ছে অতলপাশের জলে। কিছুতেই ভাসিয়ে রাখা যাচ্ছে না। ঘর-বাড়ি অচেনা হয়ে যাচ্ছে। সে কি মারা যাচ্ছে ? মরবার আগে সমস্ত অতীত স্মৃতি স্মৃতি ঝলসে ওঠে। কই সেরকম তো কিছু হচ্ছে না। চোখের কাশনে কিছুই ভাসছে না। কোনো স্মৃতি নেই। চেষ্টা করেও কিছু মনে করা যাচ্ছে না। যতবার সে কিছু মনে করবার চেষ্টা করছে, ততবারই সাদেকের মুখ ভেসে উঠছে। নুরুর মুখের ছবি আসছে না। অথচ গাড়ি থেকে বের হবার সময় সে এই দু'জনের দিকেই তাকিয়ে ছিল। তার চেয়েও আশ্চর্যের ব্যাপার হচ্ছে নুরুকে সে অনেক বেশি পছন্দ করে। অনেক বেশি। কি ঠাণ্ডা একটা ছেলে! বয়স কত হবে ? কুড়ি একশ ? তার চেয়েও কম হতে পারে। কোনো দিন জিজ্ঞেস করা হয়নি। জিজ্ঞেস করা উচিত ছিল।

ঃ মতিন সাহেব।

ঃ কি বাবা ?

ঃ আমাদের সঙ্গে দুটি ছেলে ছিল। ওরা মারা গেছে।

ঃ বাবা, তুমি চুপ করে থাক। কথা বলবে না। কোনো কথা বলবে না।

ঃ পানি খাব।

বিস্তি এক চামচ পানি দিল মুখে। রাগ্নি এসে দাঁড়িয়েছে দরজার পাশে। সেখান থেকেই সে বলল, ‘আপনার কি এখন একটু ভাল লাগছে? রাত সাড়ে তিনটা, সকাল হতে বেশি বাকি নেই।’

আলমের মাথা আবার কেমন ভারী হয়ে যাচ্ছে। সে কি আবার তলিয়ে যেতে শুরু করেছে? কিন্তু সে তলিয়ে যেতে চায় না। জেগে থাকতে হবে। মাথা ঠাণ্ডা রাখতে হবে।

পাশা ডাইও এরকম গুলি খেয়েছিল। গুলি লেগেছিল পেটে। ভয়াবহ অবস্থা, কিন্তু পাশা ভাই ছিলেন ইম্পাতের মত। মৃত্যুর আগের মুহূর্তেও বললেন—আমাকে মেরে ফেলা এত সহজ না। সামান্য একটা সিসার গুলি আমাকে মেরে ফেলবে। পাগল হয়েছিস তোরা? বিনা যুদ্ধে নাহি দিব সুচাপ্র মেদিনী।’ কথায় কথায় কবিতা বলতেন। ছড়া বলতেন। দেশের সেরা সন্তানদের আমরা হারাচ্ছি। এরা দেশের শ্রেষ্ঠতম ফসল। এই দেশ বীরপ্রসবিনী।

রাগ্নির পাশে তার মা এসে দাঁড়িয়েছেন। কি কষ্ট লাগছে ভদ্রমহিলার মুখ। আলম একবার ডাবল বলবে, ‘আপনার অনেক ঝামেলায় ফেললাম।’ কিন্তু বলা গেল না। বললে মার্কীয় শোনাবে। বাড়তি নাটকের এখন কোনো দরকার নেই। আলম বলল, ‘ক’টা বাজে?’

ঃ তিনটা পঁয়ত্রিশ।

মাত্র পাঁচ মিনিট গিয়েছে। সময় কি থেমে গেছে? কে একজন ছিল না, যে সময়কে থামিয়ে দিয়েছিল? কি নাম যেন? মহাবীর খর? না অন্য কেউ? মন এলোমেলো হয়ে যাচ্ছে। আবার সাদেকের নুখটা ডাসছে। মৃত মানুষদের কথা এখন আমি ভাবতে চাই না। কিছুতেই না। আমি ভাবতে চাই জীবিত মানুষদের কথা। মা’র কথা ভাবতে চাই। বোনের কথা ভাবতে চাই, এবং এই মেয়েটির কথাও ভাবতে চাই। রাগ্নি! কি অদ্ভুত নাম!

আলম পাশ ফিরতে চেষ্টা করল। সমস্ত শরীরে ছড়িয়ে পড়ল তীব্র তীক্ষ্ণ ব্যথা। আবার সে ডুবে যেতে শুরু করেছে। সে বিড় বিড় করে বলল, ‘মতিন সাহেব, মাথাটা একটু উঁচু করে দিন!’

রাগ্নি একা একা বারান্দায় বসে আছে। সে তাকিয়ে আছে নারকেল গাছের দিকে। সেখানে বেশ কিছু জোনাকি ঝিকমিক করছে। শহরেও জোনাকি আছে তার জানা ছিল না। ভাল লাগছে ওদের দিকে তাকিয়ে থাকতে।

পাশের বাড়ির দোতলা ফ্ল্যাটে একটি ছোট বাচ্চা কাঁদছে। তার মা তাকে শান্ত করার চেষ্টা করছে, কিন্তু পারছে না।

আকাশ পরিষ্কার হয়ে গিয়েছে। একটি দুটি করে তারা ফুটতে শুরু করেছে। রাত্রি লক্ষ্য করল আকাশের তারার সঙ্গে জোনাকিদের চমৎকার মিল আছে।

বাচ্চাটা কান্না থামিয়েছে। হয়ত দুধ বানিয়ে দিয়েছে তার মা। নিশ্চিত হয়ে ঘুমচ্ছে। আহ্ শিশুরা কত সুখী!

সুরমা বারান্দায় এসে তাকালেন মেয়ের দিকে। তাঁর বুকে ধ্বক করে একটা ধাক্কা লাগল।

ঃ রাত্রি।

ঃ কি মা ?

ঃ একা একা বসে আছিস কেন ?

রাত্রি জবাব দিল না। তাকিয়ে রইল জোনাকির দিকে। সুরমা ক্লান্ত স্বরে বললেন, 'তোমার হতে দেরি নেই।'

রাত্রি ঠিক আগের মতই বসে রইল। সুরমা বললেন, 'তুই চিন্তা করিস না। আমার মনে হয় ও সুস্থ হয়ে উঠবে। তোমার মনে হয় না?'

ঃ আমার কিছু মনে-টনে হয় না।

বলতে গিয়ে রাত্রির গলা ধরে গেল। ইচ্ছা করল চেঁচিয়ে কেঁদে উঠতে।

সুরমা বসলেন বেঞ্চের পাশে। একটি হাত রাখলেন তার পিঠে। অস্বাভাবিক কোমল স্বরে বললেন, 'দেশ স্বাধীন হয়ে যাবার পর আমি আজমের মা'র কাছে গিয়ে বলব—চরম দুঃসময়ে আমরা আপনার ছেলের কাছে ছিলাম। তার ওপর আমাদের দাবি আছে। এই ছেলেটিকে আপনি আমায় দিয়ে দিন।'

দু'জনে অনেকক্ষণ কোন কথা বলল না। রাত্রির চোখ দিয়ে ক্রমাগত জল পড়তে লাগল। সুরমা মেয়েকে কাছে টানলেন। চুমু খেলেন তার ভেজা গালে।

রাত্রি ফিস ফিস করে বলল, 'জোনাকিগুলোকে আর দেখা যাচ্ছে না কেন মা?'

জোনাকি দেখা যাচ্ছে না, কারণ তোমার হচ্ছে। আকাশ ফর্সা হতে শুরু করেছে। গাছে গাছে পাখ পাখালী ডানা ঝাপটাচ্ছে। জোনাকিদের এখন আর প্রয়োজন নেই।

## সূর্যের দিন



এ বাড়ির নিয়ম হচ্ছে যাদের বয়স বারোর নিচে তাদের বিকেল পাঁচটার আগে ঘরে ফিরতে হবে। যাদের বয়স আঠারোর নিচে তাদের ফিরতে হবে ছ'টার মধ্যে।

খোকনের বয়স তেরো বছর তিন মাস। কাজেই তার বাইরে থাকার মেয়াদ ছ'টা। কিন্তু এখন সাতটা সাড়ে সাতটা। বাড়ির কাছাকাছি এসে খোকনের বুক শুকিয়ে তৃষ্ণা পেয়ে গেল। আজ বড়-চাচার সামনে পড়ে গেলে ভূমিকম্প হয়ে যাবে।

অবশ্যি চমৎকার একটা গল্প তৈরি করা আছে। খোকন ভেবে রেখেছে সে মুখ কালো করি বলবে—‘সাজ্জাদের সঙ্গে স্কুলে খেলছিলাম, হঠাৎ দেখলাম বিগট একটা মিছিল আসছে। সবাই খুব শ্লোগান দিচ্ছে—‘জাগো বাগান জাগো’ আমরা দূর থেকে দেখছি। এমন সময় গণ্ডগোল লেগে গেলো। পুলিশের গাড়ির ওপর সবাই ইট-পাটকেল মারতে লাগলো। চারদিকে হৈ চৈ ছোট্টাছুটি। আমি সাজ্জাদকে সঙ্গে নিয়ে ছুটতে লাগলাম। পেছনে পটাপট শব্দ হচ্ছে, বোধ হয় গুলি হচ্ছে। আমরা আর পেছন ফিরে তাকাইনি, ছুটছিতো ছুটছিই। ফিরতে দেরি হলো এইজন্যে।’

খুব বিশ্বাসযোগ্য গল্প। আজকাল রোজই মিছিল হচ্ছে। আর রোজই গণ্ডগোল হচ্ছে। মিছিলের ঝামেলায় পড়ে যাওয়ার কথা সবাই বিশ্বাস করবে।

কিন্তু মুশকিল হচ্ছে বড়চাচাকে ঠিক সাধারণ মানুষের পর্যায়ে ফেলা যায় না। তাঁর সম্ভবত তিন নম্বর চোখ বলে কিছু আছে, যা দিয়ে তিনি অনেক দূর পর্যন্ত দেখে ফেলেন। কথা বলতে শুরু করেন

অত্যন্ত নিরীহ ভঙ্গিতে। ভাবখানা এ রকম যেন, কিছুই জানেন না। সেবারের ঘটনাটাই ধরা যাক। ফজলুর পাল্লায় পড়ে ফাস্ট' শো সিনেমা (গোলিগ্লাথ এণ্ড দা ড্রাগন, খুবই মারাত্মক ছবি) দেখে বাড়িতে পা দেয়া মাত্র বড়চাচার সামনে পড়ে গেল। বড়চাচা হাসি মুখে বললেন, 'এই যে খোকন, এই মাত্র ফিরলে বুঝি?'

: জি চাচা।

: একটু মনে হস্ত দেরি হস্তুে গেছে।

: অঙ্ক করছিলাম।

: তাই নাকি ?

: জি। ফজলুর এক মামা এসেছেন। খুব ভাল অঙ্ক জানেন। উনি দেখিয়ে দিচ্ছিলেন।

: পাটিগণিত ?

: জি পাটিগণিত। পাটিগণিতই উনি ভাল জানেন। তৈলাস্ত বাঁশের অঙ্কটা আজ খুব ভাল বুঝেছি।

বড়চাচা দাড়িতে হাত বোলাতে বোলাতে বললেন, 'একটা মুশকিল হয়ে গেলো খোকন। তোমার দেরি সিন্ধে ফজলুদের বাসায় লোক পাঠানো হয়েছিল। সে কিন্তু তোমাদের দেখতে পায়নি।'

খোকন মহাবিপদেও মাথা ঠাণ্ডা রাখতে পারে। এবারও পারলো। হাসিমুখে বললো, 'আমরা ফজলুর বাসায় অঙ্ক করছিলাম না। ওদের বাসায় খুব গল্পগোঁড় হয় তো, তাই আমরা জহিরদের বাসায় গেলাম।'

: এটা ভালই করেছে। পড়াশোনা করার জন্য নিরিবিলি দরকার। ফজলুর মামা যে তোমাদের জন্যে এতটা কষ্ট স্বীকার করেছেন সে জন্যে তুমি তাঁকে আমার হয়ে ধন্যবাদ দিও।

: জি চাচা দেব।

: আর তুমি তাঁকে আগামীকাল আমাদের বাসায় চা খেতে বলবে। তুমি নিজে তাঁকে নিয়ে আসবে, কেমন ?

খোকন ফ্যাকাশে হয়ে গেলো। বড়চাচা চশমার কাঁচ পরিষ্কার করতে করতে বললেন—খোকন কি সিনেমা দেখলে ?

এই হচ্ছেন বড়চাচা। এ রকম একজন মানুষের ভয়ে যদি কারো বুক কাঁপে তাহলে বোধ হয় তাকে ভীক বা কাপুরুষ বলা ঠিক হবে না। খোকন এই ঠাণ্ডার মধ্যেও ঘামতে লাগলো।

তবে একতমার সবচে বঁা দিকের ঘরটিতে আলো জ্বলছে। এটা একটা সুলক্ষণ। এর মানে হচ্ছে বড়চাচার কাছে মক্কেল এসেছে। তিনি মামলার নথিপত্র নিয়ে ব্যস্ত। খোকন এত রাত পর্যন্ত বাইরে এটা বোধ হয় এখনো ধরতে পারেন নি। যা হবার হবে, খোকন খোলা দরজা দিয়ে ঢুকে পড়লো।

কিন্তু আশ্চর্য, কিছুই হলো না। সবাই যেন কেমন খুশি খুশি। উৎসব উৎসব একটা ভাব। ছোটরা চিংকার চেঁচামেচি করছে, কেউ তাদের বকছে না। বড়চাচী পান বানাতে বানাতে কি গল্প বলে হেসে গড়িয়ে পড়ছেন। ঈদের আগের রাতে যে রকম একটা আনন্দ ভাব থাকে, চারিদিকের অবস্থা সে রকম। কিছু ঘটেছে, কিন্তু এখনি কাউকে কিছু জিজ্ঞেস করা ঠিক হবে না। খোকন এমন ভঙ্গিতে ঘুরে বেড়াতে লাগলো যেন সে সুরক্ষণ বাড়িতেই ছিল। অনজু আর বিলু সাপলুডু খেলছিলো। ওদের পাশে কিছুক্ষণ দাঁড়ালো। বিলুটা মহা-চোর। তার পড়েছে চার কিন্তু সে পাঁচ চেকে উঠতে পারে মই বেয়ে উঠে গেলো। পরের বার উঠলো পাঁচ, একবারে সাপের মুখে। সে আবার চাললো চার। অনজুটা এমন যোকা, কিছুই বুঝতে পারছে না। খোকন বললো—এইসব কি হচ্ছে মিলু?

: কিছুই হচ্ছে না। তুমি পয়সীদের খেলায় কথা বলতে এসেছ কেন? কোথায় ছিলে সারা পছিন?

: ঘরেই ছিলাম। বাবাকে আবার কোথায়?

খোকন সেখানে গিয়ে দাঁড়াল না। চলে এলো দোতলায়। বাবার ঘরে গিয়ে তাঁকে জিজ্ঞেস করলো—‘প্যাথলজি’ শব্দের মানে কি। যাতে বাবা বুঝতে পারেন সে পড়াশোনা নিয়েই আছে।

বাবাকে কিছু জিজ্ঞেস করা মুশকিল। তিনি অল্প কথায় কোনো জবাব দিতে পারেন না। প্যাথলজি শব্দের মানে বলতে তিনি পনেরো মিনিট সময় নিলেন। চিকিৎসা শাস্ত্রের কথা বললেন, ভেষজ বিজ্ঞানের ইতিহাস বললেন, শারীরবিদ্যায় প্রাচীন গ্রীকদের অবদানের কথা বললেন। খোকন চোখ বড় বড় করে গুনলো। তার ভঙ্গিটা এরকম, যেন সে খুব মজা পাচ্ছে। বাবা বক্তৃতা শেষ করে বললেন—যা যা বললাম সব খাতায় লিখে রাখবে।

: জি রাখবে।

: লিখবার আগে ছোটদের এনসাইক্লোপিডিয়াটাও দেখে নেবে। আমি হয়ত অনেক পয়েন্টস মিস করেছি।

: আমি দেখে তারপর লিখব।

: ওড়। আর শোন, সন্ধ্যাবেলা তোমার মা তোমার খোঁজ কর-  
ছিলেন। সারা বিকেল তুমি তার কাছে যাওনি। চারদিকে ঝামেলা  
টামেলা হচ্ছে, সে খুব চিন্তিত থাকে। যাও দেখা করে এস।

মা থাকেন দোতলায় সবচে শেষ ঘরটায়। দীর্ঘদিন ধরে তিনি  
বিছানায় শুয়ে আছেন। হাঠের খুব খারাপ ধরনের একটা অসুখ, যাতে  
একটুও নড়াচড়া করা যায় না। রাতের বেলা একজন এ্যাংলো নার্স মিস  
গ্রিফিন এসে মার সঙ্গে থাকে। সে ছেলেদের মত সিগারেট খায়। বাচ্চারা  
কেউ শব্দ করে সিঁড়ি বেয়ে দোতলায় উঠলেই প্রচণ্ড ধমক দেয়।

মিস গ্রিফিন মার ঘরের সামনের বারান্দায় বসে সিগারেট টান-  
ছিলো। খোকনকে দেখেই ব্রু কু'চকে বললো—কি চাও তুমি?

: মার কাছে যাব।

: এখন না। এখন ঘুমাচ্ছে। সকালে আসবে। গো এওয়ে।

খোকন নিচে নেমে এসে দেখলো টেকিটা ভাত দেয়া হয়েছে।  
ফ্রাস্ট ব্যাচ খেতে বসবে। ফ্রাস্ট ব্যাচ হচ্ছে বাচ্চাদের, যাদের বয়স  
পনেরোর নিচে তাদের। এদের সঙ্গে বসে খেতে খোকনের লজ্জা লাগে।  
কিন্তু কিছু করার নেই, বড়চাচার নিয়ম। কবির ভাই গত নভেম্বরে  
পনোরোতে পড়েছেন কাজেই তিনি এখন গঞ্জার মুখে সেকেণ্ড ব্যাচ বড়-  
দের সঙ্গে খেতে বসেন। ফ্রাস্ট ব্যাচ খেতে বসলেই এক ফাঁকে এসে  
বলেন, ‘আহ্ বড় গণ্ডালা হচ্ছে। খাওয়ার সময় এত কথা কিসের?’  
খোকনের গা জ্বলে যায়। কিন্তু সহ্য করা ছাড়া উপায় কি?

খেতে বসেই খোকন জানতে পারলো কি জন্যে আজ বাড়িতে এমন  
খুশি খুশি ভাব। ছোটচাচার আমেরিকা থেকে ঢাকা চলে আসছেন।  
বিদেশ আর ভাল লাগছে না। আনন্দে খোকন বিষম খেয়ে ফেললো।  
ছোটচাচা এখন থেকে এ বাড়িতেই থাকবেন, এরচে আনন্দের খবর আর  
কিছু হতে পারে নাকি?

ছোটচাচা ফুর্তি ছাড়া এক মিনিটও থাকতে পারেন না। সব সময়  
তার মাথায় মজার মজার সব ফন্দি আসে। খোকন যখন ক্লাস শ্রীতে  
পড়ে তখন তিনি একবার ঠিক করলেন ঢাকা শহরের ডিক্কুদের গড়  
আয় কি তা নিয়ে একটা সমীক্ষা চালাবেন। সমীক্ষার বিষয় হচ্ছে  
একজন ডিক্কুক দৈনিক কত আয় করে। তারপর একদিন সত্যি সত্যি  
নকল দাড়ি গৌফ লাগিয়ে ময়লা একটা লুটি পরে খালি গায়ে ডিক্কা  
করতে বেরুলেন। দুপুর তিনটার মধ্যে আড়াই সের চাল, এক টাকা

পয়গ্লিশ পয়সা এবং একটা ছেঁড়া হলুদ রঙের সোয়েটার পেয়ে গেলেন। গভীর হয়ে বললেন, ‘পেশা হিসেবে ভিক্ষারুত্তি খুব খারাপ না।’ যে লোক এমন একটা কাণ্ড করে তাকে ভাল না বেসে পারা যায় ?

খোকন খাওয়া শেষ করে যখন হাত মুখ ধুচ্ছে তখন বড়চাচা বেরলেন তাঁর ঘর থেকে। খোকনের সামনে দাঁড়িয়ে শান্ত স্বরে বললেন—সাতটা বাজার দশ মিনিট আগে আমি তোমাকে এ বাড়িতে দেখিনি, কোথায় ছিলে ? খোকন বলতে চেপ্টা করলো—বাথরুমে ছিলো। বলতে পারলো না। কথা গলা পর্যন্ত এসে আলজিভে ধাককা খেয়ে থেমে গেলো। বড়চাচা দাড়িতে হাত বোলাতে বোলাতে বললেন—চারদিকে হাস্যামা হুজুত হচ্ছে, এর মধ্যে তুমি বাইরে। স্বাধীনতা বেশি পেয়ে যাচ্ছে। যাই হোক, তুমি কোথায় ছিলে কি করছিলে তা শুদ্ধ বাংলায় লিখে আজ রাত দশটার মধ্যে আমার কাছে জমা দেবে।

: ছি আচ্ছা।

: কাল সারাদিন ঘর থেকে বের হবে না। সারাদিন থাকবে দোতলায়। নিচে নামবে না।

: ছি আচ্ছা।

: মিছিল টিছিলে গিয়েছিলে না কি ?

: ছি না।

: আচ্ছা ঠিক আছে।

খোকন দোতলায় তার দেজের ঘরে এসে মুখ কালো করে বসে রইলো। কি জন্যে আজ সেরতে দেরি হয়েছে তা লেখাটা ঠিক হবে কি না বুঝতে পারলো না। বিষয়টা গোপনীয়। কিন্তু বড়চাচার কাছে গোপন করা কি বুদ্ধিমানের কাজ হবে ? নির্ঘাৎ ধরে ফেলবেন।

খোকন একটি দীর্ঘ নিঃশ্বাস ফেলে সত্যি কগাই লিখতে শুরু করলো। লেখা হলো সাধু ভাষায়—

‘আজ (২২শে ফেব্রুয়ারী ১৯৭১) আমরা একটি গোপন দল করি-  
য়াছি। দলটির নাম “ভয়াল-ছয়”। দলের সদস্য সংখ্যা ছয়। সদস্যরা  
কিছুদিনের মধ্যেই পায়ে হাঁটুয়া পৃথিবী ঘুরিতে বাহির হইবে। আমাদের  
প্রথম গন্তব্য আফ্রিকার গহীন অরণ্য। কঙ্গো নদীর পার্শ্ববর্তী অঞ্চল।’

প্রায় দশটা বাজে।

ভয়াল-ছয় বাহিনীর দু’জন সদস্যকে দেখা গেল খোকনদের বাড়ির  
সামনে হাঁটাহাঁটি করছে। দু’জনই বেশ চিন্তিত। একজনের নাম

শাহজাহান। সে বেশ বেঁটে। তার বন্ধুদের ধারণা, যতই দিন যাচ্ছে ততই সে বেঁটে হচ্ছে। ক্লাস সিন্ধে পড়ার সময় সে নাকি এতটা বেঁটে ছিল না। ক্লাসের ছেলেরা তাকে শাহজাহান ডাকে না, ডাকে—বল্টু। বেঁটে ছেলেদের ঘনিষ্ঠ বন্ধুরা সাধারণত খুব লম্বা হয়। কিন্তু শাহজাহানের ক্ষেত্রে একটি ব্যতিক্রম আছে। তার ঘনিষ্ঠ বন্ধু সাজ্জাদও সাইজে শাহজাহানের মতই। সাজ্জাদ পড়াশোনা ও মারামারি দুটোতেই সমান দক্ষ বলে তার অন্য কোনো নাম নেই। ক্লাস সেভেনে পড়বার সময় টুন্ তাকে দুয়েকবার ‘মুরগি’ ডাকার চেষ্টা করেছে। সাজ্জাদ টিফিন টাইমে টুন্‌র নাকে গদাম করে একটা ঘুমি মেরে বলেছিলো, ‘আর মুরগি ডাকবি?’ টুন্‌ দুহাতে নাক চেপে বললো, ‘না’।

ঃ বল কোনো দিন ডাকব না।

ঃ কোনো দিন ডাকব না।

টুন্‌ মুরগি নাম দ্বিতীয় বার উচ্চারণ করেনি, দ্বিতীয় বার তাকেই সবাই চীনা-মুরগি ডাকতে শুরু করলো। চীনা-মুরগিও জয়াল-হয় বাহিনীর একজন সদস্য। তারও খোকনদের বাসায় জীবন কাটা ছিল। আসতে পারেনি, কারণ তার ছোট ভাই আজ মুরগিই সাইকেলের নিচে পড়ে হাত ছিলে ফেলে। টুন্‌কে তার ছাইয়ের সঙ্গে হাসপাতালে যেতে হয়েছে। সাড়ে নটার মধ্যে টুন্‌র টলে আসার কথা। কিন্তু আসছে না। এদিকে খোকনও বেরাচ্ছে না বাড়ি থেকে। সাজ্জাদ বললো, ‘কি করবি বল্টু? গেট দিয়ে ঢুকবি খোকনদের বাড়ি?’

ঃ নাহ।

ঃ নাহ কেন? খেয়েতো ফেলবে না? দারোয়ানকে গিয়ে বলব—  
আমরা খোকনের বন্ধু।

ঃ তুই গিয়ে বল।

সাজ্জাদ সাহস করে গেট পর্যন্ত এগিয়ে গিয়েও ফিরে এলো। খোকনদের বাড়ির দারোয়ানটির চাউনি খুব আন্তরিক মনে হলো না তার কাছে। তার ওপর একটি কুকুর আছে। গেটের কাছে যাওয়া মাত্রই সে এমন একটি ডাক ছাড়লো যাকে কুকুরের ডাক বলে মনে হয় না। বল্টু বললো, ‘কিরে ভীতুর ডিম, গেলি না ভেতরে?’

ঃ বড়লোকের বাড়িতে ঢুকতে হচ্ছে করে না।

বল্টু কিছু বললো না। কারণ এটি তারও মনের কথা। যে বাড়ির ছেলেদের পাঁচ জোড়া জুতো থাকে সে বাড়িতে ঢুকতে ভাল লাগে না।

সাজ্জাদ বললো, 'চিল মারলে কেমন হয়? খোকনের ঘরের জানালায়  
চল চিল মারি!'

: কোনটা ওর জানালা?

সাজ্জাদ চুপ করে গেল। খোকনের ঘর কোনটি তা তার জানা  
নেই। একদিন মাত্র সে এসেছিলো এ বাড়িতে, তাও ভেতরে ঢোকেনি।  
বল্টু বললো, 'চল দারোয়ানকে গিয়ে বলি ভেতরে খবর দিতে। খোকনকে  
গিলে বলবে, দু'জন বন্ধু এসেছে, খুব জরুরী দরকার।'

: যদি না যায়?

: যাবে না মানে, একশবার যাবে।

: তাহলে তুই গিয়ে বল।

: আমি একা বলব কেন? আমার কি দায় পড়লো?

দু'জনের কাউকেই যেতে হলো না। দেখা গেলো দারোয়ান নিজেই  
আসছে। গেটের ভেতরে তাকে যে রকম ভয়ংকর সনে হচ্ছিল, এখন  
আর সেরকম মনে হচ্ছে না।

: আপনাদের ডাকে।

: কে ডাকে?

: বড় সাহেব। আসেন আমাদের সাথে।

বল্টু এবং সাজ্জাদ মুখ চাওয়া-চাওয়ি করতে লাগলো। বড় সাহেব  
মানে খোকনের বড়চাচা। তিনি তাদের ডাকবেন কেন শুধু শুধু? এই  
সময় টুনুকে আসতে দেখা গেল। সে বোধ হয় কিছু একটা আঁচ  
করেছে। সাজ্জাদ দেখলো—টুনু দাঁড়িয়ে পড়েছে। পর মূহূর্তেই  
টুনুকে লম্বা লম্বা পা ফেলে পাশের গলিতে ঢুকে পড়তে দেখা গেলো।  
এরকম ভীতুর ডিমকে ভয়াল-ছয়ে ঢোকানো খুব ভুল হয়েছে।

বড়চাচা ইজিচেয়ারে শুয়ে ছিলেন। ওদের দেখে উঠে বসলেন।

: খোকনের সঙ্গে মনে হয় তোমাদের খুব জরুরী প্রয়োজন।  
অনেকক্ষণ ধরেই দেখছি ঘুরঘুর করছ।

ওরা জবাব দিল না। বড়চাচা বললেন, 'তোমরা দু'জনেই কি  
'ভয়াল-ছয়'-এ আছো?' সাজ্জাদ ও বল্টু মুখ চাওয়া-চাওয়ি করতে  
লাগলো। এর মানে কি? ভয়াল-ছয়ের কথাতো তাঁর জানার কথা  
নয়।

বড়চাচা শান্ত স্বরে বললেন, 'তোমরা কি খোকনের বন্ধু?' উত্তর  
দিল সাজ্জাদ—

: জি।

: আফ্রিকার গহীন অরণ্যে যাচ্ছ কবে?

প্রশ্নটা করা হল বলটুকে। বলটুর কপালে বিন্দু বিন্দু ঘাম জমলো।

: খুব শিগগীরই রওনা হচ্ছ নাকি?

: জি।

: পায়ের ছেঁটেই যাবে?

: জি।

: প্রথমেই একেবারে আফ্রিকার গহীন অরণ্যে? এই দেশটা  
একবার দেখে নিলে হত না?

বলটু বললো, 'এই দেশ আমরা পরে দেখব।'

: আমার মনে হয় প্রথমে নিজের দেশটাই দেখা উচিত। আমি  
হলে তাই করতাম। বস, তোমরা ঐ চেয়ারে বস।

ওরা বসার প্রায় সঙ্গে সঙ্গেই প্লেটে করে সন্দেশ চলে এলো। বড়চাচা  
বললেন, 'খোকনের সঙ্গে তো আজ দেখা হবে না। ও আজ সারা দিন  
শর থেকে বেরুতে পারবে না।' সাজ্জাদ ও বলটু দু'জনের কেউই কোনো  
কথা বললো না। বড়চাচা বললেন, 'জিজ্ঞেস করো কেন খোকন আসবে  
না?' কেউ কিছু জিজ্ঞেস করলো না। বড়চাচা বললেন, 'ও কাল রাত  
ন'টার পর বাড়ি ফিরেছে, সে জন্যে শান্তি। বুঝতে পারছ?'

: জি পারছি।

: তোমরা ছ'টা আর কে কে যাচ্ছে? সব মিলে ছ'জন না?

: জি না পাঁচজন। টগর আজ সকালে বলেছে সে যাবে না।

: যাবে না কেন?

: ওর নাকি ভয় লাগছে।

: তাহলে তোমরা এখন ভয়াল-পাঁচ?

: জি।

: আমার তো মনে হয় আরো কমবে। শেষ মুহূর্তে অনেকেই  
পিছিয়ে পড়বে। শেষ মুহূর্তে অনেকের সাহস থাকে না। খাও সন্দেশ  
খাও।

সাজ্জাদ সন্দেশ খেতে খেতে চারদিকে তাকালো। সিনেমায় বড়-  
লোকদের বাড়ি যে রকম সাজানো থাকে সে রকম সাজানো। লাল টুক-  
টুক কার্পেট। ময়লা জুতো পরে কেউ নিশ্চয়ই এ কার্পেটে পা দেয় না।

কার্পেট থেকেই লালভ একটি আঙা ছড়িয়ে পড়েছে চারদিকে। ঘরের দেয়াল ঘেঁষে উঁচু উঁচু চেয়ার। চেয়ারের গদিগুলোও লাল রঙের। নাঝখানের মস্ত টেবিলটি কি পাথরে তৈরি? খোকনকে জিজ্ঞেস করতে হবে।

: সন্দেশ খাচ্ছে না কেন? যে ক'টি খেতে পার খাও।

গব গব করে পাঁচ ছ'টা সন্দেশ শেষ করে দেয়াটা অদ্ভুত হলে ভেবেই বকটু ইতস্তত করছিল। বড়চাচা বললেন, 'খেতে ইচ্ছে হলে খাবে। না খাওয়ার মধ্যে কোনো ভদ্রতা নেই।'

সাজ্জাদ এক সঙ্গে দুটো সন্দেশ মুখে পুড়ে দিল। মিষ্টির ভেতরও যে এমন সুন্দর গন্ধ থাকতে পারে তা তার জানা ছিল না। এ মিষ্টিগুলো কি বাড়িতেই তৈরি হয়? সাজ্জাদের হঠাৎ করে বড়লোক হবার ইচ্ছে হলো। খোকনদের মত বড়লোক। বড়চাচা বললেন, 'আচ্ছা তাহলে তোমরা যাও। খোদা হাফেজ।'

বকটুর ইচ্ছে হলো এগিয়ে গিয়ে পা ছুঁতে সলাম করে ফেলে। মুরব্বীদের সঙ্গে হঠাৎ দেখা হলে যে রকম করা হয়। কিন্তু সাহসে কুলানো না। যখন বেরিয়ে যাচ্ছে তখন বড়চাচা আবার ডাকলেন— 'তোমাদের একটা কথা জিজ্ঞেস করা হয়নি, তোমরা কি মিছিলে যাও? অর্থাৎ আমি জানতে চাচ্ছি তোমাদের সদস্যরা মিছিলে যায়?' সাজ্জাদ ইতস্তত করে বললো, 'হ্যাঁ যায় না, আমি যাই।'

: কেন যাও?

সাজ্জাদ জবাব দিতে পারল না।

: এইসব মিছিলে গিয়েছিল কেন হচ্ছে জান?

: জানি।

: কেন?

সাজ্জাদ জবাব দিতে পারলো না। বড়চাচা গম্ভীর মুখে বললেন, 'না না তুমি জান না। মিছিলে গিয়েছিল করা এখন আমাদের স্বভাব হয়ে দাঁড়িয়েছে। কথায় কথায় মিছিল। সভা, শোভাযাত্রা। এইসব কি? রাতদিন রাস্তায় চৌচামেচি করলে মানুষ কাজ করবে কখন?'

সাজ্জাদ কিছু বললো না। বড়চাচা হঠাৎ করে কেন রেগে যাচ্ছেন সে বুঝতে পারছে না।

: আওয়ামী লীগ ইজেকশনে জিতেছে, ভাল কথা। কিন্তু এমন করছে যেন তারা যা বলবে তাই। আরে বাবা পাকিস্তানের কথাও তো শুনতে হবে। হবে কিনা বল?

সাজ্জাদ না বুঝেই মাথা নাড়লো।

ঃ শেখ সাহেবের যে পরিকল্পনা তাতে তো দেশটাই ছারখার হবে। পাকিস্তান আনার জন্যে আমরা কম কষ্ট করেছি? এখন পাকিস্তানের কথা বলে না, সবাই শুধু বাঙালী বাঙালী করে। বাঙালী ছাড়াও তো লোক আছে। পাঞ্জাবী আছে, সিন্ধী আছে, এরা মানুষ না? সবাইকে নিয়ে মিলেমিশে থাকা যায় না?

ঃ জিঁ যায়।

বড়চাচা গলা উঁচিয়ে বললেন—মিছিলে-টিছিলে কখনো যাবে না। এখন পড়াশোনার সময়, পড়াশোনা করবে। ব্যাস। কথায় কথায় মিছিল, এইসব কি? যাও বাড়ি যাও।

ছুটির দিনে খোকন সাধারণত খুব ভোরে ওঠে। বই নিয়ে পড়তে হবে না, এই আনন্দেই ঘুম ভেঙে যায় সকাল সকাল। এখন সবদিনই ছুটি। অনেক দিন ধরে স্কুল হচ্ছে না। তবু এ বাড়ির নিয়মে ছুটি মাত্র একদিন—শুক্রবার। সেদিন দুপুর থেকে ওঠার জন্যে কেউ ডাকা-ডাকি করবে না। কেউ যদি সারাদিন ঘুমতে চায় তাহলে তাও পারবে। ছোটরা বাড়ির উত্তর চিৎকার চেঁচামেচি করলেও তাদের কোনো প্রশ্ন করা হবে না। টিভির সামনে রাত এগারোটা পর্যন্ত বসে থাকলেও কেউ বধাই না—যাও ঘুমুতে যাও। সেদিন হচ্ছে স্বাধীনতার দিন।

আজ শুক্রবার। খোকন জেগে উঠেছে খুব ভোরে। তার ইচ্ছে হলো কিছুক্ষণ চেঁচিয়ে কাঁদতে। এরকম সুন্দর একটি ঝকঝক দিনে তাকে ঘরে বসে থাকতে হবে? তাছাড়া আজ দুপুরে স্কুলের বারান্দায় গুয়াল-ছয়ের একটি গোপন জরুরী মিটিং বসবে। সে মিটিং—এ সবাই থাকবে, শুধু সে থাকবে না! সবাই হয়তো ভাববে সে আর ভয়াল ছলে নেই। তাকে বাদ দিয়েই আজ নিশ্চয়ই সব ঠিকঠাক হবে। খোকন হাত মুখ ধুয়ে নিজের ঘরে ঢুকে দরজা বন্ধ করে দিল। রতনের মা এসে একবার জিজ্ঞেস করলো—নাশতা ঘরে দিয়ে যাবে কি না। খোকন বললো সে আজ নাশতা খাবে না, তার খিদে নেই। রতনের মা দ্বিতীয়বার কিছু বললো না। শুক্রবারে খাওয়া নিয়ে পীড়াপীড়ি

করা নিষিদ্ধ। কেউ খেতে না চাইলে খাবে না। রতনের মা দু'মিনিট পরেই আবার এসে হাজির।

- : দাদাভাই আপনার ডাকে।
- : কে ডাকে?
- : আপনান্ন আশ্মা।

খোকনের মা'র শরীর মনে হয় আজ অন্য দিনের চেয়েও খারাপ। মাথার নিচে তিন-চারটা বালিশ দিয়ে তাঁকে শোয়ানো হয়েছে। মুখ রক্তশূন্য। ঘরের বড় বড় জানালায় ভারী পর্দা ঝুলছে। চারিদিক অন্ধকার। খোকন ঘরে ঢুকতেই তিনি নিচু গলায় বললেন, 'কাল বিকেলে তোকে খুঁজছিলাম, কোথায় ছিলি?' মায়ের সামনে খোকন মিথ্যা বলতে পারে না। সে মৃদুস্বরে বললো—বাইরে ছিলাম।

- : মিছিলে টিছিলে যাসনি তো?
- : না।
- : বামেলার মধ্যে যাবি না, কেমন?
- : আচ্ছা।
- : বোস্ এখানে। দাঁড়িয়ে আছিস কেন? তুই তো আমার ঘরে আসাই বন্ধ করে দিয়েছিস।
- খোকন বসলো। খোকনের মা বললেন—একটা কমলা খাবি?
- : না।
- : না কেন, খস একটা।
- তিনি একটি কমলা বের করে দিলেন।
- : আমার কাছে দে, আমি ছিলে দিচ্ছি।
- : আমি ছিলতে পারব।
- : দে আমার কাছে।

খোকনের মা কমলা ছিলতে লাগলেন। কিন্তু দেখে মনে হলো এই-টুকু কাজ করলেই তাঁর খুব কষ্ট হচ্ছে। কপালে বিন্দু বিন্দু ঘাম জমতে শুরু করেছে। তিনি টেনে টেনে বললেন—মিস গ্রিফিন বলছিলো গুণগোল নাকি প্রায় মিটমাটের দিকে। ইয়াহিয়া খানের সঙ্গে নাকি শেখ মুজিবের মিটমাট হয়ে গেছে। এখন নাকি শেখ মুজিব প্রধানমন্ত্রী হবে।

খোকন কিছু বললো না।

: মিটমাট হয়ে গেলেই হয়। মনে একটা শক্তি পাওয়া যায়।  
তাই না খোকন ?

: হ্যাঁ।

: কিন্তু তোর বাবা বলছিল এত সহজে নাকি কিছু হবে না।  
পাকিস্তানীরা নাকি চায় না শেখ মুজিব প্রধানমন্ত্রী হয়। আমি এখন  
কার কথা বিশ্বাস করি ?

খোকন উঠে দাঁড়ালো।

: মা এখন যাই।

: বোস না আরেকটু বোস।

: পরে আসব।

: আচ্ছা আসিস। মিছিল টিছিলে যাস না কিন্তু লক্ষ্মী বাবা।

: বললাম তো আমি যাই না।

: ব্রুসব বাচ্চা ছেলেদের জন্যে না।

খোকন নিজের ঘরে এসে মুণ্ডহীন লাশ পুত্র বসলো। মঞ্জুর  
কাছ থেকে বহু সাধ্য সাধনা করে আনা হয়েছে কিন্তু পড়তে ভাল লাগছে  
না। খোকন বই বন্ধ করে জানালার পাশে বসে রইলো। জানালা থেকে  
দেখা যাচ্ছে টুনুকে। তার জন্যেই মন খার করেছে বোধ হয়। যারা  
সাধারণ গরিব ঘরের ছেলে তাদের মত সুখী বোধ হয় আর কেউ  
নেই। কেউ তাদের আটকে রাখে না। যেখানে ইচ্ছে সেখানে যেতে  
পারে। এই যে সাজ্জাদ, মিছিল দেখলেই ঢুকে পড়ে। কেউ তাকে কিছু  
বলে না। একদিন এক একটা গিন্বে বঙ্গবন্ধুর বক্তৃতা শুনে এলো।

খোকন জানালা বন্ধ করে দিল। বাইরে তাকিয়ে থাকতেও খারাপ  
লাগছে। দোতলার সিঁড়িতে অনজু আর বিলু গলা ফাটিয়ে চিৎকার  
করছে। খোকন কড়া গলায় ধমক দিল, 'গোলমাল করিস না।' ওরা  
গোলমাল করতেই লাগলো। করবে জানা কথা। আজ ছুটির দিন।  
ওরা কোনো কথা শুনবে না। খোকন ভাবলো ছাদে গিন্বে বসে থাকবে।  
চুপচাপ।

ছাদে যাবার পথে বাবার সঙ্গে দেখা। বাবা থমকে দাঁড়িয়ে বললেন,  
'তোমার কি অসুখ করেছে?'

: জ্বি না।

: কাল অনেক রাত পর্যন্ত তোমার ঘরে বাতি জ্বলছিলো, কি  
করছিলে ?

: কিছু করছিলাম না।

: জেগে ছিলে নাকি ?

: জি।

: জেগে ছিলে অথচ কিছুই করছিলে না।

বাবা খুবই অবাক হলেন। খোকনের বাবা রকিব সাহেব ঢাকা বিশ্ববিদ্যালয়ের একজন টিচার। ইতিহাস পড়ান। তিনি খুব সহজে অবাক হতে পারেন। তাঁর বেশ কিছু অদ্ভুত ব্যাপার আছে। যেমন প্রায়ই খোকনের সঙ্গে অনেক গুরুত্বপূর্ণ ব্যাপার নিয়ে কথা বলেন। সে সময় তাকে তুমি তুমি করে বলেন। অন্য সময় তুই করে।

: খোকন ঠিক করে বল তো তোমার শরীর খারাপ করেনি তো ?

: জি না।

: দেখি এদিকে এসো, জ্বর আছে কি না দেখি।

তিনি খোকনের কপালে হাত রাখলেন।

: না, জ্বর নেই তো।

রকিব সাহেব আবার অবাক হলেন। যেন বুঝতে পারেন না থাকাটাও অবাক হবার মত ব্যাপার।

: কাল অনেক রাত পর্যন্ত জেগে ছিলাম কিছু নিয়ে চিন্তা করছিলে নাকি ?

: হ্যাঁ।

: আমাকে বলতে চাও ? হাসতে চাইলে বলতে পার।

খোকন ইতস্তত করতে লাগলো। বাবা বেশ আগ্রহ নিয়ে তাকিয়ে আছেন তার দিকে। কয়েক মাঝে খোকনের প্রতি তাঁর আগ্রহ খুব বেড়ে যায়। খুব খোঁজ খবর করেন। তারপর আবার আগ্রহ কমে যায়। বইপত্র নিয়ে ব্যস্ত হয়ে পড়েন। কিছুই আর মনে থাকে না।

: আমরা ছয় জন বন্ধু মিলে একটা দল করেছি। দলের নাম ভয়াল-ছয়।

: বল কি ? খুব ইন্টারেস্টিং মনে হচ্ছে। দলের কাজ কি ?

: আমরা ডু-পর্যটন করব।

: ডু-পর্যটন করবে ?

: হ্যাঁ। প্রথমে যাব আফ্রিকা।

: বাহ্ বেশ মজার তো !

বাবা এবার আর অবাক হলেন না। হাসতে লাগলেন। হাসতে হাসতে বললেন, 'ছোটবেলায় আমিও একটা দল করেছিলাম। আমাদের দলের কাজ ছিল গুপ্তধন খুঁজে বের করা। কোন গুপ্তধন আমরা

খুঁজে পাইনি। তখন আমার বয়স ছিল বার কি তের। তোমার এখন কত বয়স ?

: তের বছর চার মাস।

: এই বয়সটাই হচ্ছে দল করবার বয়স।

বাবা ছোট্ট একটা নিঃশ্বাস ফেললেন।

: কবে যান্ন আফ্রিকায় ?

: এখনো ঠিক হয়নি।

: তাড়াতাড়ি ঠিক করে ফেলা দরকার। আমরা সব সময় শুধু পরিকল্পনা করি। কাজ আর করা হয় না। তোমরা যদি একদিন সত্যি সত্যি হাঁটতে শুরু কর তাহলে ভালই হবে। মাইল দশেক যেতে পারলেও অনেক কিছু শিখবে।

বাবা হঠাৎ অনামনস্ক হয়ে পড়লেন। খোকন বুঝতে পারলো না, এখন তার কি করা উচিত। চলে যাওয়া উচিত না দাঁড়িয়ে থাকা উচিত। কারণ বাবার অনামনস্কতা খুব বিখ্যাত। একবার শুরু হলে দীর্ঘ সময় থাকে। তখন কাউকে চিনতে পেরেন না।

: খোকন।

: জি ?

: ছুটির দিনে তুমি তোমার পুত্রের সঙ্গে না থেকে ঘরে বসে আছ কেন ?

: বড়চাচা বলেছেন আজ কোথাও বেরুতে পারব না।

: ও আচ্ছা। করোটা কি ?

খোকন কারণ বললো। রকিব সাহেব বললেন, 'শাস্তিটা একটু মনে হয় বেশি হয়ে গেছে। তোমার কি মনে হয় ?'

খোকন কিছু বললো না।

: তোমার বড়চাচা হয়তো ভেবেছেন তুমি মিছিলে টিছিলে গিয়েছ, সে জন্যেই এমন শাস্তি। তুমি গিয়েছিলে নাকি ?

: না।

: কখনো যাও নি ?

খোকন চুপ করে রইলো।

: কয়েকবার গিয়েছ, তাই না ?

: হ্যাঁ।

: আমার কি মনে হয় জান ? আমার মনে হয় মিছিল করবে যুবকরা। মিছিল হচ্ছে প্রতিবাদের ভাষা। এ কাজটি যুবকদের জন্যে।

শিশুরা শিখবে, যুবকরা কাজ করবে, রুদ্ধরা ভাববে। ঠিক না ?

ঃ হ্যাঁ।

রকিব সাহেব হঠাৎ করে খানিকটা গম্ভীর হয়ে বললেন, 'তোমার কি ধারণা শেখ মুজিবুর রহমান প্রধানমন্ত্রী হবেন?'

ঃ আমি জানি না।

ঃ এ নিয়ে কখনো ভেবেছ ?

ঃ না।

ঃ আমি অবশ্য অনেক ভেবেছি। আমি নিজেও বুঝতে পারছি না। শেখ মুজিবকে প্রধানমন্ত্রী করা ছাড়া ওদের উপায় নেই। ইলেক-শনে জিতেছেন। কিন্তু ওরা করতে চাচ্ছে না। ওদের অজুহাত বের করতে হবে। কি অজুহাত দেবে সেটাও একটা সমস্যা। সমস্যা নয় ?

ঃ হ্যাঁ।

ঃ এদিকে ভুট্টো সাহেব বলেছেন, পশ্চিম পাকিস্তানে আমার দল সবচেয়ে বেশি ভোট পেয়েছে। তার মানে কি বলতে পার ?

ঃ না।

ঃ ভুট্টো সাহেবই পাকিস্তানকে দু'টি অংশ হিসেবে ভাবছেন। অথচ তারা দোষ দিচ্ছে আমাদের। ভাবছেন এ রকম যেন আমরাই পাকিস্তানকে দু'ভাগে ভাগ করতে চাচ্ছি।

ঃ আমরা চাচ্ছি না ?

ঃ ওরা যা শুরু করেছে তাতে চাওয়াই উচিত। আমি অন্তত চাই। তবে যারা একসময় পাকিস্তানের জন্যে আন্দোলন করেছেন, দুঃখ কষ্ট ভোগ করেছেন, তারা শিশুই চান না। যেমন তোমার বড়চাচা।

ঃ বড়চাচা চান না ?

ঃ মনে হয় না। তবে আমার জুলও হতে পারে।

ঃ শেষ পর্যন্ত কি হবে ? পাকিস্তান ভাগ হয়ে যাবে ?

ঃ নির্ভর করছে ওদের ওপর। ওরা যদি আমাদের ন্যায় অধিকার স্বীকার করে তাহলে হয়তোবা ওদের সঙ্গে থাকা যাবে। কিন্তু ওরা আমাদের বিশ্বাস করতে পারছে না। পরিস্থিতি ভাল না।

বাবা কথা শেষ না করেই চটি ফট ফট করে তাঁর ঘরে ঢুকে গেলেন। খোকন চলে গেল ছাদে। এ বাড়ির ছাদটা প্রকাণ্ড। রোজ বিকেলে ব্যাডমিন্টন খেলে অনজু আর বিলু। চুন দিয়ে ঘর আঁকা আছে।

খোকন বেশ খানিকক্ষণ একা একা ঘুরে বেড়ালো। ঘুর বেড়াতে ভাল লাগছিলো না, আবার নিচে যেতেও ইচ্ছে করছিলো না। এক সময়

রতনের মা এসে বললো—এখন নাশতা দেই ?

ঃ বললাম তো কিছু খাবো না।

ঃ এক গ্লাস দুধ আইন্যা দিমু ?

ঃ না।

ঃ আপনের আশ্মা ডাকে।

ঃ একটু আগেই গেলাম। আবার ?

ঃ হ্যাঁ। আসেন আমার সাথে।

খোকন দেখলো তার মা হাঁপাচ্ছেন। অসুখ বোধ হয় খুব বেড়েছে।  
খোকন বললো—মা ডেকেছো ?

ঃ হ্যাঁ, তুই নাকি কিছু খাস নি ? কেনরে ব্যাটা, কারো ওপর  
রাগ করেছিস ?

ঃ না।

ঃ আমি তো কোনো খোঁজ খবর করতে পারি না। কি খাস না  
খাস কে জানে।

ঃ আমি ঠিকই খাই।

মা হাঁপাতে হাঁপাতে বললেন—রতনের মা, যাও তো খোকনের  
খাবার নিয়ে এসো। আমার সামনে বসে খাবে। খোকনের একবার  
ইচ্ছে হলো বলে, ছুটির দিনে খড়ক নিয়ে পীড়াপীড়ি করা যাবে না।  
বড়চাচার নিষেধ আছে। কিন্তু কিছু বললো না। মাকে কণ্ঠ দিতে  
তার কখনো ইচ্ছে করে না। মা এত ভাল।

ভয়াল-ছয় বাহিনীর তিনজন সদস্যকে স্কুলে গেটের কাছে দাঁড়িয়ে  
থাকতে দেখা গেলো। তিনজনই অত্যন্ত বিমর্ষ। টুন্টু একটা ঘাসের  
ডাঁটা চিবুচ্ছে। সাজ্জাদ রাস্তার দিকে তাকিয়ে আছে তীক্ষ্ণ দৃষ্টিতে।  
দলের বাকি সদস্যদেরও এসে পড়ার কথা। কেউ আসছে না। সময়  
সকাল দশটা। রোদ উঠেছে কড়া। বেশ গরম লাগছে। টুন্টু বলল—  
'চল ছায়াতে দাঁড়াই'। কেউ জবাব দিল না। ঐ দিন টুন্টু কাপুরুষের  
মত পালিয়ে যাওয়ার পর থেকে কেউ তার সঙ্গে কথা বলছে না।

এক জায়গায় এতক্ষণ চুপচাপ দাঁড়িয়ে থাকা যায় না। তারা  
পাঁচিলে উঠে পা ঝুলিয়ে বসলো। পাঁচিলে ওঠা নিষেধ। হেড স্যার  
খুব রাগ করেন। কিন্তু আজ শুক্রবার, স্কুল বন্ধ। হেড স্যারের এদিকে

‘আমার কোনো সম্ভাবনা নেই। যতক্ষণ ইচ্ছে পা ঝুলিয়ে বসে থাকি  
 যাবে। বস্তু হঠাৎ ফিস্ ফিস্ করে বললো—‘মুনির আসছে’। তিনি  
 জনেই তাকালো তীক্ষ্ণ দৃষ্টিতে। মুনির হন হন করে আসছে। তার  
 হাতে কি একটা বই। গল্পের বই নিশ্চয়ই। ওদের দেখতে পেয়েই সে  
 বই শার্টের নিচে লুকিয়ে ফেললো। মুনিরের সঙ্গে ওদের তেমন ভাব  
 নেই। যে ছেলে প্রতি পরীক্ষায় ফাস্ট হয় তার সঙ্গে কারোর ভাব থাকে  
 না। ক্লাসটিচার সোলায়মান স্যারের ধারণা, মুনিরের মত ভাল ছাত্র  
 এই স্কুলে এর আগে আর ভর্তি হয়নি। পরেও হবে না। গত বৎসর  
 স্কুল ম্যাগাজিনে তাঁর একটা ইংরেজি গল্প ছাপা হয়েছে। গল্পের নাম—  
 ‘দি বেগার বয়’। হেড স্যার সেই গল্প আবার স্কুল এ্যাসেম্বলীতে পড়ে  
 শুনিয়েছেন এবং বলেছেন, ‘ক্লাশ সেভেনের ছেলের ইংরেজি দেখলে?  
 বি. এ. এম. এ. পাশরা এমন লিখতে পারবে না। এর গল্পের মরালটা  
 লক্ষ্য করবে। যে ছেলে ভিক্ষা করে তার মধ্যেও মনুষ্যত্ব আছে।’

মুনির স্কুল গেটের কাছে এসে থমকে দাঁড়াল। ‘সুন্দর ভরা গলায়  
 বললো, ‘এই তোরা কি করছিস?’

ঃ কিছু করছি না।

ঃ ওয়ালের ওপর বসে আছিস কেন? হেড স্যার নিষেধ করেছেন  
 না?

ঃ আমরা কারোর নিষেধ মানি না।

ঃ ও, তোরাতো আবাক ডয়াল-ছয়।

ডয়াল-ছয়টা মুনির দুঃস্বপ্ন ভাবে বললো যেন খুব একটা হাস্যকর  
 ব্যাপার। সাজ্জাত চুপ করে রইলো। দলের কথাটা এ রকম জানাজানি  
 হলো কি করে কে জানে। মুনির বললো, ‘নিষেধ না মানার মধ্যে কোনো  
 বাহাদুরী নেই।

ঃ না থাকলে নেই, আমরা নিষেধ মানি না।

ঃ কোনো নিষেধ মানিস না?

ঃ না। তোর শার্টের নিচে এটা কি বই?

ঃ ‘রাতের আভঙ্গ’। এটা আমি কাউকে দিতে পারব না। এখনো  
 পড়া হয় নি।

ঃ তোর বই আমরা চাই না।

তার চুপ করে গেল। মুনির চলে যাচ্ছে না, দাঁড়িয়েই আছে।  
 বস্তু বললো, ‘তুই চলে যা। দাঁড়িয়ে আছিস কেন?’

ঃ আমি যাই করি তাতে তোর কি?

মুনির ইতস্তত করে বললো—আমাকে দলে নিলে এই বইটা পড়তে দেব। সে শার্টের ভেতর থেকে বই বের করলো। মোটা একটা বই। মলাটে মুখোশ পরা একটা মানুষের ছবি, তার হাতে পিস্তল। অন্য হাতে লম্বা একটি বর্শা।

- ঃ কি, নিবি আমাকে দলে ?
- ঃ ভাল ছাত্রদের আমরা দলে নিই না।
- ঃ কেন, ভাল ছাত্ররা কি দোষ করলো।
- ঃ ভাল ছাত্ররা পড়াশোনা করবে। আমরা পড়াশোনা করবো না।
- ঃ কি করবি তাহলে ?
- ঃ দেশ বিদেশ ঘুরে বেড়াব।
- ঃ আমিও ঘুরব তোদের সাথে।

মুনিরকেও দেখা গেলো দেয়ালের ওপর উঠে বসেছে। সে ভয় পাওয়া গলায় বলল—পড়ে যাব না তো? কেউ উঠে আসবে না।

- ঃ আমাকে দলে নিয়েছিস ?
- ঃ ভেবে দেখি। দলের অন্যরা যদি রাজি হয়।
- ঃ অন্যরা কখন আসবে ?
- ঃ আসবে একুণি।

কিন্তু দলের অন্যদের আশঙ্কার আগেই স্কুলের দপ্তরী কালিপদ এসে বললো—‘হেড স্যার আপনাদের ডাকে।’ টুনুর মুখ ফ্যাকাশে হয়ে গেলো। সাজ্জাদ বিড় করে বললো, “হেড স্যার কোথেকে আসলেন?” কালিপদ তার জবাব দিল না। হাত ইশারা করে দেখালো। হেড স্যার হোস্টেলের বারান্দায় লুঙ্গি পরে দাঁড়িয়ে আছেন। তাঁর মুখের ভাব অস্বাভাবিক গম্ভীর।

হেড স্যার প্রথম কিছু সময় কোনো কথাই বললেন না। তারা যে এসে দাঁড়িয়েছে সেটাও যেন চোখে পড়েনি। বেশ কিছুক্ষণ পর মেঘ গর্জন করলেন।

- ঃ ওয়ালের ওপর বসেছিলি কেন ?
- কোনো জবাব নেই।
- ঃ তোর হাতে ওটা কি বই ?
- ঃ রাতের আতঙ্ক।
- ঃ এইসব আজ্ঞে বাজে বই পড়তে নিষেধ করেছি মনে নেই ?
- সবাই চুপচাপ।

ঃ তোদের বলি নি এখন চারদিকে ঝামেলা হচ্ছে, এখন ঘরে বসে থাকবি? পার্য বই পড়বি। ট্রান্সলেশন করবি।

ঃ স্যার বলেছেন।

ঃ দু'বছর পর এস.এস.সি পরীক্ষা। খেয়াল আছে? শাহজাহান, বল তো রাইনোসেরাস মানে কি?

ঃ গণ্ডার স্যার।

ঃ রাইনোসেরাস বানান কর।

শাহজাহান টেনে টেনে বললো “আর ওয়াই” বলেই থেমে গেল। হেড স্যার আরো গম্ভীর হয়ে গেলেন। মুনির ফিস ফিস করে বললো, ‘স্যার আমি বলবো?’

ঃ না তোমার বলতে হবে না। যাও এখন ঘরে যাও। খবরদার কোনো মিছিলে টিছিলে যাবে না।

ঃ স্যি আচ্ছা স্যার।

ঃ আর ঐ বইটা রেখে যাও আমার কাছে। যেটুকু পাশ করবার আগে কোনো আউট বই পড়বে না। যে সব বই পড়ে কিছু শেখা যায় না সে সব বই পড়ার কি মানে? বল কোনো মানে আছে?

ঃ নেই স্যার।

ঃ যাও বাড়ি যাও। আর ঐ দু'মি ঘাস চিবাচ্চ কেন? ঘাস খায় ছাগলে, তুমি কি ছাগল? বকরও কি ছাগল?

টুনু মুখ কালো করে বললো, ‘জি না স্যার।’

ঃ ঘাস লতা পাতা ওইসব যেন আর খেতে না দেখি। যাও বাড়ি যাও।

বড় রাস্তার মোড়ে এসে টুনু বললো—সে বাড়ি চলে যাবে। সাজ্জাদ বললো, ‘যেতে চাইলে যা, তোকে আমরা বেঁধে রেখেছি?’ এটা রাগের কথা। এর পর যাওয়া যায় না। এই সময় একটা বেশ বড়-সড় মিছিল আসতে দেখা গেল। সমুদ্র গর্জনের মত গর্জন—“জেগেছে জেগেছে বীর জনতা জেগেছে, জাগো জাগো জাগো, বীর জনতা জাগো।” সাজ্জাদ বললো, ‘খাবি নাকি মিছিলে?’ কেউ কিছু বললো না। শুধু মুনির বললো, ‘না, স্যার নিষেধ করেছেন।’

ওরা রাস্তার পাশে দাঁড়িয়ে রইলো। মিছিলটা প্রকাণ্ড। শেষই হতে চায় না। পেছনে চার পাঁচটা পুলিশের ট্রাক। দেখলেই কেমন ভয় লাগে। মুনির ফিস ফিস করে বললো, ‘খুব গণ্ডগোল হবে। চল বাড়ি যাই।’

ঃ তোম ভয় লাগে তুই যা

ঃ কত পুলিশ দেখেছিস ?

ঃ পুলিশকে ভয় পেলো তুই চলে যা। তোকে ধরে রেখেছি নাকি ?

মুনির ইতস্তত করে বললো, 'হেড স্যার দেখলে খুব রাগ করবেন। তাছাড়া বাসায় আজ বড় খালামনির আসার কথা। বড় খালামনি আমাকে না দেখলে খুব রাগ করেন।' সাজ্জাদ বললো, 'তোম আসলে ভয় লাগছে। ভীতুর ডিম কোথাকার !'

মুনির মুখ কালো করে ফেললো, কিন্তু বেশিরূপ থাকলো না। গলির ভেতর চুকে পড়লো। মুনিরের সাথে টুনুও চলে গেল। তার নাকি পেট ব্যথা করছে। সাজ্জাদ বললো, 'বল্টু, তুইও যাবি নাকি ?'

ঃ নাহ।

ঃ কি করবি তাহলে ? মিছিলের সাথে যাবি ?

ঃ হ'। কিন্তু কিছু হয় যদি ?

ঃ দূর কি হবে ?

ভয়াল-ছয়ের দুই সদস্য মিছিলে চুকে পড়লো। অদ্ভুত একটা উত্তেজনা। গর্জনে চারদিক কেঁপে কেঁপে উঠছে। একেকটা ঘামে ভেজা মুখ কি ভয়ঙ্কর রাগী। মিছিলে তই এগুচ্ছে, মানুষের সংখ্যা ততই বাড়ছে। যে দিকে তাকানো যায় শুধু মানুষ আর মানুষ। মিছিল কোন দিকে যাচ্ছে কিছুই কেবলি চাচ্ছে না।

সাজ্জাদ আর বল্টু হাত ধরাধরি করে হাঁটছিলো, হঠাৎ কে একজন পেছন থেকে বল্টুর গাটের কলার চেপে ধরলো। বল্টু ঘার ফিরিয়ে ফ্যাকাশে হয়ে দেখলো—জামিল স্যার। অন্ধ করান, দারুণ রাগী। সারের এক হাতে একটা লাল নিশান।

ঃ তোরা এখানে কি করছিস—যা এফুগি বাড়ি যা। এটা হাওয়া খাওয়ার জায়গা? আর কে কে আছে তোদের সাথে ?

ঃ আর কেউ নেই স্যার।

ঃ ত্রিক করে বল।

ঃ না স্যার আমরা দু'জনেই।

ঃ এফুগি বাড়ি যা, খুব গণ্ডগোল হবে। ঐ গলি দিয়ে বেরিয়ে পড়, এফুগি। এফুগি। খুব গণ্ডগোল হবে। দৌড়া, দৌড়া।

স্যারের কথা শেষ হবার আগেই কোথাও কিছু একটা হলো। দারুণ ছোট্টাছুটি শুরু হয়ে গেল চারদিকে। তেউয়ের মত মানুষের শ্রোত আসতে লাগলো। দুম দুম শব্দ হল সামনে। গুলির শব্দ না

টিয়্যার গ্যাস? কয়েকজন প্রাণপণে চিৎকার করছে, আশুন আশুন! কোনো দিকে নড়ার রাস্তা নেই, তবু এর মধ্যেই সাজ্জাদ প্রাণপণে ছুটছে। বল্টু তার হাত শক্ত করে চেপে ধরে আছে। কালো কোট গায়ে দেয়া একটা লোক বললো, 'এই খোকারা মাটিতে শুয়ে পড়। দেখছ কি? গুলি হচ্ছে!' ওরা কি করছে নিজেরা বুঝতে পারছে না। একজন বুড়ো মানুষ বললেন, 'কোন খোলা বাড়ি দেখে চুকে পড়।' কোনো বাড়ির দরজা খোলা নেই। সাজ্জাদের মনে হলো সে আর দৌড়াতে পারছে না। ডান পায়ের নখ উঠে গেছে বা কিছু হয়েছে। এবার পেছন থেকে দ্রীম দ্রীম শব্দ আসছে।

একতলা একটি বাড়ির গেটে বুড়ো মানুষ একজন কে যেন দাঁড়িয়ে আছেন। তিনি হাত বাড়িয়ে ওদের ধরে ভেতরে ঢুকিয়ে ফেললেন।

সেদিন ছিল পহেলা মার্চ। ইয়াহিয়া খান জাতীয় পরিষদের অধিবেশন মূলতবী ঘোষণা করেছে সকাল একটায়। বারোটা নাগাদ বাঙালিরা বেরিয়ে পড়েছিল রাস্তায় সেই জনসমুদ্র দেখে স্তম্ভিত সরকার দুপুর একটায় ঘোষণা করলো বিকেল পাঁচটা থেকে কাফু'। কেউ ঘর থেকে বেরুবে না। সেই ঘোষণা বাতিল করে নতুন ঘোষণা দেয়া হলো, কাফু' বেলুন তিনটা থেকে। যে যেখানে আছে সেখানেই থাকবে। রাস্তায় দেখা দিল তাদের গুলি করা হবে।

সাজ্জাদ এবং বল্টু অটুট পড়ে গেলো একটা অচেনা বাড়িতে।

খোকনের ছোটচাচা আমিন সাহেব ঢাকা এয়ারপোর্টে এসে পৌঁছলেন বিকেল তিনটায়। চারদিক কেমন খমখম করছে। প্রচুর পুলিশ। এয়ারপোর্ট থেকে কেউ বেরুতে পারছে না।

আমিন সাহেবকে নেবার জন্য কেউ আসেনি। রাস্তাঘাট ফাঁকা। পুলিশের গাড়ি আর এম্বুলেন্স ছাড়া আর কিছু চোখে পড়ছে না। কাস্টম্‌স-এর একজন অফিসার বললেন—শহরে কাফু' জারি হয়েছে। তবে আপনাদের কোন অসুবিধা হবে না। আপনাদের পৌঁছে দেবার ব্যবস্থা হবে। কিছুক্ষণ অপেক্ষা করুন।

আমিন সাহেব দু'ঘন্টা অপেক্ষা করলেন। কোনো ব্যবস্থা হলো না। খোকনের ছোটচাচী রাহেলা খুব অস্থির হয়ে পড়লেন। কারণ প্রিন্সিয়ার

হঠাৎ শরীর খারাপ করেছে। দু'বার বমি হয়েছে। জ্বর আসছে মনে হয়। ওকে ডাক্তার দেখানো উচিত। রাহেলা বললেন—এখন আমরা কি করব? সারারাত এয়ারপোর্টে বসে থাকব নাকি?

: অন্যরা যদি বসে থাকে আমরাও থাকব।

: এ আবার কি ধরনের কথা? লোকজনদের সঙ্গে কথাটিথা বলে দেখ কিছু করা যায় কি না।

আমিন সাহেব দু'এক জায়গায় টেলিফোন করতে চেষ্টা করলেন। কোনো লাভ হল না। লাইন নশ্ট বা কিছু একটা হয়েছে।

এয়ারপোর্টে বেশ কিছু লোক আটকা পড়েছে। একটি আমেরিকান পারিবারকে দেখা গেল খুব চিন্তিত। উদ্রলোকের নাম পিটার কল। তিনি যেচে এসে আমিন সাহেবের সঙ্গে কথা বললেন, 'তোমাদের শহরের অবস্থা তো ভয়াবহ মনে হচ্ছে।'

: হঁ।

: আন্দোলন হচ্ছে শুনেছিলাম, এতটা বৃথাও পারিনি।

নরওয়ে থেকে এক উন্নতমহিলা এসেছেন। তিনি শহরে ঢুকতে চান না। পরবর্তী ফ্লাইটে নরওয়ে চলে যেতে চান। ইংল্যান্ডের দু'টি পরিবার আছে, ওদের সঙ্গে তিনটি ছেলেমোর। ছেলেমেয়েগুলো সমস্ত এয়ারপোর্ট জুড়ে ছোটাছুটি করছে। সবার মনোর মাকেও মনে হলো বেশ হাসি খুশি। খুটখুট করে ছবি তুলছে।

আমিন সাহেব কিশোরী এসে দেখলেন প্রিসিলা আবার বমি করেছে। তার গায়ে বেশ জ্বর।

: কিরে প্রিসিলা, খারাপ লাগছে?

: নো আই এম জাণ্ট ফাইন।

রাহেলা বললেন, 'কিছু ব্যবস্থা করতে পারলে না?'

: না। অবস্থা আরো খারাপ হচ্ছে। জায়গায় জায়গায় মশাল মিছিল বের করেছে। কেউ কাফু' মানছে না। গুলিটুলিও হচ্ছে বোধ হয়, শব্দ শুনলাম।

: এখন আমরা কি করব?

: বসে থাক।

: তোমাকে কতবার বলেছি দেশে ফেরার দরকার নেই।  
শুনবে না।

: গণ্ডগোল হচ্ছে বলে নিজের দেশে ফিরবে না?

: এই রকম দেশে ফিরে লাভটা কি?

আমিন সাহেব প্রিসিলাকে কোলে নিয়ে বসলেন। প্রিসিলা রিন-  
রিনে গলায় ইংরেজিতে বললো, ‘গণ্ডগোল হচ্ছে কেন?’

: গণ্ডগোল হচ্ছে, কারণ আমরা বাঙালিরা বলছি—আমরা মানুষের  
মত বাঁচতে চাই। পাকিস্তানীরা মানছে না। ওদের ধারণা আমরা  
মানুষ না।

রাহেলা বিরক্ত মুখে বললেন, ‘থাক, রাজনৈতিক বক্তৃতা মেয়েকে  
না শোনালেও হবে।’

: না শোনালে হবে না। এরা আন্দোলনের মধ্যে বড় হবে। এদের  
জানা দরকার এসব কি জন্যে হচ্ছে।

: এখন না জানলেও হবে। এখন দয়া করে চুপ করে থাক।

আমিন সাহেব চুপ করে গেলেন। প্রিসিলা বললো, ‘এরকম  
ঝামেলা কতদিন চলবে?’

: বলা মুশকিল। অনেকদিন ধরে চলতে পারে। তবে শুরু যখন  
হয়েছে, তখন একদিন না একদিন শেষ হবে। শুরু হওয়াটাই শক্ত।

: তোমার কথা বুঝতে পারছি না বাবা, ইংরেজিতে বল।

আমিন সাহেব ইংরেজিতে বললেন, তারপর হাসি মুখে বললেন,  
‘এখন থেকে তোমাকে বাংলায় কথা বলা শিখতে হবে মা। ভাল  
করে বাংলা শিখে নাও।’

: হোয়াই ডেভি?

: কারণ তুমি বাঙালি মেয়ে, সেই জন্যে।

রাহেলা বিরক্ত মুখে বললেন, ‘বাংলায় কথা বলা শিখতে হবে  
না। তুমি কথাবাতা ইংরেজিতেই বলবে। নয়তো ইংরেজি তুলে যাবে।’

রাত আটটার দিকে একটা মাইক্রোবাস পাওয়া গেল, যেটা  
বিদেশীদের হোটেলে পৌঁছে দেবে। আটকেপড়া বাঙালিদের সম্পর্কে  
কারো কোনো মাথা বাথা নেই। আমিন সাহেব কথা বলতে গেলেন  
ওদের সঙ্গে। একজন পাকিস্তানী মিলিটারি অফিসারের দায়িত্বে  
বাসতি যাবে। আমিন সাহেবকে মিলিটারি অফিসারটি শান্ত ভাবে  
বললো—ব্যবস্থাটি ফরেনারদের জন্যে।

: কিন্তু আমার মেয়েটি অসুস্থ।

: অসুখ হোক আর ঘাই হোক, আমার কিছু করার নেই। এই  
অবস্থার জন্যে দায়ী আপনারা—বাঙালিরা। এর ফল ভোগ করতে  
হবে আপনাদের।

৪ আচ্ছা আমাদের না হয় কোনো একটা হাসপাতালে পৌঁছানোর ব্যবস্থা করে দিন।

৫ একবার তো বলেছি এটা সম্ভব নয়।

৬ কিন্তু আপনারা বিদেশীদের জন্যে তো করছেন।

৭ হ্যাঁ, ওরা আমাদের অতিথি।

৮ আমার মেয়েটিও বিদেশী। ওর জন্ম আমেরিকায়। ও জন্ম-সূত্রে আমেরিকান। ওর আমেরিকান পাসপোর্ট আছে।

৯ আপনি আমাকে যথেষ্ট বিরক্ত করছেন। আর করবেন না।

আমিন সাহেব গম্ভীর মুখে ফিরে এসে দেখেন প্রিসিলাকে একটা টেবিলে শোয়ানো হয়েছে। একজন রোগামত ভদ্রলোক তাকে পরীক্ষা করছেন। রাহেলা বললো, ‘উনি একজন ডাক্তার।’

ডাক্তার সাহেব বললেন—কি হয়েছে তিক বুঝতে পারছি না। তবে বমিটা বন্ধ করা দরকার। মুশকিল হয়েছে তোমার সঙ্গে কোনো অসুখপত্র নেই। আমিও আপনাদের মতই আটকানো পড়েছি।

ডাক্তার সাহেব থাকতে থাকতেই প্রিসিলা আরো দু’বার বমি করলো। ডাক্তার সাহেব বললেন—ওকে হাসপাতালে ট্রান্সফার করা দরকার। আসুন দেখা যাক একটা গ্রন্থুলেন্স পাওয়া যায় কি না।

কিন্তু গ্রন্থুলেন্স যোগাড় করা গেল না। রাহেলা কাঁদতে লাগলেন। বেশ কয়েকবার বললেন, ‘যে অন্যেই দেশে আসতে চাইনি। তবু আসতে হবে। কি আছে এই দেশে?’

আমিন সাহেব প্রিয় করে বললেন, ‘প্রিসিলা মা, তুমি কেমন আছ?’

৩ ভাল। জ্বর নেই।

৪ ভোর হলেই আমরা তোমার দাদুমানির বাড়ি চলে যাব।

৫ ভোর হতে কত দেরি?

৬ বেশি দেরি নেই।

ডাক্তার সাহেব প্রিসিলার কাছেই বসে রইলেন। তাঁরা সবাই অপেক্ষা করতে লাগলেন ভোরের জন্যে।

সম্পূর্ণ অচেতন একটা বাড়িতে ঢুকে পড়া এবং প্রায়াক্রমিক একটা ঘরে নিঃশব্দে বসে থাকা খুব সহজ ব্যাপার নয়। কিন্তু বাইরে যাবার প্রশ্নই ওঠে না। বুড়ো ভদ্রলোক সদর দরজা বন্ধ করে

দিয়েছেন। সব ক'টি জানালাও বন্ধ করা হয়েছে। চারদিকে গা চমকানো একটা অন্ধকার। বুড়ো লোকটি সাজ্জাদের দিকে তাকা-  
লেন। তাঁর চোখে মোটা ফ্রেমের একটা চশমা। একটু রাগী  
চেহারা। গায়ে সাদা রঙের একটা চাদর। নুয়ে নুয়ে হাঁটেন।

ঃ তোমার নাম কি ?

ঃ সাজ্জাদ।

ঃ আর তোমার নাম ?

ঃ শাহজাহান।

ঃ তোমাদের ভয় লাগছে ?

ঃ জি না।

ঃ সাজ্জাদ তোমার পা কেটে গিয়েছে দেখছি, ব্যথা করছে ?

ঃ জি না।

ঃ এসো আমার সাথে, পা ধুইয়ে ডেটল লাগিয়ে দিচ্ছি।

ঃ আমার কিছু লাগবে না।

ঃ বাজে কথা বলবে না। বাজে কথা আমি পছন্দ করি না।

নীলু। নীলু।

সাজ্জাদ এবং টুনু দেখলো ওদের বয়েসী একটি মেয়ে এসে  
দরজার ও পাশে দাঁড়িয়েছে। মুখে ভদ্রলোক বললেন, 'এই মেয়েটি  
আমার নাতনি, ওর নাম নীতাজনা। আর এদের একজনের নাম  
শাহজাহান। অন্য জনের নাম সাজ্জাদ। বলতো নীলু কার নাম সাজ্জাদ ?'

সাজ্জাদ এবং শাহজাহান মুখ চাওয়াচাওয়ি করতে লাগলো।  
বুড়োটা পাগল নাকি ? মেয়েটি কিন্তু তিকই সাজ্জাদের দিকে আঙুল  
দিয়ে দেখানো। বুড়ো মহাখুশি।

ঃ তিক হয়েছে, এখন যাও ডেটল নিয়ে এস। তুল্লা আন। আর  
সাজ্জাদ, তুমি বাথরুমে গিয়ে পা ধুয়ে এস। নীলুর সঙ্গে যাও। নীলু  
দেখিয়ে দেবে।

ঃ আমার কিছু লাগবে না।

ঃ একটা চড় লাগাবো। যা বলছি কর।

সাজ্জাদ উঠে পড়লো। বাথরুমটা বাড়ির একেবারে শেষপ্রান্তে।  
নীলু বললো, 'দাদুমানির রাস খুব বেশি। তিনি যা বলেন তা সঙ্গে সঙ্গে  
না করলে খুব রাগ করেন।' সাজ্জাদ মুখ গোমড়া করে বললো, 'আমি  
নাউকে ভয় পাই না।'

: কাউকে না ?  
 : শুধু হেড স্যারকে ভয় পাই।  
 : আমার দাদুমাগিও তো হেড স্যার।  
 : তাই নাকি ?  
 : হঁ। অবশিা এখন রিটার্নার করেছেন।  
 : এই বাড়িতে আর কেউ থাকে না ?  
 : না। শুধু আমরা দু'জন আর একটি কাজের মেয়ে আছে। সে  
 এসে রান্না করে দিয়ে যায়। আজকে আসেনি।

: তুমি কোন ক্লাশে পড় ?  
 : আমি ক্লাশ সিক্সে পড়ি। এইবার সেভেনে উঠবো।  
 সাজ্জাজ খানিকক্ষণ চুপচাপ থেকে বললো, তুমি রাইনোসেরাস  
 বানান করতে পার ?' নীলু অবাক হয়ে বললো—'না রাইনোসেরাস  
 কি ?'

: এক ধরনের গণ্ডার।  
 : রাইনোসেরাস বানান করার দরকার কি ?  
 : কোনো দরকার নেই। আমি নিজেও জানি না।  
 পা ধুতে ধুতে সাজ্জাদের মনে হলো এই ছোট্ট মেয়েটি মন্দ নয়।  
 পায়ে পানি ঢালছে চোখ বন্ধ করে সাজ্জাদ বললো, 'এই, চোখ বন্ধ করে  
 পানি ঢালছে কেন ?'

: রক্ত দেখতে পানি লাগে এই জন্যে। তোমার ব্যথা লাগছে ?  
 : না। আমার ব্যথা-ট্যাথা লাগে না।  
 : ইস কি মিথ্যা কথা।

সাজ্জাদ ফিরে এসে দেখে বড়ো ভদ্রলোক মস্ত একটা জাবদা খাতা  
 খুলে কি যেন লিখছেন। সাজ্জাদকে চুকতে দেখেই বললেন, 'তোমরা  
 কোন ক্লাশে পড় ?'

: ক্লাশ সেভেনে।  
 : সবাই এক স্কুলে পড় ?  
 : জ্বি।  
 : মিছিলে গিয়েছিলে নাকি ?  
 : জ্বি না।  
 : আবার মিথ্যা কথা।  
 : জ্বি গিয়েছিলাম।

বড়ো লোকটি খাতা বন্ধ করে গভীর গলায় বললেন—একটা

জিনিগ আমি খুব অপছন্দ করি—সেটা হচ্ছে মিথ্যা কথা বলা। কেউ যদি মিথ্যা কথা বলে আমি তা সঙ্গে সঙ্গে ধরতে পারি।

এই সময় বাইরের রাস্তায় খুব হৈ চৈ হতে লাগলো। ঘন্টা বাজিয়ে একটা দমকল গেল। লোকজন ছোট্টাছুটি করতে লাগলো। একটা ভারী ট্রাক গেল। সম্ভবত মিলিটারি ট্রাক। বুড়ো ভদ্রলোক বললেন, ‘মনে হচ্ছে আজ রাতটা তোমাদের এখানেই কাটাতে হবে। শোন, নীলু আমাকে দাদুমণি ডাকে। তোমরাও তাই ডাকবে। এখন যাও, নীলুর সঙ্গে গল্প-টল্প কর। পরে তোমাদের সঙ্গে কথা বলব।’ দাদুমণি খাতা নিয়ে ব্যস্ত হয়ে পড়লেন।

এদের বাড়িটি বেশ বড়। অনেকগুলো কামরা নীলুর দখলে। একটিতে নীলুর লাইব্রেরি। সেই লাইব্রেরি দেখে সাজ্জাদ ও বহুতুর আকুল গুড়ুম। একটা পুঁচকে মেয়ের এত বই! নীলু বললো, ‘সব আমার দাদুমণি কিনে দিয়েছেন।’

: তুমি পড়েছ সবগুলো?

: পড়ব না কেন?

বহুতু বললো—নীলু আতংক পড়েছে দুর্গম বই।

: না পড়ি নি।

: আমি নিয়ে আসব তোমার জন্যে।

ঘন্টাখানেকের মধ্যে নীলু তার সমস্ত সম্পত্তি দেখিয়ে ফেললো। তাদের সবচে মজা লিগেচার দাদুমণোর ‘মিথ্যা খাতা’ দেখে। মিথ্যা খাতায় দাদুমণি সব মিথ্যা খবরগুলো তুলে রাখেন। খবরের শেষে মজার সব মন্তব্য লেখা থাকে। দু’একটা নমুনা দেয়া যাক।

### অদ্ভুত গাছ

( নিজস্ব সংবাদদাতা )

নোয়াখালির ছাগল নাইয়াতে জৈনক আহমেদ আলির একটি অদ্ভুত খেজুর গাছ দেখিবার জন্য মানুষের ঢল নামিয়েছে। উক্ত খেজুর গাছটি নামাজের সময় সেজদার ভঙ্গিতে নুইয়া পড়ে। খেজুর গাছের এই অদ্ভুত কাণ্ডের কোনো বৈজ্ঞানিক ব্যাখ্যা দেওয়া যাইতেছে না।

মন্তব্য : নোয়াখালির ছাগল নাইয়াতে আমি নিজে গিয়েছিলাম। এই জাতীয় গাছের কোনো সন্ধান আমাকে কেহ দিতে পারে নাই। এই মিথ্যা সংবাদ প্রচারের আসল উদ্দেশ্য কি? বুঝিতে পারিতেছি না।

## আম গাছে কাঁঠাল

প্রকৃতির অদ্ভুত খেলায় সম্প্রতি সাতক্ষীরার কুণ্ডচরণ বৈরাগীর একটি আম গাছে প্রকাণ্ড একটি কাঁঠাল ফলিয়াছে। কুণ্ডচরণ আমাদের নিজস্ব সংবাদদাতাকে জানান যে উক্ত ঘটনা প্রত্যক্ষ করিবার জন্য প্রতিদিন প্রায় হাজার হাজার মানুষ আসিতেছে। সাতক্ষীরা মহকুমার এসডিও সাহেবও আসিয়াছিলেন।

মন্তব্য : আমি সাতক্ষীরার এসডিও সাহেবকে একটি চিঠি লিখে জানতে পারি যে তিনি নিজে সেই কাঁঠাল দেখেন নি, তবে খবর শুনেছেন। আমি পত্রিকার সম্পাদকের কাছে নিজস্ব সংবাদদাতার ঠিকানা জানতে চাই। সম্পাদক সাহেব আমাকে জানান, উক্ত সংবাদ-দাতা বর্তমানে ছুটিতে আছেন।

## ছাগলের গর্ভে সর্পশিশু

সম্প্রতি একটি ছাগল দুটি সর্প-শিশু প্রসব করিয়াছে। ঘটনাটি ঘটে ময়মনসিংহ জেলার নীলগঞ্জে। প্রসবে দুই ঘণ্টার মধ্যে একটি সর্পশিশু মৃত্যু ঘটে। তবে অন্যটি এখনো সুস্থ আছে। ব্যাপারটি স্থানীয় জনগণের মনে দারুণ চাঞ্চল্য সৃষ্টি করিয়াছে।

মন্তব্য : গাঁজাখুরির একটা সীমা থাকা দরকার।

নীলু হাসি মুখে বললো—দাদুমণি মিথ্যা কথা একেবারেই সহ্য করতে পারেন না।

: তিনি নিজে মিথ্যা সব সময় সত্যি কথা বলেন ?

: তা বলেন।

: যখন আমাদের মত ছোট ছিলেন তখনো বলতেন ?

: তা তো জিজ্ঞেস করিনি।

সাজ্জাদ গম্ভীর ভাবে বললো—তখন তিনি ঝুড়ি ঝুড়ি মিথ্যা কথা বলতেন। জিজ্ঞেস করলেই জানা যাবে। নীলু হেসে ফেললো। হাসি আর খামতেই চায় না। এই সামান্য কথায় কেউ এত হাসে নাকি ?

এক সময় তারা নীলুর পোষা ময়না দেখতে গেল। এই ময়নাটিকে নীলু নিজেই নাকি কথা বলা শিখিয়েছে। এমন ভাবে শিখিয়েছে যাতে মনে হয় ময়না বুদ্ধি সত্যি সত্যি কথা বলে। কেউ কাছে গিয়ে দাঁড়ালেই ময়না বলবে—

ঃ তোমার নাম কি ? তোমার নাম কি ?

নাম বলার পর ময়না দু এক মিনিট চুপ করে থেকে বলবে--

ঃ তুমি কেমন আছ ?

এই প্রশ্নে জবাব দিলেই ময়না বলবে—ওগো বাড়িতে মেহমান এসেছে। দারুণ মজার ব্যাপার।

বিকেলবেলা দাদুমনি বললেন—এইবার রান্না-বান্না শুরু করা যাক।  
কি খাবে তোমরা ?

বল্টু গভীর গলায় বললো, 'আমাদের খিদে নেই।'

ঃ এটা তো ঠিক বললে না। তোমার খিদে না থাকতে পারে, কিন্তু অন্যদের নেই সেটা বুঝলে কি করে ?

নীলু খিল খিল করে হেসে উঠলো।

সন্ধ্যার পর বল্টু বিনা নোটিশে কাঁদতে শুরু করলো। দাদুমনি প্রথম কিছুক্ষণ এমন ভাব করলেন যেন দেখতে পাচ্ছে। সাজ্জাদ খুব অস্বস্তি বোধ করছিলো। তার ধারণা নীলু খুব ভীতম্বা হোসি করবে। কিন্তু নীলু হাসলো না। সেও এমন ভাব করলো ফোঁ কিছু দেখতে পায়নি। শেষ পর্যন্ত দাদুমনি বললেন—তোমার বোধ হয় পেট ব্যথা করছে, তাই না ? বল্টু ফোঁপাতে ফোঁপাতে বললো, 'হ্যাঁ।'

ঃ আমিও তাই ভেবেছিলাম। বাসার জন্যেও বোধ হয় একটু খারাপ লাগছে। লাগছে না ?

ঃ লাগছে।

ঃ বাসায় তোমরা কে কে আছেন ?

ঃ আক্বা আশমা আর দাদী।

ঃ সকাল হলেই ওরা কাফুঁ তুলে নেবে, তখন সবার আগে আমি তোমাকে বাসায় পৌঁছে দেব। কেমন ?

বল্টু মাথা নাড়লো।

ঃ একটা তো মোটে রাত, দেখতে দেখতে কেটে যাবে। মাঝে মাঝে দেশের খুব বড় দুঃসময় আসে, তখন দেশের মানুষকে কন্ট করতে হয়। এই যেমন আমরা করছি।

দাদুমনি কিছুক্ষণ থেকে থেমে মৃদু স্বরে বললেন—এই গণ্ডগোল, মিছিল কেন হচ্ছে তোমরা জানি ?

ঃ জানি।

ঃ কেন হচ্ছে ?

ঃ প্রেসিডেন্ট ইয়াহিয়া জাতীয় পরিষদের অধিবেশন মূলতর্কী ঘোষণা করেছে, সেইজন্যে।

ঃ কিন্তু এর আগেও তো আমরা অনেক মিছিল টিছিল করেছি। করিনি ?

ঃ করেছি।

ঃ সেগুলো কি জন্যে করেছি জান ?

সবাই চুপ করে রইলো। দাদুমাণি বললেন, 'তোমাদের এইসব জানা উচিত। চোখের সামনে এত বড় একটা আন্দোলন হচ্ছে। কেন হচ্ছে জানা উচিত না ?'

ঃ জি।

ঃ আমি অনেকের সঙ্গে কথা বলে দেখেছি, গোড়ার কথাগুলো অনেকেই জানে না। সমগ্র পৃথিবীতে দুই ধরনের মানুষ আছে—এই জিনিসটা জান ?

ঃ না।

ঃ এক ধরনের মানুষ হচ্ছে শোষক, অন্য শোষণ করে—আর অন্য ধরনের মানুষ হচ্ছে শোষিত। অর্থাৎ এদের শোষণ করা হয়। পাকিস্তানের জন্ম হল মুসলমানদের নিয়ে। তখন শোষিত মানুষরা ভাবলো আর তাদের দুঃখ কণ্ট থাকবে না। প্রয়োজনে সুখ আসবে।

সুখ কিন্তু এল না। কারণ পাকিস্তানেও একদল আছে, যারা শোষক। তারা ধনী, তাদের হাতে ক্ষমতা আছে। এদের বেশির ভাগই হচ্ছে পশ্চিম পাকিস্তানী। দেশের রাজধানীও তাদের অংশে। কাজেই তারা জোরে-শোরে শোষণ শুরু করলো। এবং আমরা পূর্ব পাকিস্তানের মানুষেরা হলাম শোষিত। আমাদের শোষণ করতে লাগলো তারা। যাতে কিছুতেই মাথা তুলে দাঁড়াতে না পারি। কাজেই আমরা তাদের ঘৃণা করতে শুরু করলাম। আমাদের এই ঘৃণা তারা কখন প্রথম বুঝতে পারল জান ?

ঃ না, কখন ?

ঃ ভাষা আন্দোলনের সময়।

ভাষা আন্দোলনের সময় তাদের আক্কেল গুড়ুম হয়ে গেল। তখন তারা বুঝতে পারলো—আরে পূর্ব পাকিস্তানের এই মানুষগুলো তো সহজ পাত্র নয়। কাজেই তারা এখন খুব সাবধান। এবং আমার কি মনে হয় জান ? আমার মনে হয় এরা কিছুতেই শেখ মুজিবুর রহমানের হাতে ক্ষমতা দেবে না।

মুনীর হঠাৎ বলে বসলো—আমাদের হাতে ক্ষমতা আসলে আমরাও কি শোষণক হয়ে যাবো ?

: যেতে পারি। হয়তো দেখা যাবে আমরা তখন পশ্চিম পাকিস্তানীদের শোষণ করতে শুরু করেছি। তখন হয়তো তারাও আন্দোলন শুরু করবে।

নীলু বললো—এইসব গুনতে ভাল লাগছে না দাদুমণি। একটা ভুতের গল্প বলো। দাদুমণি বললেন, ‘এখন আর ভুতের গল্প বলতে ইচ্ছে হচ্ছে না।’ ঠিক তখন কারেন্ট চলে গিয়ে চারিদিক অন্ধকার হয়ে গেল। উত্তর দিক থেকে খুব হৈ চৈ হতে লাগলো। দাদুমণি দরজা খুলে কিছুক্ষণ বাইরে দাঁড়িয়ে রইলেন। তারপর ফিরে এসে বললেন, ‘কোথায় যেন আগুন লেগেছে—উত্তর দিকে। বিরাট আগুন।’

রাতের ভাত খাবার সময় রেডিওতে বললো, লেফটেনেন্ট জেনারেল টিক্কা খান পূর্ব পাকিস্তানে আসছে।

বল্টু আবার কাঁদতে শুরু করলো। দাদুমণি বললেন—কি হয়েছে বল্টু? পেট ব্যথা করছে?

: না, বাসার জন্যে খারাপ লাগছে।

: কাফুঁ উঠলেই আমি তোমাকে বাসায় দিয়ে আসবো।

বল্টু ফোঁপাতে ফোঁপাতে বললো—যদি কাফুঁ না ওঠে?

কাফুঁ তোলা হল সকাল ন’টায়।

চারদিকে কেমন ছমছমে ভাব। যেন কিছু একটা হবে। কি হবে কেউ জানে না, কেউ কিছু বুঝতে পারছে না। যুবকদের চেহারা একই সঙ্গে রাগী ও বিষণ্ণ।

এয়ারপোর্টে আমিন সাহেব মেয়েকে কোলে নিয়ে অপেক্ষা করছেন। ডাক্তার ভদ্রলোক বললেন—বাসায় না গিয়ে মেয়েকে সরাসরি কোনো হাসপাতালে নিয়ে যান। বডি ডিহাইড্রেটেড হয়ে গেছে। রাহেলা অস্থির হয়ে পড়েছেন—এতক্ষণেও নেবার জন্যে কোন গাড়ি আসছে না কেন? তিনি বললেন—গাড়ি লাগবে না, চল একটা বেবিটেক্স নিয়ে চলে যাই।

: এত মালপত্র কি করব?

: পড়ে থাকুক।

বেবিটোয়, রিকশার সংখ্যা খুব কম। বহু কণ্ঠে একটি জোপাড় করা গেল। রাস্তায় যানবাহন তেমন নেই। কিন্তু প্রচুর মানুষ। ছোট ছোট দল বানিয়ে জটলা পাকাচ্ছে। রাস্তার প্রতিটি মোড়ে ইপিআর-এর বড় বড় ভ্যান। ড্যানের মাথায় মেশিনগান বসিয়ে সৈন্যরা অপেক্ষা করছে। আমিন সাহেব বললেন—দেখে মনে হচ্ছে যুদ্ধক্ষেত্র। রাহেলা অবস্থা দেখ।

ঃ তুমি দেখ। আমার দেখার শখ নেই।

ঃ এত সৈন্য নামিয়েছে শহরে, আশ্চর্য!

প্রিসিলা বললো, ‘বাবা আমি সৈন্য দেখব।’ রাহেলা ধমক দিলেন—সৈন্য দেখতে হবে না। গুয়ে থাক। আমিন সাহেব বললেন, ‘ওকে দেখতে দাও। দেখে অভ্যস্ত হোক। এ দেশের অবস্থা জানতে হবে না তাকে?’

ঃ না জানার দরকার নেই। আমি এখানে থাকব না।

ঃ কোথায় যাবে?

ঃ আমেরিকা। যেখান থেকে এসেছি সেখানে যাব।

আমিন সাহেব কিছু বললেন না। রাহেলা বললেন—এ রকম দেশে মানুষ থাকতে পারে?

ঃ কেন, মানুষ থাকছে না? ওরা থাকতে পারলে আমরাও পারব। তাছাড়া এ রকম থাকবে না।

ঃ কি করে তুমি জামি থাকবে না?

ঃ এটা জানা যাবে। সব ঝরাপ সময়ের পর আসে সুসময়।

ঃ সুসময় আসুক আর যাই আসুক আমি এখানে থাকব না। তুমি যেতে না চাও থাকবে। আমি প্রিসিলাকে নিয়ে চলে যাব।

আমিন সাহেব কিছু বললেন না।

ফার্মগেটের সামনে এসে দেখা গেল, প্রতিটি গাড়িকে থামানো হচ্ছে। দু’জন মিলিটারি এসে উঁকি দিচ্ছে প্রতিটি গাড়িতে। কাউকে কাউকে জিজ্ঞাসাবাদও করছে। আমিন সাহেবকে অবশ্যি কিছু বললো না। হাত দিয়ে ইশারা করে চলে যেতে বললো। প্রিসিলা বললো—ওরা মিলিটারি বাবা?

ঃ হ্যাঁ।

ঃ কি দেখছে?

ঃ কি জানি কি? তোমার শরীর কেমন লাগছে এখন?

ঃ ভাল।

: আবার বমি বমি লাগছে ?

: নাহ্ ।

: বাড়িতে গেলেই দেখবে শরীর পুরোপুরি সেরে গেছে । বাড়িতে পৌঁছেই ডাক্তার আনাব । ঠিক আছে ?

প্রিসিলা বাধ্য মেয়ের মত মাথা নাড়লো । বাড়ি পৌঁছতে অবশ্যি দেরি হলো অনেক । নীলক্ষেতের সামনে সমস্ত গাড়ি আটকে রাখা হয়েছে । যেতে দেয়া হচ্ছে না । কেন দেয়া হচ্ছে না তাও কেউ বলছে না । রাহেলা অসহিষ্ণু গলায় বললেন—কি হচ্ছে ?

: বুঝতে পারছি না তো !

: আমি অসুস্থ মেয়ে নিয়ে রাস্তায় পড়ে থাকব নাকি ?

: কিছু তো করার নেই । অপেক্ষা করা যাক । বোধ হয় মিছিল টিছিল আসছে ।

: আমি থাকবো না এদেশে, আমি আগামী সপ্তাহেই চলে যাব । রাহেলা কেঁদে ফেললেন ।

খোকন বাড়ির সামনের গেটের কাছে একা একা দাঁড়িয়ে ছিলো । তার খুব ইচ্ছে সে ভয়াল ছয়ের সপিসমাদের সঙ্গে যোগাযোগ করে । কিন্তু বড়চাচা বলে দিয়েছেন—কেউ যেন বাড়ি ছেড়ে কোথাও না যায় । দারোয়ান গেতে তাল্লা লাগিয়ে দিয়েছে । বড়চাচার হুকুম ছাড়া তাল্লা খোলার অনুমতি নেই । খোকন আশা করে আছে সাজ্জাদ বা বন্টু এদের কেউ তাদের খোঁজে আসবে । কিন্তু এখনো কেউ আসছে না । আসবে জানা কথা, কিন্তু এত দেরি করছে কেন ?

ছোটচাচা যখন বেবিটেক্সি থেকে নামলেন, তখনো খোকন গেটের কাছে দাঁড়িয়ে । তবু সে বুঝতে পারলো না যে ছোটচাচা এসে পড়েছেন । তিনি ডাকলেন—‘এটা কে, খোকন না ?’ খোকনের চোখ বড় বড় হয়ে গেল ।

: আমরা যে গতকাল আসছি সে টেলিগ্রাম পাসনি ?

: না তো !

: যা ভেতরে গিয়ে খবর দে ।

খোকনের হাঁস ফিরে এলো, সে বিদ্যুৎগতিতে ছুটে গেল বাড়ির ভেতরে । আর তার প্রায় সঙ্গে সঙ্গে বাড়ির প্রতিটি মানুষ বেরিয়ে এলো । বহুদিন এ বাড়িতে এ রকম আনন্দের ব্যাপার হয়নি ।

কাফু' ভাঙার সাথে সাথেই সাজ্জাদ ও বল্টু বেরিয়ে পড়লো। দাদু-মণি সঙ্গে যেতে চাচ্ছিলেন, কিন্তু তারা কিছুতেই সঙ্গে নেবে না। তারা নাকি নিজেরাই যেতে পারবে। নীলুরও দাদুমণিকে ছাড়ার ইচ্ছে নেই। বাসায় তার একা একা থাকতে ভয় লাগে।

দু'জনে প্রথমে গেল বল্টুদের বাসায়—কাওরান বাজারে। বাসায় তখন দারুণ কান্নাকাটি হচ্ছে। তার মা সারা রাত কেঁদেছেন। তিনবার ফিট হয়েছেন। বাবা মার পাশেই একটা মোড়াতে বসে আছেন। বল্টুর বড় দু'ভাই কাফু' ভাঙার সঙ্গে সঙ্গে সাইকেল নিয়ে খুঁজতে বের হয়েছে। মা ছেলেকে জড়িয়ে ধরে বিকট স্বরে চৈচিয়ে উঠলেন। বাবা বিড় বিড় করে বললেন—আগামী রোববারেই আমি ছুটি নিয়ে সবাইকে দেশের বাড়িতে রেখে আসব। ঝামেলা না মিটলে কাউকে ফিরিয়ে আনব না। বলতে বলতে তিনিও চোখ মুছতে লাগলেন।

সাজ্জাদ কি করবে ভেবে পেল না। চলে যাবে, আবারো খানিকক্ষণ দাঁড়িয়ে থাকবে? কাউকে কিছু না বলে চলে যাওয়াটা ভাল দেখায় না। আবার এ রকম কান্নাকাটির মধ্যে দাঁড়িয়ে থাকতেও ভাল লাগে না। বল্টুর বাবা বললেন—সাজ্জাদ, তুমি আর এ বাড়িতে আসবে না। তোমার পাল্লায় পড়ে ছেলের আজ এঁই অবস্থা। বুঝতে পারছ? সাজ্জাদ মাথা নাড়লো।

: যাও এখন বাড়ি যাও, দাঁড়িয়ে আছ কেন?

সাজ্জাদদের বাসায় ভেঁজকুনী পাড়া। সে থাকে তার বোন এবং দুলাভাইয়ের সঙ্গে। দুলাভাই লেদ মেশিন ওয়ার্কশপের একজন মেকানিক। লোকটি নিরীহ গোছের। সে নিশ্চয়ই সাজ্জাদকে দেখে তেমন কিছু বলবে না। হয়ত বলবে—এই রকম ঘোরানফেরা করা ঠিক না। আর যাবে না। অবশ্যি তার বোন খুবই রাগ করবে। আজ সারাদিন হয়তো কথাই বলবে না। ঘন ঘন চোখ মুছবে।

সাজ্জাদ তাদের বাসার সামনে কিছুক্ষণ দাঁড়িয়ে রইলো। কান্নাকাটির শব্দ শোনা যায় কি না। কোন শব্দ নেই, কেউ কাঁদছে না। সে ঘরে ঢুকে দেখলো তার বোন রান্নাঘরে। সাজ্জাদকে দেখেই সে বললো—তোর দুলাভাই কোথায়?

: আমি তো জানি না

: তুই জানিস না মানে? তোর খোঁজে সেই সন্ধ্যাবেলা গেছে, আর তো আসে নি।

ঃ কাফুর মধ্যে কোথায় গেল ?

ঃ আমি বললাম যাওয়ার দরকার নেই। তবু গেল।

ঃ বল কি !

সাজ্জাদের বোন সরু গলায় বললো—এখন কোথায় কোথায় ঘুরছে কে জানে। বোকা সোকা মানুষ।

ঃ কাফুর মধ্যে আটকা পড়েছে আরকি। আসবে, আসবে এখনি।

তারা দুই ডাইবোন দুপুর পর্যন্ত অপেক্ষা করলো, কেউ এলো না। সাজ্জাদের বোন কান্নাকাটি কিছুই করলো না। সহজ স্বাভাবিক ভঙ্গিতে ঘরের কাজ করতে লাগলো। দুপুরের পর সাজ্জাদ খুঁজতে বেরল।

তখন শহরে মিছিলের পর মিছিল বেরচ্ছে। উত্তেজিত মানুষের মুখে একটি মাত্র কথা—শেখ সাহেবের ভাষণ হবে ৭ তারিখে। সেই ভাষণে দারুণ একটা কিছু বলবেন তিনি।

সাজ্জাদ নানান জায়গায় উদ্দেশ্যহীনভাবে ঘুরে বেড়ালো। ফার্মগেট, নীলক্ষেত্র, আজিমপুর। সন্টার আগে বাড়ি ফিরে খুঁজলো তার বোন ক্ষীণ স্বরে কাঁদছে। দুলাভাই এখনো ফেরেন নি।

খোকনের বাড়িতে সন্ধ্যাবেলা চায়ের একটা জমকালো আয়োজন করা হয়েছে। খোকনের মা এবং প্রিন্সিলা ছাড়া আর সবাই এসে বসেছে খাবার টেবিলে। প্রিন্সিলার স্বর কমে গিয়েছে, তবে দুর্বল হয়ে গেছে। বিকেল থেকেই সে ঘুমুচ্ছে। খোকনের একজন মামা পিজির বড় ডাক্তার। তিনি এসে দেখে গিয়েছেন এবং বলেছেন, তেমন কিছু নয়—ট্রান্ডেল সিকনেস। দু'একদিন পুরোপুরি রেস্টে থাকলেই ঠিক হয়ে যাবে।

চায়ের টেবিলে ছোটরা কোনো কথা বলতে পারে না। কিন্তু আজ সবাই কথা বলছে। বড়চাচার মুখ হাসি হাসি। তাঁর হাসি দেখেই মনে হচ্ছে আজ আর তিনি রাগ করবেন না। ছোটচাচা একটির পর একটি মজার মজার গল্প বলে যাচ্ছেনে—একবার বেড়াতে গিয়েছিলেন আলাস্কা, সেখানে ঠাণ্ডায় নাকি হঠাৎ তাঁর চোখের মনি জমে গেলো। কিছুই দেখতে পান না। শেষকালে হাতের তালু দিয়ে চোখ ঘষে ঘষে গরম করার পর আবার দেখতে পেলেন।

তারপর একবার ক্লুভা ডাইভিং করতে গিয়েছেন প্রশান্ত মহাসাগরে। পানির নিচে বেশিদূর যাননি, অল্প কিছুদূর গিয়েছেন—হঠাৎ তাঁর মনে

হলো পেছন থেকে তাঁর বাঁ হাত ধরে কে যেন টানছে। তিনি চমকে পেছনে ফিরে দেখলেন একটা দৈত্যের মত প্রকাণ্ড অক্টোপাস। অক্টোপাসটির সঙ্গে ছোট ছোট বাচ্চা। সেগুলো মা'র চারপাশে কিন্নবিল করছে। ডয়াবহ ব্যাপার।

ঘন্টাখানিক গল্পগুজব হবার পর বড়চাচা চোঁটদের উঠে যেতে বললেন। হাসি মুখে বললেন—

ঃ অনেকক্ষণ গল্প হয়েছে, এখন সবাই যাও। আমরা বড়রা কিছু কথা বলি। আজ আর পড়াশোনা করতে হবে না। আজ ছুটি।

এখন বড়দের গল্প মানেই দেশের কথা। কি হবে এই নিয়ে আলোচনা। তর্ক। এখানেও তাই হলো। সাত তারিখে কি বক্তৃতা হবে তাই নিয়ে কথা বলতে লাগলেন সবাই। বড়চাচা গম্ভীর হয়ে বললেন— শেখ সাহেব যা করছেন তার ফল ভাল হবে না! পাকিস্তান ধ্বংস হয়ে যাবে। তিনি দেশকে দুই ভাগ করে ফেলবার চেষ্টা করছেন।

ঃ এ রকম মনে করার তো কারণ নেই। কেঁহে কোন কারণ? ভুট্টো সাহেবরা যা করছেন সেটাই দেশকে দু'ভাগ করবে। নির্বাচনে যে জিতেছে সে ক্ষমতায় যাবে, এতো সোজা কথা।

ঃ কিন্তু ক্ষমতায় গিয়েইতো দেশকে দু'ভাগ করার চেষ্টা করবে।

ঃ করবার আগেই সেটা বন্ধ হোক কেন? অজুহাতটা খুব বাজে না? দুর্বল অজুহাত না? ধরেন অজুহাদি ভুট্টো শেখ মুজিবের মত নির্বাচনে জিততো তাহলে কি তাকে ক্ষমতায় প্রধান মন্ত্রী করা হত না?

বড়চাচা ক্রমেই কথাগুলো হয়ে পড়তে লাগলেন এবং রেগে উঠতে লাগলেন। ঠিক চক্কান খোকন এসে বলল—বড়চাচা আপনার সঙ্গে কথা বলব।

ঃ এখন না, পরে।

ঃ জি না বড়চাচা, এখন। আমার সঙ্গে একটু বাইরের ঘরে আসেন। আসতেই হবে।

বড়চাচা বেশ অবাক হয়েই বাইরের ঘরে এসে দেখলেন সাজ্জাদ দাঁড়িয়ে আছে। সে তার শার্টের লম্বা হাতায় ঘন ঘন চোখ মুছেছে।

ঃ সাজ্জাদ না তোমার নাম? কি হয়েছে?

'দুলাভাই হারিয়ে গেছেন' এই খবরটি বলতে সাজ্জাদের দীর্ঘ সময় লাগলো। বড়চাচা নিঃশব্দে শুনলেন। শান্ত স্বরে বললেন, 'কাহু' ভঙ্গের জন্য ধরে নিয়ে থানায় রেখে দিয়েছে। থানায় খোঁজ করলেই পাওয়া যাবে। তুমি কাঁদবে না, আমি খোঁজ করছি। তুমি কিছু খেয়েছ?

ঃ স্থি না।

ঃ খাও কিছু। খোকন তোমার বন্ধুকে কিছু খাবার দিতে বল।

ঃ আমার খিদে নেই, আমি কিছু খাব না।

ঃ সাজ্জাদ তুমি খাও। আমি খোঁজ করছি। কি নাম তোমার দুলাভাইয়ের?

ঃ শমসের আলি।

বড়চাচা প্রথমেই ফোন করলেন রমনা খানায়—আমি মোহাম্মদ রফিক চৌধুরী। আমার একটা খবর দরকার। গতরাতে কাফুর্‌ চালাকালীন সময় শমসের নামের.....।

বড়চাচা সব ক'টি খানায় ফোন করলেন। কেউ কোনো খবর দিতে পারলো না। শমসের আলি নামের কেউ গত রাতে গ্রেফতার হয়নি। বড়চাচা ক্রমেই গম্ভীর হতে শুরু করলেন। এক সময় বললেন—‘নিজে না গেলে হবে না। খোকন ড্রাইভারকে গাড়ি বের করতে বল। সাজ্জাদ তুমিও চল আমার সঙ্গে।’

বড়চাচা রাত দশটা পর্যন্ত নানান জায়গায় ঘোরাঘুরি করলেন। কোনোই খবর পাওয়া গেল না। তিনি রাগী গলায় বললেন—একটা লোক আপনা আপনি নিখোঁজ হয়ে যাবে? এটা একটা কথা হলো? বড়চাচার কপালে ভাঁজ পড়বে। সাজ্জাদ ক্রমাগত চোখ মুছেছে। তিনি এক সময় বললেন—‘পুরুষমানুষদের কাঁদতে নেই। কান্না বন্ধ কর। আমি তোমার দুলাভাইয়ের খোঁজে বের করব। এখানকার ডিসিএমএলএ আমার পরিচিত। কান্না দেখা করব তার সঙ্গে। নাকি এখন যেতে চাও?’ সাজ্জাদ জবাব দিল না। তিনি বললেন—চল এখনি যাওয়া যাক। ডিসিএমএলএকে পাওয়া গেল না।

সাত তারিখে শেখ মুজিবুর রহমান ভাষণ দেবেন রেসকোর্সের মাঠে। ভোর রাত থেকে লোকজন আসতে শুরু করেছে। দোকান-পাট বন্ধ। অফিস আদালত কিছু নেই। সবার দারুণ উৎকণ্ঠা। কি বলবেন এই মানুষটি? সবাই তাঁর মুখের দিকে তাকিয়ে আছে। খুব মন দিয়ে আজ শুনতে হবে তিনি কি বলেন। আজ তাঁকে পথ দেখাতে হবে। শোনাতে হয়ে অভয়ের বাণী।

হাজার হাজার মানুষ জমতে শুরু করেছে। দেখতে দেখতে রেসকোর্সের ময়দান জনসমুদ্রে পরিণত হলো। রুক-রুক, যুবক-যুবতী, কিশোর-কিশোরী সবাই অপেক্ষা করছে। বাবার কাঁধে চেপে এসেছে শিশুরা। অবাক হয়ে তারা দেখছে এই বিশাল মানুষের সমুদ্রকে।

বহুদূরে অপেক্ষা করছে সারি সারি মিলিটারি ড্যান। চোখে সানগ্লাস পরা তরুণ অফিসারদের কপালে বিন্দু বিন্দু ঘাম জমছে। সম্মিলিত শক্তি—ভয়বাহ শক্তি। ওরা কি বুঝতে পারছে সে কথা? ঘন ঘন কথা বলছে ওয়ারলেসে। মাথার ওপর দিয়ে অস্থির ভঙ্গিতে উড়ে যাচ্ছে হেলিকপ্টার। বিমান বাহিনীর পদস্থ অফিসাররা হেলিকপ্টারের জানালা দিয়ে নিচে তাকাচ্ছে, ওদের কপালেও ঘাম। নিঃশ্বাস পড়ছে দ্রুত। অপেক্ষা করছে তারাও।

সাজ্জাদ এসেছে খুব ভোরে। সে ঠিক বজ্রতা গুনতে আসেনি। বজ্রতা তন্তুতা তার বিশেষ ভাল লাগে না। সাজ্জাদ এসেছে তার দুলাভাইয়ের খোঁজে। তার মনে ক্ষীণ আশা, কোনো অলৌকিক উপায়ে তাকে হঠাৎ হয়তো পাওয়া যাবে। দেখা যাবে মাঠের প্রান্তে পা ছড়িয়ে চীনাবাদাম খাচ্ছে। সাজ্জাদকে দেখা মাত্রই ডাকবে—এই যে এই। এই সাজ্জাদ। সাজ্জাদ বলবে—আর দুলাভাই আপনি এখানে!

: আসলাম, দেখি শেখ সাজ্জাদ ক বলেন।

: এদিকে আপনার জমা আমরা অস্থির। আপা খাওয়া-দাওয়া বন্ধ করে দিয়েছে।

: তাই নাকি?

: আবার বলছেন তাই নাকি। এইসব কি কাণ্ড দুলাভাই। চলেন বাসায় যাই।

: যাব যাব। বস আগে বজ্রতাটা গুনি। বাদাম খাবে?

: না।

: আরে খাও না। এই, এই বাদামওয়াল।

বাস্তবে অবশ্যি সে রকম কিছুই হলো না। কত অসংখ্য মানুষ এসেছে। কিন্তু কারো সঙ্গে কারুর চেহারার কোনো মিল নেই। সাজ্জাদের হঠাৎ মনে হলো এটা একটা অদ্ভুত ব্যাপার তো! সব পশু দেখতে এক রকম। দুটি শেয়ালের মধ্যে প্রভেদ কিছু নেই, কিন্তু মানুষরা কত আলাদা। কেন, এ রকম কেন?

সাজ্জাদ চমকে পেছন ফিরলে!। খয়েরী রঙের একটা চাদর গায়ে দিয়ে হেড স্যার দাঁড়িয়ে আছেন। সাজ্জাদের মনে হলো সভাতে আস-

বার জন্যে হেড স্যার প্রথমেই একটা প্রচণ্ড ধমক দেবেন। কিন্তু সে রকম কিছু হলো না। স্যার অস্বাভাবিক নরম গলায় বললেন—সাজ্জাদ একটা খবর শুনলাম তোমার দুলাভাইয়ের সম্পর্কে, এটা কি সত্যি? ওনাকে নাকি পাওয়া যাচ্ছে না?

: সত্যি স্যার।

: বল কি! আত্মীয়স্বজনকে খবর দিয়েছে তো?

: জি স্যার।

: আত্মীয়স্বজন কে কে আছেন?

সাজ্জাদ চুপ করে রইলো। তার তেমন কোনো আত্মীয়স্বজন নেই। এক মামা আছেন কুড়িগ্রামে, পোস্ট মাস্টার। নিকট আত্মীয় বলতে তিনিই। তাঁর সঙ্গে বহুদিন যাবত যোগাযোগ নেই। হেড স্যার বললেন, ‘তোমাদের চলছে কি ভাবে? সঞ্চয় তো মনে হয় তেমন কিছু তোমার দুলাভাইয়ের ছিল না। নাকি ছিল?’ সাজ্জাদ জবাব দিল না। হেড স্যার চিন্তিত ভঙ্গিতে বললেন—কাল তুমি অবশ্যই আমার সঙ্গে দেখা করবে। বাসা চেন তো?

: চিনি স্যার।

: সকালবেলা চলে আসবে।

: জি আচ্ছা।

: এখানে দাঁড়িয়ে তো কিছু শুনতে পাবে না। আরেকটু সামনে যাওয়া দরকার। চল সামনে যাই।

: আপনি যান স্যার। আমি বাসায় চলে যাব।

: সে কি, ভয়গে শুনবে না?

: জি না স্যার।

: আচ্ছা ঠিক আছে যাও। কাল সকালবেলা মনে করে আসবে। মনে থাকবে তো?

: থাকবে স্যার।

সাজ্জাদ বাসায় গেল না। নীলুদের বাসার দরজায় গিয়ে ধাক্কা দিল। তার একটু লজ্জা করতে লাগলো। এক সপ্তাহ পর আসছে এখানে। দাদুমণি খুব করে বলে দিয়েছিলেন একটা খবর দেয়ার জন্যে।

দরজা খুললো নীলু। সে থমথমে গলায় বললো—খুব বকা খাবে দাদুমণির কাছে। দাদুমণি খুব রেগেছেন তোমার ওপর। আমাকে বলেছেন আসলেও যেন চুকতে না দিই।

দাদুমণি অবশ্যি তেমন রাগ করলেন না। কিংবা রাগটা জমা করে রাখলেন, পরে করবেন। তিনি বললেন—তুমি আমি না আদা পর্যন্ত থাকবে এখানে। আমি শেখ সাহেবের ভাষণ শুনতে যাচ্ছি। নীলু বললো—সেতো দাদুমণি রেডিওতে শুনলেই হয়।

ঃ না, এসব জিনিস সত্তাতে উপস্থিত থেকে শুনতে হয়। রেডিওতে শুধু কথাগুলো শোনা যাবে। কিন্তু বক্তৃতা শুনে মানুষের চোখে-মুখে কি পরিবর্তন হচ্ছে সেটা দেখা যাবে না। আমার কাছে বক্তৃতার চেয়ে এই সব জিনিসই দেখতে ভাল লাগে।

দাদুমণি চলে যাওয়া মাত্র নীলু বললো—তোমাদের কথা আমার রাজ মনে হয়েছে। আশ্চর্য, একবারও তোমরা আসলে না!

ঃ আসলাম তো।

ঃ এক সপ্তাহ পর আসলে। দাদুমণি যতটুকু রাগ করেছে, আমি তার চেয়েও বেশি রাগ করেছি। আমি কোনো কথাই বলবো না।

ঃ আমার একটা বড় বিপদ হয়েছে। আমার দুলাভাইকে খুঁজে পাচ্ছি না।

ঃ খুঁজে পাচ্ছে না মানে?

ঃ কাফুর রাতে আমাকে খুঁজতে বেরিয়েছিলেন, তারপর আর ফিরে আসেননি।

সাজ্জাদের চোখ দিয়ে হসান গড়তে শুরু করলো। নীলু তাকিয়ে রইল অবাক হয়ে। এক সময় দেখা গেলো সেও কাঁদতে শুরু করেছে। তার পোষা ময়না কখনো ডাকতে লাগলো, 'কুটুম এসেছে বসতে দাও।'

ঠিক তখনই বেরসকোর্সে শেখ মুজিবুর রহমান তাঁর বিখ্যাত বক্তৃতা শুরু করলেন। তাঁর মুখ দিয়ে কথা বলে উঠলো বাংলাদেশ।

“...আমি যদি তোমাদের কাছে না থাকি তোমাদের উপর আমার আদেশ রইলো ঘরে ঘরে দুর্গ গড়ে তোলা, তোমাদের যা কিছু আছে তাই নিয়ে প্রস্তুত হও। রক্ত যখন দিতে শিখেছি আরো দেব। বাংলাকে মুক্ত করে ছাড়ব ইনশাআহ্।”

মেয়ের গায়ে হাত দিয়ে রাহেলা গভীর হয়ে পড়লেন। বেশ জ্বর গায়ে। জ্বরের আঁচে গাণ লাল হয়ে আছে। অথচ সকালে বেশ ভাল ছিল। অঞ্জু ও বিলুর সঙ্গে হৈ চৈ করে খেলেছে।

- ঃ কেমন লাগছে মা ?
- ঃ ভাল লাগছে।
- ঃ মাথা ব্যথা করে ?
- ঃ নাহ্।
- ঃ শরীর খারাপ লাগছে না ?
- ঃ না তো।

রাহেলা কিছুক্ষণ চুপ থেকে বললেন, 'তুমি একটু সুস্থ হয়ে উঠলেই আমরা নর্থ ডাকোটায় চলে যাবো।'

- ঃ আমি যেতে চাই না মা।
- ঃ যেতে চাও না কেন ? আমেরিকা তোমার ভাল লাগে না ?
- ঃ লাগে।
- ঃ তাহলে যেতে চাও না কেন ? কি আছে এখানে বল ? হৈ চৈ গণ্ডগোল। ছিঃ ছিঃ। আমেরিকায় আমরা ভাল ছিলাম না ?
- ঃ ছিলাম।

ঃ এবার গিয়েই আমরা একটা বাড়ি কিনে ফেলব। বড় একটা দোতলা বাড়ি। শীতের বেসমেন্টে থাকবে তোমার খেলার ঘর। শীতের সময় যখন বিরফ পড়বে, তখন আমরা দু'জনে মিলে স্নোম্যান বানাবো কেমন ? গাজর দিয়ে বানাবো নাক। কালো বোতাম দিয়ে চোখ, কেমন ?

প্রিসিলা জবাব দিল না। ঘরের দরজায় অঞ্জু আর বিলু উঁকি দিচ্ছিল। তাদের হাতে লুডু বোর্ড। রাহেলা বললেন, 'প্রিসিলার জ্বর। প্রিসিলা খেলবে না! তোমরা এখন ওকে বিরক্ত করবে না।'

প্রিসিলা বললো, 'মা আমি ওদের সঙ্গে খেলতে চাই।'

- ঃ না। তুমি চুপচাপ শুয়ে থাকবে।
- ঃ শুয়ে থাকতে আমার ইচ্ছে হচ্ছে না।
- ঃ ইচ্ছে না হলেও থাকবে। আমি ডাক্তারকে টেলিফোন করছি।

রাহেলা নিচে নেমে গেলেন। নিচে গিয়ে দেখলেন কবীর পাংশু মুখে বসে আছে একটা চেয়ারে। তার ঠোঁট কাটা, সেখানে রক্ত জমে আছে। আমিন সাহেব বসে আছেন তার সামনে। রাহেলা বললেন, 'কি হয়েছে?'

ঃ মিছিলে গিয়েছিলাম চাচী। হঠাৎ পুলিশ তাড়া করলো। দৌড়াতে গিয়ে উল্টে পড়ে গেছি।

ঃ ঠোঁট তো দেখি অনেকখানি কেটেছে।

ঃ না বেশি না।

আমিন সাহেব বললেন, 'খুব মিছিল হচ্ছে, না?'

ঃ খুব হচ্ছে।

ঃ ওদের এখন ছেড়ে দে মা কোঁদে বাঁচি অবস্থা, ঠিক না?

আমিন সাহেব হেসে উঠলেন। রাহেলা গম্ভীর হয়ে বললেন, 'হাসির কোনো ব্যাপার হয়নি। তুমি হাসছো কেন?'

ঃ হাসির ব্যাপার না, তবে আনন্দের ব্যাপার।

ঃ আনন্দের ব্যাপারটা কোথায়?

আমিন চাচা গম্ভীর হয়ে বললেন—গম্ভীর সিংহ তার ক্ষমতা বুঝতে পারছে, ব্যাপারটা আনন্দের নয়? রাহেলা জবাব দিলেন না। ডাক্তারকে টেলিফোন করতে গেলেন। টেলিফোনে রিং হচ্ছে না। অনেকবার চেষ্টা করা হলো। রাহেলা খুব কালো করে বললেন—পৃথিবীর কোনো দেশে এত খারাপ টেলিফোন সার্ভিস আছে বলে আমার জানা নেই।

খোকনের সমস্তটা দিন খুব খারাপ কেটেছে। ভয়াল ছয়ের একজন মানুষকেও খুঁজে পাওয়া যায়নি। বল্টু ও টুনু দু'জনেই দেশের বাড়িতে চলে গেছে। অবস্থা ভাল না হলে এরা ফিরে আসবে না। সাজ্জাদকেও তার বাসায় পাওয়া গেল না। সে কোথায় গেছে তাও জানা গেল না। সাজ্জাদের বোন কোনো কথারই জবাব দিতে পারেন না। শুধু কাঁদেন। অনেক বামেলা করে মুনীরকে পাওয়া গেলো। মুনীরের কাছে স্যার এসেছেন—ইংরেজি পড়াচ্ছেন। মুনীর এক ফাঁকে বলে গেল, 'একটু দাঁড়া, স্যার এক্ষুণি চলে যাবেন।' খোকন অপেক্ষা করতে লাগলো। স্যার যেতে অনেক দেরি করলেন। বসে থাকতে থাকতে খোকনের প্রায় যখন ঘুম ধরে গেল তখন স্যার গেলেন। খোকন বললো, 'দপুরে পড়িস তুই?'

ঃ হ। বাবা স্যার রেখে দিয়েছেন। স্কুল তো এখন বন্ধ, কাজেই ঘরে বসে যতটুকু পারা যায়। তাদের ভয়াল ছয়ের কি অবস্থা ?

ঃ ভালই।

ঃ ভাল আর কোথায়, সব তো চলেই গেছে। তুই আর সাজ্জাদ এই দু'জন ছাড়া তো এখন আর কেউ নেই।

ঃ ওরা আবার আসবে, তখন হবে।

ঃ এসব জিনিস একবার ভেঙে গেলে আর হয় না।

ঃ তোকে বলেছে।

খোকনের বসে থাকতে ভাল লাগছিলো না। সে এক সময় বললো, 'ঘুরতে যাবি ?'

ঃ কোথায় ?

ঃ ঐ রাস্তায়, আর কোথায় ?

ঃ না ভাই। বাবা রাগ করবেন। তাছাড়া বিকেলে আমার কাছে আরেকজন স্যার আসবেন। অঙ্ক স্যার।

ঃ কয়টা স্যার তোর ?

ঃ বেশী না এই দু'জনেই। রুত্তি পরীক্ষা আসছে তো, তাই।

খোকন একা একা অনেকক্ষণ ঘুরে বেড়ালো। ফার্মগেট থেকে হেঁটে হেঁটে চলে গেলো শাহবাগ এড়িনা পর্যন্ত। শাহবাগের মোড়ে किसের যেন জটলা। লোকজন বলাবলি করছে 'জঙ্গী মিছিল' আসছে পুরান ঢাকা থেকে, একটা কাণ্ড হবে। একজন স্যাট টাই পরা ভদ্রলোক বললেন, 'খোকা তুমি বাড়ি যাও। খোকন বাড়ি গেল না, পাক মটরস পর্যন্ত গিয়ে চলে গেলো কল্যাণবাজারের দিকে। সেখানেও প্রচুর গণ্ডগোল, একটা পুলিশের ট্রাক পুড়ছে। সবাই গোল হয়ে দাঁড়িয়ে তামাশা দেখছে। খোকনের দেখার ইচ্ছে ছিলো। কিন্তু বহু চেষ্টা করেও ভীড় গলে ভেতরে ঢুকতে পারলো না। একটা দমকলের গাড়ি এসে থেমে আছে। কেউ সেটাকে যেতে দিচ্ছে না। আশর্ষের ব্যাপার হলো আশেপাশে কোথাও পুলিশ বা মিলিটারির কোনো চিহ্ন নেই। খোকন কল্যাণবাজারে কাটালো বিকেল পর্যন্ত। বাড়ি ফিরতে তাই সন্ধ্যা মিলিয়ে গেলো। বড়চাচা আজ নির্মাণে ধরবেন। আজ বাড়িতে ভূমিকম্প হবে।

বড়চাচা অবশি তাকে ধরলেন না। ধরলেন কবীর ভাইকে। রাতের খাবার শেষ হয়ে যাবার পরপরই বিচার সভা বসলো। আসামী মাত্র একজন। কবীর ভাই। বিচার সভা বসলো বড়চাচার লাইব্রেরি ঘরে। সবাই সেখানে উপস্থিত। কবীর ভাই মাথা নিচু করে সোফার

একটা কোণায় বসে আছেন। বড়চাচা থেমে থেমে বললেন, “তুমি একবার সকালবেলা একটা মিছিলের সঙ্গে জুটে গিয়ে ঠোঁট কেটে এলে। তারপরও বিকেলবেলা আবার গেলে। অথচ আমি অনেকবার বলেছি এইসব মিটিং মিছিল থেকে দূরে থাকবে। এই প্রসঙ্গে তোমার কি বলার আছে?”

কবীর ভাই চুপ করে রইলেন।

ঃ তোমার কিছু বলার থাকলে বলে ফেলো। তোমার কি ধারণা যা করছ দেশের জন্যে করছো?

ঃ জি।

ঃ ভুল ধারণা। হাস্যামা হজ্জত করে দেশের কিছু হবে না। এতে দেশের অমঙ্গলই হবে, মঙ্গল হবে না, বুঝতে পারছ?

কবীর ভাই কিছু বললেন না। খোকনের আক্বা হঠাৎ কথা বলে উঠলেন। শান্ত স্বরে বললেন—আপনার কথাটা ঠিক না। আন্দোলন করে অনেক কিছু আদায় করা যায়। ভাষা আন্দোলনের কথা মনে করে দেখুন। সেদিন আমরা আন্দোলন করে করলে আজ রাস্তাঘাটে উর্দুতে কথা বলতাম।

ঃ আন্দোলনের অনেক রকম পথ আছে। গান্ধিজী অহিংস পথে দেশকে স্বাধীন করেছেন।

আমিন চাচা বললেন—আর জন্যে গান্ধিজীর মত নেতা দরকার। সে রকম যখন নেই তখন আমাদের পথে নামা ছাড়া উপায় কি?

ঃ এই সব বলতে ছলেপুলে পথে নামবে?

ঃ নামবে না কেন? নামবে। অল্প বয়স থেকেই তাদের শিখতে হবে।

বড়চাচা দীর্ঘ সময় চুপ করে থেকে বললেন—‘ভ্রুট্টো সাহেব এসেছেন। আলোচনায় বসেছেন। এখন সব মিটমাট হবে। মিছিল ফিছিলের প্রয়োজন আছে বলে আমি মনে করি না। এতে ওদেরকে শুধু ক্ষেপিয়েই তোলা হবে। কবীর আমার হুকুম অমান্য করেছে। কাজেই এর শাস্তিস্বরূপ সে আগামী এক সপ্তাহ ঘর থেকে বেরুতে পারবেনা। কবীর, আমি কি বলেছি তুমি বুঝতে পারছ?

ঃ পারছি।

ঃ আর শোন, যদি আমার কথার অব্যাহ্য হয়ে আবার বের হয়ে যাও, তাহলে এ বাড়িতে এসে আর ঢুকতে পারবে না।

বড়চাচা দাড়িতে হাত বোলাতে বোলাতে অসম্ভব গম্ভীর হয়ে পড়লেন।

রাত দশটায় ভয়েস অব আমেরিকা থেকে বলা হলো—‘শেখ মুজিব ও তুটোর মধ্যে কথাবার্তা এগুচ্ছে। অবস্থাদুটো মনে হয় তাঁরা একটা আপোসে পৌঁছবার চেষ্টা করছেন। শহরের পরিস্থিতি আগের মতই। চারদিকে খমখমে ভাব, যা আসন্ন ঝড়ের ইঙ্গিত দেয়।’

রাত্তি ঘুমতে যাবার আগে খোকনের মা খোকনকে ডেকে পাঠালেন। কাঁদো কাঁদো গলায় বললেন, ‘তুই আজও গিয়েছিলি?’ খোকন চুপ করে রইলো। তিনি খুব কাঁদতে লাগলেন। খোকন বললো, ‘কাঁদছ কেন?’

ঃ কাঁদবো না! তুই যেখানে সেখানে যাবি। আমি খোঁজও নিতে পারি না তুই কোথায় যাস, কি করিস। আর কোথাও যাবি না।

ঃ আচ্ছা।

ঃ আমার গা ছুঁয়ে বল কোথাও যাবি না।

খোকন মাথা নিচু করে বসে রইলো।

ঃ আয় না বাবা আয়।

খোকন এগিয়ে যেতেই মা তার হাত ধরে ফেললেন। খোকনের কন জানি খুব লজ্জা করতে লাগলো।

সাজ্জাদের বাড়ি করতে ভাল লাগে না।

তার বোনটি সারাক্ষণ কাঁদে। কাঁদে নিঃশব্দে। সাজ্জাদ কিছুই করতে পারে না। শুধু বসে থাকে চুপচাপ। বড়ই একা একা লাগে তার।

মামাকে টেলিগ্রাম করা হয়েছে। কিন্তু তাঁর কাছ থেকে কোনো খবর এখনো এসে পৌঁছায়নি। এখন তারা কি করবে তা বুঝতে পারছে না। দেশের বাড়িতে চলে যাবে? কিন্তু কেউ নেই সেখানে। ছোট্ট একটা বাড়ি ছিলো। নদীর ভাঙনে কোথায় চলে গেছে। কে এখন আর জায়গা দেবে? তাছাড়া সাজ্জাদের বোন কোথাও যেতে চায় না। যদি কখনো মানুষটি ফিরে আসে? রাতের বেলা খুব কম করে হলেও সে দশবার জেগে উঠবে। সাজ্জাদকে ডেকে বলবে—মনে হলো কেউ যেন এসেছে, আয় দরজাটা খুলি।

: কেউ না আপা।

: খোল না তুই। এ রকম করছিস কেন?

দরজা খোলা হয়। কোথাও কিছু নেই। একটা কুকুর দরজার পাশে বসে হাই তুলছে শুধু।

সাজ্জাদের বয়স দ্রুত বেড়ে যেতে লাগলো। আমাদের বয়স বাড়ে অভিজ্ঞতার সঙ্গে। সেই সময়ে অত্যন্ত দ্রুত সাজ্জাদের অভিজ্ঞতা বাড়তে লাগলো। একদিন সে তার বোনের দুগ নিয়ে বিক্রি করে এলো সোনার দোকানে। দোকানী খুব সন্দেহ নিয়ে তাকাচ্ছিল তার দিকে। সরু গলায় বলেছিলো—কার গয়না খোকা বাবু?

: আমার বড় বোনের।

: তাকে বলে এনেছ?

: হ্যাঁ। সে নিজেই দিয়েছে।

: দেখ খোকাবাবু, তুমি তোমার বোনকে সঙ্গে করে নিয়ে এসো।

: কেন?

: আমার মনে হচ্ছে জিনিসটা তুমি না কিনে এনেছ। তুমি যাও বোনকে নিয়ে এসো। আর শোন, অন্য দোকানে যাবে না। তুমি ছোট মানুষ, ঝামেলা টামেলা হবে।

সাজ্জাদ বোনকে নিয়ে এসেছিল। তারপরও দু'দিন আসতে হলো। একবার একটি চুড়ি নিয়ে। তৃতীয়বার আংটি নিয়ে। দোকানদার এর পর আর কিছু বলত না। সঙ্গে সঙ্গে দিয়ে দিতো। শেষবার খুব শান্ত গলায় বললো, 'এইভাবে আর কতদিন চলবে? এবার তো অন্য কিছু চেষ্টা করা দরকার।'

: কি চেষ্টা করব?

: একটা কাজ টাজ করার চেষ্টা কেমন মনে হয়?

: কি কাজ?

: তাও ঠিক। তোমার যে বয়স তাতে কি কাজ আর করবে? তবে খোকাবাবু দিন আর এ রকম থাকবে না। তুমি ভেঙে পড়বে না। দেশের অবস্থা বদলাবে। মানুষের ভাগ্যও বদলাবে। তুমি কি কিছু খাবে?

: জি না।

: খাও। একটা কিছু খাও। এই যাতোরে একটা মিষ্টি আন। বুঝলে খোকাবাবু, এখন তোমার যে দুঃসময় সে দুঃসময় আমাদের সবার। তবে এটা থাকবে না।

এই লোকটির সঙ্গে সাজ্জাদের বেশ ঘনিষ্ঠতা হয়ে গেল। তার দোকানের পাশ দিয়ে যাবার সময় সাজ্জাদ উঁকি দিতো আর সে হাসি

মুখে বলতো—‘আরে খোকাবাবু যে এসো এসো। দেশের কি খবর বলতো? ওরে একটা মিষ্টি দিতে বলতো।’ অনেক রকম গল্প-গুজব হতো তার সঙ্গে। মজার মজার সব গল্প।

ঃ বুঝলে খোকাবাবু, গয়নার দোকানের মালিকরা মানুষের দুঃখের গল্পগুলো খুব ভাল জানে। আমরা চোখের সামনে কতজনকে নিঃশ্ব হতে দেখি। বড় খারাপ লাগে খোকাবাবু।

সাজ্জাদ বুঝতে পারে তার নিঃশ্ব হয়ে পড়েছে। প্রায়ই তার বোন ভয় পাওয়া গলায় বলে—এখন কি হবে? সাজ্জাদ জবাব দিতে পারে না।

ঃ আর কয়েকদিন পর তো ঘরে রান্না হবে না। তখন কি করবি?

ঃ আমি কাজ করব।

ঃ তোকে কে কাজ দেবে? একবার তোর দুলাভাইয়ের অফিসে বরং যা। দেখ ওরা কি বলে?

ঃ ওরা কি বলবে?

ঃ জানি না কি বলবে। গিয়ে দেখ ম

একদিন সাজ্জাদ গেল সেখানে। মাত্র আশ্চর্য লোকগুলো খুবই যত্ন করলো তাকে। বারিন বাবু ঘরে এক ভদ্রলোক বললেন—তুমি চিন্তা করবে না। এই কারখানায় তুমি তোমার একটা ব্যবস্থা করব। পড়াশোনা যা করছিলে তাই করবে, অবসর সময়ে কাজ শিখবে। ফেরার সময় বারিন বাবু বললেন—‘তোমার দুলাভাইয়ের কাছ থেকে একবার পঞ্চাশ টাকা ঋণ করেছিলাম, সেটা ফেরত দেয়া হয়নি তোমার কাছে দিয়ে দিই, ফর্মেন?’ তখন দেখা গেল আরো অনেকেই একই কথা বলছে। কেউ দশ টাকা ধার নিয়েছিলো। কেউ কুড়ি টাকা।

সাজ্জাদের মনে হলো লোকগুলো মিথ্যে কথা বলছে। কিন্তু মাঝে মাঝে মিথ্যে কথা এমন মধুর হয় কি করে কে জানে। তার চোখ দিয়ে জল পড়তে লাগলো।

বারিন বাবু তাকে কোলে করে একটি রিকশায় এনে তুলে দিলেন। উরাত গলায় বললেন—তোমরা কোথায় থাকো জানতাম না। জানলে আরো আগে এসে খোঁজ নিতাম। এখন থেকে খোঁজ খবর রাখব। তোমার কোন ভয় নেই।

সাজ্জাদ বাড়ি ফিরে দেখে দাদুমাগি ও নীলু বসে আছে তাদের বাসায়। নীলুর মুখ দারুণ হাসি হাসি। এবং আশ্চর্য, বহুদিন পর

দেখা গেল তার বোন কাঁদছে না। দাদুমণি বললেন, 'এই যে সাজ্জাদ বাবু, তুমি কোথায় ছিলে? তোমার জনোই বসে আছি। কাপড় চোপড় রেডি কর সময় নাই।'

সাজ্জাদ অবাক হয়ে তাকালো।

ঃ তোমরা দু'জন এখন থেকে আমাদের সঙ্গেই থাকবে। তোমার বোনকে রাজি করিয়েছি।

সাজ্জাদ কিছু বুঝতে পারলো না।

'তোমার কোনো সুবিধার জন্যে বলছি না। আমার এবং নীলুর সুবিধার জন্যে। নীলু একা একা থাকে। তোমরা থাকলে আমি নিশ্চিত হবে ঘোরাঘুরি করতে পারি। তাইনাগো দাদুমণি?' নীলু হাসি মুখে বললো—হ্যাঁ। দাদুমণি বললেন, 'ঢাকায় আমরা কত দিন থাকতে পারি তা অবশ্য জানি না। যদি শেখ মুজিব আর ভুট্টোর মধ্যে কথা-বার্তায় কোন ফল না হয়, তাহলে ঢাকা ছাড়তে হবে। আমরা সবাই মিলে তখন গ্রামে চলে যাব। নীলুগঞ্জে আমার একটা বাড়ি বাড়ি আছে।' নীলু হাসি মুখে বললো—খুবই সুন্দর বাড়ি। বাড়ির পাশে একটা ছোট নদী আছে। নদীর নাম সোহাগী। সাজ্জাদের বোন ইতস্তত করে বললো, 'ওর দুলাভাই যখন ফিরে আসবে কেউ নেই তখন?'

ঃ আমরা এ বাড়ির সবাইকে বলে যাব। তাছাড়া সে আমাদের খুঁজে বের করবে। আমরা তোমাকে কম খোঁজাখুঁজি করিনি, কি বল?

পঁচিশে মার্চ দুপুর থেকেই সবার ধারণা হলো কিছু একটা হয়েছে। হয়তো ভুট্টো আর ইয়াহিয়া ঠিক করে ফেলেছে এ দেশের মানুষদের কোনো কথা শোনা হবে না। চারদিক খমখম করতে লাগলো। খোকনের বড়চাচা দুপুর একটায় অত্যন্ত গম্ভীর হয়ে ঘরে ফিরলেন। ফিরেই বললেন, 'আজ যেন কেউ ঘর থেকে বের না হয়। সবাই যেন ঘরে থাকে। কবীর কোথায়, কবীরকে ডাক।'

কবীরকে কোথাও পাওয়া গেল না। বড়চাচা খমখমে গলায় বললেন—ও কোথায় গিয়েছে? কেউ জবাব দিতে পারলো না।

ঃ খোকনকে ডাক।

খোকন নিচে নেমে এলো। বড়চাচা বললেন, 'কবীর কোথায় জান?'

: জ্বি না।  
 : তুমি আজ ঘর থেকে বেরুবে না।  
 : কেন চাচা?  
 : শহরের অবস্থা ভাল না। শহরে মিলিটারি নামবে, এ রকম একটা গুজব শোনা যাচ্ছে।

খোকন কিছু বুঝতে পারলো না। মিলিটারি তো নেমেই আছে। নতুন করে নামবে কি? বড়চাচা বললেন—তোমার ঐ বন্ধুটি, সাজ্জাদ যার নাম—ও কোথায় আছে?

: ও আছে দাদুমণির বাসায়।  
 : কার বাসায়?  
 : একজন বুড়ো ভদ্রলোকের বাসায়। ওনাকে আমরা দাদুমণি ডাকি।

: করেন কি উনি?  
 : আমি জানি না চাচা।  
 : তাঁর বাসায় আমাকে একদিন নিয়ে যাবে। আমি ঐ ছেলেটির জন্যে কিছু করতে চাই।

: জ্বি আচ্ছা, আমি নিয়ে যাব।  
 : এখন যাও দারোয়ানকে ফোন নিয়ে এসো।  
 দারোয়ান আসামাত্র বড় চাচা বললেন—কবীর যখন ফিরবে, তাকে ঢুকতে দেবে না। বলবে ও বাড়িতে তার জায়গা নেই। সে যেন তার নিজের পথ দেখে নেন। কিসের কিসের?

আমিন চাচা সন্ধ্যাবেলা মুখ কালো করে ঘরে ফিরলেন। চা খেতে খেতে বললেন শেখ মুজিবুর রহমান যে প্রেস কনফারেন্স ডেকেছিলেন সেটা বাতিল হয়ে গেছে। ব্যাপার কি কিছুই বোঝা যাচ্ছে না।

খোকনরা যখন ফাস্ট'ব্যাচে খেতে বসেছে তখন দারোয়ান এসে খবর দিল কবীর ভাই এসেছে, গেটের বাইরে দাঁড়িয়ে আছে। বড়চাচা বললেন—তুমি এই খবরটি আমাকে দিতে এসেছ কেন? তোমাকে বলে দিয়েছি না ওকে ঢুকতে দেবে না? যাও, যা বলেছি তাই কর। বড়চাচী বললেন—সে কোথায় থাকবে রাত্রে?

: যেখানে ইচ্ছা সেখানে থাকবে, এ বাড়িতে না।  
 : তুমি এটা ঠিক করছ না।  
 : আমি যা করছি ঠিকই করছি।  
 : না ঠিক করছ না।

ওপর থেকে খোকনের বাবা নেমে এলেন। তিনি অত্যন্ত শান্ত গলায় বললেন—ভাইয়া, ছেলেটাকে ঘরে আসতে দিন।

ঃ যে ছেলে আমার কথা শোনে না, সে আমার বাড়িতে থাকবে না।

ঃ আমরা বড়রা মাঝে মাঝে ভুল কথা বলি, সে সব কথা সব সময় মানা যায় না।

ঃ আমি ভুল কথা বলি ?

ঃ না, আপনি ভুল কথা কম বলেন। কিন্তু এই একটি ক্ষেত্রে ভুল করছেন। সবাইকে মূল আন্দোলন থেকে দূরে সরিয়ে রাখতে চাইছেন। এটা ঠিক না।

বড়চাচা তাকিয়ে রইলেন। খোকনের বাবা শান্ত স্বরে বললেন, অবস্থা যা দাঁড়িয়েছে তাতে মনে হয় এক সময় এইসব বাচ্চা বাচ্চা ছেলেদেরই বন্দুক হাতে তুলে নিতে হবে। আপনি নিশ্চয়ই চান না আপনার ছেলেমেয়েরা পরাধীন হয়ে থাক। চান ? বলেন আপনি চান ?

ঃ না চাই না।

ঃ তাহলে এমন করছেন কেন ?

বড়চাচা ক্লান্ত স্বরে বললেন—ওকে দূরে আসতে বল। যাও বল ভেতরে আসতে।

দারোয়ান ছুটে গেলো। কিন্তু গেটের বাইরে কাউকে পাওয়া গেল না। আমিন চাচা জম্বুপি খুঁজতে বের হসেন। বড়চাচী কাঁদতে শুরু করলেন।

খোকন অনেক দূরে পর্যন্ত জেগে রইলো, যদি কবীর ভাই ফিরে আসেন। আমিন চাচা ফিরলেন দশটায়। কবীর ভাইকে কোথাও পান নি। তার মুখের ভাব-ভঙ্গিতে মনে হচ্ছে তিনি ভীষণ চিন্তিত।

গভীর রাতে খোকনকে ডেকে তোলা হল। বাবা এসে খুব নরম গলায় বললেন—খোকন তোমার মা'র শরীর খুব খারাপ, এসো মায়ের পাশে বস।

মায়ের ঘরে সবাই আছেন। বড়চাচা মাথা নিচু করে বসে আছেন একটি ছোট চেয়ারে। বড়চাচী মার হাত ধরে কাঁদছেন। মায়ের মুখ নীল বর্ণ। নিঃশ্বাস নিতে পারছেন না। বার বার কেঁপে কেঁপে উঠছেন। নার্সটি বললো—হাসপাতালে নিরে যাওয়া দরকার। এক্ষুণি হাসপাতালে নেয়া দরকার। কিন্তু সবাই এমন ভাব করছে যেন তার কথা কেউ শুনতে পাচ্ছে না। খোকন অবাক হয়ে তাকালো

বাবার মুখের দিকে। কেন, হাসপাতালে নেয়া হচ্ছে না কেন? বাবা শান্ত স্বরে বললেন—পাকিস্তানী মিলিটারিরা আক্রমণ শুরু করেছে খোকন। রাস্তায় মিলিটারি ছাড়া আর কিছু নেই। আজ রাতে কাউকে পাওয়া যাবে না। আজ রাতে কিছুই করার নেই।

খোকন নিজেও শুনতে পেলো প্রচণ্ড গোলাগুলি হচ্ছে। ট্যাংক নেমে গেছে রাস্তায়। বড়চাচা মৃদু স্বরে কি যেন বললেন। কেউ শুনতে পেলো না! নার্স আবার বললো—একজন ডাক্তার দরকার। সবাই চুপ করে রইলো। বাবা বললেন, ‘খোকন মায়ের পাশে গিয়ে দাঁড়াও।’

ওরু হলো একটি অন্ধকার দীর্ঘ রাত। মানুষের সঙ্গে পশুদের একটা বড় পার্থক্য আছে। পশুরা কখনো মানুষের মত হৃদয়হীন হতে পারে না। পঁচিশে মার্চের রাতে হৃদয়হীন একদল পাকিস্তানী মিলিটারি এ শহর দখল করে নিল।

তারা উড়িয়ে দিল রাজারবাগ পুলিশ লাইন। জগন্নাথ হল ও ইকবাল হলেও প্রতিটি ছাত্রকে গুলি করে তারলো। বিশ্ববিদ্যালয় এলাকায় ঢুকে হত্যা করলো শিক্ষকদের। বস্তিতে শুয়ে থাকা অসহায় মানুষদের গুলি করে মেরে ফেললো বিনা দ্বিধায়। “বাঙালিদের বেঁচে থাকা না থাকা কোনো খাপার নয়। এরা কুবুরের মত প্রাণী, এদের মৃত্যুতে কিছুই মরে আসে না। এদের সংখ্যায় যত কমিয়ে দেয়া যায় ততই ভাল। এদের মেরে ফেল। এদের শেষ করে দাও।”

এক রাত্রিতে এ শহর মৃতের শহর হয়ে গেল। অসংখ্য বাবারা তাঁদের ছেলেমেয়েদের কাছে ফিরে গেল না। অসংখ্য শিশু জানলো না বড় হয়ে ওঠা কাকে বলে। বেঁচে থাকার মানে কি?

শহরের জনশূন্য পথে দৈত্যাকৃতি ট্রাক চললো। ধ্বংস ও মৃত্যু। স্বজমহারা মানুষের কান্নার সঙ্গে ঠাঠা শব্দে গর্জতে লাগলো মেশিনগান। জেনারেল টিক্কা খান বাঙালির মেরুদণ্ড ভেঙে চুরমার করে দিতে চায়। যেন এরা দ্বিতীয়বার আর পাকিস্তানীদের মুখের ওপর কথা বলার স্পর্ধা না পায়!

পরদিন ভোরবেলা পাকিস্তানের জনদরদী ভুল্টো চলে গেল পাকিস্তানে। সে মহা উল্লসিত। প্লেনে ওঠার আগে হাসি মুখে বলে গেল—‘যাক শেষ পর্যন্ত শত্রুদের হাত থেকে পাকিস্তানকে রক্ষা করা গেল।’

ছাব্বিশে মার্চের সমস্তদিন কেউ ঘর থেকে বেরুতে পারলো না। শহরে কার্ফু। ঘরে বসে শুধুই প্রতীক্ষা। এর মধ্যেই আবার অবাঙালিরা যোগ দিল মিলিটারিদের সঙ্গে। বলে দিতে লাগলো—কাদের কাদের শেষ করে দিতে হবে। চারদিকে মৃত্যু আর হত্যা।

ছাব্বিশ তারিখ ভোর এগারোটায় ইয়াহিয়ার ভাষণ প্রচারিত হলো।

“...শেখ মুজিবকে বিনা বিচারে আমি ছেড়ে দেব না। আওয়ামী লীগ দেশের শত্রু। আওয়ামী লীগ নিষিদ্ধ ঘোষণা করা হলো। আমার দেশপ্রেমিক সেনাবাহিনী দেশকে শত্রুমুক্ত করতে এগিয়ে এসেছে। এবারো তাদের পূর্ব সন্মান অক্ষুণ্ণ থাকবে...”

দেশের লোক হতবুদ্ধি হয়ে গেল। কি হচ্ছে এসব! কি হচ্ছে ঢাকা শহরে? কিছুই জানার উপায় নেই। ঢাকা বেতার থেকে অনবরত হামদ ও নাতে রসুল প্রচারিত হচ্ছে।

পাশের দেশ ভারত। সেখানকার কেসারেও কোনো খবর নেই। এতবড় একটা কাণ্ড হয়ে গেছে, তারা কি কিছুই জানে না? কোলকাতা বেতার থেকে দুপুর বেলা হঠাৎ করে ‘গীতালি’ অনুষ্ঠান বন্ধ করে বন্ধা হল—

“পূর্ব বাংলায় গৃহযুদ্ধ শুরু হয়েছে। পূর্ব পাকিস্তান রাইফেলস, পূর্ব বাংলা রেজিমেন্ট, পূর্ব পাকিস্তান পুলিশ, পূর্ব পাকিস্তান আনসারস, পূর্ব পাকিস্তান মুজাহিদ দুর্জয় প্রতিরোধ গড়ে তুলছে।”

ঘোষণা শেষ হওয়া মাত্র বাজানো হলো সেই বিখ্যাত গান—“আমার সোনার বাংলা আমি তোমায় ভালবাসি।” এই দেশে শুরু হলো সম্পূর্ণ নতুন ধরনের জীবনযাত্রা।

ঢাকা শহরের অলিতে গলিতে মৃতদেহ পড়ে রইলো। সরাবার লোক নেই।

নীলু খুব মন খারাপ করে একা বসে ছিল। রাত প্রায় আটটা! চারদিক অন্ধকার। ইলেকট্রিসিটি আছে। তবু রান্নাঘরের বাতিটি ছাড়া আর সব বাতি নিভিয়ে রাখা হয়েছে। দাদুমণি নীলুর ঘরে ঢুকে

জিজ্ঞেস করলেন—একা একা বসে আছ কেন? এসো আমার সঙ্গে এসে বস।

ঃ না।

ঃ ভয়ের কিছু নেই নীলু।

ঃ আমার ভয় করছে না।

ঃ সাজ্জাদরা কোথায়?

ঃ জানি না। রান্নাঘরে বোধ হয়।

ঃ আমি কি বসব তোমার সঙ্গে?

ঃ জানি না, ইচ্ছে হলে বসেন।

দাদুমণি বসলেন। নীচু স্বরে বললেন—আমরা গ্রামে চলে যাব। সুযোগ পেলেই চলে যাব। নীলু কিছু বললো না। দাদুমণি বললেন—কার্ফু ওদের এক সময় তুলতেই হবে। হবে না?

ঃ তুলতেই হবে কেন? না তুললে কে কি করবে?

দাদুমণি এর উত্তর দিতে পারলেন না। তিনি আরো কিছুক্ষণ চুপচাপ বসে থেকে নিজের ঘরে চলে গেলেন। তার হাতে একটি ট্রানজিস্টার। তিনি বিদেশের রেডিও শেখানলো ধরতে চেষ্টা করছেন। পারছেন না। এই ট্রানজিস্টারটি বেশি ভাল না। ঢাকা বেতার কেন্দ্র থেকে এখনো হামদ আর নাতে রিসিট হচ্ছে। মাঝে মাঝেই ইংরেজি বাংলা ও উর্দুতে বলা হচ্ছে—

“শহরে কারফিউ বলবতি আছে।”

সাজ্জাদ ও সাজ্জাদিস বোন চুপচাপ রান্নাঘরে বসে আছে। কেউ কোনো কথা বলছেন না। রান্না-বান্না হয়ে গেছে। শুধু ভাল ভাত। কিন্তু কেউ খেতে বসছে না। কারো খিদে নেই। এক সময় সাজ্জাদের বোন কি বললো। সাজ্জাদ জবাব দিল না। তার কথা বলতে ইচ্ছে করছে না। এটা এমন একটা সময় যখন কারোর কথা বলতে ইচ্ছে করে না। সাজ্জাদ দেখলো দাদুমণি দরজার পাশে এসে দাঁড়িয়েছেন। তিনি নরম স্বরে বললেন—

ঃ সাজ্জাদ, তোমরা রান্নাঘরে বসে আছ কেন? এসো সবাই এক সঙ্গে বসি। নীলুকেও ডেকে নিয়ে এসো, ও খুবই মন খারাপ করছে।

নীলু এলো না। তার নাকি কিছুই ভাল লাগছে না। কাঁদতে ইচ্ছে হচ্ছে। শেষ পর্যন্ত দাদুমণি এলেন তাকে নিতে।

ঃ একা একা থাকলে আরো খারাপ লাগবে।

ঃ না লাগবে না।

ঃ তাহলে বরং খেয়ে ঘুমিয়ে পড়।

ঃ আমি এখন ঘুমবো না।

দাদুমণি চলে এলেন। কিছুক্ষণ পর দেখা গেল নীলু দরজা বন্ধ করে টেবিল ল্যাম্প জ্বালিয়েছে। ট্রাংক খুলে তার বাদামী রঙের খাতা বের করেছে। এখানে সে মাঝে মাঝে নিজের মনের কথা লেখে। সেই লেখাগুলো খুব গোপন। কেউ পড়তে পারে না। এমন কি দাদুমণিও না। তিনি জানেনও না যে তার এরকম একটা খাতা আছে। এটি সে জন্মদিনে পাওয়া টাকায় নিজে গিয়ে কিনে এনেছে। নীলু খাতা সামনে রেখে পুরোনো দু'একটা লেখা পড়লো, তারপর লিখতে শুরু করলো ঃ

নীলুর ডাইরী

২৬শে মার্চ

রাত ন'টা

আমরা আজ সারাদিন ঘরে বন্দি হয়ে আছি। খুব খারাপ লাগছে আমার। বাইরের সব দরজা জানালা বন্ধ। বারান্দায় উঁকি দেয়ার হুকুম নেই। এত খারাপ লাগছে। এই দেশটা লরা মেরীর দেশের মত কেন হলো না? তাহলে কী চমৎকার হতো! ঘাসের বনে একটা ছোট্ট কুটির বানিয়ে আমরা থাকতাম। পুষ্টিকালে তুষার বাড় হতো। জানালার পাশে বসে বসে দেখতাম সাদা বরফে চারদিক ঢেকে যাচ্ছে। দাদুমণি ঘরে একটা আগুন করে মজার সব গল্প বলা শুরু করতেন। বাইরে বাড়ের মাতামাতি, কোথাও যাবার উপায় নেই। এখনো অবশ্য কোথাও যাবার উপায় নেই। কিন্তু এই দুয়ের মধ্যে কত তফাৎ। আমার খুব খারাপ লাগছে। কাঁদতে ইচ্ছে হচ্ছে।

এইটুকু লেখা হওয়া মাত্রই খুব কাছের কাছের কাঁকে কাঁকে গুলির শব্দ হতে লাগলো। ক্যাট ক্যাট করতে লাগলো মেশিন গান। দাদুমণি নীলুর দরজায় ধাক্কা দিয়ে ভীত স্বরে বললেন, 'দরজা খোল নীলু।'

নীলু দরজা খুললো না। দাদুমণি দরজায় ধাক্কা দিতে দিতে বললেন—মেঝেতে শুয়ে পড় নীলু, মেঝেতে শুয়ে পড়।

নীলু তাও করলো না। পাথরের মূর্তির মত বসে রইলো। গুলির শব্দ থেমে গেল, কিন্তু একজন পুরুষ মানুষের চিৎকার শোনা যেতে লাগলো। উন্মাদ হুঁচকার। নীলু দরজা খুলে বেরিয়ে এলো। তার মুখ রক্তশূন্য। সে কাঁপা গলায় বললো, 'ওর কি হয়েছে দাদুমণি?'

ঃ জানি তো না নীলু।

ঃ কেউ কি দেখতে যাবে না ওর কি হয়েছে ?

দাদুমণি সে কথার জবাব দিতে পারলেন না। নীলু দ্বিতীয়বার বললো, 'কেউ কি যাবে না ?'

সাতাশ তারিখ চার ঘণ্টার জন্যে কাফু' তোলা হল। মানুষের চল নামলো রাস্তায়। বেশির ভাগই শহর ছেড়ে পালিয়ে যাচ্ছে। বরুণ অবস্থা। যানবহন সে রকম নেই। সময়ও হাতে নেই। যে অল্প কয়েক ঘণ্টা সময় পাওয়া গেছে তার মধ্যেই শহর ছেড়ে দূরে কোথাও চলে যেতে হবে। পথে পথে মানুষের মিছিল, কিন্তু এই মিছিলের চরিত্র ভিন্ন।

বড় রাস্তার সব ক'টি মোড়ে সন্যাসিনী টহল দিচ্ছে। তাদের চোখে মুখে ক্লান্তি ও উল্লাস। তাদের ধারণা যুদ্ধে তাদের জয় হয়েছে। তারা অলস ভঙ্গিতে নতুন ধরনের মিছিল দেখছে। এই মিছিলে আকাশ ফাটানো ধ্বনি নেই। এই মিছিলের কেউ পাশের মানুষটির সঙ্গেও কথা বলে না। শিশু কেঁদে উঠলে মা বলেন—চুপ চুপ শিশুরা কিছুই বোঝে না, তারা কাঁদে এবং হাসে। নিজের মনে কথা বলে। বয়স্ক মানুষেরা বলে—চুপ চুপ।

যারা পালিয়ে যাচ্ছে, তাদের মধ্যে অসককেই কাঁদতে দেখা যায়। তাদের কি হয়েছে ? প্রিয়জন পাশে নেই ? যার রাতে বাড়ি ফেরার কথা ছিল সে কি ফেরেনি ? প্রশ্ন করেবার সময় নয় এখন। যে চার ঘণ্টা সময় পাওয়া গেছে, এর মধ্যেই শহর ছাড়তে হবে। সময় ফুরিয়ে আসছে। সবাই দ্রুত মোড় চেষ্টা করে। শিশুরা হাসে ও কাঁদে। কোনো কিছুই তাদের বিচলিত করে না।

মিলিটারিরা দাঁড়িয়ে দাঁড়িয়ে নিলিপিত ভঙ্গিতে জনশ্রোত দেখে। তাদের চকচকে বন্দুকের নল রোদের আলোয় বাকমক করে। তারা মাঝে মাঝে কথা বলে নিজেদের মধ্যে, মাঝে মাঝে হেসে ওঠে। নিশ্চয়ই কোনো আশা ও আনন্দের গল্প। মজার কোন স্মৃতি নিয়ে তামাশা। ওদের উচ্চস্বরের হাসির শব্দে শুধু শিশুরাই অবাক হয়ে তাকায়। আর কেউ তাকায় না।

কাফু' শুরু হয় চারটায়। রাস্তাঘাট আবার জনশূন্য হয়ে যায়। শহরের অবস্থা যারা দেখতে বেরিয়েছিলো, তারা ঘরে ফিরে অসম্ভব গভীর হয়ে যায়। দাদুমণি ঘণ্টাখানিকের জন্যে গিয়েছিলেন, তিনি ফিরেই শান্ত স্বরে বললেন—শহর ছাড়তে হবে! কালই আমরা শহর ছাড়ব। তারপর আর কোনো কথা বলেন না। বিকেলে চারটা থেকে গভীর রাত পর্যন্ত তিনি তাঁর ঘরে একা একা বসে থাকেন।

খোকনদের বাড়ি খুব চুপচাপ হয়ে গেছে।

অঞ্জু আর বিলু এখন আর চৌচিয়ে এককা দোককা খেলে না। বড়-চাচা সারাদিন তাঁর নিজের ঘরেই বসে থাকেন। কারো সঙ্গে বিশেষ কথা-টথা বলেন না। খোকনও বেশির ভাগ সময় থাকে তার নিজের ঘরে। সময় লুথ হয়ে গিয়েছে। মা মারা গেছেন মাত্র তিন দিন আগে, অথচ খোকনের কাছে মনে হয় বহু বৎসর কেটে গেছে। আজ সকাল-বেলা হঠাৎ কি মনে করে খোকন তার মায়ের ঘরে গেল। সবকিছু আগের মত আছে। মার লাল রঙের চটি দুটি পর্যন্ত যত্ন করে তুলে রাখা।

ঃ খোকন।

খোকন দেখলো, বাবা এসে দাঁড়িয়েছে দরজার পাশে।

ঃ কি করছ খোকন?

ঃ কিছু করছি না।

ঃ এসো, আমার ঘরে এসো। আমরা পড়া করি।

খোকন তার বাবার সঙ্গে চলে এসে বাবাও যেন কেমন হয়ে গেছেন। হঠাৎ করে তাঁর যেন অন্য এক সময়স বেড়ে গেছে।

ঃ খোকন, মা'র জন্যে খাবেন কি গছ?

ঃ হ্যাঁ।

ঃ লাগাই উচিত।

বাবা অন্যমনস্ক হয়ে পড়লেন। ছোট্ট নিঃশ্বাস ফেলে বললেন, 'ব্যক্তিগত দুঃখই সবচে বড় দুঃখ। আমাদের কথাই ধর। আমরা নিজেদের দুঃখে কাতর হয়ে আছি ঠিক না?'

ঃ হ্যাঁ।

ঃ কিন্তু দেশের কি অবস্থা হচ্ছে বুঝতে পারছ তো? খুব খারাপ অবস্থা। এবং যতই দিন যাবে ততই খারাপ হবে।

খোকন কিছু বললো না। নিচ থেকে এই সময় বড়চাচীর কান্না শোনা গেল। বাবা চুপ করে গেলেন। কবীর ভাই এখনো ফিরে আসেননি। বড়চাচী দিন রাত সর্বক্ষণ তাঁর জন্যে কাঁদেন। দিনের-বেলা কিছু বোঝা যায় না। কিন্তু রাতেরবেলা স্পষ্ট হয়ে ওঠে। বাবা বললেন, 'একমাত্র মহাপুরুষদের কাছেই ব্যক্তিগত দুঃখের চেয়েও

দেশের দুঃখ বড় হয়ে ওঠে। আমরা মহাপুরুষ নই। আমাদের কাছে আমাদের কণ্ঠটাই বড় কণ্ঠ।

বড়চাচীর কান্নার শব্দ ক্রমেই বাড়তে লাগলো। বাবা চুপ করে বসে রইলেন। তারপর প্রসঙ্গ বদলবার জন্যে বললেন—তোমার কি মনে হয় বঙ্গবন্ধু বেঁচে আছেন?

: আমি জানি না।

: সে তো কেউ জানে না। কিন্তু তোমার কি মনে হয়?

: আমার কিছু মনে-টনে হয় না।

: এভাবে কথা বললে তো হবে না খোকন। এখন থেকে আমাদের সবাইকে ভাবতে হবে। খুব খারাপ সময় আমাদের সামনে।

খোকন চুপ করে রইলো। বাবা শান্ত স্বরে বললেন—

: এখন ওদের সঙ্গে আমাদের যুদ্ধ শুরু হবে। সেই যুদ্ধ অনেকদিন পর্যন্ত হয়তো চলবে। এর মধ্যেই তোমরা বড় হবে। কি খোকন, চুপ করে আছ কেন? কিছু বল।

: কি বলব?

: ওদের সঙ্গে যুদ্ধ কিন্তু শুরু হয়ে গেছে।

: কে বলেছে?

: বোঝা যাচ্ছে। আমি বুঝতে পারছি। তোমার কি মনে হয় হচ্ছে না?

: হ্যাঁ।

: খোকন, এই যুদ্ধ কে জিতবে?

উত্তর দেবার আগেই ছোটচাচী এসে বললেন খাবার দেয়া হয়েছে।

রাহেলাকে দেখে মনে হচ্ছে তাঁর জীবনের ওপর ঝড় বয়ে যাচ্ছে। গত দু'রাতে এতটুকুও ঘুমতে পারেননি। তাঁর চোখের নিচে কালি পড়েছে। মুখ ফ্যাকাশে। বাবা বললেন, 'আমরা একটু পরে আসি?'

: না, এখনই চলে আসেন। ঝামেলা সকাল সকাল চুকে যাক।

: আসছি, আমরা আসছি।

খাবার টেবিলে বড়চাচী বললেন—আমাদের এখন কি করা উচিত, গ্রামে যাব? আমিন চাচা গভীর মুখে বললেন—গ্রামে পালিয়ে গিয়ে কি হবে?

: এখানে এ রকম আতঙ্কের মধ্যে থাকা। সবার মনের ওপর খুব চাপ পড়ছে।

ঃ গ্রামে পালিয়ে গেলেও সেই চাপ কমবে না। তা ছাড়া কবীর কোথায় আছে আমরা জানি না। ওকে এখানে ফেলে রেখে যেতে পারি না।

ছোটচাচার কথা শেষ হবার আগেই রাহেলা তীক্ষ্ণ কণ্ঠে বললো, 'আমি কোথাও যাবো না। আমি আমেরিকা চলে যাব। আমি এই দেশে থাকব না।'

আমিন চাচা কি একটা বলতে চাইলেন। বড়চাচা ইশারা করে তাকে থামিয়ে দিলেন। রাহেলা শিশুদের মত কাঁদতে শুরু করলেন।

ঃ সব ঠিক হয়ে যাবে রাহেলা।

ঃ না কিছুই ঠিক হবে না।

ঃ শান্ত হয়ে বস।

ঃ আমি আর সহ্য করতে পারছি না।

হঠাৎ আমিন চাচা বললেন—সবাই চুপ। একটি কথাও না। সবাই তাকানো তাঁর দিকে! তিনি চাপা গলার স্বাক্ষর—

ঃ শব্দ শোনা যাচ্ছে।

ঃ किसের শব্দ ?

ঃ আমার মনে হয় একটা মিলিটারি গাড়ি এসে থেমেছে।

সবাই নিঃশব্দ হয়ে গেলো। দীর্ঘ সময় কেউ কোনো কথা বললো না। গেটের কাছে কুকুরটি ভয় পেতে পেতে ঘেঁটে ঘেঁটে করতে লাগলো। আমিন চাচা ভুল শুনেছিলেন। এটা কোনো মিলিটারি গাড়ি ছিল না।

সাজ্জাদরা নীলগঞ্জে এসে পৌঁছলো আটাশ তারিখ সন্ধ্যায়। খুব ব্যামেলা করে আসা। প্রথমে শোনা গেল মীরপুর ব্রীজ কাউকে পার হতে দেওয়া হচ্ছে না। মিলিটারি চেক পোস্ট বসেছে। যারাই শহর ছাড়তে চাচ্ছে তাদেরকেই জিজ্ঞাসাবাদ করা হচ্ছে। যাদের কথাবার্তা পছন্দ হচ্ছে না, তাদের আলাদা সরিয়ে নিয়ে যাওয়া হচ্ছে। তাদের ভাগ্যে কি ঘটছে কিছু বলা যাচ্ছে না। দাদুমণিরা মীরপুর ব্রীজের কাছে এসে পৌঁছলেন দুপুরে। তের চৌদ্দজন মিলিটারির একটা দলকে সেখানে সত্যি সত্যি দেখা গেল। এবং দেখা গেল দু'টি ছেলেকে ওরা কি সব যেন জিজ্ঞেস করছে। ছেলে দুটি ফ্যাকাশে হয়ে গেছে। নীলু বললো, 'ওদেরকে কি জিজ্ঞেস করছে?' দাদুমণি উত্তর দিলেন না। নীলু বললো, 'ওরা এ রকম করছে কেন?'

: তুমি ওদিকে তাকিও না। ওদের যা ইচ্ছে করুক।  
সাজ্জাদের বোন বললো, 'ওরা আমাদেরকে ধরবে?'

: না, আমাদের ধরবে না।

ওরা সত্যি সত্যি কিছু বললো না। তবে বাস থেকে প্রতিটি লোককে নামালো। এবং কোনো কারণ ছাড়াই বুড়োমত একটা লোকের পেটে হাঁটু দিয়ে প্রচণ্ড ঝুঁতো দিল। লোকটি উল্টে পড়ে কোঁ কোঁ শব্দ করতে লাগলো। যেন কিছুই হয়নি এমন ভঙ্গিতে মিনিটারির সেই জোয়ান হাত নেড়ে সবাইকে বাসে উঠতে বললো। সবাই বাসে উঠলো। বুড়ো লোকটি উঠতে পারল না। তার সম্ভবত খুব লেগেছে। সে মাটিতেই গড়াগড়ি খেতে লাগলো। নীলু ফিস ফিস করে বললো, 'ওকে মারলো কেন দাদুমণি। ও কি করেছে?'

: জানি না। কিছু করেছে বলে তো মনে হয় না।

: তাহলে শুধু শুধু মারলো কেন?

: মানুষের মনে ভয় ঢুকিয়ে দিতে চায়। এই জন্যই এইসব করেছে। কিংবা হয়ত অন্য কিছু। আমি জানি না।

আরিচাঘাটে পৌঁছে খুব মুশকিল হলো। ফেরী নেই। নৌকায় করে কিছু লোকজন পারাপার করছে। কিন্তু নৌকার সংখ্যা খুবই কম। নৌকা জোগাড় হলো না। সন্ধ্যার ওপর কড়া রোদ। সকাল থেকে কিছু খাওয়া হয়নি। নীলু বললো—তার শরীর খারাপ লাগছে।

দাদুমণি চিন্তিত মুখে বললেন, 'চাকায় ফিরে যাওয়াই বোধ হয় ভাল। সাজ্জাদ কি বলল?'

: না, চাকায় ফিরে না।

: নীলু তুমি কি বল?

নীলু থেমে থেমে বললো—আমার শরীর খুব খারাপ লাগছে।

সন্ধ্যার দিকে একটা ট্রাক এলো, সেটি আবার ঢাকা ফিরে যাবে। ট্রাকের ড্রাইভার বললো—আপনারা যাবেন ঢাকায়?

না গিয়েই বা উপায় কি? রাত কাটানোর একটা জায়গার দরকার। ট্রাকে উঠেই নীলুর প্রচণ্ড জ্বর এসে গেল। সে দু'বার বমি করে নেতিয়ে পড়লো।

আকাশের অবস্থা ভাল না। ঝড় বৃষ্টি হবে হয়তো। দূরে বিদ্যুৎ চমকান্ধ। সাজ্জাদের বোন নীলুকে জড়িয়ে ধরে বসে আছে। আরো চারজন মহিলা আছেন ওদের সাথে। ওরা সবাই বসেছে পাশাপাশি। তাঁদের সঙ্গে তিন-চার বছরের দুটি ফুটফুটে বাচ্চা। এরা ঘুমিয়ে

পড়েছে। ট্রাকে বসে হাফা লোকগুলো কোন কথা বলছে না। সবাই চিন্তিত। সবাই তাকিয়ে আছে অন্ধকারের দিকে। একজন কে যেন বললো, 'রুশি নামলে মুশকিল হবে।' কেউ তার জবাব দিল না।

কিছুদূর যাবার পর ট্রাককে আবার ফিরে আসতে হল আরিচা ঘাটে। ঢাকায় যাওয়া যাবে না। খুব গণ্ডগোল হচ্ছে। মিলিটারিরা নাকি মার্চ করে আসছে।

তারা সারারাত রুশিট মাথায় করে ট্রাকে অসেঙ্কা করল। নদী পার হবার নৌকা পাওয়া গেল না। কি কণ্ট কি কণ্ট!

সাজ্জাদরা নীলগঞ্জে পৌঁছলে আটাশ তারিখ রাত। এগারো মাইল হেঁটে প্রচণ্ড জ্বর এসে গেলো নীলুর। সে কয়েকবার বমি করলো। কোথায় ডাক্তার কোথায় কি। নীলগঞ্জের লোকজন পালাচ্ছে, কারণ দেওয়ান বাজারে মিলিটারি এসে গেছে। তারা নিবিচারে বাড়িঘর জ্বালিয়ে দিচ্ছে। দেওয়ান বাজার নীলগঞ্জ থেকে মাত্র পাঁচ মাইল।

মিলিটারিরা এদিকেই হস্তান্তর আসবে। নীলগঞ্জের লোকজন নৌকায় করে সুখানপুকুরের দিকে পালাচ্ছে। নীলু বললো, 'দাদুমণি আমি কোথাও যাব না।' দাদুমণি বললেন, 'সুখানপুকুরে ডাক্তার পাওয়া যাবে।' নীলু খামে খেমে বললো, 'আমার ডাক্তার লাগবে না।' দাদুমণি কি করবেন ভেবে পেলেন না।

: সাজ্জাদ কি করা যায়? যাবে সুখানপুকুরে?

: চলেন যাই।

নৌকা জোগাড় করতে অনেক সময় লাগলো। কেউ যেতে চায় না। গতরাতে নাকি নদীতে গানবোটা এসেছিলো। আজও হয়তো আসবে। মাঝিরা বললো—

: হাঁটা পথে যান। হৃগ্গলেই হাঁটা পথে যাইতাছে।

: অসুস্থ একটা মেয়ে সাথে আছে। হাঁটা পথে যাওয়া যাবে না। বড় নদীতে না গিয়ে যেতে পারবে না? বিশাখালি দিয়ে যাও।

কেউ রাজি হয় না। একজনকে শুধু পাওয়া গেল। তার নৌকাটা ছোট। দুপুর রাতে তারা সবাই খোলা নৌকায় করে রওনা হলো। অনেক লোকজন। একটি মাত্র নৌকা।

সে রাতে আকাশ ছিল মেঘাচ্ছন্ন। ঘন ঘন বিদ্যুৎ চমকলিছিলো।  
সুখানপুকুরের কাছাকাছি আসতেই ঝুপ ঝুপ করে রশ্মি পড়তে লাগলো।

তিনক এই সময় রোগামত একটি ছেলে চৌচিয়ে বললো—‘চুপ চুপ।  
শুনে সবাই শুনে। ছেলেটির হাতে একটি ট্রানজিসটার। সে  
বেতারের ট্রানজিসটার উঁচু করে ধরলো। চৌচিয়ে বললো—স্বাধীন  
বাংলা অনুষ্ঠান। স্বাধীন বাংলা বেতার।

ঘোষকের কথা পরিকার নয়। ট্রানজিসটারে ঘড় ঘড় শব্দ হচ্ছে।  
তবু সবাই শুনলো—

“ওরা জানে না আমরা কি চীজ। জানে না ইবিআর কি জিনিস।  
আমরা ওদের টুটি টিপে ধরেছি। তুমুল যুদ্ধ চলছে। জয় আমাদের  
সুনিশ্চিত।”

ঘোষকের কথা শেষ হওয়া মাত্র রোণা ছেলেটি বিকট স্বরে চৌচিয়ে  
উঠলো—“যুদ্ধ শুরু হয়েছে। যুদ্ধ শুরু হয়েছে। আমরা আমাদের ভয়  
নাই। বলেন ভাই সবাই মিলে, জয় বাংলা।” ঘোষকের প্রতিটি মানুষ  
আকাশ ফাটানো ধ্বনি দিল। ছেলেটি বললো—

: আবার বলেন।

: জয় বাংলা।

: বলেন, ‘জয় বঙ্গবন্ধু।’

: জয় বঙ্গবন্ধু।

নীলু আচ্ছনের মত গড়ে ছিল। সে বিড় বিড় করে বললো, ‘কি  
হয়েছে?’

সাজ্জাদ হাসতে হাসতে বললো, ‘নীলু, যুদ্ধ শুরু হয়েছে। আর  
আমাদের ভয় নেই। স্বাধীন বাংলা বেতার থেকে বললো।’

: কে যুদ্ধ করছে?

: বাঙালি মিলিটারিরা।

: শুধু ওরা?

: না আমরাও করব। আমিও যাবো।

: তোমাকে কি ওরা নেবে?

সাজ্জাদ দৃঢ় স্বরে বললো, ‘নিতাই হবে।’

যুদ্ধ শুরু হলো। রুখে দাঁড়ালো বাঙালি সৈন্য, বাঙালি পুলিশ,  
আনসার ও মুজাহিদ বাহিনী। তাদের সঙ্গে যোগ দিল এ দেশের

মানুষ। রুদ্ধরা যেমন এগিয়ে এল, তেমনি এগিয়ে এল, নিতান্তই অল্পবয়েসী কিশোরেরা। তাদের সবচে বড় অস্ত্র, মাতৃভূমির জন্যে ভালবাসা। দেখতে দেখতে সেই সহায় সম্বলহীন বাহিনী একটি মহা-শক্তিমান দুর্ধর্য সৈন্যদলে পরিণত হলো। এদের যুদ্ধ মুক্তির জন্যে, তাই এদের আমরা ভালবেসে ডাকলাম মুক্তিবাহিনী। এদের স্বপ্ন একটিই—অন্ধকার রজনীর শেষে এরা আনবে একটি সূর্যের দিন।

একটি সূর্যের দিনের জন্যে এ দেশের ত্রিশ লক্ষ মানুষকে প্রাণ দান করতে হলো।

পরিষ্কার

খোকন মে মাসের শেষদিকে মুক্তিবাহিনীতে যোগ দেবার জন্যে বাড়ি ছেড়ে পালিয়ে যায়। তার আর কোন খোঁজ পাওয়া যায়নি।

মুক্তিযুদ্ধে অসীম সাহসিকতার সঙ্গে মৃত্যুবরণ করবার জন্যে একটি চৌদ্দ বছরের বাচ্চাকে 'বীর প্রতীক' উপাধি দেওয়া হয়। মেথিকান্দা অপারেশনে এই বাচ্চক শত্রুর গুলিতে নিহত হয়। তার নাম সাজ্জাদ। একবার এই ছেলোটি 'ভয়াল ছয়' নামের একটি ছেলেমানুষী দল গঠন করেছিলো। এবং ঠিক করেছিলো 'ভয়াল ছয়ের' সদস্যরা পারে হেঁটে আফ্রিকার গহিন অরণ্য দেখতে যাবে।

ছেলেমানুষদের কত রকম স্বপ্ন থাকে।

-----